



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

3209

28
L-75

1854

2010

8 200 111

Հ Ր Ա Հ Ա Ն Գ Ք

ԿՐԹՈՒԹԵԱՆ

ՅԱԻԻՏԵՆԱԿԱՆ ԿԵՆԱՑ

Հ Ր Ա Հ Ա Ն Գ Ք

49

ԿՐԹՈՒԹԵԱՆ

ՅԱԻԻՏԵՆԱԿԱՆ ԿԵՆԱՑ

ԿԱՐԳԵԱԼ

Ի Ս. ԻԳՆԱՏԻՈՍԷ ԼՈՅՈՒԱՅ



Թարգմանեալ

Ի Հ. ՊԵՏՐՈՍԷ Վ. ՄԻՆԱՍԵԱՆ

ՅԱՀԱԿԵՐՏԱՅ ՄԻԻԹԱՐԱՅ

ՄԵԾԻ ԱԲԵԱՅԻ

1990

1992659



Ի ՎԵՆԵՏԻԿ

Ի տպարանի սրբոյն Ղազարոս

1854

36659. 1/2



Յ Ի Շ Ա Տ Ա Կ

Մ Ա Ղ Ա Ք Ե Ա Ն

Տ Ո Հ Մ Ի Ն

1888

Յ Ա Ռ Ա Զ Ա Բ Ա Ն

Ի մեկուսանալ քերովբէից 'ի դրանէ
դրախտին , որք բոցեղէն սրով արգելուին
երբեմն զմուտս մարդկան 'ի ներքս , զի
կամք դանդաղեալք տատամենալք արտա-
քոյ : Այլ զի սովորեալք աստէն 'ի թը-
շուառութեան կեանս , և տկարացեալք
անկեալք 'ի զօրութենէ Հոգւոյն սրբոյ ,
կարօտիմք ձեռին առաջնորդի : Յայս ա-
ռաջնորդութիւն կարգեալ կան ամենայն
վարդապետք Եկեղեցւոյ և ամենայն մա-
տեանք Հոգևորական կենաց : Այլ զի մար-
դիկ դատապարտեալք ուտել զհացն քր-
տամբք երեսաց , և դբաղեալք 'ի վաստակս
բազմածուխս , մինչդեռ յորդորին դառնալ
'ի դրախտն , և հոգք աշխարհիս և պատ-
րանք մեծութեան 'ի վերայ հասեալք՝ հա-
նեն 'ի սրտից զգրդիւ յորդորանաց , զբանն
Աստուծոյ . և այսպէս բազմազոյնք 'ի մարդ-
կանէ մոռանան իսկ եթէ զուցեն այլ կեանք

բերկրական, կամ՝ դրախտ փափկութեան
յոր արժան իցէ մեզ դիմեալ ելանել :

Վասն որոյ՝ թէպէտ և անթիւ են մա-
տեանք՝ հոգևորական կենաց ընթացից
վարդապետք, յորոց ընթերցմանէ շահես-
ցի ոչ սակաւ անձն աստուածասէր՝ ըստ
եռանդանն որով ընթեռնուցու, այլ ցան-
կալի էր յոյժ ամիտփել զնոսին յայնպի-
սի իմն կարդ, յոր յառեալ ումեք զուշ
մտացն՝ կարասցէ, առանց ընդ բանս ա-
ծելոյ, անստերիւր ուղիղ ածել զկեանս
իւր ՚ի վախճանն. լաւ ևս ասել, յոր ակն-
արկեալ՝ բռնադատեսցի կալ ՚ի կատարեալ
ուղղութեան, առանց յածելոյ արտաքոյ
՚ի խնդիր այլոց կարևորաց առ ՚ի նոյն :
Հաւաքումն իմն այսպիսի պակասէր ար-
դարև յազգին մերում, ևս առաւել առ ե-
կեղեցականս և առ կրօնաւորս ազգիս :
Ահա քեզ, անձն աստուածասէր, նուի-
րեմ՝ զգրքոյկս զայս զգանձարան հոգւոյ
քո, պահանջելով փոխարէն զնուիրումն
կենացդ բոլորովին Աստուծոյ, կալով ՚ի
կոչմանդ յոր կոչեցեալ ես, եթէ ծառայ
իցես և եթէ տէր, եթէ ազատ և եթէ
ստրուկ : Եթէ ուշի ուշով յառեսցիս մտօրդ

'ի սոյն խորախորհուրդ, աներկմիտ վստա-
 հութեամբ հաւատում քեզ, զի լինիցիս
 ազատ Տեառն, և այժմէն իսկ մինչդեռ
 աստէն յերկրիս վշտաց դեզերիս, մտցես
 'ի դրախտն, և վայելեսցես յերանութեան,
 յայնմ՝ որում փափաքեսն և մնաս վայել-
 լիւոյ յերկինս: Զի Հրահանգս այս ուսու-
 ցէ քեզ զզխարդն և զորպէսն վարելոյ ըզ-
 կեանս քո, ցուցեալ քեզ եթէ ո՞ր իցես դու,
 և առ ինչ եկեալ և պանդխտութեամբ
 բնակացեալ յերկրի աստ վտարանդու-
 թեան:

Յօրինուած գրոցս է վասն ութօրեայ
 կրթութեան, զոր իւրաքանչիւր հաւատա-
 ցեալ պարտի առնել ամ ըստ ամէ: Զսոյն
 սովորութիւն կալան յՆւրոպ բազումք 'ի
 հաւատացելոց, յորմէ 'ի մեծամեծ օգտու-
 թիւնս վայելեցին, և ցայժմ յոյժ յաճա-
 խեալ է առ աստուածասպաշտս պէտք սո-
 բուն. թող զայն՝ զոր առնեն յեկեղեցիս
 'ի վեցերորդ եօթնեակ մեծի պահոց, և
 կամ յայլ պատշաճ իմն ժամանակ ընդ
 մէջ տարւոյն առ հասարակ ամենեցուն
 միանգամայն հաւատացելոց բազմութեան.
 այլ և առանձին կարողքն պարասլիլ 'ի

Հողոց աշխարհի ընդ աւուրս ինչ, առանձնանան ընդ եօթնեակ մի ողջոյն 'ի վանս ուրեք, և կամ 'ի պատշաճ իմն վայր, ընդ առաջնորդութեամբ եկեղեցականի ուրուք, և առնեն զսոյն կրթութիւն: Յոյժ ցանկալի է տեսանել և զազգն մեր լեալ նախանձաւոր այսպիսի առաքինական գործոյ: Բայց եթէ իցէ զժուարին մատուցանել 'ի գործ յարեւելս զսովորութիւն այսպիսի, այլ և նոյնպէս լինիցի օգտակար ընթերցումն օր ըստ օրեայ մտախոհութեամբ, զմիոյ աւուր բաժին կրթութեանն յեօթն մասունս տրոհեալ 'ի վերայ եօթանց աւուրց եօթնեկին, և զօր ամենայն զմի մասն ընթերցեալ ընդ առաւօտն կամ ընդ երեկս. և յաւուրն կիւրակէի զերիս համառօտութիւնս երկոց խոկմանց այնք եօթնեկին ակնարկեալ խորախորհուրդ, յորս ամփոփեալ են իմաստք միոյ աւուր կրթութեանն:

Որ որ սիրէ զանձն և ցանկայ հանգստեան և երանութեան կենաց, և եթէ չունիցի ժամանակ պարապոյ առ 'ի գործ մատուցանել զոր ասացիս, զոնեայ միանգամ ևեթ ընթերցցի առ 'ի փորձ զզիրս

զայս այնու կարգաւ զոր առաջի արարի ,
մտաղիւր խնամով . յետ այնորիկ արասցէ
որալիսի ինչ ինքեան պատշաճ և 'ի դէպ
դատեսցի 'ի փրկութիւն հոգւոյ իւրոյ :
Բայց առանց ընթեռնւոյ ուրուք ըստ կար-
գի , և առանց փորձի 'ի վերայ հասանե-
լոյ ճշմարտութեան , երբէք չկարասցէ առ-
նել ուղիղ դատաստան . այլ և 'ի մեծ վնաս
անձին և այլոց լինիցին բանքն , որ զինչ
և կարծել և ասել զզրոցս ինքեան հաճոյ
թուեսցի :

Կարգաւորութիւն իմաստից կրթութեանս
է սրբոյն Իզնատիոսի Լոյոլայ , և իմաստք
ողջոյն կրթութեանն են նորին սրբոյն Իզ-
նատեայ , յաւելեալ 'ի վերայ բազում ինչ
և 'ի կանոնազրոց նորա զորս 'ի թարգմա-
նութեանն 'ի հայ բան , դատեցաք 'ի դէպ ,
'ի կարևոր տեղիս ուրեք համառօտել կամ
երկայնել և կամ ըստ դադափարաց մտաց
ընթերցողացն մերազնեայց զիմաստսն
պատշաճեցուցանել , զի լինիցին զիւրի-
մացք , և պտղաբերք բազմարդիւնք 'ի միտս
և 'ի սիրտս նոցա :

Հ Ր Ա Ի Է Ր

Ի ՍՈՒՐԲ ԱՌԱՆՁՆՈՒԹԻՒՆ



Հրահանգ կրթութեան յաւիտենական կե-
նացի է 'ի սպառ հեռացումն աւուրբք ինչ 'ի կե-
նակցութենէ մարդկան, և անդբաղութիւն յա-
մենայն հոգոց աշխարհի և 'ի դործոց. յորում
պարապեալ անձին միայնակ յամենամեծ դործ
փրկութեան, պատրաստի և ջանայ ամենայնիւ
սրբել զանցեալ կեանս իւր, և բուռն հարկանել
զնորոգ կենաց: Արդ առ դիւրաւ յաջողեցոյ քեզ
'ի սոյն՝ առաջի արարից պատճառս խրախուսիչս
և յուշարարս յորոց խրատեալ և քաջալերեալ
կարասցես յայստիկ ութ աւուրս արկանել 'ի
դործ զամենայն կարևոր հնարս առ ժողովեցոյ 'ի
ամանէ զանմահական պտուղս կենաց:

ՅՕԴՈՒՍԾ Ս.

Պատձառք խրախուշիչք 'ի մտաղիր փոյր
հրահանգաց կրքուքեան.

Առաւելութիւն հրահանգաց կրթութեան ըստ մեծարու ըննչաց են երեք այսոքիկ . ա . Գերազանցութիւն նորա՝ որով յարգոյ ընծայի : Բ . Օգտութիւն նորա՝ որ զարթուցանէ զանն : Գ . Պէտք նորա՝ որ 'ի հաւան զկամսն ամէ գիւմէլ առ նա , որ և օգտակարն է և գերազանց ըստ ցուցանելոյ ուղիղ բանին :

Ե . Գերազանց իմն է հրահանգ կրթութեան սրբոյն Իգնատիոսի զի յԱստուծոյ ցուցեալ և 'ի Տիրամօրէն ազգեցեալ է : Դարձեալ զի ոչ միայն հաւանեալ հաստատեաց զսոյն առաքելական սուրբ գահն , այլ զի և մեծապէս ներբողեալ յանձն արար հաւատացելոց արկանել 'ի գործ :

Զայսմանէ վկայեն յոլով արք ահանաւորք , և մատչին 'ի յորդոր՝ առնել զսոյն եռանդեամբ և մտախոհութեամբ . զի 'ի սմա են բովանդակեալ գանձք անմահականք լիով . և որ խոկայցէ 'ի սոսին անդբաղ , և ժողովեցէ յանձն զճշմարտութիւնս որ 'ի սմին , ոչ ինչ այլ պակասեցի նմա 'ի ցանկալեաց յաւիտենական կենաց . զի գտցէ զանձն միացեալ ընդ Աստուծոյ մինչգեռաստէն գեգերի յաշխարհի :

Ը . Հաւատստեն զօգտակարութիւն այսր առանձնութեան խնամատարքն հոգւոց , փորձն , և

բանն ինքնին : Անթիւ էն խնամատարքն 'ի սրբու-
 թեան և յիմաստութեան գերահրաշք՝ վկայք
 օգտակարութեան սորա . յորոց Կարողոս Պորրո-
 մէոս ասէ . Է իմ մատենագարան մեծ , բայց կա-
 րևորքն՝ որ 'ի նմա գրե'նոյն իմաստութիւնք՝ ամ
 փոփեալ էն 'ի փոքրիկ յայս գիրս . յորմէ ուսա-
 նիմ՝ այնչափ ինչ՝ զորս ոչ կարէի եթէ և յամե-
 նայն իսկ աշխարհի գրեանս յածեալ էի : 'Նոյն-
 պէս և այլքն ամենեքին 'ի գովել առեալ զսոյն ,
 ցուցանեն զօգտակարն լինել սորա : Կոչի սա Շտե-
 մարան աստուածային գիտութեանց . Լրումն տե-
 սական վարդապետութեան . Անվիանդ օգնական
 առ հասանել 'ի սահաւուն 'ի գերաստիճան կա-
 տարելութիւնս . Աներկբայ դարման փարատիչ
 ամենայն ախտից , Զինարան քակտիչ դժոխոց .
 Մեծագոյնն 'ի բարեաց Աստուծոյ շնորհելոց Ե-
 կեղեցւոյ իւրոյ 'ի յեալին յայսոսիկ ժամանակս :

Հաւաստիք ճշմարտութեան վկայութեանցս
 նոքին իսկ փորձքն էն . զի բազումք պարապեալք
 'ի կրթութիւն այսոցիկ հրահանգաց՝ հրաժեշտ
 ետուն յաշխարհէ . և այլք հրաժարեալքն՝ յե-
 ուանդն և 'ի սէր Աստուծոյ բորբոքեցան , ոչ մի
 մի առանձին , այլ խմբովին մենակեացք և կրօնա-
 ւորք . և յուովք աշխարհասէրք անողոք 'ի խրա-
 աուց և 'ի յորդորանաց , գարձան առ Աստուած
 լի սրաիւ :

Կրօնաւորքն Յիսուսե անք խոստովանին լեալ
 գրոյս հիմն կրօնի իւրեանց , 'ի հաստատութիւն ,
 'ի պահպանութիւն և յաճումն . և սովաւ կա-
 ցեալ ցայսօր անտեղիաալի յամենայն մրրկաց :
 Մեծամեծք 'ի սրբոց սովաւ դաւանեն զանձինս

աճեցեալս 'ի սէրն Աստուծոյ . և անթիւ վկայք 'ի Հնդկաստան 'ի ձեռն սորա զօրացան անսարսեւի, և արժանի եղեն պահպաց :

Եւ քանն ինքնին ցուցանէ . զի անձինքն մեկուսացեալք յամենայն զբաղանաց աշխարհի մարմնովն և մտք զաւուրս ութ անընդհատ , դատարկանան սրտիք 'ի հոգոց , և սկսանի խօսել Աստուած 'ի սիրտս դատարկացեալս : Դարձեալ զի 'ի խոկալ միօրինակ ընդ այնչափ աւուրս զԱստուծոյ , զյաւիտենական ճշմարտութենէ , միաքըն լինին ընդունարան ճշմարտութեան 'ի խաղաղ միայնութեան . որով չէ ինչ գործ հրաշական 'նորոգութիւնն վարուց յընկզմել մտաց 'ի ճշմարտութեանն ծով :

Եթէ այսքան իցեն օգտութիւնք կրթութեանս , որպիսի՞ անհարին վասթարութիւն , չթօթափել յանձնէ զմեզկութիւն առ արկանելոյ 'ի գործ զայն ինչ , որով յուրվք ժամանեցին 'ի սրբութիւն : Ար եղևն օտարաց բուժիչ , մեզ ընտանեացս լինիցի թոյն մահացու : Քանի՞ դառն լինիցի մեզ 'ի ժամ մահուան այս խորհուրդ : Աջուսն իմ կարգեալ էր առ ժամանելոյ ինձ 'ի սրբութիւն , և կարէի լինել սուրբ աղգմամբ կրթութեանն , և ես կայի մնացի յանարգ մեզկութեան : Մերձ եկեալ առ աստուածային լոյսն , առ աղբիւրն շնորհաց , առ հուրն երկնային , կացի ես միշտ խաւարային , ցամաքեալ և ցուրտ : Ա՛հ . որպիսի՞ լինիցի այս խայթ 'ի սրտիդ 'ի մահի՞ծս մահուդ :

Զանհրաժեշտ պէտս այսր սրբոյ առանձնութեան յայտ առնեն Թ. Մահման հոգւոյն , յորոյ

ուղղութիւն՝ դեղ իմն է սա առ ձեռն և ազգոյ
 քան զայլն ամենայն: Քանզի հարկ առնէ մեզ
 գնել զառարար առ արմին յայսօրիկ ՚ի սուրբ ա-
 լուրս, և հատանել և արմատախիլ առնել զա-
 մենայն ընծիւզս չարեաց հոգւոյ մերոյ, զապրա-
 տամբ կիրս, որք չիցեն տակաւին նուաճեալք,
 զբազմութիւ ասաս դեռ անուղղայս, զսովորու-
 թիւնս չարս՝ յորոց դեռ ևս չիցես մերկացեալ:
 Եւ դարձեալ պատրաստել զանձինս առ պաշտա-
 մունս դժուարինս յորս կոչիցիմք, առ անձկու-
 թիւնս վշտաց՝ յոր մտանիցիմք, առ բազում փոր-
 ձութիւնս որք յարձակիցին ՚ի վերայ մեր: Առ
 այսոքիւք արկանել զհիմն անշարժ ամենայն ազ-
 գի ազգի առաքինութեանց, զորս պահանջեն ՚ի
 մէնջ սրբութիւն կոչման մերոյ, զեղումն շնոր-
 հացն և կամքն Աստուծոյ: Բ. Սերն Ուխտի կրօ-
 նիս մերոյ, իբր առ մայր մեր, պահանջէ ՚ի մէնջ
 արկանել ՚ի գործ զամենայն ճգունս առ բարեոք
 առնել զկրթութիւնն, որ, ըստ ասելոյ կանո-
 նագրոց, սովին ծնաւ և աճեաց, և սովին միայ-
 նակ միջնորդաւ պահպանեացի: Արդ որ անհո-
 գանայ, կամ մեղկութեամբ կատարէ զգործս
 զայս կարևոր և ազգու ձեռնտու ՚ի պահպանու-
 թիւն, է ատեցող և անշնորհակալու մօր իւրոյ
 կրօնի: Գ. Գուցէ այս կրթութիւն իցէ վերջին
 վասն քո. թերևս յայսմ ծագեսցի քեզ շնորհն
 վերջին. գուցէ յայսմ ժամանելոց իցես ՚ի կա-
 տարելութիւն. գուցէ սահմանեաց Աստուած և
 զիրկութիւն այլոց և զգարձ ՚ի ձեռն քո, եթէ
 զքեզ յարգարեացես գործի պատկանաւոր առ
 ՚ի սոյն: Յանգագնութիւն իցէ այս մեծ, թողուլ

զայսպիսի կարևոր երկմտութիւն յանսուգութեան : Եւ այն հաւատարի է զի երբէք ոչ ցաւեացիս ընդ մտադիր փոյթ քո ՚ի սոյն : Ապա կալ զքեզ յանքոյթն . ապա թէ ոչ՝ երկիր և սարսեաց . քանզի Որում՝ շատ տուաւ , շատ խնդրեացի ՚ի նմանէ ¹ :

Յայսոսիկ ամենայն է տեսանել յայտնապէս զանհրաժեշտ պէտք կրթութեան , և առ ըստ կարգի հանելոյ զայն ՚ի դուլս , կարգեցից աստանոր զերիս զայսոսիկ ազգմունս , օ . Ներքին սրատրաստութիւն հոգւոյ : Բ . Արտաքին յարգարուժն իրաց կարևորաց ՚ի կրթութիւն : Գ . Չոր պարտիցէ սահմանել կարգս անձին յընթացս կրթութեանս :

ՅՕԴՈՒՍԾ Բ

Ազդումն ներքին պատրաստութեան հոգւոյ .

Ա . Վախճան կրթութեանս ոչ է , որպէս կարծեցին բազումք , պարապել զաւուրս ինչ յողթըս , ՚ի խոկմունս և յապաշխարութեան . ՚ի մխթարութիւն հոգւոյ , և յունկնդրութիւնս խրատուց : Պէտք կրթութեանց ոչ են վասն այսորիկ , այլ առ ՚ի զարգանալ ՚ի կարևորս մեզ կատարելութիւնս՝ յորոց իցեմք զուրկ . որք են՝ օ . Ուղ-

¹ Չայսոսիկ ծանօթութիւնս պարտ է ընթեանուլ , և մտախոհ լինել ՚ի սոսին աւուրքս յառաջ չև արարեալ սկիզբն կրթութեանն , յառաջ քան զճաշն կամ յետ ճաշոյն :

զուժիւն վարուց: Բ. Չարդացումն յառաքինու-
 թիւնս: Գ. Լիով ծանօթութիւն և կատարումն
 կամացն Աստուծոյ, և կոչմանս մերոյ: Վասն ու-
 ըրոյ սարա է սնել մեզ զգիտումն փոխելոյ յայլ
 այր 'ի վախճան կրթութեանն, և ելանել յող-
 ջակէզ կամացն Աստուծոյ: Եւ պարտ է հաս-
 տասիլ յայս խորհուրդ ոչ միայն 'ի մուտս անդ
 կրթութեանն, այլ և յաւուրսն յայնասիկ կրթու-
 թեանն որոճալ ստէպ զոյն. և բերիլ մեծաջան
 յամենայնի յայս վախճան:

Բ. Վասն այսորիկ աւուրբ յառաջ քան զմուտս
 'ի կրթութիւն սարտ է պատրաստել զանձն՝
 Թ. Ազաչելով զԱստուած և ասելով ստէպ. Ուստ
 ինձ առնել զկամս քո, Աստուած իմ. և փափա-
 քելով ճանաչել զկամս Աստուծոյ 'ի վերայ մեր:
 Բ. Ընարել և ճանաչել զախտարմատ կիրս անձին
 յորմէ այլքն շառաւիղեն, որ և խոչընդոտն է
 յընթացսն կատարելութեան, և գուն գործել
 արմատախիլ առնել զայն յանձնէ: Գ. Ընորեալ
 առնուլ յառաքինութեանց զկարևորագոյնն ան-
 ձին, առ 'ի թեակօխել 'ի նոյն: Եւ պարտ է ուղ-
 զել յերկուս յայտասիկ զամենայն ճիղն և զվաս-
 տակս աւուրցն կրթութեան, զխօսմունսն, զըն-
 թերցմունս, զաղօթսն, և զտեսութիւնս: Իմա
 զոր ասեմս. մի արկցես 'ի յուշոյ զսոսին զի կա-
 րևորք են յոյժ քեզ:

Գ. Պարտ է սկիզբն առնել կրթութեան՝ Թ. Ան-
 երկբայ հաւանութեամբ մտաց եթէ ունիմք սե-
 տս կրթութեանս այսորիկ. և թէ անտի բղխե-
 ցեն մեզ ամենայն բարութիւնք. և թէ բուռն
 հարկանեմք զգործոյ սր կարևորն է յոյժ: Որչափ

առաւել իցեմք հաւանեալք ընդ կարևոր պէտս
այսորիկ, այնչափ ևս եռանդագին սրաիւք մտա-
չիմք 'ի նոյն: Բ. Խոնորհուածեամբ, լեալ անվա-
տահ յանձն. զի Աստուած տայ շնորհս խո-
նորհաց: Գ. Կուիրելով զանձն ամենայնիւ 'ի կամս
Աստուծոյ, յօժարակամ ուսանել և առնել զա-
մենայն զոր հաճեացի առաջի առնել մեզ. ազա-
չելով միայն զի բացցէ զաչս մտաց մերոց առ իմա-
նալ զկամս իւր, և տացէ մեզ կամս 'ի գործել
զբարին զոր իմանամք: Եւ ոչ է պարտ սահմա-
նել անձին առնել զայս կամ զայն. այլ կալ ան-
զանազան 'ի լրումն ազգեցութեանն զոր գործեա-
ցէ Աստուած 'ի սիրտս մեր: Դ. Լեալ ապաստան
յԱստուած, զի որ յօժարեցոյց զմեզ 'ի սոյն,
զօրացուցէ ևս 'ի կատարումն ամենայնին զոր
ուսանիցիմք 'ի կրթութեան: Որ ոք հասատու-
թեամբ ուխտ ընդ անձին գիցէ առնելոյ զայսու-
սիկ, աներկբայ վայելէսցէ յարգիւնս կրթու-
թեանն նպաստաւորեալ յԱստուծոյ և զօրացեալ
յառաքինութիւնս:

Դ. Պարտ է սկիզբն առնել կալոյ 'ի մեծի զգու-
շութեան չանկանելոյ նա և 'ի թեթե ինչ յան-
ցանս, և ոչ յածիլ յարտաքին խորհուրդս յօրէ
անտի որ յառաջէ քան զկրթութիւնն. զի այնու-
քիկ են խոչք շնորհացն Աստուծոյ: Կոյնպէս և
զմիտան ունել յանձն ժողովեալ: Կարձեալ վրի-
պակ մեծ է զբազիլ յայն օր 'ի զբօսանս, իբր զի
սիրտեացի անձն սակաւութ' որ ունի պարսպել ընդ
այնչափ աւուրս 'ի խոկումն յարտակ: Չէ ուզիլ
խորհուրդդ, և է 'ի վնաս կրթութեանն, զի
ցրուեալ խորհրդոց մտացն և շիջեալ եռանդան
սրտին, անարգիւն լինիցին վաստակքն:

ՅՕԴՈՒԱԾ Գ

Պատրաստուռքիւն արտաքին իրաց կարևորաց
'ի կրքուռքիւն .

Ա. Աւուրբ ինչ յառաջ քան զսկսանել կրթութեանն պարտ է այնպէս 'ի կարգի ունել զամենայն գործս, զի ոչ ինչ հարկ ստիպեացէ յաւուրսն կրթութեան այնպիսեաց միտ գնելոյ. նաև 'ի սենեկի պարտ է կարգաւորել զամենայն ինչ, բառնալ 'ի բաց և զգրեանս, թողլով առաջի միայն զպատշաճականս կրթութեան :

Բ. Պարտ է ունել առաջի տետրակս կրկին, յորոց 'ի մին նշանակեցին ազգմունք կարևորք, և յերկրորդին ուխտք մտաց հանդերձ յորգորական պատճառքն. այլ համառօտ ըստ կարի զի մի 'ի գրել անդ ճառօրէն ճախեսցի ժամանակն կարևոր :

Գ. Պարտ է խնդրել շնորհս յԱստուծոյ անդադար և եռանդագին՝ ասելով զպսակ Կուսին և զայլ ազութս, և սակալ յայց ելեալ սրբոյ հազորութեան. և 'ի սրբոց զմանս ընտրեալ 'ի պաշտպան անձին՝ առանձին վասն այնոցիկ աւուրց կրթութեան. և այս ամենայն առ 'ի ժողովել արգիւնս 'ի կրթութեանն :

Դ. Որ մտաչի 'ի կրթութիւն, թէ և իցէ խնտառն ոք և կիրթ 'ի վարչութիւն հոգւոց, այլ և այնպէս պարտի ամենայնիւ կալ 'ի բանս կրթչին, և խորհրդով նորա վարել յամենայնի, և յայտ-

նեւ նմին խորին խոնարհութեամբ զկարիս հոգւոյ իւրոյ, գիտելով հաւաստեալ՝ զի ըստ առաւելութեան խոնարհութեան իւրոյ և հպատակութեան առ կրթիչն, առաւել շնորհս 'ի Տեառնէ ընկալցի :

ՅՕԴՈՒԱԾ Դ

Ազդմուռք կարևորք 'ի կրթութեան պահուռ .

Յ. Յաւուրսն յայնուսիկ կրթութեան պարտ է ամփոփումն ունել մտաց հանապաղ և անայլոյլակ . նախ զգայարանաց աջացն՝ ոչ շրջելով զայնս ընդ վայր . ահանջացն ոչ լինելով հեռամուտ հետաքննին լոց . լեզուի՝ կալով 'ի խիստ լռութեան : Երկրորդ, մտացն՝ զատուցեալ յամենայն օտար խորհրդոց նա ևս 'ի կարևորագունից . 'ի հոգևորաց անգամ որք արտաքոյ իցեն սահմանելոցն վասն իւրաքանչիւր աւուր, ևս և յայնցանէ որք անցելոց աւուրցն իցեն կամ ապագայից : Երրորդ, առանձնութեամբ՝ կալով փակեալ 'ի սենեկին և հրաժարեալ յամենայն զբաղմանց, ևս և զկնի ճաշու, ոչ յայլ ինչ զբաղեցուցանել ըզմիտսն յօրինադրեալ խոկմանց աւուրն . և կամ պարապել 'ի գործս կարգեալս առ այն վախճան և այն ևս եթէ չիցէ բաղմովաստակ . քանզի և 'ի վաստակաբեկն լինել մարմնոյն՝ ուչ մտացն տարուբերի : Գրէր սուրբն Իգնատիոս . Որչափ մեկուսասցի ոք 'ի բարեկամաց և 'ի ծանօթից, և յամենայն հոգոց աշխարհի, այնչափ առաւել զար-

գասցի յառաքինութեան : Եւ որչափ առաւել
դացի հոգին անջատ և մենացեալ , այնչափ ևս
դիւրաւ յաջողեսցի նմա խնդրել և գտանել զս-
տեղծողն :

Պարտ է զհետ գնալ օրինակի մեծանուն այնր
պաշտօնէի կայսեր , որ մինչդեռ կայր 'ի կրթու-
թեան 'ի վարժարանին Յիսուսեանց որ 'ի Սփի-
րա , հասեալ առ նա դիր 'ի Փերտինանտոս կայ-
սերէ , ոչ ընդունէր ասելով . Չկարևորաց առեալ
խօսել ընդ թագաւորին թագաւորաց , չկարեմ
պարապել 'ի խորհուրդ երկրաւոր թագաւորի :

Բ . Պարտ է մտաչել 'ի խոկմունսն . Թ . Յար-
գանօք ըստ գրից մարմնոյն , ևս առաւել յորժամ
ոչ մտաւորական ևեթ խոկումն իցէ զոր առնէն այլ
և կամօքն պաշտիցէ : Գ . Ըստ ամբողջութեանն՝
ոչինչ հատեալ 'ի ժամանակէն , 'ի գէպ ևս է եր-
կարել քան նուազեցուցանել զժամանակն . ևս
առաւել 'ի զգալն տաղակութիւն և ցամաքու-
թիւն : Եւ զի խոկումնն մի լինիցի իբրև զուսումն ,
պարտ է առաւել միտ գնել շարժելոյ զիզձա քան
'ի բանիցն յաճախութիւն : Զ . Եւանգեամբ , բայց
և զգուշացեալ չգնել ուխտս ինչ կամ խոստումն
յանխորհուրդս 'ի բորբոք եռանդան , և զի մի
մնասեսցի գլուխն՝ կարի իմն 'ի տաղակութեան
բուռն առնելով անձին յեռանդն և յարտասուս ,
և կամ 'ի լիութենէ մտիթարութեանն : Շատ է
'ի խոկումն վարել այնու մտադրութեամբ , որով
ոք վարի 'ի հրապարակական բանախօսութիւնս և
կամ ընդ պատուաւորի ումեք . զի արդիւնք խոկ-
մանն ոչ է 'ի բանազբօսութեան , և ոչ 'ի շիթս
արտասուաց , այլ 'ի ծանօթութեան ճշմարտու-

Թեան, և 'ի բերման կամացն, որք զարթնուն 'ի ներքին լուսոյ շնորհաց :

Վասն որոյ 'ի պահու լիութեան մխիթարութեան արժան է ածել ընդ միտ զերկուս զայտսիկ, Թ. Զ'ի մի գուցէ 'ի հեռանալ մխիթարութեանն պառզ ինչ ոչ թողուցու. և 'ի պահուանդ մխիթարութեանն միտ դնել առյապայ ուղղութեան վարուց, և հաստատութեան 'ի բարի իղձս սրտին: Բ. Պատրաստել զանձն տաղակութեան և լքման ժամուն, զի մի յանկարծ ըմբռնեսցիս: Իսկ 'ի ժամու ցամաքութեան և լքման, Թ. Հսկել 'ի պահպանութիւն թելագրութեանցն: Բ. Խոնարհել առաջի Աստուծոյ: Գ. Յարամնալ 'ի նոյն համբերատար և անվրդով, յիշելով զխոտումն Տեառն, « Բայց եթէ անագանեսցի՝ համբեր նմա, զի որ գալոցն է եկեսցէ և ոչ անագանեսցի », (Ամբակ. Բ. 3):

Դ. Յընթերցումն աստուածային գրոց պարտ է ընտրել ոչ միայն զկարևորս և զօգտակարս, այլ զայնոսիկ որք զարթուսցեն 'ի միտսն զառաջարկութիւնս աւուրն յորս պարապիցի սք: Եւ այսպէս զընթերցումն պարտ է պատշաճեցուցանել խոկմանց աւուրն. և ընթեռնուլ ոչ ճեպ 'ի ճեպ. այլ ուշի ուշով ժողովելով զհաս օգտի անձին. նոյն և զվարս սրբոց պարտ է աւնուլ յընթերցումն ընտրանաւ պատշաճեցուցեալ անձին. այլ և զգոյշ մտադրութեան են պէտք՝ զի մի 'ի քաղցրութիւն վերժանութեանն կորնչիցի ժամանակ խոկմանն, որում անկ է աալ զառաջին տեղին. զի այլքն ամենայն են սատարք: Մանաւանդ եթէ մինչ չև հասեալ ժամու խոկմանն արժան է դա-

դարեւ յայլոց գործոց, զի ազատացեալ մտացն պարսպեսցի յայն միայնակ :

Կ. Յընթացս կրթութեան՝ պարտ է պարսպիլ երկիցս յաւուրն յառանձին քննութիւն կատարելոյ անթերի և յորդեռանդն սիրով զօրինադրեալն զամենայն զպարտս աւուրցն կրթութեան : Դարձեալ կալոյ մտադիր 'ի պահպանութիւն ժամագրութեանց, նոյնպէս և թելադրութեանց սրբոյն Իգնատիոսի՝ որք յայտոսիկ գլուխս ամփոփին : Ս. Չև մտեալ 'ի քուն որոշել 'ի միասըն զժամն յառնելոյ և ածել ընդ միա զբան խոկմանն առաւօտուն՝ յոր այն ինչ յարուցեալ 'ի մահճացն պարսպեսցի : Թ. Յերթալն յաղօթս՝ կալ 'ի բացեայ 'ի տեղւոջէն զմի կամ՝ զերկուս քայլս և ածել զԱստուած յանդիման մտացն : Ժ. Ի զարթնուլ ըզձիցն 'ի վերայ միումն 'ի յօգուածոց՝ կառեալ կալ 'ի նոյն առանց լինելոյ 'ի հոգս յանցանել յայլ բան : Զի ըստ ասելոյ նորա. « Ոչ առատութիւն գիտութեանն, այլ այն ներքին ճաշակ և քաղցրութիւն իրացն պարարէ զհոգին », : Ի. Աւարտեալ զխոկումն՝ քննել եթէ որպէս ել 'ի գլուխ : Կ. Մերժել յանձնէ զբերկրական խորհուրդս 'ի նախկին և յերրորդ մասունս կրթութեան, նա թէ և հոգեկանք իցեն, և կալ յայնտոսիկ՝ որք սուրբ իմն արտութիւն սնուցանիցեն 'ի սրտին. և ունել զսենեակն աղօտալոյս : Ն. Մի 'ի ծաղր գալ, մի խօսել ընդ ումեք. և մի զակն յառել յոր : Է. Յաւելուլ յապաշխարութիւնս. որպիսիք են. առնուլ 'ի կիր զխորդ, զսարազն, զձաղկանս, զպահս, զանկողին անհարթ, և այլն. միայն թէ չիցէ վտանգ ծանր

մնասելոյ առողջութեան. և մի պակաս առնել զկարևոր չափ քնոյն: Կանոնագիրն ասէ՝ եթէ պարտ է զամենայն փոյթ 'ի մէջ առնուլ 'ի կատարումն այսոցիկ թեւադրութեանց. զի ըստ առաւելութեան ջանիցն 'ի պահպանութիւն սոցուն, առաւել փութով և առատ կարասցէ ժողովել զարդիւնս հոգեկանս՝ որոց ելեալ կայ 'ի խնդիր: — Զայսոսիկ չորեսին ազգարարութիւնս պարտ է դրոշմեալս ունել 'ի մօի յընթացս ութից աւուրցն կրթութեան. և վասն այսորիկ արժան է ընթեանուլ յաճախ զսոսին:

ՅՕԴՈՒԱԾ Ե

Ընթացք կրթութեան.

Ե. Ի կրթութեան աստ են չորք մասունք. առաջինն է Տարացոյց մաքրական ճանապարհին, յորում վաստակիմք 'ի սրբել զհոգիս պարսպելով 'ի ծանօթութիւն անձին և առելով զմեզս: Երկրորդ և երրորդն Լուսաւորիչք են մտաց, յորս նկատեալ զառաքինութիւնս տեառն մերոյ Յիսուսի որ 'ի միայնութեան կեանսն և 'ի վարդապետութեան, լուսաւորիմք և մեծապէս քաջալերիմք գնալ զկնի նորա՝ թեւակոխեալ յայնոսիկ առաքինութիւնս: Չորրորդն է Տարացոյց միութեան, յորում զմտաւ ածեալ զփառս տեառն մերոյ Յիսուսի՝ միանամք 'ի սէր սրտիւ ընդ Աստուծոյ, յորում է հանգիստ մեր յաւիտեանական:

Յայամ պարզապէս տեսանի տալահովութիւն

և համառօտութիւն ճանապարհին՝ ընդ որ ածէ զմեզ կրթութիւնս 'ի գերաստիճան կատարելութիւն, փրկելով զմեզ 'ի մեղաց, և առաջնորդելով մեզ ընդ ձեռն առաքինութեան առ 'ի լինել ընդ Աստուծոյ: Տեսանես զվախճանն գերագոյն յոյժ, և զուղին դիպողագոյն:

Բ. Եւ քանզի յածել անդ զմաւ զգերազանցութիւն վախճանին մերոյ՝ բաղձամբ անձկանօք ժամանել 'ի նոյն, վասն որոյ առ ըստ կարգի յառաջ խաղալոյ՝ Թ. Յառաջին մասին 'ի բաց սրբեմբ զխոչս, որք են մեղքն, ասելով զնոսին և խոստովան լինելով: Եւ զի մի գարձեալ 'ի նոյնս շաղկիմբ՝ յիշեմբ զմահ, զգատաստան և զդժոխս, և զարհուրեալ դողամբ 'ի միտ բերեալ զգատապարտութիւն հրեշտակաց և զնախահօրն մերոյ:

Բ. Ազատացեալք առ 'ի խոչից և գարձեալք 'ի շնորհս երկնաւոր հօրն մերոյ ընդ որդւոյն անառակի, առ զարգանալոյ 'ի կատարելութեան և առ 'ի ժամանել 'ի վախճան մեր գտանեմբ օգնականութիւն յօրինակն Տեառն մերոյ Յիսուսի, զի չէ որ այլ առաջնորդ հմուտ իբրև զնա. և է նա ճանապարհ անստերիւր և հաւատարիմ ուղեկից, և յիշեցուցիչ անյողդողդ և հզօր. վասն որոյ առնումբ 'ի խոկալ զառաքինութիւնս նորա և զգլխաւոր մասունս անօրէնութեան մարդեղութեան նորա: Գ. Եւ զի ևս քան զևս յորդորելիմբ վերաբերիլ 'ի նմանութիւն նորա յառաւել գերազանց շաւիղս կատարելութեան, առաջի ընծային մեզ երեք համբաւեալ խոկմունք կրկին դրօշից, երից կարգաց մարդոց, և երից աստիճանաց խոնարհութեան: Եւ զի կացցուք անյողդողդ

յայս մեծ օխո՛հ ընարու թիւն, օրինակաւ չարչարա-
նացն Քրիստոսի, կապիմք անխզէ լին յուխտ սրտից
մերոց, յառելոյ զակն յետ բարձրագոյն աստիճան
սրբութեան կենաց՝ տարեալ մտազիւր ձախօղա-
կաց, հալածանաց. յանձն առեալ նա և զկորուստ
առողջութեան և զպատուոյ: Դ. Յետ ամենայնի
քաջալերեալք ՚ի փառաց Տեառն մերոյ Յիսուսի
յարուցելոյ և արիացեալք ՚ի խոտտացելոց մեզ-
մեծամեծ վարձուց, առաջնորդիմք քաղցր հա-
ճութեամբ առ սէրն Աստուծոյ և ՚ի ներքին միութիւն
ընդ նմա և յանթերի համակամութիւն կա-
մաց մերոց ընդ նորայն, յորում է բովանդակ կա-
տարելութիւն մեր և երջանկութիւն, առ որ կար-
գեալ է այս սուրբ առանձնութիւն կրթութեան:

Գ. Շատ լիցին ասացեալքս զընթացից կրթու-
թեան, որոյ առաջին մասն կոչն ՚ի կանոնագիրս
արմատ և հիմն ամենայնի, զորով չէ պարտ զանց
առնել. ապա տես եթէ քանի՛ մտազբութեան
են մեզ սէտք յայսմ, յորմէ կախեալ կան ցան-
կալն եւք կրթութեանն ողջոյն: Պտուղք այսր
մասին են երեքին այսօքիկ. Ծ. Անթերի համա-
կամութիւն գնալոյ զՏեա կամացն Աստուծոյ,
ընդ որ ինքն հաճեացի ամել առաջնորդել մեզ
առ մերն վախճան: Է. Յաւ սրտառուչ և զիւլջ
՚ի վերայ մեղաց, որովք քաջ ՚ի բաց հեռացաք ՚ի
վախճանէ աստի մերմէ: Թ. Ճշմարիտ ծանօթու-
թիւն անձին, այսինքն կրից մերոց որք կալեալ
ունին զաչս մեր, և ախտաւոր բերմանց, և արմա-
տոց թերութեանցն որք տակաւ յանզգաստից
հեռացուցանեն զմեզ ՚ի վախճանէն մերմէ, և են
մեզ խոջընդոտն մեծ ՚ի շաւիղս կատարելութեան:

Ա. Զ. Գ.

Յրեր և րցոչմե գրոցս .

Զյաւելեալ մասունս որ 'ի սահմանեալ ժա-
մուց խոկմանն՝ մարթ է ընթեռնուլ յայլ գիպո-
ղադոյն ժամս : Ընթերցմունքն ոչ կարծեմ՝ թէ
իցեն երկարք, մանաւանդ՝ եթէ և զինի ճաշոյն
պարասկսցի որ 'ի նոսին, և կամ փոխանակ վա-
րուց ինչ սրբոց ընթերցցի : Ժամ մի տացի խոկ-
մանն առանց յատաւելոյ, այլ և կարի իմն մտա-
գրութեան են պէտք : Զքննութիւն վարուց մարթ
է ընթեռնուլ զինի երեկոյին խոկման և կամ յայլ
յաւելեալ ժամս : Եթէ կամիցիմք գնալ զհետ
թեւագրութեան սրբոյ հօրն մերոյ, որ ասէ ոչ
ինչ այլ ընթեռնուլ կամ խոկալ արտաքոյ քան
զառաջարկեալ ազգմունս աւուրն կրթութեան,
հնար է յառեալ կալ 'ի գիրս յայս միայնակ յըն-
թացս ութից այսոցիկ աւուրց :

65-92661

5007



Հ Ր Ա Հ Ա Ն Գ Ք

ԿՐԹՈՒԹԵԱՆ

ՅԱԻԻՏԵՆԱԿԱՆ ԿԵՆԱՑ



Օ Ր Ա Ռ Ա Ջ Ի Ն

ԽՈԿՈՒՄՆ Ա

Վ Ա Խ Ճ Ա Ն Մ Ա Ր Դ Ո Յ

Մ ա ս ն Ա

Ստեղծար դու յԱստուծոյ. խորհեաց
 քաջ. Ո՞ է որ ստեղծ գրեզ. Ուստի՛, Զինչ.
 և գշափ սիրոյն ՚ի ստեղծանել անգ քաջ
 կշռեա: ա. Ստեղծ գրեզ, ոչ ՚ի հրեշտա-
 կաց որ կամ ՚ի գորութեանց կամ յիշխա-
 նութեանց, և ոչ ՚ի քերովբէից. այլ նա
 ինքն Աստուած. Աստուած՝ որ անկարօտն
 է, որ ինքնարան է և նոյն ինքն երանու-
 թիւն: բ. Յոչնչէ ամ գրեզ ՚ի գոյ, բովան-
 դակ ՚ի գործ արկեալ վասն քո (զի այս-
 պէս ասացից) զգորութիւն իւր անբաւ. զի
 խտիր մեծ է ընդ չէն և ընդ էն: Արդ աս ՚ի
 չգոյէ ամելոյ գրեզ ՚ի գոյ, պէտք եղեն Աս-
 տուծոյ արկանել ՚ի գործ զանբաւ գորու-
 թիւն իւր: գ. Ստեղծ գրեզ ՚ի պատկեր իւր,
 ասրաւորեալ ՚ի քեզ զճառագայթ աստուա-

ծութեան իւրոյ 'ի պատկեր սրբոյ Երրորդութեան : Աստուած որ ամենաբաւականն է՝ ստեղծ գրեզ ոչ քար , ոչ անբան , և ոչ մտաթափ որ . այլ կենդանի բանական , ժառանգորդ յաւիտենական երանութեան : Դ . Արար զայս ամենայն 'ի սէր անչափ և յաւիտենական . սիրեաց գրեզ 'ի յաւիտենից 'ի սէր կատարեալ . ընտրեաց գրեզ 'ի բիւրուց , որք կարէին ծառայել նմա առաւել սուրբ սրտի : Եթող զնոսա յոչէութեան իւրեանց և ստեղծ գրեզ իւրով մարդասէր զթովքն՝ յառաջ քան զերևել 'ի քեզ արդեանց , ընտրեաց գրեզ զբազմամեզդ ապախտաւոր , զիրկս ամ գրե . մանաւանդ զի իբրև զորդի զգուեաց գրեզ 'ի հայրենի ծոց իւր , պաշտպանեաց և առանձին խնամովք զթասիրեաց : Արդ միտ զիր որ ինչ հարկաւ յայսմ ամենայնէ զայ զհետ անժխտելի ճշմարտութիւն : Ապա ուրեմն և դու պարտիս ծառայել Աստուծոյ :

Այսոքիկ կարողութիւնք հոգւոյդ , պարզեզդ այդոքիկ մտաց , զգայարանքդ այդոքիկ , ամենայն անգամք մարմնոյդ , այդ ամենայն տուեալ են քեզ յԱստուծոյ : Գանձք են դոքին շնորհեալ քեզ առատագեզ առ 'ի շահել նորօք . ապա պարտ է քեզ ծառայել նորօք Աստուծոյ : Մարթ էր քեզ ճնանել կաղ , կոյր , համր , ապուշ և մորոս . և զի ընկալար դու յԱստուծոյ զպարզես զայսոսիկ բնութեան , ապա պարտիս սորօք ծառայել Աստուծոյ : Եւ ո՞ , որ

միտս ունիցի և չիցէ աստուածամարտ,
յանդգնեսցի ուրանալ երբէք զճշմարտու-
թիւնս զայսոսիկ :

Մ ա ս և Բ

Ա. Ստեղծար դու յԱստուծոյ զի ծառայ-
եսցես նմա 'ի կեանս յայս , և ժառանգես-
ցես զնա 'ի հանդերձեալն : Ծառայել Սաստու-
ծոյ . այս է զործ կատարեալ . կատարեալ
վախճան մարդոյն : Կարէր Սաստուած թո-
ղուլ զմեզ յաւիտեանս յոչէութեան . բայց
կամեցեալ ստեղծանել զմեզ՝ ոչ կարգեաց
առ այլ վախճան : Ոչ որ ստեղծար զի մե-
ծասցի ճոխութեամբ , փառօք և հեշտալեօք .
և ոչ զի ստասցի բարեկամս , լցցի զիտու-
թեամբ , և մեծահամբաւ հոչակեսցի յեր-
կրի , այլ զի ծառայեսցէ Աստուծոյ . « Զի
այս է մարդն ամենեին » . (Ժող . ԺԲ . 13 .)
այս է , ամենայնիւ կատարեալ ծառայ Աս-
տուծոյ :

Բ. Ծառայել Աստուծոյ է միայնակ վախ-
ճան և միայնակ զործ մարդոյ : Եթէ մեծա-
հանճար իմաստութեամբ 'ի գլուխ տարեալ
իցէ զզործս աշխարհի ողջոյն . եթէ և զա-
մենայն թագաւորութիւնս 'ի կարգ մուծեալ
իցէ , եթէ և ամենայն իշխանաց և աշխար-
հակալաց խորհրդատու , ուղեցոյց զտեալ
իցէ , հարստութեամբ պերճացեալ , 'ի գե-
րազոյն բարձ պատուոյ ամբարձեալ , աշ-
խարհաց բազմաց տիրապետեալ . բայց

Եթէ 'ի պարտուպատշաճ ծառայութեան Աստուծոյ շիցէ կացեալ, յատենի երկնից ինքն է ոչինչ, և յաշխարհի բեռն առ ոչ ինչ պիտանացու: Եւ ընդ հակառակն դարձեալ եթէ ուրուք ոչ ինչ վասն աշխարհի վաստակեալ և զաւուրս կենաց իւրոց յանկողնի ծախեալ յանարդութեան, յանձանօթ անկեան ծածկեալ, անորք, անարդեալ յամենեցունց. այլ եթէ ծառայեալ իցէ Աստուծոյ, շատ իսկ գործեալ համարեսցի. զի վաստակեալ է 'ի կեանս իւր 'ի շահ օգտի, որոյ վասն ընկալեալ է զկեանս:

Գ. Ծառայել Աստուծոյ է վախճան մեր՝ յոր հանգիցէ ամենայն. զայս և եթ 'ի զլուխ հանեալ ըստ արժանւոյն, խաղաղանայ սիրտ մեր, որով կշտապինդ յագեալս զըտանեմք զհոգիս մեր. քանզի ժամանեալ մեր յայս վախճան, յաջողութեամբ 'ի զլուխ տարեալ զսոյն գործ ծառայութեան, թէպէտ և զրկեալ յայլ ամենայն վայելից կենաց, թէպէտ և անտես արարեալ զայլովքն առ հասարակ. այլ 'ի խաղաղ անգործութեան գտցուք զանձինս մեր: Բայց եթէ զայս միայն շիցէ բերեալ 'ի ձեռս, եթէ այսմ միայն շիցեմք լեալ մտազիր, թէպէտ և այլովն ամենայնիւ ճոխացեալ իցեմք, թէպէտ և յայլն ամենայն քրտնաջան վաստակեալ, այլ յար 'ի ծուխս և 'ի հոգս մաշեացուք: Յանկութիւնք սրտից մերոց բուռն ձղեն զմեզ և անձկով բերին առ մեծամեծս. վասն զի քարն չև ժամանեալ

առ կենդրոնն ոչ կարէ դադարեալ կալ. այսպէս ևս մարդ երբէք ոչ հանգիցէ մինչև հասեալ առ Աստուած և լցեալ նովաւ, որոյ է օթեան սիրտ իւր:

Դ. Ծառայել Աստուծոյ է վախճան և ամենամեծ գործ մարդոյ, զի այս միայն է ուղին ընդ որ հնար իցէ անցանել առ յափտենական երանութիւն. յայսմ վրիպակըն է անդարման, յորմէ խոտորումն ացէ կորուստ անվախճան: Աստուած երկիւղին սրահասելոյ յայսմիկ՝ տաղնապէ գհողիս ՚ի ժամու մահուան. այս միայն է որ գառնացուցանէ մեզ գմահ: Զինչ ևս յաւելից ասել. սիրտ ամենեցուն բողոք յերկինս կարգայ ընդդէմ անձին. մի արկանել ՚ի յուշոյ զճշմարտութիւնս զայս. ծառայել Աստուծոյ է վախճան մարդոյ և գործ ամենամեծ, միայնակ, կատարեալ և յոր հանգիցէ ամենայն: Վասն որոյ պարտ է զամենայն ուչ մտացն յայն ՚ի գործ արկանել հաստատութեամբ կամաց: Ստեղծաւ մարդ յԱստուծոյ և վասն Աստուծոյ. ապա և մարդն պարտի ծառայել Աստուծոյ: Այս այսպէս է. արդ դու որ ընթեռնուս զսոյն՝ պարտիս ծառայել Աստուծոյ: Թող բարբանջեսցէ աշխարհ, անկուշեսցէ մարմին, զայրադնեսցին զէք. այլ դու պարտիս ծառայել Աստուծոյ: Զսոյն փողեն մեծաբարբառ երկինք և երկիր և սանդարամետք:

Մասն Գ

Պարտ է ծառայել Աստուծոյ զնալով զհետ կամաց նորա : Առ ի՛նչ են դանդաղանքդ . զի՛նչ են այգորիկ երկմիտ խորհուրդք . ոչ որ ՚ի տերանց թոյլ առնէ երբէք ծառայից իւրոց վաստակել արտաքոյ հրամանին եղելոյ առ նոսա . և ընդէր միայն Աստուած հանդուրժեսցէ զայդ : Ոչ որ առնուցու յանձն հատուցանել վարձս ծառայութեան որ չիցէ կատարեալ ըստ հրամանին . և հիմ Աստուած վարձատրեսցէ զայնպիսին : Ընդ բարերարութիւն անդամ, եթէ չիցէ ըստ մերոցս ակտորժակաց, զժկամակիմք . սրչափ առաւել ընդ ծառայութիւնս . և զործք իսկ ամենարարիք՝ եթէ չիցեն լեալ ըստ կամացն Աստուծոյ, են նանիրք և զրեսցին յոչ ինչ : Ասէր Աստուած առ Իսրայելացիս . « Ոչ են կամք իմ ՚ի ձեզ » . և ընդէր . քանզի « Յաւուրս պահոց ձերոց զտանին կամք ձեր կատարեալ » : Առնէին որպէս ինքեանց թուէր բարեդք, և ոչ որպէս կամէրն Աստուած . և Աստուած անարգէր զպատարագս նոցա :

Յայսմ՝ յայտնապէս տեսանի լինել կամացն Աստուծոյ՝ զի զհետ երթիցուք մեք կամաց իւրոց, և ծառայեսցուք նմա՝ ոչ որպէս մեքս կամիմք, այլ ըստ իւրոց կամաց : Պարտ է մեզ քաջ յուշի կապել զսոյն ճշմարտութիւն հիմնական, և զրոշմել ՚ի խորս

սրտից մերոց: Արդ Աստուած ամենագէտ եթէ կամիցիզի ծառայեսցես նմա յարհամարհանս և յաղքատութիւն, 'ի հիւանդութեան. 'ի վիշտս և 'ի հալածանս. և զու հակառակ նորայն կամաց, յամուռեալ 'ի միտս կամիցիս ծառայել նմա 'ի ճոխութեան և 'ի քաջողջութեան, 'ի յաջողութեան և 'ի փառս, իրաւամբք համարեսցիս ամբարիշտ աստամբ: Վասն որոյ պարտ է քեզ լինել անխտիր առ ամենայն ազգ պաշտամանց ըստ սահմանելոյ Արարչին քում ծառայել քեզ ինքեան. այս ինքն յոր և է ազգս վիճակի կենաց, կամ յայդմ՝ զոր ընտրեալ իսկ իցես յառաջագոյն. յոր և է աստիճան կատարելութեան՝ զոր կարգեալ իցէ ինքն վասն քո առ 'ի ծառայել: Այս անխտիր համակամութիւն, և կատարումն զործով, է պտուղ փաստակոց այսր խոկման, զոր պարտ է ամենայն ճգամբ ջանալ 'ի ձեռս բերել: Այսմ՝ օգտեսցէ մեծապէս, ա. Առնուլ 'ի միտ զյայտնի և զանաղօտ ծանօթութիւն այսր ճշմարտութեան, թէ՛ ստեղծեալ ես յԱստուծոյ և վասն Աստուծոյ. բ. Եւ 'ի կամսն առնել հաստատուն և անզարձ որոշումն՝ կամելոյ յամենայնի ծառայել Աստուծոյ՝ զնալով զհետ կամաց նորա, զոր հաճեսցի յայտնել քեզ յայսմ կրթութեան:

Ի Ղ, Զ Ք

Պարտ է զարթուցանել 'ի սրաի դայ-
ստսիկ իղձս .

Լ. Զօրացուցանել զհաւատան , որով
հաստատութեամբ հաւատասցես թէ վախ-
ճան քո է ծառայել Արարչին քում , յոր
հանդիցէ ամենայն , այս է միայնակ գործ
քո և ամենամեծ և կատարեալ . և զի այլ
ամենայն արարածք են միջնորդք առ այս
վախճան տնօրինեալք :

Բ. Իղձ անխտիր համակամութեան 'ի
գործս ծառայութեան Աստուծոյ 'ի չորս
աղղս : ա . Ի փառս կամ յանարդանս :
բ . Յաղքատութեան և կամ 'ի ճոխութեան :
գ . Ի քաջողջութեան և կամ 'ի հիւանդու-
թեան : դ . Յերկար կամ 'ի սուղ կեանս ,
համառօտեալս յանդուլ վաստակոյ : Միան-
գամայն սրատրատ , ինքնամատոյց՝ միտ
դիր մերժելոյ յանձնէ , և 'ի բաց հեռանա-
լոյ յայնմ ամենայնէ որք օտարացուցանեն
զքեզ 'ի վախճանէզ , և տանելոյ մտազիր
կամ առնելոյ զայն ամենայն որք լաւ ևս
առաջնորդեն 'ի լրումնառաջադրութեանցդ .
այսինքն՝ առ 'ի ժամանել յայն աստիճան
կատարելութեան , յոր կամք իցեն Աստու-
ծոյ հասանել մեզ յայստսիկաւուրս կրթու-
թեան 'ի ճգունս ջանից :

Ա. ևս քան զևս յորգորագոյն առնե-
լոյ զսիրտս մեր առ այս՝ օգնեսցէ մեծապէս

Հաստատիլ Հաւատովք 'ի բան Աւետարանին . « Աաւ իցէ քեզ միաձեռանի կամ կազ կամ միականի մտանել 'ի կեանս , քան թէ երկուս ձեռս և երկուս ոտս և երկուս աչս ունել , և անկանել 'ի դեհեն հրոյն » : Աաւ ևս է վասն քո կորուսանել զմի յանդամոց , քան թէ ողջ մարմնով երթալ 'ի հուրն անշէջ : Գարձեալ խորախորհուրդ զննել զահաւոր զայն բան . « Զինչ օգուտ իցէ մարդոյ եթէ զաշխարհս ամենայն շահեսցի և զանձն իւր կորուսցէ . կամ զինչ տայցէ փրկանս ընդ անձին իւրոյ » : Եւ արդարև . Առ ինչ օգտեսցեն փառք , ճոխութիւնք , երջանկութիւն , եթէ նորօք կայցէ մեզ զատապարտիլ . և զինչ վնաս մեզ կեալ 'ի թշուառութեան , յաղքատութեան , 'ի նախատինս . եթէ այնպէս Հասցուք փրկութեան : — Գրոշմեա զսոսին 'ի միտսդ . Զինչ օգուտ . Զինչ վնաս :

Գ . Գարձեալ մարթ է զարթուցանել զիղձքս , ա . Երախտադիտութեան ընդ բարեբարութիւն ստեղծման : բ . Յաւոյ՝ ընդ ապախտիս բարեացն , ընդ վարելն յանդէպս զզայարանօք և կարողութեամբք հոգւոյն : գ . Աիրոյ առ Արարիչն բարերար՝ սխտ ընդ անձին եղեալ ուղղելոյ առ բարին յամենայնի զդիտումն մեր : դ . Յուսոյ և փափաքանոց ժառանգելոյ զԱստուած զվախճան մեր ցյաւիտեանս ժամանակաց :

Այլ և այնպէս ոչ է պարտ յամել ընդ երկար յայստիկ շորեսին իղձս , վասն

զի, ըստ ասելոյ կանոնադրոց, վախճան
և պտուղ այսր խոկման է միայն համակա-
մութիւն անխտիր ծառայելոյ Աստուծոյ
յոր և է ազգս պաշտամանց՝ յոր կոչիցիմք
ի նմանէ:

Վասն որոյ պարտ է ծախել զմեծ մասն
ժամուս ՚ի ճիգն հասանելոյ առ այս հա-
մակամութիւն: Առ որ եթէ անբաւական
զանձնդ վարկանիս, զոնեա դարթո ՚ի քեզ
դիտափաք, և աղաչեա զԱստուած եռան-
դեամբ տալոյ քեզ կար: Եւ զգոյշ լեր, մի
վհատիցիս ընդ ծանրութիւնն. զի եթէ Աս-
տուած անքնին խմաստութեամբ իւրով ժըխ-
տէ տալ քեզ զնոյն առ ժամս, զուցէ յեա
սակաւուց տացէ քեզ լիով վայելել ՚ի նոյն:
Փոյթ կալ դու առ այժմ՝ չարկանել քեզէն
խտափան, և զիր ջան՝ լինելոյ արժանի ըն-
դունելութեան շնորհիս:

ԵՐԿՐՈՐԳՈՒՄՆ ՍՈՒՂ

Ա. Ստեղծար դու յԱստուծոյ խորհեաց քաջ
ո՞. ուստի՞. զի՞նչ. և զչափ սիրոյն ՚ի ստեղծանելն:
Ո՞. - Աստուած. ստեղծ զքեզ ինքն Աստուած:
Ուստի՞ եհան զքեզ. - Յոչնչէ, ՚ի դործ արկեալ
զանբաւ զօրութիւն իւր: Չի՞նչ արար զքեզ. -
Բանական ՚ի սպակեր իւր: Որո՞վ սիրով սիրեաց
զքեզ. - Յաւիտենական և անչափ սիրով. կատա-
րեալ սիրով, ընարեալ զքեզ ՚ի բիւրուց: Չի՞նչ
այսոցիկ զհետ բերել արժան իցէ. - Չայս՝ եթէ
պարտ է և քեզ կալ ՚ի ծառայութեան նորա ա-

մենայնիւ . և զամենայն պարգևս նորա ծախել 'ի ծառայութիւն նորա :

Բ . Ստեղծար դու յԱստուծոյ առ 'ի ճանաչել զնա , առ 'ի սիրել զնա , և առ 'ի ծառայել նմա 'ի կեանս այս , և առ ժառանգել զնա 'ի հանդերձեալն : Ապա , ան . կատարեալ վախճան քո է ծառայել Աստուծոյ : Ոչ ստեղծ զքեզ Աստուած առ ժողովելոյ զինչս . ոչ առ զբաղելոյ 'ի հեշտալիս և ոչ վասն փառաց . այլ զի ծառայեսցես նմին : Բ . Ծառայել Աստուծոյ է միայնակ վախճան քո . եթէ զսքանչելիս մեծամեծս գործեսցես յերկրի , այլ ոչ վասն Աստուծոյ , առ ինչ օգտեսցեն քեզ . առ ոչինչ : Գ . Ծառայել Աստուծոյ է վախճան քո յոր հանդիցէ ամենայն . վասն որոյ միշտ 'ի յոյզս կացցէ սիրաքո , եթէ ոչ նուիրեսցես զանձն քո 'ի ծառայութիւն Աստուծոյ :

Գ . Այս է վախճան քո ամենամեծ . վասն զի այսու միայն հանդերձեսցի քեզ երանութիւն յաւիտենական , յորմէ խոտորումն՝ ամցէ քեզ թշուառութիւն անդերձ :

Դ . Պարտ է քեզ ծառայել Աստուծոյ գնալով զհետ կամաց նորա . վասն զի ոչ դք հաճեսցի ընդ ծառայութիւնս լեալ ընդդէմ կամաց իւրոց : Արդ պարտ է քեզ լինել համակամ առ 'ի ծառայել նմին 'ի ճոխութեան կամ 'ի անանկութեան , լրամբ հաճոյից քոց կամ 'ի ցաւս , 'ի փառս կամ յանարգանս , յերկար կամ 'ի սուղ կեանս , յայս ինչ վիճակ կենաց , կամ թէ 'ի կոչմանն յորում կաս . յայն սատիճան կատարելութեան յորում ինքն կամի կոչել զքեզ :

ՊԱՐԱՊՈՒՄՆ

Ի խոկումն առաջին, որ կույի Հիմն.

Ա.

Ոչ վայրապար խորհրդով եղաւ Հիմն կրթութեանս, Վախճան մարդոյ ոյր վասն ստեղծեալ եմք: Վասն զի և յամենայն իսկ գործս յառաջ քան զամենայն խոկալ ըզվախճանէն օրէնք են անաղարտելիք. այնպէս զի և ոչ մի ինչ գործ առանց վախճանի կարէ կալ. զի և ամենայն գործք բերին առ վախճան իւրեանց իբրև յիւրեանց նըպատակ: Արդ՛ի կամենն հոգևորական կրթութեամբ ուղղել զվարս մեր, հարկ է յառաջ քան զամենայն քաջ՛ի միտ առնուլ զվախճանն մեր, զի կարասցուք ճանաչել և զգործս կարևորս մեզ, որովք հնար իցէ հասանել առ այն վախճան. և այն ամենայն գործք կարևորք վախճանին կոչին և են ուղղութիւնք. զի նոքօք միայն կարեմք՛ի ձեռս բերել զվախճան մեր, և այլ ամենայն գործք արտաքոյ նոցուն են վրիպակք, զի ոչ են կարգեալք առ վախճան մեր, և վրիպեցուցանեն և զրկեն զմեզ ՚ի ցանկալի վախճանէն մերմէ որ է անեղծութիւն: Եւ զի կրթութիւնն է առ ընտրել զգործս կարգեալս առ վախճանն, ապա ՚ի

ծանօթութեան վախճանին հիմնեալ է ընթացք կրթութեանս ողջոյն, նոյնպէս և ընարութիւն կոչման և վիճակի կենաց. զի ընարութիւնն պարտի լինել ըստ վախճանին: Եւ զի ծանեաք եթէ վախճան մարդոյ է ծառայել Աստուծոյ. ապա և ճշմարտութիւն կենաց և վարուց է ՚ի յանձնատութեան ծառայելոյ Աստուծոյ, որպէս ինքն կամիցի և հրամայեսցէ. և այս ոչ երբէք լինի կատարեալ և սրտի մտօք, առանց կատարեալ համակամութեան յամենայն գործս: Եւ այս համակամութիւն զօրանայ ՚ի սրտին ՚ի պարապելն ուղղապատութեամբ յայս առաջին խոկումն: Ամենայն որ որ միտս ունի, տեսանէ յայտնապէս զի ՚ի խոկմանէ աստի իբրև յարմատոյ՝ կրթութիւնս ողջոյն բարգաւաճ շառաւիղօք առաքինութեանց պտղաբեր լինի, և զի անհնարին է առանց այսորիկ քաղել ինչ շահ ՚ի կրթութենէս:

Ապա որչափ առաւել արդեամբք և մտազիւր ջանիւք յայս խոկումն պարապեսցի որ, այնչափ առաւել արդիւնաշատ պտղովք ՚ի զուէն հանցէ և զայլսն. որչափ առաւել հաստատուն և անդրդուելի ՚ի խորս արկցի այս հիմն, այնչափ առաւել հաստատուն կանգնեսցի շինուածն ողջոյն: Ապա որպիսի մտադրութեան պէտք իցեն և որչափ ջանից, առ ՚ի յորդորագոյնս մատչիլ ՚ի խոկումն այսր ճշմարտութեան: Գիտէ զեն չարանենդ, զի եթէ մեք խորա-

մուխ լիցուք ՚ի սոյն, կորուստ մեծ է ինքեան, և մեզ շահք անտի մեծամեծք, վասն որոյ զամենայն հնարս հնարի զի զբազեալ մտօք և ցրուեալ խորհրդովք կացցուք, և զի վեր ՚ի վերոյ տեսութեամբ ակնարկեսցուք ՚ի սոյն, իբրև առ ճշմարտութիւն իմն յայտնի, պարզ և անընդդիմակ, յոր ակնարկել ևեթ շատ իցէ ՚ի տեսանել ակն յանդիման. և թելադիր լինի մեզ յաւելուլ յեռանդն ՚ի վազիւն, իբր զի ՚ի խտկման աւուրս չիք ինչ նոր զարթուցիչ եռանդան. և այսպէս սայ արկանել յաւազի զհիմն շինուածոյն:

Նախատես այսր խարկանաց զիւին, առ յայտ առնելոյ զմեծ պէտս այսր խտկման, ոչ ժամանակաւ սահմանեմք զայն, և ոչ ՚ի միում ժամու աւարտել հրամայեմք, որպէս կարգեալ են ժամքն վասն այլ ամենայն խտկմանց, այլ չթողուլ ՚ի բաց զսոյն՝ մինչ չև հիմնեալ ՚ի խորս սրտից և մտաց մերոց ճշմարտութեանս: Վասն որոյ հարկ է կրկնել զսոյն և յերեկոյին, առ յաւելուլ յեռանդն չև բորբոքեալ, և կամ առ կրկնապատկել զնոյն:

Բ

Զվախճանէ մարդոյն պարտ է խորախորհուրդ քննել զերկուս զայսոսիկ. ա. Աստուած ստեղծ զմարդն, զի զնա օրհնեսցէ, մեծացուսցէ և ծառայեսցէ նմա, զի և յետ

այնորիկ ժառանգեսցէ զնա : ք . Այլն ամենայն՝ որք ենն յաշխարհի , արարան վաւրն մարդոյ , զի լինիցին նմա ձեռնտուք առ 'ի հասուցանել զնա 'ի վախճանն ոյր վասն ստեղծաւ : Արդ որպէս մարդն ստեղծեալ է վասն Աստուծոյ , սապէս ևս այլն ամենայն 'ի գոյ ածան վասն մարդոյ . վասն որոյ որպէս է վախճան մարդոյ Աստուած , այսպէս ևս վախճան ամենայն արարածոց է մարդն : Առաջին խոկումն էր առ 'ի ցուցանել եթէ ծառայելն Աստուծոյ՝ է միայնակ ամենամեծ և կատարեալ վախճան մարդոյ . երկրորդ խոկումն լիցի այն՝ թէ ամենայն արարածք աշխարհի են միջնորդք ձեռնտուք մարդկան առ 'ի հասուցանել զնա յայս միակ վախճան :

Չհետ բերեմք այսոցիկ երկուց սկզբանց կրկին ճշմարտութիւնս անժխտելիս և կարևորս յոյժ : Առաջին այն՝ եթէ պարտ է վարել զարարածս 'ի գործ ցորչափ կարեն ձեռն տալ մեզ ժամանելոյ առ մեր վախճան , և 'ի վնասակարացն և 'ի խափանարարաց կալ 'ի բացեայ : Երկրորդ , - և վասն այնորիկ ոչ խտրել ընդ այս կամ ընդ այն 'ի վարել զնոսին 'ի գործս մեր , այլ յամենայնէն ընտրել առնուլ զայնոսիկ միայն՝ որք առաւել հեշտեաւ հասուցանեն զմեզ 'ի մերն վախճան . որով ոչ ինչ խտիր առնեմք ընդ քաջողջութիւն և ընդ հիւանդութիւն . և ոչ գեր 'ի վերոյ համարեմք աղքատութեան՝ զճոխութիւն , և ոչ անարդա-

նայ՝ դիտու, և ոչ դերկար կեանս սուղ կենաց: Առաջինն ՚ի ճշմարտութեանցս է հրաման վարելոյ զարարածս ՚ի դործ. երկրորդն չափ դնել բերման ըզձից առ այնոսիկ: Եւ յերկոսին միանգամայն է գաղափմն զօրութիւն հասուցանելոյ զմեզ ՚ի բարձրագոյն աստիճան կատարելութեան ՚ի սուղ ժամու. երկնաւոր իմաստութեամբ համեմեալ են բանքս: - Մարտինոս Ալաէ անաղօտ ջահն սորբունեան խոստովանէր անկեղծութեամբ՝ զի ՚ի միում ժամու խոկմանս այսորիկ, որ է հիմն, առաւել ուսաւ, քան յայնչափ ամս սլարապեալ ՚ի վարդապետութիւնս տեսական աստուածաբանութեան զտիւ և զգիշեր յուսանել և յուսուցանել: - Ի Հոովմ ՚ի կուսաստանին որ ՚ի Թօռ աի Սփէքիօ էր կոյս ոմն անուն Պոնապէնթուրա մեծագգի և մեծահանճար, տեղեակ չափականին, և զարդարեալ ճրիւք, որ կրէր զանուն ևեթ և զսքեմ կուսանի, անձնատուր զլխովին յունայնութիւնս և ՚ի զբազմունս աշխարհի: Արանելին Հ. Անկիինոս գնացեալ ՚ի կուսաստան անոր սլարապեցուցանել ՚ի կրթութիւն զկուսանան, նա զառաջինն ոչ առնոյր յանձրն մատչել ՚ի լուր բանից նորա. բայց ապա խոնարհեալ ՚ի Թախանճանս ընկերացն այն ինչ մատեաւ յունկնդրութիւն, և լուա զխոկումն վախճանին, խորամուխ լեալ յայն՝ զառնայր ՚ի սենեակն, խորտակէր և հարկանէր զգետնի զամենայն որ ինչ էր

ի սենեկին ունայն հտարտանք . և հատեալ
 զազարեցուցանէր զերթեկս բարեկամաց,
 և մերժէր յանձնէ զունայն բանից զբօսա-
 սիրութիւն, հանեալ ՚ի նուէր զամենայն
 Արարչին իւրում . և պատրաստէր զանձն
 յանխտիր համակամութիւն առ ամենայն,
 ոչ եղեալ հասանելոյ առ այն բարձրու-
 թիւն կատարելութեան յոր կոչեսցի յԱս-
 տուծոյ: Աւ ասէ առ Նանկինոս . Հայր, ոչ
 է մարթ ՚ի վէզ զալ ընդ Աստուծոյ . ծանեայ
 զոր պահանջէ յինէն . կամիմ բովանդակ
 նուիրել զանձն իմ Աստուծոյ, վաստակել
 ամենայն զօրութեամբ իմով առ ՚ի ժամա-
 նել ՚ի սրբութիւն, և անյապաղ, և ՚ի մեծ
 սրբութիւն: Աւ եկաց ՚ի խոստման իւրում,
 զի ՚ի սակաւ յայնոսիկ ամիսս յորս եկաց
 յայնմհետէ, էր նախանձաւոր սրբութեան
 կատարինեայ Սենացոյն: Այսպէս հզօր
 է ճշմարտութիւն և ՚ի սիրտ աշխարհասիրի:

Ոչ ինչ են զարմանք . զի որ հաւաս-
 տեաւ գիտաց եթէ ոչ կեամբ մեր առ ՚ի
 փայելս ճոխութեան, փառաց և հաճոյից,
 այլ զի այս ամենայն ստեղծեալ են առ ՚ի
 լինել մեզ միջնորդք փրկութեան մերոյ, զի
 ըստ պիտոյիցն ՚ի վար արկցուք զնոսա կամ
 անարգեսցուք, յայտ է զի այնուհետև և
 կամօքն յօժարի մտաղիւր զհետ զնալ այ-
 սորիկ ճշմարտութեան, ընտրել և ցանկալ
 ՚ի ձեռս բերել զայնոսիկ եւթ որովք հնար
 իցէ հասանել ՚ի վախճանն:

Աւ ո՞ երկմտեսցի երբէք ընդ այն՝ զի

որ աչ ունի հասանել առ վախճան ինչ ցանկալի՝ ՚ի բազում իրաց ընտրէ առնու զայնոսիկ եւթ զորս համարի ձեռնառու իւրումն վախճանին: Արդ փառք աշխարհի, ճոխութիւնք, հաճոյք, քաջողջութիւն, երկար կեանք, այսորիկ ամենայն են գործիք շնորհեալք մեզ յԱստուծոյ առ ձեռն տալ փրկութեան մերոյ, վասն որոյ յայնժամ եւթ են բարիք և ցանկալիք, յորժամ իցենն պատշաճականք առ փրկութիւն մեր: Եւ են չարք և արժանիք ոտնհարութեան՝ յորժամ կայցեն խոչընդոտան փրկութեան. և վասն այսորիկ ոչ պարտիմք առնել խտիր ՚ի կամել զայս կամ՝ զայն՝ ըստ յօժարութեան բազճանաց:

Արուեստաւորն ոչ զամենայն հաճոյականս աչաց առնու ինքեան ՚ի գործիս, այլ միայն զպատկանեալսն ՚ի գործս արուեստին, անտեսեալ զայլովն ամենայնիւ: Ծագու իրք են՝ եթէ որ մատուցեալ ՚ի զրել, ՚ի բաց արկեալ զզրիչ, կամիցի ՚ի վար արկանել զգաւազան ոսկի: Եւ զիանրդ չիցէ ծաղրական՝ եթէ կոչեցեալն յԱստուծոյ ՚ի փրկութիւն ՚ի ձեռն աղքատութեան, անարզանաց և վշտաց, արհամարհեսցէ զնոսին և կամիցի հասանել յայն հեշտականօք, ճոխութեամբ և պատուասիրութեամբ:

Արզարե զինչ օգուտ ՚ի քաջողջութենէ, ՚ի պատուոյ և ՚ի բարեբազդութենէ, եթէ նորիմբք հասանիցէ մեզ կորնչել. և որ վնաս յաղքատութենէ, յարհամարհա-

նաց և 'ի հիւանդութենէ եթէ սորօք դասնիցեմք զփրկութիւն : Զինչ փնաս եղև Ղազարու զի եկաց աղքատ և վիրալից իբրև զչուն առ զբան մեծատանն , և ո՞ր օգուտ մեծատանն յգլխացումն իւր 'ի ճոխութեան և 'ի հեշտախտութեան . զի արդ նա մխիթարի 'ի զոյն Աբրահամու , և մեծատունն թաղեալ կայ 'ի դժոխս :

Եւ զի խորագոյնս գրոշմեսցի ճշմարտութիւնս այս 'ի միտս քո , եկ , ո՞վ ընթերցող , մերձեա 'ի գրունս դժոխոց , բաց և գոչեա 'ի ներքս . Ո՞վ դատապարտեալք , առ ինչ օգտեցին ձեզ բարիք աշխարհիս . ճայն տուր նոցա , ասա . Զինչ շահ եղև ձեզ հպարտութիւնն , և զինչ մեծութիւն ամբարտաւանութեանն իցէ ձեզ նպաստուոր : Զինչ շահ եղև . առ ինչ օգտեաց :

Աւա՛ղ . ահա պատասխանեն քեզ բարձրակական և 'ի կրճումն ստամանց . Մոլորեցաք 'ի ճշմարտութեան ճանապարհէն . մեր յիմարք զրկեցաք 'ի վախճանէն մերմէ : Գոչէ հեշտասէրն . Ճաշակելով ճաշակեցի սակաւ ինչ մեղր . վայրկենական եղև բերկրութիւնն այն , և անվախճան լինիցին տանջանքս այսոքիկ : Աղաղակէ ազահն . Ունէի բազում բարութիւնս համբարեալ ամաց բազմաց , և աստէն հիւժեալ ծախիմ 'ի սովու : Աւաղէ ամբարտաւանն . Ազանէի բեհեզս և ծիրանիս , քանի՛ անարզանօք լի եմ արդ : Այսոքիկ են ճայնք ողբոց դատապարտելոցն , որք դառ իթս փրկու-

թեան՝ դպատճառսն՝ կարծեցին իւրեանց վախճան, և վայելեցին յայնս, զորս սարսէր նոցա վարել ևեթ ՚ի զորձ առ հասանել նոքօք ՚ի վայելս վախճանին իւրեանց :

Գարձո՛ արդ միանգամ՝ դաչս յերկինս, յառեաց յարքայութիւնն . աաս՛ աղաչեմ, զի՛նչ վնաս եղև երանելեացն այնոցիկ ՚ի բազում նեղութեանց, որովք կարացին մտանել յայն հանգիստ : Ա՛վ, քանի՛ բերկրանօք, ս՛րչափ քաղցրութեամբ լի են, զի կեցին յայսմ աշխարհի « կարօտեալք, նեղեալք չարչարեալք . զի առականչանակի եղեն ամենայն աշխարհի, ամենեցուն փարելի » : Եւ արդ ճայնեն բերկրանօք . Ա՛ քաղցր չուառութիւնք, ս՛ բերկրական վիշտք, ս՛ բարեկամք մեր հալածմունք . դուք կացէք մեզ սանդուխք յերկինս, յերանութիւն, և ՚ի փառս յայտօսիկ : Առ այտօսիկ ճայնս ո՛չ յորդորիցիս թողուլ ՚ի բաց դկամադ . քնդէր յամառեալ կաս . աաս՛ . ո՛չ լաւ ևս իցէ հասանել յերկինս աղքատ, արհամարհեալ, չարչարեալ, քան՝ դկալն ՚ի մեծութեան, ՚ի սրատուի և յերջանկութեան, և հոսել դահավէժ յանդունդս . զի՛նչ օդուա ՚ի վայելից լիութեան բարեաց՝ եթէ կայցէ քեզ դատապարտել . և ս՛ր վնաս ՚ի կրելոյ դամենայն ազդի չարիս, եթէ նոքօք փրկութեան հասանիցես : Մուդ, բայց ահարեկ բանք . Զի՛նչ օդուա . ս՛ր վնաս :

Ի՛խորհել անդ զսոյն Քաաւերիոսի, անդէն սկսաւ ասել յանձն իւր . Զի՛նչ օդուա

իցէ մարդոյ շահել զաշխարհ ամենայն, եթէ այնու հասցէ նմա կորուսանել զանձն իւր. և զարձեալ ո՞ր վնաս ՚ի կորուսանելոյ զամենայն՝ եթէ այնու կարասցէ զնել զերկինս: Յաղթահարեալ ՚ի ճշմարտութենէ աստի, քաջութեան խորհրդով առ ռոն հարեալ զպերճութիւն մեծութեանց, թիկունս զարձոյց աշխարհի, և ետ զանձն զխտովին ՚ի ծառայութիւն Աստուծոյ. այնպէս զի ընկերութիւնն Յիսուսեան զիտէ զստացումն Քսաւերիոսի լեալ պտուղ առաջին այսր խոկման: Ի խոկմանէ աստի Քսաւերիոս եղև սուրբ. և Հնդկաստան եմուտ ՚ի ճանապարհ փրկութեան: Եւ արդարև որ որ ՚ի խորհել զճշմարտութիւնս զայս ոչ հատանէ զիզձս իւր յաղցաւորացս, եթէ ոչ ուրանայ զկամս իւր և ոչ յորդորի առ այն երկնային համակամութիւն, ՚ի թանձր խաւար պատեալ կան միտք նորա, և կամք նորա թմբբեալ ՚ի ցրտութենէ շնորհաց:

Եթէ դու ևս ըստ զիպաց իցես ՚ի համարի դոցա, գոնեա զարթո՞ ՚ի քեզ զփափաք առ այս սուրբ համակամութիւն, և ա՛ռ ՚ի բերան զերկուս զայստսիկ բռնադատ ճշմարտութիւնս. ա. Զարարածս Աստուծոյ պարտ է մեզ առնուլ ՚ի գործ ցորվայր օգնեն մեզ առ ՚ի սոյն, և թողուլ հեռանալ ՚ի նոցունց, յորժամ լինելոյ իցեն ՚ի վնաս: Եւ առ ՚ի կարող լինել առնելոյ զսոյն ընարութիւն, պարտիմք լինել անխտիր առ ամենայն արարածս. և այնպէս ընտրել

մեզ 'ի նոցունց զայնոսիկ որք լաւ եւ կարեն առաջնորդել մեզ առ մերն վախճան . որով ոչ ինչ խտիր առնեմք ընդ քաջողջութիւն եւ ընդ հիւանդութիւն , եւ ոչ գեր 'ի վերոյ համարիմք աղքատութեան դճոխութիւն , եւ ոչ անարդանաց զփառս , եւ ոչ գերկար կեանս սուղ կենաց :

Յաճեցո յաճախ զայսոսիկ ընդ միտս քո , միանդամայն աժ զմտաւ զերանութիւն եւ զբարձրութիւն անձին՝ որ յանձն առեալ իցէ կեալ անխտիր 'ի նուաստութեան , յաղքատութիւն եւ 'ի չարչարանս . կամ 'ի բերկրութեան , 'ի ճոխութեան եւ 'ի փառս՝ յոր առաջնորդեսցէ ինքեան Աստուած յայսմ կրթութեան :

Այս համակամութիւն արդարեւ սարտի լինել պտուղ այսր առաջնոյ խոկման . քանզի ստեղծեալ մեր յԱստուծոյ եւ վասն Աստուծոյ , պարտիմք ծառայել Աստուծոյ ըստ առաջնորդելոյ մեզ կամաց իւրոց , պատրաստք ամենայնիւ առ ամենայն ազգ ծառայութեան յոր կոչեսցէ զմեզ բարեհաճութիւն կամաց մեծին Աստուծոյ , ոչինչ խտիր ընդ մէջ արկանելով եթէ 'ի ճոխութիւն կոչիցէ կամ յաղքատութիւն , եթէ 'ի պատիւ կամ յանարդանս , եթէ 'ի հիւանդութիւն կամ 'ի քաջողջութիւն , եթէ 'ի կեալ եւ կամ 'ի մահ . շատ է զի ծառայեսցուք Արարչին մերում ըստ ընտրութեան կամաց իւրոց :

Գ

Վասն երկուց պատճառաց յիշեմք յանուանէ՛ զայստօսիկ չորեսին . ա . Զաղբատութիւն և զճոխութիւն . բ . Զպատիւ և զանարգանս . գ . Զառողջութիւն և զհիւանդութիւն . դ . Զկեանս սուղ և զերկար :

Առաջին պատճառ է այն՝ զի յայստօսիկ զլիսաւորաբար պակասին մարդիկ՝ ՚ի համակամութեան , ոչ կամելով ընտրել անձանց զյոսին : Երկրորդ այն՝ զի և ամենայն պատճառք խափանարարք վախճանին մերոյ ամբիօփին յայստօսիկ ըստ հաւաստելոյ մեզ սրբոյն Յովհաննու . « Ամենայն որ ինչ յաշխարհի է , ցանկութիւն է մարմնոյ , ցանկութիւն աչաց , և ամբարտաւանութիւն աստի կենաց » :

Մնտօի բաղբաղայք են ասել՝ եթէ քանզի առողջութիւն և կեանք՝ ՚ի բնութեան մերում՝ են բարիք կրկին , վասն որոյ իրաւամբք իցէ մարթ փափաքել նոցուն , մանաւանդ թէ և պարտ իցէ մեզ հսկել պահպանութեան նոցա , և վասն այնորիկ անմարթ իսկ իցէ չառնել ընտրութիւն յայստօսիկ : Առայս մեծախոհն Սուարէզ տայ քեզ պատասխանի , թէ թէպէտ այսոքիկ բարիք պատշաճականք են բնութեան , և ցանկալիք , և արժանաւորք հսկելոյ ՚ի պահպանութիւն նոցին , բայց քանզի սովոր են մարդիկ առնուլ զնոսին պատճառս մեղաց ,

և ոչ զարգանալոյ յառաքինութիւնս , վասն որոյ լաւ եւ է ցանկալ նոցուն այնչափ եւեթ որչափ կարեորք իցին առ ձեռն տալ կատարելութեան մերոյ : Նա՛ պարտ իսկ է արհամարհել զնոյնս առ զարգացումն յառաքինութեան , և վասն հանդիսից կատարելութեան հանեալ ՚ի նուէր Աստուծոյ : Եւ վասն այնորիկ պարտ է կալ անխտիր և յայտոսիկ , զի ըստ բերել զիսպացն , ըստ կամացն Աստուծոյ , պատրաստք իցեմք հրաժարել և ՚ի նոցունց :

Թէպէտ կրօնաւորաց չէ անկ անխտիր կալ յայտոսիկ . զի Աստուած ՚ի ձեռն կոչմանն յայտնեալ է նոցա զկամս իւր՝ եթէ զոր ազգ կենաց ունիցին վարել ՚ի ծառայութեան իւրում . մանաւանդ թէ պարտ է նոցա յամենայն երկմտութեան կարծեաց ՚ի բաց խուսափել իրրն ՚ի վնասակար փորձութենէ : Արդ հիմնեալ մեր յայս ճշմարտութիւն թէ կամի Աստուած զի ծառայեսցուք նմա ՚ի սուրբ կրօնիս յայսմիկ յոր կապեցաքն , այն եւեթ մնայ մեզ զի իցեմք անխտիր պատրաստք առ եղանակ ծառայութեան մերոյ ըստ չափու շնորհացն զոր ետ մեզ :

Գարձեալ քանզի ըստ պայմանի կոչմանս մերոյ ոչ կարեմք գոլ անխտիրք ընդ ազբատութիւն և ընդ ճոխութիւն և ընդ պատիւս աշխարհի , հրաժարեալ գոլով մեր ոխտիրք յայնցանէ , վասն որոյ հարկ ՚ի վերայ կայ մեզ յայլ ինչ իրս ցուցանել

դհամակամութիւնս մեր: ա. Առ պաշտա-
 մունս պատուոյ և անարգանաց, առ աս-
 տիճանս պաշտօնէի և օգնականի, առ վար-
 ժապետութիւնս ստորին և մեծագոյն դըպ-
 րոցաց: բ. Առ աղքատին և ճոխ դպրոցս,
 առ բնակարանս անպատրաստս և յարդա-
 րեալս, առ մեծաւորս խիստս և համբոյրս,
 առ ընկերս հաճոյս և դառնացուցիչս: գ. Առ
 քաջողջութիւն և հիւանդութիւնս որք մար-
 թին ՚ի վերայ դալ ՚ի պաշտամանէ, ՚ի կե-
 րակրոց և ՚ի բնակարանէ, յապականեալ
 օդոց, և յայլ ինչ պատճառաց: դ. Առ եր-
 կար կեանս կամ համառօտեալս ՚ի ձեռն
 պաշտաման յանձնելոյ ՚ի հնազանդութենէ,
 կամ ՚ի փաստակոց և կամ ՚ի տաղտկութե-
 նէ և կամ դարձեալ ՚ի ճանապարհորդու-
 թենէ: Նթէ ծանր ումեր թուլցին այսոքիկ
 և ոչ ՚ի դէպ հանդամանաց վիճակի իւրոյ՝
 յորում գտանի, ընծայեսցէ դանձն պատ-
 րաստական համակամ անխտիր ՚ի խորչել
 և յընդունել, ՚ի լքանել և ՚ի վար արկանել
 դայն ամենայն զոր ՚ի միտ առնու ՚ի կրթու-
 թեան առտ՝ եթէ պահանջէ յինքենէ Աս-
 տուած, առանց չափ զնելոյ ազդեցութեանն
 Աստուծոյ, առանց ընդունելոյ կամ հաս-
 տատելոյ զդաշն ինչ բնութեան ընդ շնոր-
 հաց, և ոչ չափ իմն սահմանելով անձին ՚ի
 ճանապարհին առաքինութեան. այլ յանձն
 եղեալ յամենայնի ՚ի կամս ստեղծողին,
 պատրաստ իցէ առ ամենայն. համառօտ
 ասել, առ բարձրանալ յայն աստիճան կա-

տարելութեան , յոր կամիցի Աստուած բարձրացուցանել զնա յայսմ կրթութեան :

Եւ զի աստ առ կրօնաւորս են բանք մեր՝ զառաջին չորեսին առաջարկութիւնսն ամփոփեմք յերիս , որք են . լինել համակամ անխտիր , ա . Առ ամենայն պաշտամունս . բ . Առ ամենայն վայրս . գ . Առ ամենայն ազգ կենդանութեան . յաւելեալ ընդ չորրորդին զԱնխտիր համակամութիւն 'ի կոչման մերում ժառանգելոյ զայն աստիճան կատարելութեան՝ առ որ կամիցի Աստուած բարձրացուցանել զմեզ , կամ զպատրաստականութիւն իմն զիրանսաց առ զգուշանալ և առ ընդդրկել , առ լքանել կամ առ 'ի գործ մատուցանել զայն ամենայն զոր պահանջեսցէ Աստուած 'ի մէնջ յայսմ կրթութեան : Եւ զսոյն չորրորդ առաջարկութիւն 'ի դէպ դատիմք անուանել Աստիճան կատարելութեան :

Ոչ ժխտեմ լինել այսմ դժուարին 'ի գործ , այլ յայտ իսկ է զի վասն այնորիկ է արժանի արիասիրտ առն : Այլ որ զինչ և է , պարտ է քեզ անձկալ առ այս յամենայն դօրութենէ , եթէ կամիս լինել կրօնաւոր կատարեալ , որպէս տեսցես յառաջիկայ խոկման , 'ի կշռելն զայն ուշով մտաց , որ է զվախճանէ կրօնաւորի :



Մ ա ն օ թ ո շ ր ի շ ն

Աշխարհիկք փոխանակ այսր երկրորդի խոկմանն, առնուցուն 'ի խոկալ զերկրորդ մասն Պարասմանն: Իսկ այլ քահանայք կարգեալք 'ի փրկութիւնն հոգւոց ընդ հնազանգութեամբ Եպիսկոպոսի՝ գացեն զսոյն սլաշաճագոյն յոյժ և ինքեանց՝ առեալ 'ի խոկուսն զգործս սաշտամանց իւրեանց փոխանակ նշանակելոցն աստէն:

Խ Ո Վ Ո Ւ Մ Ն Բ

Վ Ա Ւ Ճ Ա Ն Ս Ռ Ն Ո Ւ Խ Տ Ի Ի Ք Կ Ա Պ Ե Լ Ո Յ

Մ ա ս ն Ս

Վախճան կրօնաւորի և պաշտօնէի և կեղեցւոյ որ պարապի 'ի փրկութիւնն անձին և այլոց, է միտ գնել ընդ փրկութեանն հոգւոյ նաև կատարելութեանն և փրկութեանն հոգւոյ ընկերին ամենայն ճգամբ: Ապա և վախճան անձանց Ուխտիս մերոյ է կատարելութիւնն և փրկութիւնն անձանց և այլոց: Յոյժ գերազանց, լի օգտութեամբ և երջանիկ վախճան:

Ա. Գերազանց է. քանզի, ըստ աստուածաբանից, այս իսկ էր արտաքին պատճառ գործոցն Աստուծոյ, արարչագործութեանն, փրկագործութեանն և առաքմանն Հոգւոյն

սրբոյ , կենաց , վաստակոյ և մահուան Քրիստոսի Տեառն մերոյ , կարգեալ առ կատարելութիւն և առ փրկութիւն ազգի մարդկան : Գարձեալ զի՛ ըստ վկայելոյ սրբոյն Գիտնեսիոսի , յաստուածային զործս աստուածայնագոյն է լինել զործակից երկնից ՚ի փրկութիւն հոգւոյ : Արդարեւ անգամ վասն զի նախանձաւորն փրկութեան այլոց , սքանչելեօք իմն զեր ՚ի վերոյ երկրաւորացս ամբառնայ , և քան զդասու հրեշտակաց զերազանցէ , լեալ միջնորդ Աստուծոյ ընդ մարդկան , և իբրև այլ ոք փրկելիչ մարդկան :

Բ. Մեծ է օգտութիւնն յառաջ եկեալ ՚ի վախճանէ աստի , վասն արդեանցն ժողովելոց , շնորհացն արժանաւորելոց , և վառացն՝ որովք պսակեսցին վաստակաւորքն : Եւ արդարև զինչ այլ առաւել հաշտարար արդարութեանն Աստուծոյ , քան զառաջագրութիւն հոգւոյ փրկելոց ընդ ձեռն մեր յանդիման ողորմութեանն Աստուծոյ :

Գ. Քանի՛ երանական ևս է վախճանդ . վասն զի որք վաստակին ՚ի կատարելութիւն , կեան ՚ի խաղաղական կեանս , ՚ի քուն քաղցր ննջեն ՚ի մահուն , և լի լինին մխիթարութեամբ : « Օրհնեալ է Աստուած , որով կոչեցաք ՚ի հաղորդութիւն Արդւոյ խրոյ Յիսուսի Քրիստոսի Տեառն մերոյ » : Յորում ՚ի ձեռն կոչման մերոյ պարտիմք վաստակել յայս զերազանց , լի օգտութեամբ և յերջանիկ վախճան :

Սակայն և դայս յուչի կապել արժան է, եթէ ոչ պարտի խրաքանչիւր դք'ի մէնջ ըստ ընտրութեան կամաց խրոց վաստակել առ ժամանելոյ վախճանին խրում, այսինքն փրկութեան անձին և այլոց. այլ ըստ ընտրութեան կամացն Աստուծոյ, յոր գործ ինքն կարգեսցէ զմեզ, և որով չափով կամիցի դի վաստակեսցուք: Ասան որոյ ոչ պարտիմք զակն դնել հասանելոյ յայլ իմն աստիճան առաքինութեան, կամ վաստակելոյ այլազգ օրինակաւ քան զոր Աստուած սահմանեսցէ վասն մեր առ 'ի ժամանել 'ի վախճանն՝ առ որ նուիրեալս եմք: Պարտիմք մնալ հրամանին Աստուծոյ և հպատակել կամաց նորա. ինքն ցուցցէ մեզ զժամանակն, զզխարզն, զչափն, զտեղին և զանձինս, յորոց 'ի փրկութիւն վաստակելոց իցեմք: Իսկ եթէ մեք յեռանդն հարեալ խաբէութեամբ մտաց ախորժիցեմք վաստակել ըստ կամս մեր 'ի մեծամեծս, կամ զտկարութիւն պատճառեալ՝ չափ դնիցեմք վաստակոցս, յայնժամ յետնեալք զտանիցիմք 'ի ծառայելոյ Աստուծոյ, և զԱստուծոյսն ոչ 'ի դէպ 'ի վար արկեալ 'ի փրկութիւն մեր: Ամենայն ցանկութեան սրտից մերոց և ամենայն գործոց մերոց զեակ և ուզղիչ պարտին լինել կամքն Աստուծոյ. ապա թէ ոչ՝ զտանիցիմք զառածեալք 'ի վրէպ խորհուրդս և 'ի շափղս կորստեան:

Արդ զրոշմեսցուք 'ի խորս սրտից մե-

րոց զայս հիմնական ճշմարտութիւն՝ եթէ վախճան կրօնաւորի և պաշտօնէին և կեղեցւոյ կարգելոյ՝ ՚ի փրկութիւն հոգւոց՝ է ծառայել Աստուծոյ ՚ի փրկութիւն և ՚ի կատարելութիւն անձին և հոգւոց, վաստակելով ՚ի զործն յոր կոչեսցէ զնա Աստուած. ՚ի վայրն, ՚ի ժամանակին և ըստ չափուն զոր ցուցցէ ինքն Աստուած: Ո՛վ տէր Յիսուս, դու ուսուցեր մեզ զսոյն արդեամբք և բանիք, հաղորդս արա և զմեզ այսմ շնորհիդ, զի յոր միտք մեր հասանեն՝ և կամք մեր վաստակեսցին:

Մ ա ս և Բ

Առ հասանելոյ յայս վախճան՝ հնարք առաջինք են յաճախել ՚ի խորհուրդս, պարապել աղօթից և խոկման, ճնշումն զգոյութեանց և կրից, և պահպանութիւն կանոնաց: Եւ որք զհետ դան սոցուն երկրորդքն՝ են անխտիր համակամութիւն վայրաց, աստիճանաց, պաշտամանց, և վաստակոց ըստ աստիճանի կարողութեան հոգւոյ և մարմնոյ: Կրօնաւոր որ նուիրեալ ՚ի փրկութիւն անձին և այլոց, կարէ սոքօք ժամանել ՚ի վախճանն պսակաւոր:

Երեք ինչ իրք են յոյժ կարևորք ՚ի դիտութիւն. ա. Զի ՚ի կրօնի՝ աստիճանացն զանազանութիւն, տեղեաց փոփոխումն, պաշտամանցն ազգք և առողջութեան կամ տկարութեան պատահարք՝ են սատարք կամ

միջնորդը 'ի հայթայթել զփրկութիւն ան-
 ձին և զայլոց . և զարձեալ այնչափ ցան-
 կալիք են և կամ խուսելիք , որչափ օգտա-
 կարք իցեն և կամ վնասակարք 'ի ժամա-
 նումն վախճանին . զի սատարողին բարու-
 թիւն այն ևեթ է զի ածցէ առ վախճանն :
 Բայց թէ վափազեսցէ որ նոցուն՝ ոչ զի
 են ձեռնտուք առ վախճանն , այլ զի ինքն
 ցանկայ 'ի ձեռս բերել զնոսին վասն իւրոց
 հաճոյից , ոչ զործէ ուղղութեամբ . զի յայն-
 ժամ իբրև 'ի վախճան բերի յայնոսիկ , և
 'ի նոսին խնդրէ զհանդիստ և զլրումն կա-
 մաց իւրոց , որք ոչ են վախճանք , այլ
 ձեռնտուք ևեթ առ վախճանն . և այս է
 երթալ յետս ընդդէմ , և զձեռնառուսն փրկ-
 կութեանս առնել սպառճառս կորստեան :

Վասն որոյ սկարտ է զիտել . ք . Զի որ
 և է աստիճանք , սղաշտօնք , վայրք , սահ-
 մանք առողջութեան՝ են զիստղազոյնք վա-
 սըն կրօնաւորի առ 'ի ձեռս բերել զվախ-
 ճանն փրկութեան զանձին և զայլոց . 'ի քա-
 րողել առ տղէտս և առ իմաստունս , 'ի
 զիւղօրէս կամ 'ի քաղաքս , 'ի դաստիարա-
 կութեան մանկանց , և կամ յայլ սղաշտա-
 մունս զործոց , 'ի տկարութեան , 'ի քաջող-
 ջութեան , յայսմ ամենայնի զմի և զնոյն
 օգուտ փրկութեան զործեսցէ կրօնաւորն :
 Բայց ասիցես՝ եթէ արդիւնք զործոցն ոչ
 այդպէս ցուցանեն : Այլ խաբիս 'ի դատել
 ըստ երևութին . զի բովանդակ ընկերութիւն
 ուխտիս է մի մարմին առաջնորդեալ յԱս-

տուժոյ . և այդ խորհուրդ թելադրութիւն է կամայ մարմնոյ . վասն որոյ

Պարտ է զիտել . գ . Եւ զայս , եթէ պատշաճագոյնն մեզ գործ 'ի կրօնիս առ ժամանել 'ի վախճանն մեր է աստիճանն այն , պաշտօնն , վայրն , և ողջութիւնն , զոր Աստուած տնօրինէ մեզ ինքնին կամ ընդ ձեռն մեծաւորին . յայնմ եթէ կարեմք 'ի սուղ ժամու մեծամեծ գործս փրկութեան 'ի գլուխ հանել , առ որ և զկարևոր շնորհս առատաձեռնեսցէ մեզ Աստուած , և յանդգաստից մեծամեծ արդեանց գտանիցիմք ժառանգորդք . վասն որոյ և մեծապէս վրիպեալ գտցուք եթէ մեզէն կամիցիմք ընտրել և առնուլ յոր վաստակել իցէ մեզ պարտ :

Վասն որոյ առ հասանել յայս վախճան , Աստուած 'ի յաւիտենից խորհեալ , ընտրեալ և սահմանեալ է վասն մեր անհուն սիրով իւրով զպատշաճականն մեզ զգործս , չափեալ և կշռեալ կարողութեան մերում , որք մեծապէս ձեռնտու լինիցին 'ի փրկութիւն մեզ և այլոց . որք են ահա սյնոքիկ անարգանքն , վիշտքն , տառապանքն , թշնամութիւնքն ընդդէմ մեր , և ընդդիմակրութիւնք մեծաւորաց , և այլք որք սոցին սակի' համայն տնօրինեալք մեզ յԱստուժոյ առ սէր մեր :

Եւ է իսկ ամենայնիւ աներկբայ՝ եթէ Աստուած անհուն իմաստութեամբ և նախախնամութեամբ իւրով ընտրէ առնու և 'ի գործ մատուցանէ զհնարս ամենայնիւ

ձեռնառու 'ի լրումն գործոց: Ապա 'ի կամել նորա զի մեք վաստակեսցուք 'ի սոսին առ հասանել մեզ և հասուցանել զընկերս 'ի կատարելութիւն և 'ի փրկութիւն, յայտ իսկ է զի նորին են պատշաճագոյնքն մեզ հնարք ձեռնառուք առ ժամանելոյ 'ի վախճանն մեր: Ո՛վ Տէր ամենակալ, խոնարհեսցո՛ 'ի լուծ քո զընդվզեալ կամս մեր, զի ածցէ 'ի հաւանութիւն ճշմարտութեանս այսորիկ զմիտս մեր, կռելով ուխտ ընդ անձին չմոռանալոյ երբէք, և զի կամքն ևս անփոփոխ 'ի նոյն առաջնորդեսցէ:

Մ ա ս ն Գ.

Յայսմ ամենայնէ զհետ բերել արժան է՝ թէ պարտ է կրօնաւորի ծառայել Աստուծոյ 'ի կրօնի յաստիճանի անդ և 'ի պաշտաման, 'ի տեղւոջ, և 'ի տկարութեան կամ 'ի քաջողջութեան յոր և կոչեսցի յԱստուծոյ և կամ 'ի մեծաւորէն որոյ հրամանք են յանուն Աստուծոյ: Վասն որոյ պարտ է նմա կալ անխտիր համակամ առ այս ամենայն. քանզի պարտի ծառայել Աստուծոյ 'ի վիճակի՝ յոր զնա կոչեսցէ ինքն Աստուած, որպէս ցուցաւ յառաջին մասին:

Ապա պարտ է մեզ հնազանդել մեծաւորին անխտիր համակամութեամբ 'ի գործս մեր, և նախախնամութեանն Աստուծոյ՝ 'ի տալ մեզ քաջողջութիւն կամ ոչ. զի 'ի հա-

ւատոց է՝ թէ բաց 'ի մեղաց այլն ամենայն տնօրինի 'ի նախախնամութենէն Աստուծոյ : Նոյնպէս և այն թէ 'ի հնազանդել մեր մեծաւորաց՝ հնազանդիմք կամացն Աստուծոյ, որ ասաց . Որ ձեզ լսէ ինձ լսէ : Եւ այսպէս կարեմք ասել ընդ Բարութայ . Երանի՛ է մեզ, կրօնաւորք, զի ('ի ձեռն կանոնաց) հաճոյքն Աստուծոյ ծանօթք մեր են :

Ապա պարտ է մեզ լինել անխտիր համակամ առ ամենայն : Ապա ուրեմն որ խտրէ, ոչ ծառայէ Աստուծոյ ըստ կամաց նորա, և 'ի վախճանէն իւրմէ խոտորեալ հեռացեալ է : Քանզի որպէս ամենայն մարդոյ առ հասանել 'ի վախճան իւր կարևոր է լինել անխտիր համակամ առ հասարակ առ ամենայն վիճակ կենաց պատուոյ և անարդանաց, ճոխութեան և աղքատութեան, որպէս ցուցաւ յառաջին խոկման, այսպէս ևս կարևոր է առն կրօնաւորի առանձին 'ի վիճակի կենաց իւրոց այս անխտրութիւն աստիճանի, սաշտաման, վայրաց և տկարութեան և քաջողջութեան մարմնոյ : Եւ որպէս աշխարհիկ ոք, ոչ կամեցեալ կեալ 'ի կոչմանն յոր կոչեսցէ զնա Աստուած, հեռանայ 'ի վախճանէն իւրմէ, սմին հանդոյն և կրօնաւորն արտաքս անկեալ գտցի 'ի լուսաւոր ճանապարհէն՝ յոր մտեալն է, եթէ ոչ հաստատութեամբ ուխտ ընդ անձին զիցէ ծառայելոյ Աստուծոյ յամենայնի հպատակելով կամաց նորա, և կամիցի ըստ յօժարութեան բաղձանաց իւրոց ընդունել

զհրաման կալոյ յայն աստիճան , յայն պաշտօն , յայն վայր զորս ինքն 'ի դէս դատեացէ անձին իւրոյ : Ստացումն այսր համակամութեան և հաստատութիւն 'ի սմին , լինիցի կէտ նպատակի առաջիկայ խոկմանս :

Այս անխտիր համակամութիւն է յանչափս կարևոր , զոր և պարտ է զհետ լինել ստանալոյ ամենայն ճգամբք . զի հիմն է սա այլոցն ամենայնի խոկմանց , զորով յանտեսելն՝ կրթութեանն վաստակ ողջոյն ծախսեցի ընդվայր , նաև բովանդակ իսկ երանական կեանք կրօնաւորութեանն փոխեցի 'ի թշուառութիւն կորստական . քանզի առանց սորա երբէք ոչ կարասցէ կրօնաւորն ժամանել 'ի ծայրագոյն կատարելութիւն , որ է վախճան այսր կրթութեան և կրօնաւորական կենաց :

Ի Ղ Զ Ք

Ա . Պարտ է զարթուցանել 'ի սրտի ներգործութիւն՝ ա . Գոհութեան ընդ երախտիս կոչմանդ՝ որում արժանացեալ ես . . . քան զարժանաւորսն քան զքեզ . . . անտեսութեամբ մեղաց քոց . . . կոչեցեալ 'ի կրօն ուխտիս հռչակելոյ բազմադէմ բարեմասնութեամբ : ք . Յաւոց՝ վասն զտանելոյդ ցայս վայր անխոյթ կանոնաց , վասն ուխտազանցութեանցդ , վասն ապախտաւորութեանդ թեակոխելոյ 'ի կատարելութիւնս , միանդամայն ասել՝ վասն պակա-

սելոյ քո 'ի պարտուց սրբոյ կոչմանդ , և վասն ոչ վաստակելոյ քո եռանդազին 'ի փրկութիւն հոգւոց : Գ . Սիրոյ և փառաբանութեան ընդ մեծահրաշ նախախնամութիւնն Աստուծոյ որ զքեզ զթութեամբ պահ պանեաց ցայսօր 'ի նաւահանդատի ուխտիս պատսպարեալ զքեզ 'ի վտանգաց յամենայն ճանապարհս քո , նա ևս յորժամ ընդդէմ դարձեալ դու նմա ասպարթանէիր : Դ . Ուխտ եղեալ անձին ծառայելոյ նմա յայսմ հետէ առաջնորդեալ 'ի կամաց նորա . այս է՝ յայն աստիճան առաքինութեան զոր ուսուսցէ քեզ յայսոսիկ աւուրս կրթութեան :

Բ . Բայց ոչ է պարտ յամել ընդ երկար յայսոսիկ չորեսին ներդործութիւնս , այլ զամենայն ջան պարտ է 'ի զործ արկանել 'ի ստացումն անխտիր համակամութեան առ ամենայն վայրս , առ ամենայն աստիճանս , առ ամենայն պաշտամունս և առ տկարութիւն և քաջողջութիւն առ հասարակ , զգուշացեալ առ ժամն իջանելոյ յառաձին դէպս մանունս , որ դժուարին իսկ է յոյժ և մեծապէս ներհակակիր անձնասիրութեան : Քանզի 'ի սկզբան տկար է կամքն և անկարող 'ի զործ . վասն որոյ պարտ է ելանել ընդ աստիճան , մինչև զօրասցի շնորհօք օր ըստ օրէ և այնպէս սպառազինեալ քաջասցի ընդհարկանել սոցուն միայն ընդ միայն և յազթանակել :

Գ . Պարտ է երկարել և 'ի խոկումն ճշ-

մարտութեան հաւատոյ, որով հաւատամք աներկբայ՝ եթէ որ ինչ դէպք պատահին մեզ, եթէ ՚ի հրամանէ մեծաւորաց և եթէ ՚ի պատահարաց արտաքնոց, ՚ի կամացն Աստուծոյ են տնօրինեալք յօղուտ մեր, և վասն այնորիկ են նորին գործք յոյժ պատշաճականք առ հանել ամել զմեզ առ մերն վախճան. քանզի Աստուած որ ասաց. Այս է մարմին իմ, ասաց դարձեալ. Որ ձեզ լսէ, ինձ լսէ: Արդ եթէ հաւատամք առաջնոյն, էր երկմտիցիմք ընդ ճշմարտութիւն երկրորդին:

Աներկբայ հաստատութեամբ հաւատամք ևս վարդապետութեանցս այսոցիկ. ա. Եթէ Աստուած է ամենազէտ. ապա զիտէ եթէ ո՞ր տեղի, որ պաշտօն, որ աստիճան, որ ազգ առողջութեան կենաց իցէ մեզ պատշաճական: բ. Եթէ է ամենազօր. ապա կարէ տալ մեզ զանկաւորն: գ. Եթէ սիրէ զմեզ յանչափս, ապա հաւաստի իմն է եթէ տացէ մեզ զկարևորսն, զի հասցուք ՚ի վախճանն առ որ կարգեալ է զմեզ: Կենդանի հաւատք ՚ի վերայ ճշմարտութեանցս այսոցիկ խրախուսեսցէ զմեզ յանխտիր համակամութիւն. միայն եթէ խնդրեսցաք ջերմեռանդն աղօթիւք յԱստուծոյ մեզ զսոյն:



ԵՐԿՐՈՐԴՈՒՄՆ ՍՈՒՂ

Ա. Վախճան կրօնաւորի՝ որ պարասլի ՚ի փրկու-
թեան անձին և այլոց, է միտ դնել ընդ փրկու-
թեան հոգւոյ իւրոյ, նա և կատարելութեան և
փրկութեան հոգւոյ ընկերին: Յոյժ գերազանց,
լի օգտութեամբ և երջանիկ վախճան: Թ. Գերա-
զանց է, զի այս իսկ էր արտաքին պատճառ գոր-
ծոցն Աստուծոյ. եթէ և մեք ՚ի նոյն բերիցիմք,
լիցուք գործակիցք փրկութեան մարդկան: Բ. Լի
է օգտութեամբ վասն արդեանցն, շնորհացն և
փառացն յորս վայելեսցուք: Գ. Երանական, զի
վայելեմք ՚ի խաղաղ կեանս և մեռանիմք դոհք:
Բայց արժան է գիտել և զայն՝ եթէ պարտ է վաս-
տակել ըստ Աստուծոյ կամացն, այսինքն ըստ յե-
ղանակին և ըստ չափուն զոր հաճեսցի և սահմա-
նեսցէ ինքն Աստուած:

Բ. Պատշաճականքն ձեռնառք առ այս վախ-
ճան են այլ և այլ. տեղին, աստիճանք, պաշտօնք,
և կարողութիւնք հոգւոյ և մարմնոյ. որովք հնար
է հոգալ զփրկութիւն անձին և այլոց: Գիտելիք.
Գ. Զի գուրվ սոցա պատճառք ձեռնառք փրկու-
թեան, պարտ է փափաքել նոցուն ջորվայր օգնեն
մեզ. և խորշել յորոց փնասենն: Բ. Զի այսոքիկ
վայրք, պաշտամունք, աստիճանք, ևն, են առիթք
փրկութեան, քանզի սոքօք կարեմք կատարել
զկամս Աստուծոյ: Գ. Քանզի սոքին են առիթք
պատշաճականք, ՚ի սոցանէ այն է պատշաճա-
գոյն, զոր կամիցի Աստուած զի արկցուք ՚ի կիր:

Գ. Յայսմ՝ ամենայնէ արժան է զհետ բերել՝
 եթէ պարտ է կրօնաւորի ծառայել Աստուծոյ՝ ի
 կրօնի՝ յաստիճանի անդ, ի սաշտաման, ի տե-
 զոջ, ի տկարութեան կամ ի քաջողջութեան,
 յոր կրչեսցի յԱստուծոյ և ի մեծաւորէն, որոյ
 հրամանք են յանուն Աստուծոյ: Եւ զի առանց
 այսր անխախր համակամութեան առ ամենայն
 գործ՝ ոչ է հնար հասանել ի կատարելութիւն,
 և ոչ այլոց առաջնորդել:

Ընթերցիր

Թովմ. Գեմբ. Գիրք Գ. ԳԼ. 10:

ԽՈՐՀՐԴԱԿՅՈՒԹԻՒՆ

Անխտիք հաւակամութեան տեղոյ, պաշտա-
 ման, սատիճանի և տկարութեան և առող-
 ջութեան.

Քանզի սկէտք այսր անխտիք համա-
 կամութեան է անհրաժեշտ՝ իբրև զհիմն
 հաստատութեան շինուածոյ, զորով զանց
 արարեալ լինիցի անկանգնելի շինուածն
 կրթութեան, և զի է ևս յոյժ զժուարակիր,
 որում ընդդէմ դինեալ է սէր անձին ամե-
 նայն զօրութեամբ չտալոյ բնաւ տեղի, և
 զի վաստակի ամենայն ճգամբք ի տապա-
 լել զնոյն, վասն որոյ եզի ի մտի յառաջ
 բերել զայլ և այլ համոզկեր պատճառս, որ-

պէս զի զօրութեան բախմանն տեղի տը-
ւեալ կամացն, յանձն առնուցու զպար-
տութիւն: Քանզի կամիմք ծախել զայս ա-
ռաջին օր լրիւ յայս խոկումն:

Ա. Առաջին պատճառ՝ որ այսպէս զը-
ժուարին ցուցանէ մեզ զայս ոսկեղինիկ
համակամութիւն, է երկիւղն վաստակոց
և վշտաց և անարգանաց և հիւանդութեանց,
որոց հասանէ մեզ տանել յայնմ՝ տեղւոջ,
'ի պաշտաման, և յաստիճան առաքինու-
թեան, և այնպէս մատնիլ յաղէտս: Արդ 'ի
բառնալ զայս երկիւղ 'ի սրտից, անհետաս-
ցին և ամենայն խոչքն համակամութեան:

Արդ զառաջինն բուն հարեալ 'ի փա-
րատել զերկիւղն հիւանդութեան, կար-
ծիցես թերևս թէ Աստուած ոչ կարասցէ
պատժել զքեզ հիւանդութեամբ նաև 'ի տե-
ղւոջ և 'ի պաշտաման անդ՝ որում փափա-
քեսն, և պահել զքեզ քաջառողջ և յու-
ժի 'ի տեղւոջ անդ և 'ի պաշտաման՝ յորմէ
խուսափես: Եւ ոչ անկանի 'ի միտս քո
կասկած երկիւղի՝ եթէ մի գուցէ պատժու-
ցէ Աստուած զքո զայդ հետտութիւն: Եւ
խիբր չիցէ արժան յուսալ առ Աստուած վար-
ձատրելոյ զհամակամութիւն քո պահելով
զքեզ 'ի քաջողջութեան: . . .

Եւ զարձեալ եթէ Աստուած տէրն կե-
նաց և մահու կամի կալ քեզ 'ի հիւանդու-
թեան, իբր կարասցես դու հակառակ ելա-
նել ամենազօր կամաց նորա: Ո՛չ լաւ ևս
իցէ կալ 'ի հիւանդութեան ըստ կամաց նո-

րա, քան 'ի քաջողջութեան ընդդէմ կամաց նորա: Ապա այսորիկ հրապոյրք են անձնասիրութեան, որ բազբաղէ զհիւանդութիւն: Սակայն և այնպէս չէ քեզ արգելեալ առաջի առնել մեծաւորաց զկասկած երկիւղի հիւանդութեան, կալով յամենայնի պատրաստ 'ի լրումն հրամանաց նոցա՝ յետ լուծանելոյ դքո զերկմտութիւն:

բ. Եւ եթէ խուսափիցես 'ի վաստակոց, 'ի վշտաց, 'ի տառապանաց, 'ի տաղտկալեաց, և 'ի հոգոց ծանունց, կարծիցես և թէ Աստուած ոչ կարասցէ փոխարինել նոցուն լիով երկնաւոր մխիթարութեամբք, լիութեամբ շնորհաց, յաջողութեամբ գործոց, զերծուցեալ գքեզ յևս մեծագոյն վրշտաց և յանձկութենէ գորս մնայր քեզ կրել այլուր:

Եւ միթէ Աստուած չիցէ՞ կարող 'ի պատուհաս քեզ 'ի դառնագոյն վիշտս քան յորոց խուսափեսն տազնապել դքեզ 'ի տեղւոջ և 'ի պաշտաման՝ առ որ բերիս անձկով: . . . Եւ զիարդ ոչ երկնչիս իրաւամբք եթէ մատնեսցիս 'ի նոսին: Արդ անձին զգատւեր, և հանդիր յամենախնամ կամս Աստուծոյ համակամութեամբ:

գ. Որ ինչ ասացաւ զվաստակոց, իմա և զանարգանաց յորոց երկնչիս. եթէ դու տանիցիս զնոսին գոհութեամբ, ընկալցիս յԱստուծոյ 'ի փոխարէն զլիութիւն շնորհաց, զքաջողջութիւն, զմխիթարութիւն սրաի և զսիրովումն մտաց: Ո՛վ, քանիք

կարծեալ ճեմել պսակաղարդ յայն ինչ պաշտաման, լցան նախատանօք և անարդանօք. քանիք որք յընկերութեան էին սիրեցեալք և պատուեալք, ՚ի մեծաւորութեան եղեն նախատ ամենեցունց :

Ամենեքին սորա ՚ի պատուհաս արդար, մատնին յԱստուծոյ ՚ի նախատինս, յախտս տկարութեան և ՚ի ծանր վաստակս՝ ուր կարծէին հանգիպել փառաց, և կեալ ՚ի հանգստի և ՚ի քաջողջութեան : Այսպէս Համան ՚ի ցանկութեան գերաստիճան փառաց՝ ել ՚ի կախաղան : Սապէս Ղովտ ընտրեաց զյուսթի հովիտան Սողոմայ, յորմէ եթէ ոչ աճապարէր ՚ի փախուստ, ճարակ լինէր և ինքն տեղացելոյ հրոյն : Նոյնպէս և Աքոզիա, ՚ի խուսափելն ՚ի ձեռաց Աստուծոյ և ՚ի հիւանդութենէ, ընթացաւ ՚ի մահ, և ընկալաւ զգառն դատակնիք իւրոյ մահուանն յՆդիայէ . Մահու մեռցիս :

Եւ զինչ, միթէ ոչ պատահէ յաճախ, յետ տագնապելոյ և տառապելոյ առ ՚ի զերծանել ՚ի պարտուց հնազանդութեան, տեղի տալ բունադատութեան հարկին և առնել ակամայ զայն ինչ, զոր ոչ կամիս առնել մտադիւր յօժարակամ : Ասան զի եթէ կամիցիս և եթէ ոչ, պարտ է յամենայնի կատարել կամացն Աստուծոյ : Հրամանն Աստուծոյ եղև առ Յովնան երթալոյ ՚ի Նինուէ և քարոզելոյ. նա երկուցեալ զի ՚ի ներել նոցա Աստուծոյ, ինքն կրէր զանարդանս, չէառ յանձն, և փախեաւ ՚ի տե-

դւտջէն : Եւ իցէ՛ Հնար ծածկիլ յաչաց Աստուծոյ . կալաւ զնա 'ի ծովուն , բնկզմեաց , ետ զնա կլանել ձկան , և յետ բազում տառապանաց , փրկեաց զնա , և երկրորդեաց առ նա զհրամանն . « Եղև բան Տեառն առ Յովնան երկրորդ անգամ » , որ սրատուէր տայր նմա երթալ 'ի Նինուէ : Հնազանդեցաւ , զնաց . բայց յետ այնչափ տուգանաց վշտաց , յորոց մնայր զերծ , եթէ Հնազանդեալ էր առաջնոյ հրամանին :

Բ. Յաղթեալ մեծի խափանացն , առ և ևս յորգորազոյնս առնել զմեզ 'ի սոյն , տեսցուք և զվայելս երջանկութեանն՝ յոր հանգչի անձն համակամ : Եւ քանզի ոչ ցանկութեան փափաքանօք բերի առ իմն , և ոչ երկուցեալ հրաժեշտ տայ յիմեքէ , վասն որոյ վայելէ յերկնային իմն խաղաղութեան , զերծ կալով յերկուց հակառակ կրից՝ տազնապին և երկիւղի , որք են աղբիւրք ամենայն ալեկոծ յուզմանց ծփանաց մտաց . տազնապն առ 'ի ձեռս բերել որում փափաքէ , և երկիւղն կորուսանելոյ զորս 'ի ձեռին ունի :

Որ ոչ մի ինչ իրաց ցանկայ , նա է մեծատուն քան զամենայն մարդ յաշխարհի . զի յինքն բարձեալ բերէ զճոխութիւն , և է ինքնիշխան տէր անձին : Սա է մեծաւոր մեծաւորաց իւրոց . զի է անխտիր համակամ առ ամենայն ինչ , և չունի պէտս նըսրաստից յումեքէ : Ար է բերկրանօք 'ի հաւատս՝ եթէ կայ 'ի վայրն և 'ի սլաշտաման

յոր կարգեալ է զնա Աստուծոյ . և վատահ
յօզնականութիւնն Աստուծոյ, զիմէ առ
նա յամենայն դժուարինս, յամենայն վատ-
տակս և յամենայն յաղէտս վշտաց: Ան-
վրդով հանգուցեալ 'ի զիրկս նախախնա-
մութեանն Աստուծոյ, ասէ ընդ մարդա-
րէին . « Տէր հովուեսցէ զիս, և ինձ ինչ ոչ
պակասեսցի »:

Կայ յերկրի 'ի դասս երկնայնոց՝ զհրեշ-
տակացն բերելով զնմանութիւն . զի որպէս
հրեշտակքն Աստուծոյ կան միշտ պատ-
րաստք 'ի լսել ձայնի պատգամաց նորա,
յօժարակամք յամենայնի հսկելոյ անխտիր
'ի պահպանութիւն աղքատի և մեծատան,
քրիստոնէի և անհաւատի, և 'ի մատուցա-
նել յերկինս զաղօթս ամենայն սրբոց առա-
ջի աթոռոյն, և առ 'ի հեղուլ յերկիր զեօթն
սկաւառակսն ցասմանն Աստուծոյ . այս-
պէս և սա ինքն անձն երանելի կայ պատ-
րաստ յամենայնի իբրև զհրեշտակ Աստու-
ծոյ 'ի ընուլ զակնարկութիւն կամաց Արար-
չին իւրոյ, որ է միայնակ վախճան ամե-
նայն գործոց իւրոց: Եւ ո՞ կարասցէ չափ
զնել երանութեանն յոր վայելէ նա և յեր-
կրի աստ:

Իսկ զրկեալն 'ի ցանկալի առաքինու-
թենէ աստի նման է մրրկալից ծովու՝ յու-
ղեալ հանապաղ յանթիւ հողս և 'ի բազմա-
դէմ ալեկոծութիւնս խորհրդոց: Պարտի
խոնարհիլ, նուաստանալ, վատութեամբ
չողովել զանձինս, զի ձեռն տայցեն իւրոցն

անձնահաճ բաղձանաց, և կամ՝ զի մի խափան լինիցին: Եթէ ճախողակաց ինչ հանդիպեսցի, հարեալ՝ ի խղճին՝ ոչ ժտի կարգալ զԱստուած յօգնութիւն, քանզի գիտէ եթէ ինքն ակնկալութեամբ բարեաց հանդիպելոյ՝ հնարիւք եհաս յայն պաշտօն, որով մատնեցաւ յայնչափ տառապանս վրչտաց: Եւ վկայեն միտք իւր եթէ Աստուած առ ՚ի պատուհաս փոխէ նմա զայն՝ ՚ի դառնութիւն, յոր առ ՚ի վայելել, ոչ առ յանձն զնալ զհետ կամաց նորա: Թերևս և դու ՚ի սոյն կիրս կաս . . . և դեռ ևս ոչ ածէ զքեզ այդ ՚ի զգաստութիւն: . . .

Յետսամիտ դու, զիարդ ոչ երկնչիս յանկանելոյ ՚ի փորձութիւնս՝ թոյլ տալովն Աստուծոյ, յայդ քո ցանկացեալ պաշտամանդ, եթէ զուցէ անկցիս և ՚ի ծանր ինչ յանցանս. այն զի ՚ի հպատակել քո կամաց նորա, ոչ թողոյր քեզ անկանել. ոչ երկնչիս եթէ յայդ պաշտօն, որում զհետ մտեալ ես հասանել, բարձցէ ՚ի քէն զընորհսն կարևորս առ բարոք ՚ի զլուխ հանել զնոյն: Ի՞բր յանդգնիս կեալ ՚ի տեղւոջ անդ և կամ՝ ՚ի պաշտաման՝ յոր ոչ ես կոչեցեալ յԱստուծոյ: Ոսկր իմն ես խախտեալ ՚ի յօգուածոյն, կացցես միշտ ՚ի ցաւս: Ասա, աղաչեմ, իցեն գոհ զի հասեր միշտ առ որ ցանկայիրն. զի զհետ կամաց քոց զնացեր հանապազ: Եզո՛ւկ, առ ինչ օգտեսցեն քեզ զդքին: Որոց վարձուց մնացես յԱստուծոյ զի լցուցեր՝ ոչ զկամս Աս-

տուժոյ, այլ գրոյդ: Երկիր, զի « Անիծեալ լիցի մարդ, որ ասպատան լինիցի 'ի մարմին բազկի իւրոյ »:

Ապա արիացեալք 'ի հողիս նորոզեացուք զհիմնական զուխտ սրտից մերոց՝ զոր ցայսվայր յեղ յեղեցաք այսօր: Ծառայելոյ յայսմհետէ Աստուծոյ յայն վիճակ կենաց ընդ որ հաճեացի ինքն, կամ զոր ընտրեալ իսկ իցեմք. յայն աստիճան կատարելութեան, յայն պաշտաման, յայնմ վայրի յառողջութեան կամ 'ի հիւանդութեան, յոր առաջնորդեսցէ մեզ. եղեալ հաստատութեամբ 'ի մտի, զի զոր յայսմ կրթութեան պահանջեսցէ 'ի մէնջ Աստուած, զայն արասցուք, և զորս ոչ կամիցի՝ զայնոսիկ յանձանց 'ի բաց մերժեսցուք. զոր կամի զործել՝ զործեսցուք, և զորովք անտես առնել, անտես արասցուք:

Գ. Եւ առ 'ի հաստատութիւն ուխտիդ, զիր քաջ 'ի մտի՝ զի մասն է հաւատոյ՝ ոչ իմիք պատահել յաշխարհի ըստ զիպաց, այլ զի 'ի տնօրէնութենէն Աստուծոյ ամենայն ինչ հանդերձի, որ յանհունս սիրէ զմեզ, և աստուածային իմաստութեամբ իւրով « Դարմանէ զամենայն քաղցրութեամբ ». միտ զիր, « Զամենայն քաղցրութեամբ »: Եւ վասն այնորիկ յԱստուծոյ քեզ սահմանեցաւ 'ի ձեռն մեծաւորաց և այս հիւանդութիւն. և այսորիկ տառապանք վշտաց հասանեն քեզ 'ի ձեռաց նորա: Լեր հաւաստի եթէ Աստուած, նա ինքն Աս-

տուած միայն է՝ որ կամի զի կացցես 'ի տեղւոջ անդ, զի յանձն լիցի քեզ այն պաշտօն, զի խոշտանգեսցիս յայնմ հիւանդութեան և յանձկութեան, զի դուն զիցես հասանել յայն աստիճան կատարելութեան: Եւ դու երկմտիս տակաւին. և ասես թէ այդոքիկ եկին հասին 'ի զլուխ քո 'ի չարարուեստ նախանձու, 'ի դժկամակ մեծաւորաց, 'ի թշնամեաց հակառակորդաց, 'ի վրէժխնդրութեան քինու, և յատելութենէ այլոց: Այլ գուցէ 'ի խաբս կայցես 'ի կոյր դատաստան մտաց քոց. և չիք երկմտել ընդ այն զի խաբիս յաճախ: Բայց շնորհեալ քեզ ճշմարիտ գոլ զորոց զանդատիան, և զի իցեն նոքին պատճառք վշտացդ: Եւ զի՛նչ այտի. վկայեմ քեզ զի թշնամիք քո ծանունս մեղանչեն, և անկցին 'ի ներքոյ դատաստանացն Աստուծոյ: Սակայն և այնպէս լեր հաւաստի, զի թէպէտ Աստուած ատեայ զմեզս, բայց կամի զորս զհետն դան 'ի մեղաց. վասն որոյ վայրն այն, և պաշտօնն, և չարակրութիւնքն են 'ի կամացն Աստուծոյ տնօրինեալք քեզ, թէպէտ և պատճառեալք 'ի մեղաց այլոց:

Ատէր Աստուած զգործ վաճառողացն Յովսէփայ, բայց հաճ էր ընդ կալ մնալ նորա յԵզրիպտոս և ընդ բարձրանալ նորա 'ի փառս: Վասն որոյ ասէր Յովսէփի ցեղբարան. « Ի փրկութիւն առաքեաց զիս Աստուած առաջի ձեր »: Միտ զիր, ոչ նախանձ եղբարցն, այլ Աստուած: Սատա-

տուժոյ , այլ գբոյդ : Երկիր , զի « Անիծեալ լիցի մարդ , որ ապաստան լինիցի 'ի մարմին բազկի խրոյ » :

Ապա արիացեալք 'ի հողիս նորոգեսցուք զհիմնական զուխտ սրտից մերոց՝ զոր ցայսվայր յեղ յեղեցաք այսօր : Մառայելոյ յայսմ՛հետէ Աստուծոյ յայն վիճակ կենաց ընդ որ հաճեսցի ինքն , կամ զոր ընտրեալ իսկ իցեմք . յայն աստիճան կատարելութեան , յայն պաշտաման , յայնմ վայրի յառողջութեան կամ 'ի հիւանդութեան , յոր առաջնորդեսցէ մեզ . եղեալ հաստատութեամբ 'ի մտի , զի զոր յայսմ կրթութեան պահանջեսցէ 'ի մէնջ Աստուած , զայն արասցուք , և զորս ոչ կամիցի՝ զայնուսիկ յանձանց 'ի բաց մերժեսցուք . զոր կամի զործել՝ զործեսցուք , և զորովք անտես առնել , անտես արասցուք :

Գ . Եւ առ 'ի հաստատութիւն ուխտիդ , զիր քաջ 'ի մտի՝ զի մասն է հաւատոյ՝ ոչ իմիր պատահել յաշխարհի ըստ զիպաց , այլ զի 'ի տնօրէնութենէն Աստուծոյ ամենայն ինչ հանդերձի , որ յանհունս սիրէ զմեզ , և աստուածային իմաստութեամբ խրով « Գարմանէ զամենայն քաղցրութեամբ » . միտ զիր , « Զամենայն քաղցրութեամբ » : Եւ վասն այնորիկ յԱստուծոյ քեզ սահմանեցաւ 'ի ձեռն մեծաւորաց և այս հիւանդութիւն . և այսոքիկ տառապանք վշտաց հասանեն քեզ 'ի ձեռաց նորա : Լեր հաւաստի եթէ Աստուած , նա ինքն Աս-

տուած միայն է՝ որ կամի զի կացցես 'ի տեղւոջ անդ, զի յանձն լիցի քեզ այն պաշտօն, զի խոշտանդեսցիս յայնմ հիւանդութեան և յանձկութեան, զի դուն զիցես հասանել յայն աստիճան կատարելութեան: Եւ դու երկմտիս տակաւին. և ասես թէ այդոքիկ եկին հասին 'ի զլուխ քո 'ի չարարուեստ նախանձու, 'ի դժկամակ մեծաւորաց, 'ի թշնամեաց հակառակորդաց, 'ի վրէժխնդրութեան քինու, և յատելութենէ այլոց: Այլ դուցէ 'ի խաբս կայցես 'ի կոյր դատաստան մտաց քոց. և չիք երկմտել ընդ այն զի խաբիս յաճախ: Բայց շնորհեալ քեզ ճշմարիտ զոլ զորոց դանդատիսն, և զի իցեն նոքին պատճառք վշտացդ: Եւ զինչ այտի. վկայեմ քեզ զի թշնամիք քո ծանունս մեղանչեն, և անկցին 'ի ներքոյ դատաստանացն Աստուծոյ: Սակայն և այնպէս լեր հաւաստի, զի թէպէտ Աստուած ատեայ զմեզս, բայց կամի զորս զհետն դան 'ի մեղաց. վասն որոյ վայրն այն, և պաշտօնն, և չարակրութիւնքն են 'ի կամացն Աստուծոյ տնօրինեալք քեզ, թէպէտ և պատճառեալք 'ի մեղաց այլոց:

Ատէր Աստուած զգործ վաճառողացն Յովսեփայ, բայց հաճ էր ընդ կալ մնալ նորա յԵզրիպտոս և ընդ բարձրանալ նորա 'ի փառս: Վասն որոյ ասէր Յովսեփի ցեղբարսն. « Ի փրկութիւն առաքեաց զիս Աստուած առաջի ձեր »: Միտ զիր, ոչ նախանձ եղբարցն, այլ Աստուած: Սատա-

նայն չարչարէ զՅովբ 'ի վիշտս , և Յովբ ազաղակէ . « Տէր ետ և Տէր էառ » , և ոչ սատանայ : Թէպէտ և անգոսնէր Աստուած զկատաղութիւն Հրէից , բայց դատակրն քեալ էր զմահ որդւոյն . և ինքն Յիսուս աւեր ցՊետրոս . « Զբաժակն զոր ետ ինձ Հայր ոչ ըմպիցեմ » : Ոչ ասէ , զբաժակն 'ի Հրէից ընկալեալ , այլ 'ի Հօրէն :

Արդ թէպէտ և անարդէ Աստուած զատելութիւն միաբանիցն և զանխորհուրդ զնացս մեծաւորաց , և զմախանս նախանձայուղից . բայց կամի զի տարցես դու զբրկանացն այնոցիկ և անձկութեանց , որբ հասանեն քեզ 'ի նոցանէ : Թող զոր կամի ասասցէ աշխարհ , թող քրթմնջեսցէ անձնասիրութիւն , բայց կատարեսցին 'ի քեզ կամքն Աստուծոյ , կալով խոշտանգեսցիս յայնմ հիւանդութեան . այս են կամքն Աստուծոյ :

Եւ կամի այսպէս , (ով հրեշտակբ սուրբբ , օրհնեցէք զանբաւ բարութիւն նորա) , այսպէս կամի՝ զի քեզ բարի լինիցի . և որպիսի բարութիւն . եթէ կարէիր մտանել 'ի խորս նախախնամ զթոյ նորա , դու ինքնին զնոյն խնդրէիր վասն քո , և ոչ ինչ այլ : Լճուր և զպատճառսն : Կատարելութիւն մտաց նորա անչափ է , զիտէ որ ինչ իցէ քեզ կարեոր . « Զի ամենայն ինչ մերկապարանոց կայ առաջի աչաց նորա » : Եւ ինքն կարէ տալ քեզ զոր առաւել անկաւոր ճանաչէ քեզ . և կարէ , քանզի « Մօտ

է առ նմա յորժամ կամիցի կարող լինել » : Ապա և քեզ տացէ առաւել զանկաւորն քեզ, զի սիրէ զքեզ « Իբրև զբիր աչաց իւրոց, և որպէս մայր զմանուկ իւր » . արդ որ ինչ անցք անցանեն ընդ քեզ, են 'ի նպաստ քեզ այնոքիկ մեծապէս : Այս այսպէս է . « Աստուած զօրութեանց զամենայն չափով և թուով և կշռով կարգէ » : Եւ ոչ այսչափ միայն . այլ ևս « Բազում քաղցրութեամբ զարմանէ զմեզ » : Զչարն 'ի բարին փոխեալ, « Առնելով ընդ փորձութեան և զելան » : Ապա արկ զքեզ 'ի զիրկս ամենագութ խնամոցն Աստուծոյ անխտիր համակամութեամբ յամենայնի : Հանգիր անդէն 'ի զրկին ասելով ընդ Նախահօրս մերում . Տէր, արա ընդ իս որպէս զիտես և որպէս կամիս . զի ճանաչեմ թէ մարդասէր ես :

Ք Ն Ն Ո Ւ Թ Ի Ի Ն

Խոյից խափանչաց անխտիր համակամութեան

Քանզի սահմանեցաք ծախել զօրս զայս ողջոյն 'ի խոկմունս այսր աստուածապարզ և անխտիր համակամութեան, կարևոր դատիմ առնուլ 'ի քնին առանձինն զխոչս ընդդիմակս, զորս 'ի բաց արարեալ՝ կարեմք զիրաւ յանձինս բերել զայս հիմնա-

կան առաքինութիւն : Արդ 'ի վերջին քա-
ռորդ խորհրդակցութեան կամ ընթերցման
քննեա ուշիւ մտաց ,

Ա . Ո՞ր ինչ յարարածականաց զքեզ ա-
ռաւել յինքն յանկուցանէ : Ո՞ր այն ախ-
տաւոր բերումն առաւել տնկակից է 'ի քեզ :
Ո՞րք են դժնդակքն որք առաւել քան զայլս
զանգիտեցուցանեն զմիտս քո : Ո՞րք իցեն
մեծապէս խոչընդակ կամացդ 'ի մուտս կա-
ռարելագոյն վարուց և ծառայութեանն
Աստուծոյ՝ հպատակելով յամենայնի կա-
մաց նորա . այսինքն 'ի մտանել յայն վի-
ճակ կենաց յոր զքեզ կոչէ . կամ յայդմ
կոչմանդ զոր ընտրեալ ես անձինդ , ելա-
նելոյ յայն աստիճան առաքինութեան , յո-
րում կամի զի ամբարձցիս եռանդագին
ջանիւ :

Բ . Ո՞ր այն ինչ է որ զքեզ առաւել բուռն
յետս ընկրկէ յայնմ ոսկեղինիկ անխտիր
համակամութենէ : Եթէ ցանկութիւն մար-
մնոյ , կամ ցանկութիւն աչաց և կամ ամ-
բարտաւանութիւն աստի կենաց . այսինքն
իղձ պատուոյ , կամ հետամտութիւն հեշտա-
կանաց և անդորրութեան , կամ թէ սէր
ճոխութեան : Գուցէ աւելագանց խորշումն
'ի վաստակոց , 'ի ճախողակաց և յանար-
զանաց : Մանեա՞ր արդեօք դ յարդ պիտոյիցն
և զգերագանցութիւն աստուածայնոյս այ-
սորիկ անխտիր համակամութեան : Գոնեա
փափաքիցես յամենայն յանձնէ առաքի-
նանալ 'ի նոյն :

Գ. Քննեա եթէ ուստի իցէ 'ի քեզ այդ խորշումն կամ բերումն առ այն տեղի կամ առ այն պաշտօն . թերևս յինքնահաճ վիստիքնէ, կամ 'ի զգայական իմն բերմանէ, և կամ 'ի սիրոյ աւելորդաց, կամ 'ի փութոյ պահելոյ դքաջողջութիւն, և կամ առ 'ի հաստատիլ 'ի նոյն, և կամ դարձեալ յերկիւղէ կորուսանելոյ զայն: Եւ ևս զուցէ երկիւղն համառօտելոյ զկեանս քո պատճառս տայցէ քեզ խուսափելոյ յայս և յայն վաստակոց կարգելոց 'ի փրկութիւն հոգւոց, և 'ի գործոց որք մեծացուցանեն զփառս Աստուծոյ:

Դ. Իցես արդեօք պատրաստ առ այն ամենայն զոր ծանիցես թէ պահանջէ 'ի քէն Աստուած, յետս կալ յայսմանէ, բուն հարկանել զայնմանէ, լքանել կամ 'ի գործ դնել զայս և զայն, որպիսի ինչ հաճոյ թուեսցի յաչս նորա: Կամ թէ կամիցիս թերևս չափ դնել շնորհացն Աստուծոյ, և յամառեալ 'ի միտս քո՝ չառնուցուս յանձն լուսաւորիլ առաւելաւն և յառաջ ևս անցանել:

Եթէ զտցես ինչ զժուարակնճիւն 'ի միտս քո 'ի զննութիւնս յայտօսիկ, զմտաւած զի ստեղծեալ ես յԱստուծոյ և վասն Աստուծոյ, և վասն այնորիկ պարտիս ճառայել նմա զնալով զհետ կամաց նորա: Եւ ո՞ իցես դու, զի արտաքս ոստուցեալ 'ի միայնակ յանխտտոր ուղղւոյն ոչ յանձն առնուցուս դնել 'ի գործ զայն՝ զոր պահանջեսցէ 'ի քէն կարողութիւնն Աստուծոյ:

Մանիր . Երէ յիցևս ընթերցեալ երէկ զագղմունս չորրորդի յօդուածոյն, զոր պարտիս 'ի գործ դնել յընթացս կրքոտրեանս, ընթեռնուցոս զնոսին այսօր .



Խ Ո Կ Ո Ւ Մ Ն Գ

ԵՐԿՐՈՐԴՈՒՄՆ ԵՐԿՈՒՅ ԱՌԱՋՆՈՅ Խ Ո Կ Մ Ա Ն Յ

Ա. Գ. Դ

Այսպէս 'ի վեր և 'ի վայր յեղյեղելոյ զայստոսիկ նախնական խոկմունս կրկին պատճառք են, ա . Զի ճշմարտութիւնք այնչափ առաւել 'ի խորս տալաւորին 'ի միտըս, որչափ առաւել՝ որ խոկասցէ զայնցանէ : Բ . Զի կամքն դարձադարձ բուն ձգեալ առ ընդդրկել զնոսին, զամ քան զզամ . հաստատեսցի յառաջին ուխտ մըտացն : Իբր զի 'ի կրկնելն զխոկումն՝ կարասցէ որ ժողովել զարդիւնսն՝ զոր տկարանայր 'ի սկզբան :

Յայստոսիկ կրկնութիւնս, որք իբրև զորոճումն են առաջնոց խորհելոցն, երկուք այսորիկ զոն արժանի մտադրութեան . ա . Պարտ է նորոգ յակն արկանել զմասունս առաջնոց խոկմանցն, մանաւանդ

զայնոսիկ՝ որք լոյս իմն ետուն մտաց մերոց կամ զարթուցին զմեզ յեռանդն. զարձեալ և զայնոսիկ որք եղեն մեզ ՚ի մխիթարութիւն, կամ ՚ի վհատութիւն, և կամ զայլ իմն ազգումն պատճառեցին ՚ի մեզ: Գարձեալ և զայնոսիկ մասունս, որք անճաշակք ՚ի մէնջ մտացին ամենեին. հնարելով իմն տալոյ ազգումն սրտին. քանզի հնար իսկ է յառնուլն ՚ի խորհել երկրորդ անգամ առաւել ևս լուսաւորիլ մտացն և ընուլ մխիթարութեամբ: Բ. Առաւել պարտ է յամել ՚ի զարթուցանել զյօժարամտութիւն քան ՚ի զրոյցս. զի այն իսկ պարտի լինել պլտուղ այսր կրկնութեան: Զայս խրատ տայ մեզ կանոնագիրն յասելն. Յերկրորդելն դստսին, զգուշացեալ յերկար զրուցաց՝ պարտիմք յիշատակել ևեթ իբրև յակն արկանելով զայն ամենայն, զորս խոկացեալ իսկ եմք յառաջագոյն, և յամել ՚ի նոսին, ոչ այնչափ ՚ի խոկալ միտ եղեալ, այլ առաւել ՚ի զարթուցանել զկամս և զյօժարամտութիւն:

Մանիր. Աստուղանիչքն ցոցցեն քեզ զվայրարն, յորս առաւել յամել ՚ի խոկումն անկ իցե. բող զվերոյգրեալ տեղիս, յորս կարես յամել.

Մ ա ս և Ս.

Գոլով մեր ստեղծեալ յԱստուծոյ և վասն Աստուծոյ, բանն ինքնին ցուցանէ թէ պարտիմք ծառայել Աստուծոյ, և ծառայել զհետ զնալով կամաց նորա, զի այլն ամենայն որք ոչն դտանին զուղածայնք աստուածային կամաց նորա, ոչ կարեն լինել նմին հաճոյական:

Ո՛վ Տէր Աստուած արարիչ ամենայնի, խոստովանիմ զի պարտապան եմ ծառայելոյ քեզ իբրև ծառայ և իբրև քրիստոնեայ. Տէր Աստուած Փրկիչ իմ, դաւանիմ և ես, զի այս է միայնակ, կատարեալ, վերջին և զերազոյն գործ և վախճան մարդոյ * :

Բայց որ զժոխըմբերն թուի և պատերազմող մտաց այս է, զի պարտ է առնել զսոյն ըստ քոց հաճոյից, և զի պարտ է ինձ լինել անխտիր համակամ ընդ ուղին՝ ընդ որ հրամայիցես զնալ առ հատանելոյ յիմ վախճան: « Պատմեցից ինձէն զմեղս իմ », զի հակառակ կայ այսմ մարմին, անձնասիրութիւն և բնութիւնն զլխովին ապստամբ: Որչափ առաւել պայծառ տեսանեն միտք, այնչափ առաւել ՚ի տկարութեան տազնապին կամք: Հանաչեմ զերանութիւն այսր երկնային անխտիր համակամութեան առ ամենայն ինչ, զզամ յանձին զազդու տպաւորութիւն զարթուցիչ շնորհացն *. բայց ես « Այր տառապեալ. տե-

սանեմ զայլ օրէնս յանդամս իմ՝ զինեալ
հակառակ օրինաց մտաց իմոց *», որ բուն
առնէ ինձ խուսափել ՚ի բարոյն որում
ցանկամ: Զգամ յանձն զխրախոյս ազգա-
կան՝ որ զիս բուն ձգէ առ այս առաքի-
նութիւն. զի զսոյն պահանջէ նախ գերա-
կշիռ ուղղութիւն. քանզի և տէր որ չառ-
նու երբէք յանձն ծառայել ինքեան իւրումն
հպատակին այլազգ քան զոր ինքն հրա-
մայեացէ. և մեք իսկ տհաճիմք ընդ բարե-
բարութիւնս անգամ որ չիցեն լեալ ըստ ըզ-
ծից մերոց: Երկրորդ՝ դարձեալ յայտնի տե-
սանեմ և քաջ ՚ի միտ առնում զի և օգուտ
անձինս զսոյն պահանջէ. քանզի ամենայն
գործք իմ բարիք և վաստակք, եթէ չիցեն
ըստ կամացն Աստուծոյ, զրեացին յոչ ինչ:
Երրորդ անգամ՝ ճանաչեմ ևս զայն զի նա
միայն կարէ վարել երջանիկ կեանս յաշ-
խարհի, որ յամենայնի զԱստուածային և եթ
կամի կատարել զկամս:

Ա՛հ. հնչէ յունկն իմ զոչումն այն դա-
տապարտելոց. «Զինչ շահ եղև մեզ հպար-
տութիւնն, և զինչ մեծութիւն ամբարտա-
ւանութեանն իցէ մեզ նպաստաւոր»: Զինչ
շահ մեծութիւն ամբարտաւանութեանն, ե-
թէ այնու կայ ինձ դատապարտել, և զինչ
վնաս ՚ի թշուառութեանց կրելոց, եթէ նո-
քօք դաից զփրկութիւն. այս ճշմարտութիւն
է փուշ իմն սուր՝ որ հարկանէ զմիտս իմ *:
Այլ և այնպէս, (ո՛ր յետին իմոյ տկարու-
թեան), խոյս տամ յայսմ երկնային հա-

մակամութենէ, առ որ բուռն ձգեն զիս ուղղադատութիւն, շահ, և երջանկութիւն իմ: Հանա, Տէր իմ, մի յամենար. զարթո զանձն իմ 'ի թմբբութենէ աստի իմմէ. « Արա զօրութիւն բազկաւ քով »: Դու որ հողմոց և ծովու հրաման տաս, նուաճեա ընդ կամօք քովք և զայս զիմ կամս ապստամբ:

Արդ լուարուք երկինք զուխան իմ զոր զնեմ ընդ անձին իմում հաստատութեամբ. « Լուիցէ երկիր զպատգամս բերանոյ իմոյ »: Քանզի Տէր իմ և Աստուած իմ ես դու, յայսմ հետէ ծառայեցից ես քեզ, և ծառայեցից այնպէս՝ որպէս դու կամիս, յայն վիճակ կենաց՝ զոր սահմանեալ ես վասն իմ, կամ 'ի կոչմանն՝ յոր մտեալ իսկ եմ, յայն աստիճան կատարելութեան՝ զոր կամիցիս, պատրաստ առ 'ի մերժել յանձնէ և կամ բուռն հարկանել, լքանել կամ ունել 'ի զործ զայն ամենայն զոր ծանեայց յայսմ կրթութեան եթէ կամիցիս: Դու Տէր ամենակալ, ձեռն ինձ տուր. զի ես ինձէն և ոչ քայլ մի ոտին կարեմ փոխել:

Յետ այսորիկ զարթո 'ի քեզ (բայց առաւել եռանդեամբ), զառաքինութիւնս զայնոսիկ և զիղծս՝ զոր և առաջի արարի յառաջին խոկման:

Մ ա ս և Բ

Այս անխտիր համակամութիւն եթէ կարևոր է առ վախճան ամենայն մարդոյ, եւ առաւել առ վախճան առն կրօնաւորելոյ, զոր պարտի 'ի զորժ զնել 'ի կատարեալ աստիճանի: Այս այսպէս է, ով Տէր իմ Յիսուս Քրիստոս, կացուցիչ և օրինակ առ քրեական կենաց: Առ ոչ մի ինչ օգտեսցեն ինձ զերազանցութիւն, օգտակարութիւն, և երջանկութիւն վախճանիս այսօրիկ, (որ է կատարելութիւն և փրկութիւն իմ և այլոց), եթէ ես ոչ կարգեցից զայն ըստ կարգաւորելոյ քո. այսինքն՝ այսու կամ այնու օրինակաւ, այսու կամ այնու չափով, յորս և որչափ կամիցիս վաստակել ինձ *:

Դարձեալ զի 'ի լուսաւորել մտացս յաստուածային լուսոյդ, ծանեայ քաջ եթէ 'ի կրօնի ամենայն վայրք, պաշտամունք և աստիճանք են առ իթք, և առ իթք պատշաճականք առ հասանելոյ յայս վախճան * : Մանաւանդ՝ քանզի ըստ ամենիմաստ և ամենախնամ տնտեսութեանդ զիտես ընտրել միշտ զառիթս զիպողազոյնս առ հասանել 'ի վախճանն. վասն որոյ քաջ 'ի միտ առնում թէ տեղին այն, պաշտօնն և աստիճան և տկարութիւն յորում կամ, կարգեալ 'ի հնազանդութենէ և 'ի կանխատես խնամոցդ, է առիթ պատշաճազոյն

առ 'ի ձեռս բերել զնոյն * : Արդ քան զսպասարարութիւն լուսոյ արեգականն առաւել փայլէ 'ի միտս իմ այս ճշմարտութիւն՝ եթէ սպարտիմ լինել անխտիր առ այս ամենայն * :

Այլ և այնպէս, ա՛հ, « Գու զիտես զնախատինս իմ, զամօթ իմ և զսպասարարութիւնս իմ » : Այլ և այնպէս՝ տակաւին ոչ տեսանեմ յիս զստուեր անգամ այսր երկնային առաքինութեան : Ապաքալ կաշկանդեալ կայ սիրտ իմ 'ի բռնակալաց փափկասիրութեան, պատուասիրութեան և հեշտալեաց և ատելութեան վաստակոց, անարգանաց և ցաւոց, որք տան ինձ խորհել և զործել ըստ ընտրութեան իւրեանց :

Եւ մինչև ցերբ կրեսցես, անձն իմ, զլուծս դայս. երբ լինիցի քեզ 'ի բաց յանձնէ թօթափել զնոյն : Եւ միթէ վասն այսորիկ առ ոտն հարեր զփառս աշխարհի, զի 'ի դպրոցի աստ խոնարհութեան անյազ տենչանօք խնդրեսցես զիրկս արկանել զծխով պատուոյ. միթէ վասն այսորիկ մերկացար 'ի ճոխութեանց, 'ի մեծամեծ ակնկալութեանց, 'ի սիտիանաց հայրենական գերդաստանին, զի 'ի կրկիսի ապաշխարութեան հառաչեսցես զհետ անարգ խմբից. արդեօք այս էր սպատճառ հատանելոյ քո զկապանս մարմնոյդ, զի մեռեալ աշխարհի 'ի փայփայել զմորթոյ զկեանսդ ծախեսցես, և զերի մտամուլար 'ի խնամս քաջողութեանդ տազնասպեսցիս :

« Լոյս տուր, Տէր, աչաց խնոց, զի մի
 երբէք ննջեցից 'ի մահ » . Ի մահն յայն ու-
 նայնաւաստակ կենաց, որ առեալ ածէ զիս
 'ի դրունս կորստական անգերծ մահուն :
 Զօրացո, Տէր, զհաւատս իմ, զի զխտացից
 աներկբայ՝ եթէ խնամք զթութեան քո տնօ-
 րինեն զամենայն ինչ յաշխարհի, և եթէ
 տեղիս այս և պաշտօն յանձն եղև ինձ 'ի
 քոց հրամանաց, և զի յայս հիւանդութիւն
 ըմբռնեալ կամ կամօք քովք * : Զօրացո
 զիս, Տէր, զի ընկալայց անխտիր համակա-
 մութեամբ 'ի ձեռաց քոց զայս ամենայն
 իբրև զպատշաճագոյնս առ ժամանելոյ 'ի
 վախճանն իմ : —

Յետ այսորիկ եռանդագին հոգւով զար-
 թո 'ի քեզ զիղձս զայնոսիկ զորս առաջի ա-
 րարի յերկրորդ խոկման :

ԵՐԿՐՈՐԴՈՒՄՆ ՍՈՒՂ.

Ա. Ո՛վ Տէր իմ և Աստուած, խոստովանիմ զև
 իբրև մարդ պարտիմ ծառայել քեզ. և զի այս է
 իմ վախճան միայնակ, կատարեալ, վերջին և ա-
 մենամեծ : — Բայց որչափ դժուարին է կատա-
 րել զնոյն դործով, առնել զամենայն ըստ հա-
 ճոյից քոց, այսինքն՝ լինել անխտիր համակամ
 առ ճոխութիւն և առ աղքատութիւն, հաճոյից
 և ցաւոց, պատուոյ և անարգանաց, առ ամենայն
 վիճակ և առ ամենայն աստիճան կատարելու-
 թեան. որչափ դժուարին իմն է, ո՛վ Տէր : Այլ

սակայն զսոյն պահանջեն յինէն ուղղութիւն, օգուտ և երջանկութիւն իմ: Առ այս ինձ լինին 'ի յորդոր աղաղակք դատասարտելոց ահագնալուր գոչմամբ, զինչ շահ զի կալաք զառիժան փոխանակ վախճանի. ո՞ր օգուտ անտի:

Ա՛հ. ես ինձէն առ ոչ ինչ եմ կարող. դու լեր ինձ ձեռնառու շնորհօք քո, և ես այժմէն խոստանամ և ուխտեմ գնել 'ի գործ ամենայնիւ զամենայն:

Բ. Ո՛վ Արարիչ իմ և Տէր, իմ վախճան կրօնաւորական կենացս է հոգալ զկատարելութիւն և զփրկութիւն անձին և այլոց, և սատշաճականքն առ այս են աստիճանքն, պաշտամունք և վայրք, և այլն: Ա՛հ. բայց եմ հաւաստի, զի առ ոչ ինչ օգնեսցեն ինձ գերազանցութիւն, օգուտ և երջանկութիւն վախճանիս, մինչև եղէց անխափր համակամ առ այս ամենայն: Առսաւորեա զմիտս իմ, տուր ինձ քաջ 'ի միտ առնուլ, զի այս ամենայն թէպէտ իցեն սատշաճականք առաջնորդելոյ առ իմս վախճան, բայց վասն իմ ամենապաշաճք են այնորքիկ ևեթ, զորս հրամայեսցես ինձ գնել 'ի գործ 'ի ձեռն հնազանդութեան:



Ա. Գ. Դ

Արթուրիւնն վաղուեան երկարագոյն է, զի
 յեանեալքն 'ի հոգևորս գեգերեցին 'ի նոսին ընդ
 երկար առ 'ի լալ ըստ արժանւոյն զմեզս իւ-
 րեանց, և զի քաջ 'ի միա առնուցուն զգարչու թիւն
 նոցին, և զգուշասցին 'ի նոցունց. վասն որոյ պար-
 աին յերկուս աւուրս բաժանել զնոյն, և այնպէս
 զառաջին մասն կրթուրեանս աւարտեսցեն 'ի
 չորս աւուրս: Իսկ որք կամիցին աւարտել 'ի միում
 աւուր, և եթէ թուիցինոցա երկար, կարեն խոր-
 հել զմի կամ զերկուս մասունս, և զայլսն ըն-
 թեռնուլ զկնի ժամու աղօթից, կամ յայլ ժամս,
 որպէս դատեսցին 'ի դէպ:





Օ Ր Ե Ր Կ Ր Ո Ր Գ



Խ Ո Կ Ո Ւ Մ Ն Ա

Ի Վ Ե Ր Ա Յ Պ Ա Տ Ժ Ո Յ Մ Ե Ղ Ա Յ Ն
Հ Ր Ե Շ Տ Ա Կ Ա Յ Ե Ի Ա Դ Ա Մ Ա Յ

Մ ա ս և Ա

Չմտաւ ւած զպատուհաս մեղացն հրեշտակաց, որոց պակասեալ յանխտիր համակամութենէ, և ընդվզեալ հպարտութեամբ՝ հեռացեալք ՚ի վախճանէ իւրեանց, ոչ առնուին յանձն զպարտուպատշաճ ծառայութիւն մատուցանել Աստուծոյ գնալով զհետ կամաց նորա. և վասն այնորիկ անդէն իբրև զփայլակն թօթափին թաւալզլոր ՚ի դժոխս: Ընդարմացեալ ՚ի զարհուրանացդ քննեա

Ա. Ո՞ է, որ դատապարտէ զնոսա յայն պատուհաս. Ո՞. – Աստուած, որոյ արդարութիւն ոչ կարէ անցանել քան զմէտն ՚ի հատուցումն չարեացն. որոյ ողորմութիւնն բերի ՚ի պատժել նուազ քան զարժանն, ոչ

րոյ իմաստութիւնն ոչ ինչ սահմանէ յան-
խորհուրդս . և որոյ սրբութիւնն ոչ կարէ
երբէք իւր զնալ զհետ թելադրութեան
կրից : Եւ սակայն սա ինքն Աստուած ար-
դար և սուրբ , իմաստուն և բազումողորմ ,
այսպէս խստիւ պատուհաս ած ՚ի վերայ
երկնաւորացն անմահից՝ որ միով ևեթ մա-
հուչափ յանցանօք խոտորէին ՚ի վախճա-
նէն իւրեանց :

Բ . Զմտաւ ած , զո՞ դատապարտեաց այս-
պէս խստիւ . անհ . զէսն գերազոյնս , զիչ-
խանութիւնս երկնից , զսքանչելիս Աստու-
ծոյ ամենակարողութեանն , զգերածայ-
րեալսն ամենայն ազգի ազգի գերազանց
պարզեօք բնութեան և շնորհաց . որոյ թիւ
համարոյ բիւրք բիւրոց . որոյ եթէ շնոր-
հեալ էր ժամանակ դարձի , մարթ էր նոցա
յապաշառ զալ , և անչափ ցաւովք առնել
զհատուցումն նախատանացն որ առ Աս-
տուած , սիրել զնա ինքն ՚ի սէր կատարեալ :

Գ . Եւ ո՞րպէս դատապարտեաց . չափ
պատժոյն էր անչափ , այնպէս զի ամենա-
կարող զօրութեանն Աստուծոյ չէր հնար
առաւել խստազոյն ածել պատուհաս , և այն՝
յաւիտենական : Որք և չունէին յանդիման
զօրինակս արդար վրէժխնդրութեանն Աս-
տուծոյ . մեղան և անդէն դատակնքեցան ՚ի
կորուստ յաւիտենական :

Ծանիր զմեծութիւն չարեաց մեղացն՝
որ բերի յարհամարհութիւն մեծութեանն
Աստուծոյ : Հրեշտակք կարգեալք ՚ի ծա-

ուայութիւն նորա , յամբարտաւանութեան
խորհուրդս՝ անարդեալ զսէրն Աստուծոյ
առ մի նուազ , և յանչափական սիրոյ նո-
րա հեռացեալք , կրեցին զտուգանս անչափ
ատելութեան նորա : Նոյն Աստուած է որ
և դքեզ ստեղծ և սիրեաց . և դու , խորհեաց
և սարսիր . և դու համարիս կեալ 'ի մեզս ,
յատելութեանն Աստուծոյ՝ անկասկած 'ի
չարեաց : Ստեղծեալ քո յԱստուծոյ և վասն
Աստուծոյ , և յօժարիս կեալ առանց Աս-
տուծոյ , նա մանաւանդ թշնամի Աստուծոյ :
Ո՛ւհադին պատկեր սիրոյ և ատելութեան
Աստուծոյ 'ի դատապարտութեան հրեշտա-
կաց . որք սիրեցեալ էին անհուն սիրով ,
յորժամ՝ առ մի նուազ և եթ ամբարտաւա-
նեալ զերեսս 'ի բաց դարձուցին 'ի սիրոյն
Աստուծոյ , անդէն մատնեցան արդար դա-
տաստանաւ 'ի ձեռս սաստկապահանջ
վրէժխնդրութեանն Աստուծոյ , ատեցեալք
'ի նմանէ անչափ և անվախճան ատելու-
թեամբ : Եւ դու նոյնպէս սիրեցեալդ յԱս-
տուծոյ՝ զթիկունս առ նա դարձուցեալ՝ կեաս
'ի մեզս յատելութեանն Աստուծոյ աներ-
կիւղ և աներկեան :

ա . Պարտ է ապա խուսափել 'ի մեղաց
զարչելով խորչելով 'ի նմանէ : Միթէ ժխ-
տիցնս զայս . « Եթէ 'ի հրեշտակսն յան-
ցուցեալս Աստուած ոչ խնայեաց , այլ խա-
ւարին կապանօք արկեալ 'ի տարտարոսն՝
ես պահել 'ի դատաստան » , դու հող և մո-
խիր , յոր ինչ վստահացեալ ակն ունիցիս

Թողութեան . դու՛ որ պարտաւոր ես ոչ միոյ եւեթ յանցուածոյ՝ այլ բազմաց , և մեզապարտ յետ բազում անգամ հանդիպելոյ թողութեան , յետ ունելոյ առաջի աչաց օրինակս յուրիս ահաւոր վրէժխնդրութեան արդարութեանն Աստուծոյ : Արդ զարհուրեալ սոսկացեալ յանչափութենէ պատուհասին , երկիր և « փախիր 'ի մեղաց որպէս յերեսաց օձի » :

Եւ քանզի դժոխք յոր դատապարտեցան հողիքն ապստամբք , տակաւին բորբոքեալ տոչորին , և վասն քո . . . այո և վասն քո բորբոքեալ պատրաստեալ կան . և Աստուած՝ որ ոչ խնայեաց 'ի հրեշտակս , նոյն ինքն կայ և մնայ , և է արդար , սուրբ և հզօր որպէս յայնժամ . զի է և է Աստուած . ա՛հ , եղուկ քեզ . եթէ 'ի մեղս գտցէ զքեզ մահ : Եթէ ոչ ներէր բազմաթիւ հրեշտակաց ազնուագունից , 'ի քեզ խնայիցէ՞ իւրով վրէժխնդիր արդարութեամբ . 'ի քեզ , մարդ նուաստ և խոտան : Երկիր , փախիր , զգոյշ կաց . ա՛հ . խորշեսջիր 'ի մեղաց :

բ . Քանզի Աստուած ստեղծ զքեզ անհուն սիրով առ 'ի կալ և քեզ 'ի սէր իւր միացեալ ընդ Աստուծոյ , ամենայն գործք յորս չգուցեն սէր Աստուծոյ՝ են արհամարհութիւն սիրոյ նորա և են մեղք . վասն որոյ և յանչափս բորբոքեն զցասումն Աստուծոյ , և զանբաւ սէր նորա փոխեն յանչափ ատելութիւն : Ապա պարտ է քեզ լալ 'ի վերայ մեղաց դառնակսկիծ ցաւովք : Ոչ

ծանեար զսէրն Աստուծոյ, արհամարհեցեր զանչափ սէր նորա զործովքդ, մեղար յանչափս, եղկելի թշուառական. և խիղճքո սաղտանէ դքեղ. ո՞րիցես դու, և զո՞ւ արհամարհեցեր. անկար ՚ի սիրոյն Աստուծոյ, ՚ի դժոխս է բնակութիւն քո: Ի պահուն յորում մեղար եթէ անդէն հասանէր քեզ մահ, ո՞ւր էիր այժմ. ա՛հ. « Ի հուրն բորբոքեալ » . անդ թաղեալ մնայիր յաւիտեան:

Միտ դիր. Աստուած զհրեշտական կորոյս և քեզ եթող. զնոսա խաւարին կապանօք արկեալ ՚ի տարտարոսն ետ պահել ՚ի դատաստան, և քեզ զթացեալ եթող ժամանակ ապաշաւանաց: Մեղար մի անգամ, երկրորդ և երրորդ անգամ. և եթող քեզ Աստուած. մեղար չորրորդ անգամ, դարձեալ եթող քեզ Աստուած: Մեղար տասնիցս, նաև քսանիցս. և Աստուած եթող քեզ և քսաներորդ անգամ: Գու ոչ դադարեցար ՚ի մեղանչելոյ, և Աստուած ոչ կասեցաւ ՚ի թողլոյ: Հրեշտակք մեղան մի անգամ և անդէն մատնեցան ՚ի յաւիտենական կորուստ. և դու ապաշնորհ, եղկելի թշուառական, մեղար բիւրիցս, և յերկայնամտութենէ նորա զներումն ընկալար:

Եւ զիմորդ ոչ ճանաչես ՚ի քեզ զանչափ բարութիւն ողորմութեանն Աստուծոյ. ո՞չ զարմանաս ընդ անչափ զթութիւն նորա ընդ քեզ առ այլովքն: Ա՛հ. եթէ ընդ այս յիշատակ սիրոյ, և ներողամտութեանն Աստուծոյ առ քեզ չխանդաղատեսցիս, և

ոչ բորբոքեալ 'ի սէր նորա ընկզմնացիս 'ի բոց սիրոյն Աստուծոյ, և ընդ անխորհուրդ ապախտաւորութիւն քո ոչ հեղձամղձուկ լեալ փղձկիցիս յարտասուս, չէ 'ի քեզ սիրտ մարդոյ: Հանպա, դարթո 'ի քեզ զցաւ և զզարչումն սրտատոչոր, ցաւելով ընդ անցեալ մեղսդ զառնապէս, և խորչելով յապագայից արիապէս:

Պտուղ այսր խոկման լինիցի ցաւ վասն անցելոց, և դարչումն յապագայից:

Մ ա ս և Բ

Խորհեաց զդատասպարտութիւն նախահարցն, որք ապախտ արարեալ զսիրովն Աստուծոյ, ոչ կացին յանխտիր համակամութեան, և օտարացեալք 'ի նմանէ կամէին լինել ինքնաբաւք՝ իբրև զԱստուածս զիտել զբարի և զչար: Կարծէին դտանել ինչ այլ մեծ քան զսէրն Աստուծոյ. և զի հովացան 'ի սիրոյ նորա, քաղցրացաւ 'ի քիմս նոցա պտուղն արգելեալ, և անդէն զերեսս դարձոյց 'ի նոցանէ Աստուած: Եւ զի վայելեալք 'ի սէր նորա, ոչ կարացին մտանել 'ի խորս սիրոյ նորա, և օտարացան յԱստուծոյ. յայնժամ արդարութիւնն Աստուծոյ գտեալ զնոսա անարժանս աստուածային սիրոյ, անդէն մերկացոյց զնոսա 'ի շնորհաց սիրոյն, և եթող ելիք անմխիթար յայս վայր արտասուաց, հատեալ ամենեին և զյոյս վերադարձի 'ի նոյն յա-

ուաջին փառս 'ի սէր իւր : Եւ զի անհնարին էր մարդոյ ստեղծուածոյ հասանել մտօք 'ի կշիռ անչափութեան սիրոյն Աստուծոյ՝ և փոխարինել անարգանացն՝ զոր առնէր սիրոյն Աստուծոյ 'ի տղիտութեան իւրում, վասն որոյ արդարութիւնն Աստուծոյ անարդեաց և արկ ընդ նովին դատապարտութեամբ և զճետ նորա յաւիտեան :

Արդ ամենայն աղէտք աշխարհի, թշուառութիւնք, մահք, սովք, սրածութիւնք, և այլ ազգի ազգի հիւանդութիւնք, խեղութիւնք, կոծք և դառնութիւնք, սարսուռք և խորչակահարութիւնք, հրկիզութիւնք և նաւաբեկութիւնք, այս ամենայն են արդասիք մի միայն մեղաց արհամարհութեան սիրոյն Աստուծոյ :

Այլ սակայն ոչ վասն այսոցիկ ստեղծաւ մարդ յԱստուծոյ, այլ զի բորբոքեալ 'ի բոց անչափական սիրոյ իւրոյ՝ յանբաւերանութեան վայելեսցէ : Եւ մարդն յանդիտութեան իւրում արհամարհեալ զանչափական սէրն Աստուծոյ՝ արժանի դտաւ անչափ ատելութեանն Աստուծոյ : Առաջի արդարութեանն Աստուծոյ անբաւելի էին յանցանքն . այլ անչափութիւն մարդասիրութեան նորա հնարս հնարեցաւ և յաղթեաց արդարութեան իւրոյ, և ամ եհան դարձեալ զմարդ 'ի սէր իւր : Առ այս պէտք եղեն անլուր և անպատում սքանչելեաց, այս է մտանել որդւոյն Աստուծոյ 'ի կերպարան Աղամայ, և ըստ անչափութեան

արհամարհանացն՝ որով անարգեաց մարդն
 զսէրն Աստուծոյ, փոխարինել անչափ սէր
 առ անչափ սէրն Աստուծոյ: Եւ ահա Աս-
 տուած մարդացեալ, զմարդն աստուածա-
 ցոյց, և մարդն աստուածացեալ էջ յան-
 չափ անարգութիւն, մինչև ընդ աւաղակս
 դատապարտեալ ՚ի մահ՝ մեռանի զմահ չա-
 րագործաց ՚ի խաչի. և այսպէս մարդա-
 ցեալն Աստուած անչափ անարգանաց սի-
 րոյն Աստուծոյ անչափ աստուածային սի-
 րով փոխարինեալ ասէր առ հայրն Աս-
 տուած. Ահա ես ինքն մարդ և հաւասարա-
 կից ընդ քեզ յէութեան, փոխանակեմ ան-
 չափ անարգանաց մարդոյն զանչափ սէր
 առ անչափ սէր քո, Աստուած իմ. որպէս
 Ադամաւ յարհամարհել նորա զսէր քո ան-
 արգեցեր զամենեսին զծնունդս նորա ար-
 դար դատաստանաւ, արդ ՚ի կշռել իմում
 սէր սիրոյդ, անչափ ողորմութեամբդ ըն-
 կալ զիմ պատարագ սիրոյս փոխանակ ան-
 արգանացն Ադամայ. և ՚ի ընուլ արդարու-
 թեան դատաստանին, զօրասցի ողորմու-
 թիւն քո՝ փոխանակ սիրոյս իմոյ կշռել սէր
 առ մարդիկ, և հանել զսոսա յառաջին
 պատիւն. . . : Ո՞չ ապշեալ յիմարին միտք
 քո ՚ի խոկալ զայս ամենայն: Ո՞ իջոյց զոր-
 դին Աստուծոյ յայս անարգութիւն. ո՞չ ա-
 պաքէն մեղքն, այն ինքն է՝ արհամարհու-
 թիւն սիրոյն Աստուծոյ. և դու թեթև ինչ
 համարիցիս զմեղանչելն, այսինքն զարհա-
 մարհութիւն սիրոյն Աստուծոյ: Արդ լեր

ի միտս, և դարձ առ սէրն Աստուծոյ. և ահա առաջի քո երթայ մարդացեալն Աստուած Յիսուս, յանձն լեր ՚ի սէր նորա, և որչափ ՚ի ձեռս քո է՝ ապաւինեալ ՚ի շընորհս Աստուծոյ, ցոյց դսէր քո առ նա, և սրբեսցիս:

Եւ զի քաջ ՚ի վերայ հասցես մեղացն ծանրութեան, որ է արհամարհութիւն սիրոյն Աստուծոյ, զիտա, զի վիշտք և առաքինութիւնք ամենայն երանելեաց չեն բաւական փոխարինել արհամարհանաց անչափութեան սիրոյն Աստուծոյ. մանաւանդ զի եթէ բիւրք բիւրուց մարդկան դերածայրեալք ՚ի սրբութեան, որպէս զթագուհին երկնից, ընդ բիւր մի ամս յանձն առեալ էին զխոշտանդանս սաստիկ ևս քան զգժոխոցն կիրս, ոչ կարէին փոխարինել արհամարհութեան անչափ սիրոյն Աստուծոյ: Եւ եթէ տիեզերք ողջոյն թաթաւէին յարիւն զոհից, եթէ չէր մարդացեալ և պատարագեալ երկրորդ անձին Երրորդութեան, ըստ սրբոց հարց՝ ընդ վայր լինէր ամենայն: Եւ զի՞նչ յայսմ ամենայնէ արժանիցէ բերել զհետ:

Ա. Եթէ ամենայն աղէտք, թշուառութիւնք և մահք են պատճառեալք ՚ի միոյ անտի մեղաց Ադամայ՝ որ է արհամարհութիւն սիրոյն Աստուծոյ, ապա արժան է յանձն առնուլ զամենայն վիշտս, զանձկութիւնս, նախատինս, տանջանս առ ՚ի չմեղանչել, որով արհամարհի սէրն Աստուծոյ:

Բ . Աստուած մեռանի 'ի խաչի վասն մեզաց Ադամայ . (սառ 'ի կշիռ զբառսն մի առ մի) . Աստուած .. մեռանի .. 'ի խաչի .. վասն մեզաց Ադամայ : Միայն արիւն Աստուծոյ մարդացելոյ կարաց սրբել զայն արատ . ապա մեղքն , որ է արհամարհութիւն սիրոյն Աստուծոյ , է եղեոն անհնարին և սուկալի . զի եթէ փոքր ինչ էին չարիք մեզացն , վասն փոքու չարի Աստուած ոչ մեռանէր յայնչափ դառն տանջանս :

Գ . Եթէ որդին Աստուծոյ առ սէր մեր , առ 'ի քաւել զմեզս մեր , առ 'ի հաշտեցուցանել զմեզ ընդ Հօր , յանձն առ զանարգանս լինելոյ մարդ , և զնախատիլն 'ի մարդկանէ և զտանջանս և զմահ դառն . ապա զինչ պարտ իցէ առնել մեզ հայեցեալ 'ի մեր անարգ նուաստութիւն , և 'ի նպաստիցն Աստուծոյ առ մեզ արտաքոյ քան զմիտս և զբան գերազանցութիւն .

Ի Ղ Զ Բ

ա . Արդ ցաւեսցուք 'ի վերայ մեզաց անցելոյ՝ որք են արհամարհանք սիրոյն Աստուծոյ , և զզուչասցուք յապագայից . այսինքն յետ ճանաչելոյ զմեծութիւն չարեաց արհամարհանաց սիրոյն Աստուծոյ , մի ևս յանդգնեսցուք զիտութեամբ բերիլ յարհամարհութիւն անչափական սիրոյն Աստուծոյ ամենակալի : ք . Խոնարհեսցուք ընդ ամենազօր ձեռամբ նորա , խոկալով

զմեր վրիպանս յարհամարհութեան սիրոյ
 իւրոյ, և ընդ միտ բերեալ զօտարանալ մեր
 ՚ի սիրոյ անտի Աստուծոյ, յորմէ որչափ
 առաւել ցրտացեալ զմեզ գտանեմք, այն-
 չափ ևս առաւել ՚ի մեզս թաղեալ տանջիմք.
 Հրաժարեսցուք ՚ի ցանկութենէ երևելոյ գե-
 րազանց քան զայլս: գ. Յանձին բերցուք
 զսուրբ ատելութիւն մարմնոյ մերոյ, ոչ
 մատուցեալ ունկն հրապուրանաց նորա եր-
 բէք, ծանուցեալ զնոյն սկզբնապատճառ
 ցրտանալոյ մերոյ ՚ի սիրոյն Աստուծոյ, և
 ամենայն զործոց՝ որք բերին յարհամար-
 հութիւն սիրոյ նորա, որ են մեղքն: Բայց
 ոչ է արժան յերկարել յայսոսիկ իղձս, զի
 վախճան այսր խոկման է ցաւ սրտատոչոր
 անցելոցն մեղաց, և աչալուրջ զգուշութիւն
 յապագայից: Եւ զի սորին լինիցին ազդա-
 կանք, պարտ է հսկել ՚ի պահպանութիւն
 այսոցիկ՝ ա. Մտադիր և եռանդազին բուռն
 հարկանել զայսմանէ: բ. Ի զարչելն ՚ի մե-
 ղաց՝ ջանալ խլել և զարմատս նոցա ՚ի սրտէ,
 զամբարտաւանութիւն, և զհրապոյրս զգայ-
 ութեանց. զի սորին են արմատք, հիմունք
 և ազբիւրք ամենայն չարեաց: գ. Ի ծա-
 նունց մեղաց առնել ոտնսիոխ առ փոքունս:

Եւ իցէ ինչ այլ արժանի առաւել սար-
 տափման և ընդարմացման քան զարհա-
 մարհութիւն սիրոյն Աստուծոյ՝ որ են մեղքն:
 Եւ զինչ այլ կարասցէ առաւել համակել
 զմարդ ՚ի ցաւս քան զտեսանելն զորդին
 Աստուծոյ մեռեալ վասն իւր բեռեալ ՚ի

խաչի: Ո՛ տեսիլ ահաւոր. վասն արհա-
մարհանաց սիրոյն Աստուծոյ, որդին Աս-
տուծոյ հրամանաւ Հօր մեռանի ՚ի խաչի.
յայս տեսիլ սոսկալի տազնապին և դժոխք,
և տիեզերք՝ ոչ կարացեալ հանդուրժել տես-
լեանն՝ լուծեալ հալին: Աստուած մեռա-
նի ՚ի խաչին վասն արհամարհելոյ մար-
դոյն զսէրն Աստուծոյ. վասն մեղաց... Աս-
տուած: Հաւատամ. սակայն և այնպէս ոչ
ստղաչաւեմ ընդ յանցանս իմ՝ որովք ար-
համարհեցի զսէրն Աստուծոյ, և ոչ զգու-
շանամ յապագայից. . . Այլ մանաւանդ մե-
ղանչեմ, արհամարհեմ զսէրն առ ՚ի « Վե-
րստին ՚ի խաչ հանել զորդին Աստուծոյ, և
դարձեալ խայտառակել »: Ո՛ որոտընդոստ
կայծակունք, ո՞ր ձեռն զձեզ արդելու, ո՞ր
ամաք զձեզ խափանեն:

Ա՛հ. ո՞վ անձն իմ, ահա Յիսուս մե-
ռանի ՚ի խաչին. . . ոչ միայն վասն ար-
համարհելոյն Ադամայ զսիրովն Աստուծոյ,
այլ մեռանի և վասն արհամարհանաց քոց
՚ի մեղանչելդ. . . մանաւանդ զի դու արիւ-
նաչաղախ ձեռամբ հանես զնա ՚ի խաչ. . .
տեսանես զՅիսուս ՚ի խաչի, և ոչ լուծա-
նիս յարտասուս: Այսմ տեսլեան չհան-
դուրժէ բնութիւն. խաւարի արեգակն, շար-
ժի երկիր, պատառին քարինք, և հեթա-
նոսք բաղխելով զկուրծս դառնան. և դու
կաս անզգայեալ. միայն դու: Գերեզմանք
բանին, վարագոյր տաճարին ցելու, բնու-
թիւն ամենայն կայ յահի և ՚ի մեծի սղա-

կուցման . միայն դու արհամարհող պետութեանն Աստուծոյ ոչ խանդադատիա՛ի գութ . միայն դու սալացեալ անտեղիտալի հարուածոց ակնարկես ՚ի փրկիչ քո անթաց աչօք , որ կախեալ զփայտէ՛ի դառնութեան ցաւոց , շնչասպառ լինի . . . մանաւանդ եթէ յանդինիս յաւակնիս նորոգել բիւրիցս դայս աղետալի տեսարան :

Ա՛հ . բղխեսցեն արտասուք , կալցին զսիրտս հեկեկանք . համակեցայց ՚ի խորս տխրութեան , զի կարացից ըսլ որպէս պարտն է զճանրութիւն նախատանացն առ Աստուած , զոր կարի իսկ ճանաչեմ ՚ի մահն Տեառն մերոյ Յիսուսի : Ա՛ վասն իմ խաչեալ , թոյլ արա ինձ զի անկայց յոտս քո և յարտասուս լուծեալ՝ ցուցից զցաւս սրտիս . և առ ատել զչարութիւն մեղացն դառնութեան՝ ոչ դադարեցայց ՚ի ցաւոց և ՚ի դարհուրանաց անձինս , չև բաժանեալ հոգւոյս ՚ի մարմնոյս :

« Աենդանի է Տէր՝ որ այսպէս դատեցաւ զիս . . . եթէ տակաւին իցէ յիս շունչ իմ , և հողի աստուածեղէն շուրջ զինև յոնգունս , ոչ խօսեսցին շրթունք իմ անօրէնութիւն և ոչ անձն իմ խորհեսցի անխրաութիւն » : Աենդանի է Տէր , ատեցից և անարգեցից զմեզս , և ոչ սիրտ իմ դնացէ զհետ նոցա : Չրկեցայց յամենայն բարութենէ , տարայց ամենայն վշտաց . և երբէք չառից յանձն յայսմհետէ վշտացուցանել զքեզ թէ և փոքումբք : Արդարև և ոչ փո-

քումբք : Չի և յանցանք փոքունք՝ են պատ-
ճառք չարչարանաց և մահուոն Քրիստոսի ,
զի են յարհամարհութիւն սիրոյն Աստու-
ծոյ : Եւ ես զարշիմ՝ մերժիմ՝ ՚ի նոցանէ . և
մանաւանդ (յայս ինչ մեղաց) և ՚ի թիւնա-
լից յարմատոյ նոցա , որք են ամբարտա-
ւանութիւն և ցանկութիւնք մարմնոյ :

Աղաղակեցից ընդ Վեմբացւոյն . « Ո-
րոտաս յիս Տէր զգատաստանս քո , և ա-
հիւ և զողութեամբ սասանեցուցանես զա-
մենայն ոսկերս իմ : Ո՛վ , որպէս պարտ է
ինձ խոնարհ և արհամարհ լինել յաչս ան-
ձին , ես և յերեւել բարեաց յանձին իմում :
Եւ երկինք ոչ են սուրբ առաջի քոյ . ՚ի գտա-
նել զթիւրութիւն և ՚ի հրեշտակս իսկ ոչ
խնայեցեր . արդ ընդ իս զինչ լինիցի , ընդ
իս ընդ հոգս տղմաղին » : Ո՛վ , որպիսի
բռնութեամբ պարտ է մերժել յանձնէ զիղձս
պատուոյ և հաճոյից , որք են աղբիւրք անի-
ծարերք ամենայն շարեաց : Այո՛ . և ես ընդ
Պօղոսի « Ճնչեմ՝ զմարմին իմ և ծառայե-
ցուցանեմ » . զմարմին իմ՝ որ քեզ , ո՛վ վասն
իմ խաչեալ , եղև պատճառ այնչափ ցա-
ւոց և դառն մահուան : Եւ ծառայեցից քեզ ,
ո՛վ Աստուած իմ և Տէր , ծառայեցից քեզ
այնպէս , որպէս դու կամիս . անխտիր հա-
մակամ յամենայնի :

ԵՐԿՐՈՐԴՈՒՄՆ ՍՈՒՂ

Ա. Չմտաւ ած զպատուհաս մեղացն հրեշտակաց. Ո՞ր դատապարտեաց զնոսա. Աստուած, արդարութիւն . . . ողորմութիւն . . . և իմաստութիւն անսահման: Չո՞րս դատապարտէ այսպէս խստիւ. Չիշխանութիւնս երկնից, զպահապանս ամբողջ իւրոյ, զընտիրսն և զիմաստնագոյնս յարարածոց, զբազմութիւս և զպատուեալս 'ի գերագոյն գահ: Եւ զինչ պատճառ դատապարտութեանն. Մի միայն մեղք, մի միայն արհամարհութիւն սիրոյն Աստուծոյ: Եւ դատապարտութեանն յեղանակ որպիսի. 'ի ասնջանս խիստս յաւիտենականս և անվախճանս: Ապա որպիսի անհնարին չարիք իցեն արհամարհել զսէրն Աստուծոյ: Եւ զինչ այսոցիկ զհետ բերել արժան իցէ. ան. Խուստիել 'ի մեղաց' դարչելով մերժելով յայնցանէ, զի են արհամարհութիւնք սիրոյն Աստուծոյ . . . զի դժժոխք՝ յոր դատապարտեցան հոգիքն ապստամբք, տակաւին բորբոքեալ տոչորի և վասն քո . . . և Աստուած, որ 'ի խոր խոցի ընդ արհամարհութիւն սիրոյն, կայ և մնայ. վայ քեզ եթէ մեռանիցիս 'ի մեղս: Բ. Չինչ ապա. եթէ Աստուած այնպէս վշտանայ ընդ արհամարհութիւն սիրոյ իւրոյ, պարտ է լալ զանցեալ մեղս դառնակակիծ ցաւովք, և խորշիլ յապագայից ինամով մեծաւ:

Բ. Խորհեաց զմեղս և զդատապարտութիւն նախահարցն, որք այն ինչ մերձեցեալ 'ի պտուղն արդելեալ դատակնքեցան 'ի մահ, և արտաքսե-

ցան յերկրաւոր դրախտէն, երկիր անկաւ ընդ անիծիւք, և արտան և դատապարտութիւն այնր յանցանաց էանց յամենայն սերունդս նոցա: Բ. Ամենայն աղէտք և չարիք աշխարհի բնականքն և բարոյականք համանգամայն, անցեալքն և ապագայք, բովանդակ են պատուհասք այնր մեղաց: Եւ մեղքն այն ոչ այլ ինչ է բայց եթէ արհամարհութիւն սիրոյն Աստուծոյ: Գ. Տես զՅիսուս զորդին Աստուծոյ եղեալ մարդ, չարչարեալ և անշնչացեալ 'ի վերայ խաչին, միայն առ 'ի ընդ զարդարութիւնն Աստուծոյ՝ փոխարինելով սէր 'ի մեր կուսէ ընդ արհամարհանաց սիրոյ նորա, զոր անարգեցաք: Զ. առ 'ի փոխարինել միոյ և եթ արհամարհանաց սիրոյն Աստուծոյ ոչ բաւէին, ոչ ամենայն առաքինութիւնք սրբոյն ամենեցուն և ոչ ամենայն զօրութիւնք անմահիցն հոգւոց. վասն որոյ Աստուածն մարդացեալ հարկ համարեցաւ հեղուլ զամենասուրբ արիւն իւր վասն մարդոյ, զի դարձեալ մերձեցուցէ զնա 'ի սէրն Աստուծոյ. որով ևս յայնեսցի մարդոյ սահման անչափութեան սիրոյն Աստուծոյ առ մարդ:

Ապա պարտ է հաստատութեամբ գրոջմել 'ի մաի Թ. Եթէ քանզի արհամարհութիւն սիրոյն Աստուծոյ է մեծ քան զամենայն չարիս աշխարհի, վասն որոյ պարտ է աւաւել յանձն առնուլ սանել ամենայն չարեաց, քան դործել ինչ յարհամարհութիւն սիրոյն Աստուծոյ:

Բ. Եթէ միայն Յիսուս կարաց փոխարինել այնմ, ապա գործ ինչ արհամարհութեամբ սիրոյն Աստուծոյ է մեծ քան զամենայն չարիս, և

ամենայն հնարիւք ստարտ է խուսափել 'ի պատ-
ճառաց զի մի հասցէ վտանգ գործելոյ ինչ այն-
պիսի, այսինքն զմեզս:

Գ. Ելձէ որդին Աստուծոյ ամենակալի առ սէր
մեր յանձն առ զմարդն լինել և զմահ գառն, ա-
պա զի՛նչ ստարտ իցէ առնել մեզ փոխարէն առ
սէրն Աստուծոյ, գուլով մեր որդն և երբ և ոչ ինչ:

Ընթերցիր

Թովմ. Գեմբ. Գիրք Գ. ԳԼ. 14:

Պ Ա Ր Ա Պ Ո Ւ Մ Ն

Յառ և գարշումն 'ի մեղաց .

Ա.

Ա. Արկեալ զհիմունս հողեոր շինուա-
ծոյս, որ է ծառայել Աստուծոյ զհետ գնա-
լով կամաց նորա . այսինքն յայնմ վիճակի
կենաց՝ զոր կամիցի քեզ, և կամ 'ի կո-
չմանդ յառաջագոյն ընտրելոյ, 'ի սաշտա-
ման, 'ի տեղւոջ, 'ի քաջողջութեան կամ
'ի տկարութեան, և յայնմ աստիճանի կա-
տարելութեան՝ յորս կամիցի կեալ քեզ .
վասն որոյ և լինել անխտիր համակամ
առ այս ամենայն: Արկեալ, ասեմ, զայս
հիմն անդրդուելի, ստարտ է 'ի բաց առնուլ
զխոշսն և զխութս անխտիր համակամու-

թեան, այս է ասել՝ ուղւոյն վերջին վախճանին մերոյ:

Եւ խոչքս այսորիկ են ցանկութիւնք փառաց, հաճոյից, ճոխութեան, քաջողջութեան, աղատ ընտրութեան կամաց. և խուսափումն ՚ի ներհականաց սոցին՝ ՚ի նախատանաց, յաղքատութենէ, ՚ի վշտաց, ՚ի հիւանդութեանց և ՚ի կատարելութենէ կենաց: Լաւ ևս ասել՝ անչափ սէր հաճոյից և առաւելութեանց, և փախուստ անդէպ յանարգանաց և ՚ի վշտակրութեանց: Քանզի յերկուս յայսոսիկ իբր յաղբերակունս ամիտփին այլքն ամենեքին. զի բերեալք ՚ի սէր և յատելութիւն այսոցիկ երկոցունց՝ մոռանամք կալ յանխտիր համակամութեան ՚ի սէրն Աստուծոյ, և գտանիմք մեղուցեալք յարհամարհութեան սիրոյն Աստուծոյ: Զի ըստ բանից Քրիստոսի, ծառ չար պտուղ չար առնէ, մանաւանդ զի ծառ չար ոչ կարէ պտուղ բարի առնել. ապա և ամենայն գործք յառաջ եկեալք ոչ ՚ի սիրոյն Աստուծոյ, այլ յանիծաբեր սիրոյ և յատելութենէ, են արտաքոյ անխտիր համակամութեան և յարհամարհութիւն սիրոյն Աստուծոյ, որք ըստ պատճառին՝ թեթե կամ ծանր, կամ ամենայնիւ և կամ ըստ մասին օտարացուցանեն զմեզ յանխտիր համակամութենէ և յԱստուծոյ:

Բ. Արդ առ ՚ի խորչեցուցանել զկոյր կամս մեր ՚ի մահահրաւէր ցանկութենէ աստիպատուոյ, հաճոյից, ճոխութեանց, և

առ 'ի բառնալոյ 'ի մէնջ զխափանարարն անխափր համակամութեան, զգովկամակութիւնն ասեմ՝ ընդ անարդանս, ընդ աղքատութիւն և ընդ ցաւս, առաջի առնեմք զչարիս և զմեծ զանօրէնութիւն և զբազմադիմի մնասակարութիւնս մեղաց, զի 'ի միտ առեալ թէ յոր խորս չարեաց արկանեն զմեզ այնորիկ խորչեսցուք մերժեսցուք յաղբերականց անախ մահաբեր թիւնից։ Աղբերակունս մահաբեր թիւնից կոչեցի զմեզս. զի յայստսիկ խոկմունս մեղաց 'ի ցաւել մեր 'ի վերայ մեղացն գործելոյ առ 'ի մէնջ, սլարտիմք միանդամայն գարչել և 'ի խտտորնակ սիրոյ անախ փառաց և հաճոյից, որպէս և յանխորհուրդ արհամարհութենէ կամ յատելութենէ անարդանաց և վշտաց, որք են արմատք չարք ամենայն մեղաց։

Եւ զի առաւել ուժգին ներգործեսցի 'ի մեզ ցաւ և գարչումն 'ի մեղաց, ջան 'ի գործ արկանեմք ազգու կենդանազրել զճանրութիւն չարեաց միոյ միայնոյ մեղաց 'ի դատապարտութեան անդ հրեշտակաց և նախահօր մերոյ, զի 'ի դառնութեան պատուհասին երևեսցի մեծութիւն չարեացն։ Արգարե այսզոյն պատկեր ահագնատեսիլ և զսալացեալ սիրտս կակղեալ յերկիւղ և 'ի սասանումն կալցի։

Եւ զի պատահարք այլոց ոչ այնչափ հարկանեն զմիտս մեր իբրև զմերսն, վասն այնորիկ յառաջիկայ խոկման առաջի առնեմք զյոլովութիւն և զճանրութիւն մեղաց

մերոց , զորս տեսեալ մեր 'ի մօտոյ՝ ոչ կարացուք պակաս առնել զցաւս , զի այնպէս եկեսցուք 'ի զեղջ՝ վառեալք յանհնարին ատելութիւն ընդդէմ նոցա :

Եւ զի դարձեալ են ոմանք որք յերկիւղէ տանջանայ յորդորին յառաւել 'ի զեղջ և 'ի զգուշութիւն 'ի մեղաց , վասն որոց ցուցցուք նոցա զգառնութիւն տանջանացն զժոխոց՝ յոր մատնին մեղաւորք անդերծ :

Պատուք սերկեան մտածութեանց են ցաւ աղէկէզ 'ի վերայ մեղաց , և դատն արտասուք : Զի և զկեանս մեր պարտիմք ծախել յապաշխարութեան և յարտասուս ընդ արհամարհութիւն սիրոյն Աստուծոյ , յոր բերեալ եմք մեք անծանօթք մեծութեանն Աստուծոյ և սիրոյ իւրոյ առ մեզ ապիկարքս և յոչէս : Եւ զի ուղղեսցուք զընթացս մեր ընդ հետս հետոց նորա , զաչս մեր 'ի խաչն , յարգասիս անգր սիրոյ նորա յառեալ բեռեսցուք , անարգեալ զպատիրս աշխարհի , որք հնարին 'ի բաց անջատել զմեզ յԱստուծոյ մերմէ :

Արդ ցաւել և դարչիլ , այսոքիկ երկորին են վաստակք այսր աւուր . բայց ցաւել զառնապէս ընդ արհամարհութիւն սիրոյն Աստուծոյ , յոր յանզգոյշս ամաք , և դարչիլ մեղձկաւ յապաղայ անօրէնութեանց , անարգելով ընդ զործոցն և զարմատս նոցա՝ զամբարտաւանութիւն և զցանկութիւն հաճոյից : Ապա գուն զիցուք ամենայն ճշգամբք առ ստանալոյ զսոսին՝ զցաւ և զգար-

չումն . քանզի երէկ վաստակեցաք առ ստանալ զանխտիր համակամութիւն առ ամենայն կամս Աստուծոյ , ընդ որ հաճեսցի առաջնորդել մեզ առ վախճան մեր , և վազիւ խոկասցուք զկատարեալ ծանօթութենէ անձին , զի խոնարհեսցուք և ատեսցուք զանձինս մեր : Իսկ արգասիք այսր աւուր լիցի սրբել զհոգիս մեր յարատոց՝ անարգելով զմեզս և զաղբիւրս մեզաց : Այլ յանարատ սրբութիւն հոգւոց մերոց կարևորք են ապաշաւ և խոստովանութիւն :

Բ

Ա. Ապաշաւ և զղջումն է ցաւ և մերժումն ՚ի վերայ մեղաց զորձեցելոց , ուխտիւ մի ևս մեղանշելոյ : Յաւ կրկնակ՝ ատելութեան մեղաց անցելոց , և զարչելոյ յապագայից : Առ բարւոք յանձին բերել զայս ցաւ , պարտ է մերժել յանձնէ ոչ միայն զծաղր և զժըպիտ և զբանս ծաղու , այլ և զգուշանալ ՚ի բերկրական բարեպարիշտ խորհրդոց . համակել ՚ի սուրբ իմն տխրութիւն , և յաւելուլ ինչ ՚ի մեռուցումն մարմնոյն : Պատճառ առաջնոյն է՝ զի խորհուրդք օտարք խափանիչք են արտաստուաց և ցաւոց մեղացն՝ որում ՚ի խնդիր ելեալ կամք : Պատճառ երկրորդին է՝ զի կամիմք ընկզմիլ ՚ի ճշմարիտ ապաշաւ մեղաց և ՚ի ծով արտաստուաց : Առ ևս քան զևս յորդել զարտասուս , ՚ի վախճան առաջնոյ խոկման յան-

զիման բեր զՅիսուս Քրիստոս զՏէրն մեր աւանդելով զհոգին 'ի խաչին . խակ յերկրորդին և յերրորդին զանհուն ողորմութիւնն Աստուծոյ որ ներէ մեզ ընդ այնչափ ժամանակս և 'ի նուագս անթիւս , մինչդեռ այլք սակաւամեղք թերևս քան զմեզ դատաւարտեալ կորնչին :

Բ . Այլք 'ի պատճառաց որք յորդոր լինին մեզ 'ի փոյթ եռանդադին ապաշաւանաց , են . ա . Զի ըստ յաճախութեան զղջման առաւելուցուն 'ի մեզ շնորհք : ք . Զի այնու թեթևասցին տուգանք պատժոցն , զորս կամ աստէն յաշխարհի և կամ 'ի հանդերձեալն սրտախիւք տուգանել : գ . Այնչափ առաւել հաստատուն կացցուք 'ի բարին . քանզի պատճառ յաճախ անկանելոյ մերոյ է ապաշաւանաց մերոց թուլութիւն : դ . Այնչափ առաւել յանդորր խաղաղութեան փայելեսցէ հոգին յեցեալ 'ի քաղցր յոյս փրկութեան և յանվրդով յապահովութեան մտաց , լեալ հաւաստի ընդ դարձ մեր 'ի բարեկամութիւն Աստուծոյ : Այլ ընդ հակառակն ապաշաւ մեղկախորհուրդ թողու յերկբայս զյոյս փրկութեանն , առնէ յողզողդ զբարեկամութիւնն Աստուծոյ , զերեսդարձութիւնն դիւրին , զհատուցումն տուգանացն նուագ , և զառաւելութիւն շնորհացն անբաւական :

Սատարքն այսր կատարեալ ցաւոյ մեղաց են աղօթք , մեռուցումն մարմնոյ , և նկարել 'ի միտս զբովանդակ ընթացս կե-

նաց մերոց , և զնել առաջի իբրև զկոյտս զիղոյ զամենայն զմեզս մեր : Քանզի ան-
երկրայ զարթուցէ 'ի մեզ երկիւղ և սար-
սափ տեսանել մեր 'ի մի զումար զամե-
նայն մեզս մեր և զանօրէնութիւնս , եղևալ
'ի կշիռ զնոսին ընդ մեզաց հրեշտակացն և
նախահօր մերոյ :

Գ . Այլ զլիաւորադոյնն 'ի սատարաց
սա 'ի լուծանել 'ի յորդ արտասուս՝ է տե-
սիլն Յիսուսի Քրիստոսի խաչելոյ , և ան-
հուն բարութեան և ողորմութեանն Աս-
տուծոյ : Սուրբն Փրանկիսկոս նախանձա-
ւորն սրբութեան Սերովբէից , 'ի խոկալն
զՅիսուս յաւանդումն հոգւոյն 'ի խաչին ,
այնպիսի իմն աղաղակ բառնայր , զի յան-
ցանել ընդ այն ըստ զիսպաց ասպեափ ու-
մեմն՝ կարծեաց հարեալ զնա յաւազակաց :
Այլ և այնպէս համարեալ սրբոյն զանձն
յոյժ թերացեալ յապաշաւանսն , հրաւիրէր
զժայռս և զփապարս արտասուակցորդ իւր
լինել : Ո՛ր խիստ և սուլացեալ սիրտք մահ-
կանացուաց . յաւանդել հոգւոյ Յիսուսի 'ի
խաչի՝ վէմք պատառին , երկիր շարժի , տիե-
զերք ամենայն սասանին . և զուր քան
զբնութիւն արարածոց անողո՞ք գտանիր .
և իբր քան զանզգայս անզգայագոյնք և
զէք . ստեղծեալքդ 'ի սիրոյն Աստուծոյ
հիմ՝ այդպէս ատեցողք երևիր . կարգեալքդ
'ի սիրել զԱստուած , ո՞ր կորուսէք զզորով
սիրոյն զոր տնկեաց 'ի ձեզ Աստուած : Ո՛վ
Մայր Տեառն իմոյ խաչելոյ , ա՛հ . պաղա-

տիմ առ բազմազուլթ սէր քո, շնորհեա ինձ
անարժան որդեգրելոյս քեզ զդառն և զյոր-
դահոս արտասուս զզջման ընդ այնչափ
արհամարհանս՝ որովք անարգեցի զսէր
Աստուծոյն իմոյ :

Ի Սպանիա լուեալ մեղաւորի ուրումն
'ի սրբոյն Վինկենտեայ Ֆէրրարեան զեր-
կայնամատութենէ զթութեանն Աստուծոյ
առ մեղաւորս, այնպիսի իմն ցառ դառն
յանձին եբեր ընդ մեղս իւր, զի անդէն
անկաւ կիսամահ : Եւ մեր առեալ զնոյն 'ի
խորհել՝ կամք մնամք ցամարեալք անարտա-
սուք իբրև դաւաղակոյտս անճրդիս հողմա-
կոծեալս . յորմէ արժան է զհետ բերել՝ զի
կամ թերահաւատք եմք, և կամ ոչ կչուեմք
զմեծութիւն չարեաց արհամարհութեան
սիրոյն Աստուծոյ :

Սուրբքն և սիրեցեալք յԱստուծոյ ընդ
թեթև իմն թերութեան և ընդ շնչենոյ՝ ցմահ
իւրեանց յարտասուս և յողբս կային . և
մեք փոխանակ այնչափ մեղաց մերոց հա-
զիւ թէ չիթս իմն արտասուաց իջուցանի-
ցեմք . որպիսի՛ սիրտք են 'ի մեզ : Թերևս
ասիցես՝ եթէ այդպիսի ցառք և արտասուք
սրբոց միայն են տուեալ : - Մանաւանդ թէ
այսպէս սխարտ է ցառիլ և արտասուել առ
'ի վինել սուրբ :

Իցեն յաշխարհի մեղաւորք յոլովք քան
զմեզ արգարագոյնք, սրբեալք առաւելու-
թեամբ ցառոցն և արտասուաց՝ այն ինչ
'ի վերայ հասեալք զթութեան և մարդասի-

բութեանն Աստուծոյ, և իւրեանց մեղացն դառնութեան: Եւ մեք եղկելիք, ծախեալ զկեանս մեր 'ի վարժարանի սիրոյն Աստուծոյ, տակաւին ոչ ուսաք և զաթութայս անգամ սիրոյ նորա, և կամք այնպէս անծանօթք և տգէտք, զի և ոչ կարեմք առնուլ 'ի միտ զմեծութիւն չարեաց արհամարհանաց սիրոյ նորա, զի կարիցեմք լալ ըստ արժանւոյն զմեզս մեր: Ո՛վ Աստուած իմ, յայտնեա ինձ զամենակալ զօրութիւնքո 'ի թողուլ զմեզս իմ և յողորմել. որ « Ողորմիս ամենեցուն զի յամենայնի կարող ես. և անտես առնես զմեզս մարդկան ասպաշխարութեամբ »: Հեղ 'ի սիրտս մեր զթութեամբ զչնորհս Հոգւոյդ սրբոյ, զի բղխեցուցէ 'ի վիմարդեան սրտից մերոց զհառաչանս և զարտասուս առ 'ի սրբել զարտաս Հոգւոց մերոց. իջուցեն աչք մեր աղբիւրս արտասուաց 'ի շիջուցանել զբոց հրոյն զոր բորբոքեցաք արհամարհելով զանչափ սէրքո:

Գ

Եթէ իցէ ցաւ մեղացն անցելոց կատարեալ և սրտահառաչ, աներկբայ զտցի յարակից այնմ և խորշումն յապագայից: Զի չէ և չէ հնար ցաւել ումեք ընդ զործեալ մեզս սրտի մտօք, և ոչ զգուշանալ յապագայիցն: Եւ զի լաւ ես 'ի միտ առնուցուս զայս խորշումն կարևոր և զզօրութիւն նո-

րա անսասան, նկարեալ յանդիման աչացոյ
 ՚ի կողմն մի դրոնաւորն Անտիոքոս, և ՚ի
 հանդիպոյ զհնոցն Նաբուգոդոնոսորայ :
 Հայեաց ՚ի սա՛ որ չարամահ կորուսեալ
 զվեցեսին որդիս Շամուենայ և կամի զար-
 հուրեցուցանել զկրօնեցողոյնն ՚ի սպառնա-
 լիս տանջանաց . տես ահա յառաջ բերեն
 զմահահոտ գործիս սպանութեանն, բոր-
 բորեն զհուրն, շանթեն զերկաթսն, մեր-
 կացուցանեն զսուսերսն . ցրուեալ անգէն
 ընդ վետին զլուխքն հատեալք, ձեռք և ոտք
 անդամատեալք, մարմինքն մորթազերծք :

Գարձո զաչս քո ՚ի հնոցն կոյս . զի
 Նաբուգոդոնոսոր լի սրամտութեամբ հրա-
 մայեաց ջեռուցանել զհնոցն եօթնարատիկ
 առաւել յոյժ, զի մինչև ՚ի վախճան այրեա-
 ցի : Ահաւոր պատկեր տեսլեանն . հայեաց,
 թէ պէտ վառեալ իսկ էր հնոցն, այլ պաշ-
 տօնեայք ոչ դադարեն ՚ի բորբորելոյ ևս
 քան զևս, մինչև բարձրանալ բոցոյն քա-
 ռասուն կանգուն ՚ի վեր :

Արդ զի՞ գործեսցէ մանուկն Շամու-
 ենայ ՚ի տեսիլ դառն տանջանարանացն .
 ճաշակեսցէ զմիտն արդելեալ, և կամ յան-
 ձին կալցի մեռանել ՚ի դառն տանջանս .
 Եւ մանկուհիքն Բաբելոնի կրկնեսցեն ծունր
 առաջի պատկերին Նաբուգոդոնոսորայ,
 թէ յանձն առնուցուն ծախել ՚ի բոցոյն :
 Ասա՛, և դու զի՞ գործէիր եթէ կայր քեզ
 կամ մեղանչել և կամ մեռանել . ահա մա-
 նուկն աղաղակէ առ բռնակալն . « Չեմ՝

ինչ լսելոյ հրամանի թագաւորիդ, այլ հրամանաց եմ հնազանդեալ օրինաց հարցն մերոց» : Նոյնպէս և Անանիա ընդ ընկերսն բարձրացուցանէ զձայնն . « Այս քեզ յայտնի լիցի, արքայ, զի զդիս քո մեք ոչ պաշտեմք և պատկերիդ ոսկոյ երկիր ոչ պազանեմք» : Իսկ զու զինչ խորհիցիս, զի զորձեսցես : Ո՛չ ամօթ մեծ իցէ զի չորեքին մանկունք Նբրայեցիք առաւել խորշիցին 'ի մեղաց քան դբրիստոնեայ որ, քան զկրօնաւոր, քան զքահանայ՝ Քրիստոսի սեղանոյն սաշտօնեայ : Յանդիմանեսցէ զքեզ յաւուր միում Եդիսազար՝ որ զմահ յանձն առեալ և զկեղծիս անդամ ուտելոյ զխոզենի ոչ առնոյր յանձն, և աղաղակէր . « Չայս խստութեան տանջանս մարմնոյ ընկալեալ համբերեմ, այլ հոգւով քաջ քաղցրութեամբ վասն ահի սասախցն Տեառն ընդունիմ» : Նա առ ահի Տեառն այսպէս և զկեղծաւորելն չառնոյր յանձն, և զու ընդ ահին և զսէր նորա զանչափ արհամարհեալ ո՛չ մեծ ինչ զրես :

Ո՛վ Աստուած իմ և Տէր . այսոցիկ երկոց ախոյանաց զո՞ր պատասխանի տացեն նոքա, որք ոչ երկնչին արհամարհել զսէրն Աստուծոյ, զրդուել 'ի զայրոյթ զանհուն զթութիւն նորա, զարգարութիւն նորա ահաւոր և զամենակալ մեծութիւն նորա, ոչ 'ի բռնաւորաց սպառնացեալ, և կամ 'ի մահուանէ ինչ երկուցեալ, այլ վասն սնոսի շահու անձին, և կամ 'ի լրումն հաճոյից

ինչ : Ա՛հ . սրբոցն խորհուրդք այս էին՝ թէ առաւել զժոխըմբեր է Աստուծոյ մեղք իմն թեթեւ , քան Սաղայելի նոյն ինքն զժոխք : Եւ զու այդպէս թեթեւութեամբ մեղանչիցես . այսպէս յաճախ . այսպէս առ ոչ ինչ զրեւցես զարհամարհութիւն սիրոյն Աստուծոյ : Եթէ սիրես զԱստուած , եթէ երկնչիս 'ի յախտեանական զատապարտութեանէ , եթէ ոչ կամիս կալ յատելութեանն Աստուծոյ յախտեան , փախիր 'ի մեղաց . անէ , փախիր , ոչ միայն 'ի ծանունց , այլ և 'ի մանունց . այս 'ի մանունց իսկ , քանզի և այնորիկ բերին յարհամարհութիւն սիրոյն Աստուծոյ , որ է մեծ քան զամենայն չարիս որք կարիցեն երբէք պատահել քեզ յաշխարհի :

Գ.

Զխոստովանութիւնն , որ է այլ իմն սատար սրբելոյ զսիրտս , թէպէտ պարտ է առնել յաւարտ առաջին մասին կրթութեանն , բայց պարտ է 'ի սկզբանէ կրթութեանն սկսանել առնել , քննութիւն իմն խղճի ընդհանուր , կարևոր առ խոստովանութիւն և առ սրբելոյ զսիրտ : Զայս մարթ է առնել յազատ ժաման , զգուշացեալ չպակասեցուցանել ինչ 'ի սահմանադրեալ կարգաց : Եւ թէպէտ հարկ իցէ զգոյշ կալ ամենայնիւ յայսմ՝ քննութեան յաւելորդ անձկութենէ մտաց , որ մարթի պատճա-

ուել յուզուամն և տազնապ և զխիղճ 'ի միտս , սակայն և սարտ է այնպէս խնամով հետամուտ լինել ուղղութեան , զի տացէ առ յապոյ աներկեան խաղաղութիւն մտաց , մանաւանդ 'ի ժամու անդ մահուան : Արդ փոյթ խնամոցն սարտ է լինել , ա . Չափոյ ժամանակի , որ սարտի սկսանել 'ի յետին արդարակշիռ խոստովանութենէ : բ . Ի քննութեան թուոյ և ծանրութեան մեղաց : գ . Ի վերայ գործոց՝ յորս ծախեալ է կեանքն : դ . Ի վերայ պաշտամանցն վարելոց :

Բայց թէ սարտ իցէ քննել զբովանդակ կեանս կամ զմի ևեթ շրջան ամաց , կամ զես նուազ ժամանակ , այս ամենայն թողեալ է յընտրութիւն խոստովանահօր : Այլ յամենայնի եթէ ընդհանրական իցէ խոստովանութիւնն և եթէ մասնական , սարտ է փոյթ 'ի մէջ առնուլ խոստովանելոյ զմեզսն զայնոսիկ , յորս գուցեն երկմտութիւնք չլինելոյ սարգեալ ուղղագատութեամբ , և որք առաւել քան զայսն 'ի տազնապի զսիրտս ունիցին և կամ հարկանիցեն զմիտս , և կամ յորոց կասկածիցեմք եթէ վշտազնեսցեն զմեզ 'ի ժամու մահուան : Առաւել քան զառաւել սարտ է հետամուտ լինել գործեցելոցն յանխորհուրդս և զազանեաց . զանգործութիւնս բարեաց , և զմոռացութիւնս և զթերատեսութիւնս սարտուց անձին . և բովանդակ իսկ ճիզն իցէ խոստովանել զմեզս հնարիմացութեամբ այնպէս՝ որպէս զեն չարա-

նենդ պատրաստի ամբաստան լինել զմէնջ առաջի Աստուծոյ :

Միանգամայն ասել՝ պարտ է առնել զայս խոստովանութիւն այնպէս զգոյշ մտադրութեամբ, իբրև եթէ այն ինչ աւարտեալ խոստովանութեանն՝ կայցէ մեզ յանդիման լինել առաջի ատենին Քրիստոսի . մինչև լինել մեզ հաւաստի վկայելով մտացն խղճի՝ եթէ լցուցաք անթերի զամենայն պէտս հոգւոյն յայսոսիկ աւուրս կրթութեան, ոչ ինչ թողեալ արտաքոյ ՚ի նորոզ քննութիւն : — Աւարտեալ ուրուք զկրթութիւնս առանց յանձին բերելոյ զայս վստահութիւն, գուրկ ՚ի կարևոր քաջալերութենէ մնասցէ և յարդիւնական պտղոց զորս կարէր ժողովել :

Այսմ սրբոյ գործոյ, որ լին է օգտութեամբ, կան խոչը երկու այսոքիկ. Չանձիր ՚ի վաստակել ՚ի քննութիւն մեղացն, և Ամօթ ՚ի խոստովանել : Թեթևասցին վաստակքն ՚ի միտ բերեալ զմեծամեծ օգտութիւնսն, որք են, ա . Յանդիմանութիւն անպատուակ չարութեան մեղացն : բ . Յաւ սրտատոչոր վասն այնպէս ՚ի վրէպ խորհուրդս զառածանելոյն : գ . Անվրդով իմն ուխտ զգուշութեան, և երկնաւոր օգնութեանն յաճախութիւն : դ . Աւազոյն իմն պատրաստութիւն ՚ի հազորդիլ սրբոյ խորհրդոյն : ե . Հաստատուն յոյս վրկութեան և քաջալեր իմն մխիթարութիւն յաւանդել հոգւոյն :

Իսկ առ յաղթել ամօթոյ, զմտաւ ամ' ա. Ձի խոստովանահայրն կայ անդէն փոխանակ Աստուծոյ, և նա լուեալ անդէն մոռանայ. և զի որչափ առաւել ծանունս լուիցէ 'ի .քէն, այնչափ առաւել գովէ զքեզ 'ի միտս իւր, զի տեսանէ զքեզ առաւել խոնարհեալ, յաղթեալ անձնասիրութեան .քո: ք. Եթէ 'ի մեղանշելն ոչ երկեար յԱստուծոյ, և ոչ 'ի վնասելոյ անձինդ, որ կամաւ թշնամի երևեցար Աստուծոյ սիրողին .քո յանչափս, 'ի խոստովան լինելդ՝ առ իմէ՛ երկիցես և զամօթի հարկանիցիս. զի ոչ չար ինչ է զոր զործես, այլ 'ի դեղջ եկեալ ընդ զործն արհամարհանաց սիրոյն Աստուծոյ, կամիս հաշտել ընդ նմա: Այլ զի մեծապէս յանցուցեալ ես ընդդէմ՝ Աստուծոյ, նմա պարտ և արժան էր զերեսս 'ի .քէն 'ի բաց դարձուցանել և չածել զքեզ յապաշխարութիւն. այլ եթէ Աստուած անչափ զթութեամբ իւրով կոչէ զքեզ « Եկայք առ իս ամենայն վաստակեալք և բռնաւորք », առ ինչ ամաչել .քեզ: գ. Ձի և խոստովանահայր .քո մարդ է տկար իբրև զքեզ. նա ևս կայ 'ի վտանգի. զիտէ՛ զի եթէ շնորհն Աստուծոյ ոչ օգնեսցէ, և ինքեան հնար է յես մեծամեծ չարիս անկղիտանալ. և զի շնորհն այն Աստուծոյ ձեռն տուեալ .քեզ հրաւիրեալ է յապաշխարութիւն. և արդ լուեալ նորա զմեզս .քո օրհնեսցէ զշնորհսն Աստուծոյ՝ որ .քեզ առաջնորդէ, և սիրեսցէ զքեզ զի ունկնդիր գտեալ

ես շնորհացն: Յաւել առ այս ամենայն զայն եւ՝ զի եթէ ոչ կամիցիս այժմ՝ յայտնել զմեզս քո միոյ ուրուք առանձին, յայտնեսցին ապա ՚ի հրապարակի առաջի ատենին Աստուծոյ. արդ կայ քեզ կամ ապաշխարել այժմէն և լինել սիրելի Աստուծոյ, և կամ կալ մնալ թշնամի Աստուծոյ և դատապարտիլ յատենի նորա հրապարակաւ: Յայսմ ամենայնի ամօթոյ իրք ոչ են, այլ սիրոյն Աստուծոյ և ատելութեան, որք առաւել տարանջատք են ՚ի միմեանց քան զչափմիոյ վայրկենի ժամու՛ր յաւիտենականութենէ. և դու յատելութենէն ՚ի սէրն Աստուծոյ անցանել զանդադիցիս: Հա՛սպա, առ սէր Աստուծոյ, առ սէր երկնից, առ սէր անձին քո մի երկմտիր ասել զճշմարիտն՝ ՚ի բաց զսնտաի զամօթն եզեալ:

Ի ձեռն այսոցիկ երկուց դարմանոց զղջման և խոստովանութեան սրբեսցի հողին, որ է երկրորդ սլտուղ առաջին մասին կրթութեան, որոյ առաջինն էր երիկեանս անխտիր համակամութիւն: Ձի մինչ չե արմատախիլ արարեալ զախտան, որք են ամբարտաւանութիւն և հաճոյք մարմնոյ, ոչ է հնար սրբիլ սրտին. վասն որոյ սլարտ է զարշիլ և մերժիլ ՚ի նոցունց, և զամենայն հնարս հնարել առ քեցել զնոսին յարմատոց:

Առ և ես սաստկացուցանելոյ զցառ և զզարչումն ՚ի մեզաց՝ առցուք յանդիման մտաց մերոց յառաջիկայ խոկման զմերխակ յանցանս, զորս ՚ի խորհել առեալ զգու-

չեաւ՝ յահի կալեալ զմիշտ սարսուռ ընդ
 ոսկերս ընթացուսցեն: Բայց աստէն պարտ
 է զիտել զի քննութիւնս այս ոչ մասնա-
 կան իցէ, այլ առհասարակ. զի ոչ է առ
 խոստովանութիւն, այլ միայն առ ՚ի ցու-
 ցանել զվատթարութիւն մեղացն որ արտա-
 քոյ է մտաց վասն երից. մի՛ առ ծանրու-
 թեան և յաճախութեան անարգանացն. եր-
 կրորդ՝ վասն փանայրութեան և ապաշնոր-
 հութեան անարգչին. և երրորդ՝ վասն մեծ-
 վայելչութեան և զթութեան անարգելոյն:

Ծանիր. Որք մի օր և եր ծախելն ՚ի խոկ-
 մունս դժոխոց և մեղաց, մարք և ևոցա խո-
 կալ յերկրորդ և յերրորդ մասունս միայն ա-
 ռաջիկայ խոկմանն. քողով զառաջինն առ ըն-
 քունելոյ ՚ի դիպող խնն պահուռ.



Խ Ո Կ Ո Ւ Մ Ն Բ

Յ Ա Ղ Ա Գ Ս Մ Ե Ղ Ա Յ Ա Ն Ձ Ի Ն

Ա Ռ Ա Ն Ձ Ի Ն

Մ ա ս և Ս.

Ի վեր է քան դրան ծանրութիւն և չարութիւն մեղաց վասն վատթարութեանն իւրոյ և վասն յաճախութեան : Առաւելութիւն վատթարութեան միոյ միայնոյ մեղաց յայտ անտի է , զի մեղքն է այն ինքն արհամարհութիւն անչափական սիրոյ մեծ վայելչութեանն Աստուծոյ . մինչ զի անհնարին էր մարդոյ փոխարէն տուգանօք , միով արհամարհութեամբ զրգուեալ զատելութիւնն Աստուծոյ՝ յառաջին սէր դարձուցանել : Ոչ ջրհեղեղք , ոչ հրայրեացք , ոչ անթիւ դոհք և պատարագք , և ոչ բիրք բիրուց մարտիրոսաց դուպարք բաւական լինէին այդմ : Ըստ սրբոյն Թովմայի՝ Ի մեղանչել անդ օտարանամք զլխովին յԱստուծոյ :

Սակայն և այնպէս , ով դու անձն եղկելի , քանիցս ցայսվայր ժտեցար ընդդէմ ելանել Աստուծոյ , և զպատկերն Աստուծոյ որ 'ի քեզ՝ աններելի թշնամի կացուցեր նմին իսկ Աստուծոյ . զմեծութիւն չարեացն ոչ բանիւ հնար է պարզել և ոչ մարդկային

տկար խորհրդով 'ի միտ առնուլ : Ո՛վ Աստուած անքնին : Հրեշտակք հզօրք արհամարհեալ միանգամ զսէրն Աստուծոյ ամբարտաւանութեան խորհրդով՝ յոր զեղեցկութենէ յորպիսի իջին յանարդութիւն յաւիտենական . ապա զի՛նչ լեալ էր ինձ բազմամեղիս , որ ընդ խաղս , անխեղձ համարձակ բերեալ եմ՝ յարհամարհութիւն սիրոյն Աստուծոյ զօր ամենայն , եթէ արգարութեամբ կամեցեալ էր դատել զիս , եթէ ոչ Յիսուս որդին Աստուծոյ արեամբ խրով քաւիչ կացեալ էր ինձ :

Ա՛հ . եթէ դատիցիմ ըստ թուոյ յաճախութեան յանցանաց իմոց , առաւել յոյժ մեղապարտ դտայց քան զզեան դժոխայինս : Ո՛վ Աստուած իմ , յամենայնի մեղուցեալ եմ խորհրդով , բանիւ և գործով . և ինձ արդ ընդ Անտիոքոսի յուչ եղեն չարիքն՝ զոր գործեցի յԵրուսաղէմ՝ յեկեղեցին Քրիստոսի . եղո՛ւկ զիս . զերեսին կարողութիւնս հողոյս իմոյ , որոց իբրև 'ի հայելոջ սլարտ էր յանդիման ցուցանել զԱստուած , լեալ տաճար սրբութեան ամենասուրբ Երրորդութեան , պատրաստեալ եմ օթեան խաւարասէր բանակի թշնամեացն Աստուծոյ . տեսանեմ լցեալ 'ի յիս բանիցն Քրիստոսի՝ սղծութեան աւերածոյն կացեալ 'ի տեղոջ սրբութեան . զիմրդ ոչ երկնչիմ և 'ի սպառնալեացն Աստուծոյ 'ի մահուանէ և 'ի կորստենէ և 'ի կրճատելոյ ատամանց 'ի հուրն անչէջ :

Ես փոխանակ Աստուծոյ առեալ էի 'ի պաշտօն զկամս իմ. ընդ Աստուծոյ փառացն զիմ փառս խնորէի, և զտեղի հաճոցիցն Աստուծոյ ունէին հաճոյք մարմնոյ իմոյ զօրացեալք 'ի յիս . յոյս իմ էր 'ի սնտափ պերճանս . սէր իմ զհետ պնդեալ կորստականաց, և հաւատք իմ յանդուզն ապերասան . յոր միտք իմ առաջնորդէին այնոցիկ զհետ զակատեալ, կարծէի անձամբ անձին դատ վարել և յաղթանակել, և 'ի ժպիրհ ամբարհաւաճութիւն յեցեալ կարծէի առանց Աստուծոյ թագաւորել : Յոր խորս չարեաց սուղեալ արդ դանձն իմ գտանեմ. տեսանեմ արդ 'ի յիս զպատկերն Աստուծոյ փոխեալ 'ի խանձող թանձրամուխ պատրաստեալ 'ի նիւթ յախտեանական անչէջ հրոյն : Ղոչեցից և ես ընդ Եզրի . « Տէր, ամաչեմ և զողամ առաջի երեսաց քոց . քանզի մեղք իմ բազմացան առաւել քան զզլուխ իմ, և անօրէնութիւնք իմ բարձրացան առաւել 'ի վերոյ քան զերկինս, . . . և եմ 'ի մեղս մեծամեծս » :

Մ ա ս և Բ

Առաւել քան զառաւել լինին դառն և զժոխըմբեր նախատինքն, որչափ առաւել անարդ և ապաշնորհ որ իցէ նախատիչն : Ապա զինչ այլ անարդ կայցէ քան զմարդ որ լոկ, ինքն ինքնին ոչ ինչ, և 'ի զործ անկար, և վախճան իւր մահ և ապականու-

Թիւն : Իսկ այր մեղաւոր , թշնամի Աստուծոյ , ոչ ինչ է առ այլովք 'ի մարդկանէ , ևս առաւել առ դերամարտուր հրեշտակօք , զի՛նչ ապա առաջի մեծվայելչութեանն Աստուծոյ :

Յաճի եղեալ սասանին երկինք , մարդ փանաքի « Ամբարձ ձեռս ընդդէմ Տեառն , և առաջի Տեառն ամենակալի ընդվղեցաւ . ընթացաւ առաջի նորա հպարտութեամբ... զի ծածկեաց զերեսս ճարպով իւրով , և արար երկասայրի յազդեր իւրում » : Ասելով ընդ Փարաւոնի . « Ո՞վ է նա , որում լուայց ձայնի նորա . ոչ զիտեմ զՏէրն » . « Որդն և երբ անարդ մոռացաւ զԱստուած , և ընկեաց զնա զկնի մարմնոյ իւրոյ » : Ո՛րաստեղք երկնից շիջուցէք զփայլմունս ձեր . Աստուած . . . 'ի ստոր քան զմարմինն կալեալ . . . զհաճոյս մարմնոյն քան զսուրբ կամս Աստուծոյ պատուեալ : Ո՛ր զօրութիւնք երկնից ընդ ո՞ր առաւել կայք զարմացեալ , ընդ հետտութիւն մարդոյն՝ որ այնպէս ապառում յանդդնութեամբ ապարթանէ ընդդէմ Աստուծոյ , թէ ընդ երկայնամիտ համբերութիւնն Աստուծոյ՝ որ այսպէս զթութեամբ հանդուրժեալ տանի մեղմեխանաց զառանցելոյն 'ի յիմարութեան :

Անարգն լինել և ապաշնորհ այս ևս քան զևս ծանրացուցանէ զմեղսն : Աստուած իբրև զքեզ մեղաւորի եցոյց զանթիւ երախտիս մեծամեծս և արդիւնականս յոյժ , որք են անկշռելիք , առ մեծվայել-

չութեան պարզեատուին և առ գերազանցութեան պարզեացն և առ անարգութեան պարզեատուին : Եւ արար քեզ զայսոսիկ բարերարութիւնս առանձին իմն շնորհիւ , սիրելով զքեզ 'ի յաւիտենից 'ի սկսանել անդ սիրելոյ զէութիւն իւր , և անչափական սիրով որով սիրէ զանձն իւր , և ճրիատուր իմն սիրով չունելով նորա պէտս քեզ և քումզ սիրոյ :

Զայսպիսի և զայսչափ սէր առատաձեռնեաց քեզ Աստուած . . . Աստուած . . . նա որ ինքն ինքնին անկարօտն է , և ինքն ինքնին ամեներանեալն է . . . բարերարեաց քեզ՝ զերի ապերասան , քեզ՝ որ իբրև զկաթ մի ես առաւօտի ցօղոյ . իբրև զտերև շարժուն 'ի հողմոյ , և իբրև զփոշի զոր հոսէ հողմն , և նոյն ինքն ոչ ինչ՝ վարակեալ յախտս և 'ի թշուառութիւնս . բարերարեաց քեզ առանց երևելոյ 'ի քեզ արժանեաց , զոլով կանխազէտ և յանցանացդ , ընտրեալ զքեզ յայլոյ բազմաց , որք թերևս առաւել եռանդեամբ ծառայեալ էին նմա : Եւ դու այսպէս ապաշնորհ երևեցար Աստուծոյ , մինչև արհամարհել և զսէր նորա . « Խորտակեցեր զլուծ նորա , խզեցեր զկապանս նորա և ասացեր՝ թէ ոչ ծառայեցից » : Եւ այսպէս յարհամարհութիւն սիրոյ նորա արկեր 'ի զործ զամենայն զօրութիւնս հողւոյդ և զզգայութիւնս մարմնոյդ , զձիրս բնութեան քո և զքաջողջութիւնդ :

Ո՛վ Աստուած իմ և Տէր , ապախտա-

ւոր եւմ շնորհացդ քոց քան զզաղանս , յորոց ոչ ինչ արհամարհանս կրես , և քան զամենայն մարդիկ խուժ և դուժ ազանց և վայրենեաց , որոց ոչ որպէս առ իսն առատաձեռն երևեցար ՚ի բարերարել . առաւել ապաշնորհ քան զզեան չարանենդս , որոց վասն ոչ ետուր ՚ի մահ զորդիդ քո զՔանն Աստուած : Վկայեմ ես իսկ զանձնէս . զի այս իմ ապաշնորհ բարք յապիկարութեան իմում առաւել քան զառաւել ծանրացուցանեն զմեզս իմ . բայց ողորմեա ինձ ցաւելոյս ՚ի բեկեալ սրտէ . թող ինձ որ խոտանամ զառնալ ՚ի սրտէ :

Մ ա ս և Գ .

Անչափ է ծանրութիւն մեղացն ըստ առաւելութեան մեծվայելչութեան և զթութեան նախատելոյն : Մեծվայելչութիւն փառացն Աստուծոյ ՚ի վեր է յոյժ և քան զմիտս քերովբէիցն զերագունից . նորբանկեալ երկիր սրագանեն նմա թևովքն սրածածկելովք : Արժան և իրաւ , քանզի նա ինքն է տէր տերանց և թագաւոր թագաւորաց , սուրբ և ահեղ է անուն նորա , որ նստի ՚ի քրովբէս և հայի յանդունդս . և դու հող և մոխիր յանդգնիս , յաւակնիս արհամարհել զսէր նորա առ քեզ . խորհեաց միանգամ , որզն աղկաղկ , զո՞ անարգեցեր . տես զամենակալ զօրութիւն նորա . կարող էր անդէն ՚ի մեղանչել քո զահաւի-

ժել զքեզ 'ի զժոխս : Իմաստութիւն է նա
անբաւ , զանգործս քո զամենայն տեսանեն
աչք նորա . 'ի զնալ քո զհետ կամացդ և
հաճոյիցդ , արհամարհեալ զսէր նորա , տե-
սանէր նա զքեզ և լուէր : Ինքն է սուրբն
սրբոց . առաւել եղև զժկամակութիւնն նո-
րա ընդ մի միայն մեզս քո , քան զբարե-
հաճութիւնն որով ընդունէր զամենայն ա-
րիական ճգունս սրբոց իւրոց : Եւ դու յա-
ճախեցեր 'ի մեզս անխտիր աներկբայ , ոչ
ինչ երկիր յահաւոր ցասմանէ նորա կրելով :

Եւ դու որչափ յաւելուիր 'ի քո ան-
զուսպ զնացս , Աստուած այնչափ առաւել
զթութեամբ մնայր դարձին քում . առաջի
առնէր քեզ զէսպ բարեյաջողս զգաստա-
նալոյ , զալոյ 'ի միտս , և դու սալացեալ
սրտիւ անլսող եղեր նմա . կարծէիր եթէ 'ի
լնուլ զբաղձանս հաճոյից կամաց քոց վայե-
լեսցես 'ի հանգիստ , և ոչ յիշէիր եթէ
ստեղծեալ քո առ 'ի սիրել զԱստուած , և
յարհամարհել քո զսէր նորա , ոչ այլ ինչ
մնայ քեզ բաժին՝ բայց եթէ կրճումն ատա-
մանց և հուր գեհենոյն . այլ դու զառա-
ծեալ մտօք զմեծութիւն քաղցրութեանն
Աստուծոյ ոչ յիշեցեր , որ իբրև զբիբ ական
իւրոյ պահպանեաց զքեզ , և 'ի զիրկս իւր
ընկալաւ զքեզ , իբրև զգայեակ որ զմանսով
իւր զգուիցէ՝ այնպէս խնամէ զքեզ : Սի-
րեաց զքեզ եթէ ոչ իբրև բարեկամ , զի ա-
տեցեր դու զսէր նորա , այլ իբրև բարերար
մնալով քեզ առուրն ասպաշխարութեան , զի

անտես արասցէ զմեղս .քո : Արդ մնայ քեզ
խորհել զարժանն :

Ի Ղ Զ Ք

Ա . Բորբոք ցաւոց . Ով Աստուած իմ , վշտացուցի զքեզ . ես . . . զքեզ . . . ոչ ինչս և անարդ , զէդ ամենաբարի . որդս անպիտան , զՊետդ ամենիշխան . ծառայս զՏէրդ . ստեղծուածս զԱրարիչդ . մարդս զԱստուածդ . . . և 'ի վերայ անչափ բարութեանցդ , արհամարհանօք և ապերախտութեամբ . . . վասն շնչենից , վասն առերևոյթ շահու անձին , վասն անարդ հաճոյից , առ վիսութեան և առ չարութեան . . . վշտացուցի զքեզ , ո՛վ Տէր իմ ամենասուրբ , յանդիման աչաց քոց . առ ոչ ինչ զրեալ դտանջանս դժոխոց և զվայելս արքայութեան . անարդեալ զզեղումն շնորհացդ . . . մինչդեռ 'ի սէր զգուէիր զիս . . . ես 'ի նուազս անթիւս վշտացուցի զքեզ . . . յաճախ հանդիպեալ և թողութեան . . . Ա՛հ . ամաչեմ . . . ապաշաւեմ . . . ցաւիմ . . . և ցանկալի է ինձ պատառել սրտի իմոյ առ անհնարին ցաւոց :

Բ . Հաստատոռչիւն ոռխտի . Այլ մի ևս մեղայց , Տէր իմ Տէր , մի ևս այլ : Ուխտեմ հաստատութեամբ յանդիման ամենայն երկնից և առաջի մեծվայելչութեան փառաց քոց , ամենայն յօժարութեամբ և զօրութեամբ կամաց իմոց ընտրեմ և յանձն առ-

նում զրկիլ յամենայն բարեաց, անկանել յամենայն փառաց և պատուոյ, տանել ամենայն ազգի ազգի վշտաց, և ՚ի դառն տանջանս ճաշակել զմահ, քան երբէք իւր վշտացուցանել զբեղ նա և թեթե ինչ յանցուածով: Ոչ ևս երբէք, ոչ ևս այլ վշտացուցից զբեղ, մանաւանդ (յայտմ կամ յայնմ, և այլն):

Գ. Եռանդն խոնարհոչեան. Աւանդ զիս. «Ամօթ երեսաց իմոց ծածկեաց զիս». վիրօք յանցանաց լցեալ է սիրտ իմ. անհ, արդարև այր մի դարչ եմ և անսուրբ, որ ըմպեմ զանօրէնութիւնս հանգոյն ըմպելոյ. զի «Անօրէնութիւնք իմ բարձրացան քան զզլուխ իմ»: Ո՛ր անիծապարտ ամբարտաւանութիւն, այն եղև սկիզբն չարեաց և իմոյ կորստեան. խորչիմ մերժիմ ՚ի քէն յամենայն սրտէ: Յայտմ հետէ և առյապայ մի ազանիցի ՚ի սրտի իմում խորհուրդ ամբարտաւանութեան. ՚ի բաց լիցի նա յամենայն խորհրդոց իմոց և ՚ի բանից և ՚ի գործոց: Աջայց ես նախատանօք և զրպարտութեամբ. նոքին յարձակեսցին յիմ վերայ, խնդրեսցեն յինէն վրէժս արհամարհանացն զոր արարի Աստուծոյ:



ԵՐԿՐՈՐԴՈՒՄՆ ՍՈՒՂ

Ա. Մեծ է ծանրութիւնն և չարութիւնն մեղաց առ վատթարութեան իւրոյ և յաճախութեան : Վատթարութիւնն նորա յայտ է 'ի գործոցն որ է արհամարհութիւն սիրոյն Աստուծոյ, որում ա մենայն չարիք աշխարհի ոչ կարեն աւնել զհասուցումն . և դու ժտեցար նովաւ զպատկերն Աստուծոյ որ 'ի քեզ՝ կացուցանել թշնամի նմին ինքեան Աստուծոյ . և դու զօր ամենայն անխիղճ բերեալ ես 'ի նոյն . եթէ ոչ արեամբ իւրով քաւիչ լեալ էր քեզ Քրիստոս , զինչ լինէր քեզ :

Բ. Որչափ առաւել անարգ ոք և ապաշնորհ իցէ նախատիչն , այնչափ առաւելու դառնութիւն նախաամնացն : Մարգն ինքնին ոչ ինչ է , և ապիկար 'ի գործ , և վախճան նորա մահ . և դու մարգ փանաքի ընդդէմ՝ Տեառն ձեռն ամբարձեր :

Անարգն լինել և ապաշնորհ՝ այս առաւել ծանրացուցանէ զմեզս : Աստուած այնչափ բարերարեաց մարդոյն . այլ նա ապաշնորհ երևեցաւ Աստուծոյ և բարերարին իւրոյ :

Գ. Եւ ևս ծանրացուցանէ զմեզս մեծվայելչութիւնն նախատելոյն և գթութիւնն : Մեծվայելչութեան նորա ոչ է հնար հասու լինել մասց մահկանացուի . և քերոբէք անգամ 'ի խոնարհ ունելով զդէմս և սլարփակեալ զահեղ փառս նորա թևովք , աղաղակեն ո՞վ է իբրև զԱստուած մեր : Եւ գթութիւնն նորա անյաղթելի՝ որով ոչ դադարէր 'ի բարերարելոյ քեզ , սիրէր զքեզ և

մնայր դարձին քում: Ա՛հ. նախատեցեր դու զԱստուած զմեծն և զամենաբարին, և կեան տակաւին. և ՚ի ցաւոց ո՛չ պատառի սիրտ քո, և ո՛չ շիթս ինչ արտասուաց իջուցանէն աչք քո, և ո՛չ մի հառաչանս արձակէ սիրտ քո:

Ընթերցիր

Թովմ. Գեմբ. Գիրք Գ. Գլ. 7. Հատ. 2:

ԽՈՐՀՐԴԱԿՑՈՒԹԻՒՆ

Ի վերայ կրկին արմատոց մեղաց.

Ոչ է շատ ճշմարիտ ցան և զարշումն ՚ի մեղաց, այլ պարտ է ուղղել զուշ մտաց առ արմատս նոցա. ապա թէ ոչ ոչ լինիցի ՚ի սրտի անարատ սրբութիւն. զի մինչև աղբիւրակն ախտից ոչ խցցի, այն ցանկացեալ ոսկեղինիկ անխտիր համակամութիւն ոչ ստացանի, և ոչ ուղղութեամբ առ վախճանն կարգեսցին զործք մեր: Վասն այնորիկ ասացաք ՚ի վեր անդր եթէ ցաւ և զարշումն պարտի լինել այնպէս զի ընդ մեղացն և զարմատս նոցա կորդեալ անհետացուսցէ. և այս պարտի լինել պտուղ սերկեան խոկմանց:

Այսօրիկ կրկին արմատքս ըստ զխաւոր մասին են. ա. Յանկութիւն գերազանց երևելոյ է ամբարտաւանութիւն. և եր-

կրորդ՝ Անյագութիւն լնլոյ զհաճոյս՝ որ է ցանկութիւն մարմնոյ : Ի սոցունց ընծիւղեալ շառաւիղեն ամենայն մեղք ծանունք և թեթեւք՝ նաև ծնունդքն ազահութեան . զի պատճառ ՚ի խնդիր ելանելոյ ճոխութեանցն են իղծք պերճանաց և հաճոյից : Ամբարտաւանութիւն ոչ կամի ճանաչել զԱստուած զհայր . այլ թէ և խոստովանեսցի բերանով , սակայն համարի զանձն ելեալ յիշխանութենէ նորա . զբարիսն զորս առնէ՝ կարծէ զործեալ ինքնին առանձին , չունելով պէտս օգնականութեանն Աստուծոյ : Պարծի ՚ի խորհուրդս իւր , և արհամարհէ ՚ի միտս իւր զամենեսին , ընդ նոսա և զԱստուած . թէպէտ ինքն ոչ կարէ յուրաստ զալ ՚ի մեծութենէ Աստուծոյ , այլ ոչ հաւատայ եթէ կամիցի Աստուած ՚ի ձեռն այլոց հրամայել ինքեան . զի եղեալ է ՚ի մտի եթէ հրամանք Աստուծոյ յայտնեալ են մտաց իւրոց . վասն որոյ և կամի զի և առաջնորդք անգամ յինքենէ լուիցեն զոր պարտ իցէ հրամայել ինքեան : Եթէ քննեալ՝ զտոցես զքեզ յեցեալ ՚ի խորհուրդս ամբարտաւանութեան ցայսօր , զիտասցես աներկբայ եթէ ամենայն խորհուրդք և զործք քո զրէին քեզ ՚ի մեզս , զի այն ամենայն կարգեալ էր յարհամարհութիւն սիրոյն Աստուծոյ , յորոյ ՚ի հրամանէն տնօրինի յաշխարհի ամենայն ինչ : Զոր թէ և բերանով խոստովանեսցի անձն ամբարտաւան , այլ ՚ի քննել զսիրտն՝ զտոցէ զանձն ոչ միայն

սրահասեալ 'ի կրօնաւորական կարգաց, այլ
և արտաքոյ եկեղեցւոյ 'ի խումբս վայրե-
նեաց, որք ոչ ճանաչեն թէ զուցէ Աստուած:

Ո՛վ քանի՛ խորարմատ է այս ամբար-
տաւանութեան ակտ 'ի սիրտ մարդոյ, և
ո՞րչափ զժուարին 'ի քեցել. քանզի այն-
պէս անօտրուկ են, զի և 'ի սրահայեաց
աչաց ծածկին. և 'ի կարծել առն արմատա-
խիլ արարեալ 'ի սրտէն, եթէ չիցէ խո-
րազնին խուզարկու մտեալ 'ի խորս սրտին,
պատրեսցի անշուշտ, և յանցանել ժամա-
նակի դարձեալ զտցէ զնոյն ընծիւղեալ ա-
ծիւնածիւղ, և զինքն դարձեալ ընդ ստուե-
րամած ռատուք նորա հանդուցեալ, ոչ կա-
րելով տեսանել զլոյս արեղականն արդա-
րութեան:

Արդ զի մի ընդ վայր ծախեսցին վաս-
տակք քո, սլարտ է քեզ անվստահ լեալ
յանձն, և յԱստուած հաստատեալ զյոյս
քո, կալ միշտ 'ի խոյզ արմատոցն, և ծա-
խել զամենայն ժամանակս կենաց քոց 'ի
խլել զնոսին: Ապա թէ ոչ՝ անհնարին է
հաստատել զհիմն կրթութեանս յանխտիր
համակամութեան կամացն Աստուծոյ 'ի վե-
րայ արմատոցս. քանզի տապալեալ զհի-
մունսն 'ի սրտիդ, կարծեցուցէ քեզ թէ
կայցես յանվրդով հաստատութեան:

Այլ այն է չար քան զամենայն, զի 'ի
սրտի անդ՝ յորում իցեն արմատք ամբար-
տաւանութեան, ոչ բնակէ Աստուած. ո-
րով հարկ լինիցի քեզ կալ միշտ յարհա-

մարհութեանն Աստուծոյ: Արդ տես եթէ իցէ թիւ մեղաց առն որոյ կեանք ողջոյն հիմնեալ կայցէ 'ի վերայ ամբարտաւանութեան: Ապա դու ինքնին 'ի միտ առնուս, զի 'ի ցաւել 'ի վերայ մեղաց՝ ոչ կարացես հաշտ առնել ընդ քեզ զԱստուած, մինչ չև կորզեալ 'ի սրտէդ զարմատս դայս. և զի ընդ վայր լինիցին ամենայն վաստակք քո՝ եթէ ոչ զամենայն ուշս մտաց քոց յայս ուղղեսցես:

Միւս ևս ազգոյ զարման առ 'ի խոնարհիլ և առ 'ի ցամաքեցուցանել զարմատս ամբարտաւանութեան՝ է յիշատակն դժոխոց, որում արժանի գտար յարհամարհել քո զսէրն Աստուծոյ ամբարտաւանութեան խորհրդովք: Քանզի տածեալ քո զարմատս ակտից զամբարտաւանութիւն, վիճակակից եղեր զիւաց 'ի յաւիտենական դատապարտութեան: Քանիք քան զքեզ սակաւամեղք ոչ կարացեալ զալ 'ի միտս, և ծնդեալք յայս խորհուրդ ամբարտաւանութեան, կան մատնեալ 'ի հուր զեհնոյն, յորում անվախճան լայցեն: Ապա և քեզ եթէ հասանէր մահ և ըմբռնէր զքեզ յամբարտաւանութեան քում, պարտ էր և քեզ այժմէն սկսանել տանջիլ 'ի նոյն կտտանս 'ի դատապարտութեան. արդ խորհեաց յանձին քում, որ ոք արժանի է դժոխոց, անկ է նմա կրել և յայսմ աշխարհի զամենայն զանարդանս և զցաւս: Զի որ արժանաւորն է այնմ պատժոյ՝ որ զեր 'ի վերոյ

անցանէ սաստկութեամբն , ևս առաւել իրաւամբք կրեսցէ զայն՝ որ նուազ է տանջանօք : Եւ զի պատուհասք դժոխոցն առաւելուն յոյժ յոյժ քան զամենայն դառն նախատինս և զցաւս զտեալս յաշխարհի աստ , ապա 'ի դէպ է քեզ կրել զգառնազոյնս 'ի վշտաց աշխարհի : Եւ այսպէս զտեալ քո արժանի դժոխոց , չիք յաշխարհի չափ նախատանաց , չիք ցաւ դառնակակիծ արդարակշիռ քումդ արժանեաց . յամենայնի արդար իցէ ասել՝ եթէ դու վասն յանցուածոց քոց արժանի ես առաւել խստիւ նախատ լինելոյ և առաւել մեծաց պատժոց պատժապարտ : Ապա որչափ և խոնարհեսցիս և վշտասցիս , միշտ նուազ դտցի քան որչափ արժան էր քեզ վշտանալ և խոնարհել վասն միոյ և եթ մեղաց քոց :

Զայս ամենայն համարիս ասացեալ իրաւամբ , և դու դարձեալ ամբարտաւանիս : Հաւատս ընծայես այսմ ամենայնի , և դարձեալ զգուենս զմարմինդ զամբարն ամենայն ախտից և մոլութեանց : Ա՛վ մեղաւոր դու , եթէ և ամենայն նախատինք մարդկան 'ի քեզ յարձակեալ էին , եթէ ծաղր և ծանակ լեալ էիր յամենեցունց , և 'ի ծով վշտաց ընկղմեալ , և յամենայն հիւանդութիւնս տազնապեալ չարատանջ , այն ամենայն նուազք էին քումդ արժանեաց : Գիտես և դու . և սակայն ընդ ստուեր իմն նախատանաց և վշտաց ցասնո՞ւս , տխրի՞ս , և 'ի արտո՞նջ լուծանիս : Յիշեա զի արժանի

ես յախտենաւիան պատժոց դժոխոց, և զի փոխանակ այնոցիկ՝ անբաւ բարութիւնն Աստուծոյ կամի քեզ տանել այնր փոքունախատանաց, նուազ այնմ՝ ցաւոյ. և դու անհամբեր գտեալ քրթմնջես և զայրագնիս: Եւ ևս ամբարտաւանեալ շողովես զանձնդ: Ո՛ր դժոխք, և յիշատակ քո ոչ կարէ ցածուցանել զընդվզեալ բարձրութիւն սորա և հրաժարեցուցանել զայր՝ ի կամաց մարմնոյն:

Երրորդ զարման զիջանելոյ ՚ի բարձրամտութենէ՝ է յիշել զղիւրագայթն լինել բնութեան մերոյ ՚ի մեղս: Ո՛վ դու որ ընթեռնուսդ, կաս ՚ի վտանգի սայթաքելոյ ծանու իսկ յանցանօք. մի ինչ երկմտիցիս, ով անձն եղկելի. ցորչափ շնչես զօդ՝ հնար է քեզ անկանել և ՚ի ծանր յանցուածս բերիլ ՚ի մեծ ևս արհամարհութիւն սիրոյն Աստուծոյ: Թէ և զործեսցես սքանչելիս մեծամեծս, և ընդ Պօղոսի յերրորդ յերկինս ելցես, զարձեալ ՚ի լքանել զքեզ շնորհացն Աստուծոյ՝ կարես յորում և է ժամու զթել և անկանել: Ա՛հ սարսեսջիր գողալով: Մին ՚ի քառասուն մանկանցն Սեբաստիոյ զրեթէ զղիչերն ողջոյն տաղնապէր և հանդուրժէր ՚ի սառուցեալ լճին, և այն ինչ մերձ յառնուլ զպսակն՝ կասեցաւ, և ածեալ ՚ի ջերմ բաղանիս փչեաց զողին: Եւ այսորիկ օրինակք անթիւք են: « Ողբասցին սարոյք զի մայրք զլորեցան »: Ծանիր զքեզ առաւել զիւրաբեկ քան զանօթս խեցեղէնս, և երկիր՝ զի և քեզ հնար է անկանել:

Եւ զոլով քո մահկանացու, հնար է քեզ 'ի պահու անդ յանցուածոյդ մեռանել և յանգիման լինել ատենին Աստուծոյ, և անդէն մատնիլ 'ի տանջանս դժոխոց. ո՛ր ճշմարտութիւն ահաւոր, պատճառ անընդդիմակ խոնարհեցուցիչ մտաց: Գտեալ եմ ես արժանի դժոխոց, կարեմ դարձեալ մեղանչել և մեռանել 'ի մեղս և իջանել 'ի դժոխս. և ես տակաւին ամբարտաւանեմ, և պարարել զմարմինս իմ խնդրեմ: Եթէ լինէր հնար դառնալ 'ի դժոխոց դատապարտելոյ ուրուք և ապաշխարութեամբ հաշտ առնել զերեսս Աստուծոյ ընդ իւր, ո՛րչափ և որպիսի պատժովք յանձն առնոյր խոշտանգել զմարմին իւր առ չանկանելոյ նորոգ 'ի մեղս, առ հաճելոյ զԱստուած, առ փոխարինելոյ նախատանացն որովք փակեաց զդրունս զթութեանն Աստուծոյ առ ինքն: Եւ դու հիմ՞ դանդաղիս ցարդ զնոյն առնել. միթէ փոքրագոյն իցէ բարերարութեանն շնորհ՝ արժանի զոլով դժոխոց՝ կալ մնալ ազատ, քան զդառնալն յետ իջանելոյ անդր: Հա՛պա, խոնարհեցո զքեզ առաջի Աստուծոյ, և վշտադնեա զմարմինդ այնպէս, որպէս որ մտադիւր յանձն առնոյր առնել՝ այն ինչ դարձեալ 'ի դժոխոց:

Արդ զիւր ուխտ ընդ անձինդ յետս կալոյ յայտմհեաէ յայն ամենայն մեղաց ևս և 'ի մանուկս, զորս ևտուն քեզ զործել ամբարտաւանութիւն և ցանկութիւնք մարմնոյ: ա. Չխորհել, չխօսել և չզործել ինչ

որ քեզ 'ի փառս և այլոց զամօթ և զանար, զանս ածցէ. (էջ դու 'ի միտս քո 'ի մանունս): բ. Առնել զգոյշ պահպանութիւն զգայութեանցդ զի մի յախտաւոր ինչ բերմունս ածցին, մանաւանդ աչք քո և ալկանջք և ճաշակելիք. (անձ 'ի միտ զդէպս յորս 'ի սովորութենէ բերեալ, և 'ի մեղս անգամ ոչ համարիս. և մինչ չև գրեալ զայսոսիկ ուխտս սրտիդ մի թողուր զգրիչն 'ի ձեռանէ քումմէ): Եւ զի վախճան այսոցիկ խոկմանց է զաղարել 'ի մեղաց և առնել զարժանի հատուցումն, վասն որոյ սրարտ և պատշաճ է առնել և ապաշխարանս ինչ արտաքինս 'ի կերակուրս, յանկողինն և 'ի քուն, ևս և 'ի մարմինն, խոշտանկելով զնա, քրճաղղած լինելով, կամ բազկատարած կալով յաղօթս 'ի յիշատակ խաչելութեանն Քրիստոսի: Եւ զայսոսիկ ոչ միայն յաւուրս կրթութեան, այլ սահմանել 'ի միտս առնելոյ և արտաքոյ կրթութեան յետ այնորիկ. զի արտաքին մեռուցումն մարմնոյ զերիս զայսոսիկ արդիւնս պտղաբերէ. ա. Ոչ սակաւ հատուցումն առնէ անցելոց մեղաց: բ. Այնու յաղթէ մարդ զգայական մասին, հնազանդեցուցեալ զայն իմացականին: գ. Հեշտեաւ մարթ է բերել 'ի ձեռս զպարզևս շնորհացն Աստուծոյ՝ որում ցանկամք և զոր խնդրեմք: Եւ ևս առաւել զի զթիւնալից զերկոսին արմատս մեղաց կորզեալ՝ ջնջէ զՀպարտութիւն և զՀաճոյս մարմնոյ:

Ծանիր . Չառայիկայ քննոչիւնն մարր է ստեղ ՚ի ժամոչ հոգևորական ընթերցմանն , կամ յայլ ինն ժամ պարասոյ յորում չգուցէ ասեմանեալ գործ կրրոչքեան .

Ք Ն Ն Ո Ւ Թ Ի Ի Ն

Թերոչքեանց որ յամբարտաւանոչքեանն
և ՚ի հաճոյից մարմնոյ .

Այսօր ստեղեալ դարչեցաք ՚ի չարութենէ մեղաց և յարմատոյ նոցին . արդ առ ջնջելոյ դայնոսիկ ՚ի սպառ ՚ի սրտից , և առ լաւ ևս ճանաչելոյ դանձինս մեր , յայտմքննութեան նկատեսցուք թէ քանի չարեաց մայր է դա բաղմարեղուն :

Ա . Ամբարտաւանութիւնն , որ է անկարգ բաղձանք գերազանցութեան անձին , ոչ միայն է ինքնին զլխովին արհամարհութիւն մեծ յոյժ սիրոյն Աստուծոյ , այլ և է աղբիւր և ծագումն այլոցն ամենայնի : Ծնունդք նորա են սնապարծութիւն , պատուասիրութիւն , կեղծաւորութիւն , դայրոյթ , նախանձ , ստղիւտ , ատելութիւն , յանդգնութիւն , արհամարհութիւն այլոց , սնապարծութիւն , յաւակնութիւն , կանխակալ դատումն , կամակորութիւն , ապերախտութիւն , անհնազանդութիւն և ապստամբութիւն : Քանզի ամբարտաւանու-

Թիւն վասն չնչենոց ամբարհաւածէ, 'ի խնդիր է պատուոյ, կեղծէ յանձին զառաքինութիւն, ընդ անարգանս ցասնու, քրթմնջէ զառաջնորդէն, լի է մախանօք, ատեայ զարհամարհիչս իւր, յանձին իմաստութիւն պանծայ, անձնագող է, անարգուայլոց, յաւակնեալ՝ կարծէ զանձն ամենայնի կարող, և է կամակոր, ապաշնորհ, անհլու և ապստամբ:

Մատիր արդ 'ի քննութիւն անձինդ և տես՝ ա. Յամենայն զործս քո ունիցիս զիտումն ուղիղ ծառայելոյ փառացն Աստուծոյ, թէ 'ի խնդիր փառաց անձինդ յածիցիս: ք. Եթէ պանծանայցես 'ի միտս քո ընդ անձնդ և ընդ զործս քո: գ. Եթէ սնապարծիցիս և սիգայցես առաջի այլոց: դ. Եթէ առնուցնու 'ի զովութիւն զառաքինութիւնս քո, զի զովութիւն ընկալցիս:

Բ. Արկ 'ի քնին միանգամ եթէ խնդրիցես զառաջին բարձս, և խրոխտայցես 'ի վերայ այլոց: Եթէ կեղծեալ զխոնարհութիւն և անսխառութիւն, և ողջամտութիւն, չրջիցիս 'ի խնդիր աստիճանաց բարձունց և պաշտամանց փառաց, եթէ համարեալ զքեզ արժանաւոր քան զայլս, տհաճիցիս կալ 'ի ստորին պաշտամունս, զգայցես յանձին կիրս իմն նախանձու՝ զի այլք ունին զառաւել բարձրագոյն տեղին, եթէ ցասնուցնու զի չիցես պատուեալ, և զի 'ի նախատինս կայցես, և կրիցես ատելութիւն 'ի սրտի ընդդէմ նախատչին:

Գ. Հարց ցանձնդ՝ միթէ ոչ պանծանայցես և դու ընդ իմաստութիւն քո՝ զիտել զամենայն, ոչ արհամարհիցես զայլսն միայն զքեզ և զքոյսդ բարձրացուցեալ. չիցես ՚ի թուոյ նոցա որք համարին զանձինս արժանիս ամենայն պատուոյ, և որք զանձինս և եթ կարծեն կարող ժամանելոյ առ մեծամեծս. ոչ իցես յայնցանէ՝ որք յամառեալք ՚ի կարծիս, չառնուն յանձն հնազանդել, և ըստ արդեանց իւրեանց յիրաւունս զրեն վայելել յարտունութիւնս: Չիցես արդեօք ՚ի նոցանէ որք քրթմնջեն զառաջնորդաց, որք սերմանիչք են որոմանց ՚ի միաբանութեան և ապստամբ, քանզի համարին զանձինս զրկեալս յարժանաւոր իւրեանց պատուոյն:

Այսու համառօտ քննութեամբ մարթէ քեզ ճանաչել թէ որչափ խորարմատ իցէ ՚ի քեզ ամբարտաւանութիւն, զոր ամենայն զօրութեամբ քով փոյթ կալցիս ՚ի խլել. «Վասն զի յամբարտաւանութենէ կորուստ և խռովութիւն յոյժ»:

Երկրորդ ժանտն թիւնաւորիչ սրտից է ցանկութիւն մարմնոյ՝ որ է մայր յուրվազոյն մեղաց. որ է ախորժ զզայական բերկրանաց, որոյ ծնունդք են որկրամոլութիւն, արբեցութիւն, ծուլութիւն, զեղխութիւն, դատարկութիւն, հետաքննութիւն, նախանձ և զայրացումն, և այլն:

Քննեա արդ եթէ յաճիցես և դու ՚ի ցանկութիւնս ուտելոյ և ըմպելոյ՝ ՚ի յազուրդ

ախորժանացդ, եթէ զգուիցենս զմարմինդ բարակաման զգեստուք, կակուղ անկողնովք, և յերկար ժամս 'ի քուն լինելով. խուսափիցենս 'ի վաստակոց, իցենս 'ի խնդիր անկարդ հաճոյից, յածիցիս զհետ վայելից հանգստեան. սիրիցենս զգատարկութիւն, ածիցենս զաչսդ զվայրօք. մախացենս ընդ անդորր կեանս և ընդ հանգիստ այլոց. տածիցենս 'ի սրտիդ առանձին սէր և բարեկամութիւն, իցէ՞ 'ի քեզ անկարդ բազմանք ազգականաց: Մատիր 'ի խնդիր եթէ առ ո՞ր յախտիցս սյսոցիկ իցես հետամուտ, և յամենայն զօրութենէ քումմէ ջանա կորդել հանել 'ի սրտէդ, յիշելով զբանն եթէ մեք զմեզ խաբեմք անկարդ սիրով զոր առ մարմին ունիմք:

Մանիր. Աշափկայ խոկման զառաջին մասն մարր և ընթեռնոշ 'ի պատրաստոշքեան ժամոշն առ խոկումն. իսկ զչորրորդն յաշարտեղ խոկմանն: Իսկ որ ծախե զերկոշս առոշրս յայտոսիկ խոկմոշն, կարե խոկալ աշսօր զերկոշս զառաջին մասոշն և վաղիշ զայլ զերկոշսն.



ԽՈԿՈՒՄՆ Գ

Յ Ա Ղ Ա Գ Ս Դ Ժ Ո Խ Ո Յ

Մ ա ս և Ս .

Ա . Պատիժք մարմնայն . Գատապարտեալն կրեացէ 'ի մարմնի իւրում զամենայն ցաւս՝ զորս կարիցէ երբէք տանել մարմին , և զամենայն միանգամայն . ոչ միայն զայնոսիկ զոր մեքն ճանաչեմք , այլ որ ինչ հնար իցէ երբէք պատահել : Գլուխն , աչք և ականջք և ամենայն անդամք նորա առանձին անհնարին ցաւովք ըմբռնեալք՝ յանհնարին խոշտանգանս ցաւոց տաղնապետցի չուռականն :

Բ . Եւ այս ամենայն դառլնք իցեն յոյժ , թէպէտ ըստ յանցանացն չափաւորեալք : Սուրբն Թովմաս հաւաստէ եթէ թեթեալոյն աստիճան ցաւոցն դժոխոց առաւելու յոյժ քան զամենայն ազգս խոշտանգանաց մարտիրոսաց , քան զամենայն ցաւս ազգի ազգի հիւանդութեանց մարմնոյ , և քան զամենայն ազգս սրատուհասից չարագործաց . զամենայնն առեալ միանգամայն 'ի միասին : Ա՛հ . է երբէք զի ցաւ իմն ատամանց 'ի ցնորումն և 'ի կատաղութիւն զմեզ ածէ . ապա զի՛նչ լինիցի 'ի կալն 'ի ներքոյ տարա-

փոյ ազգի ազգի անթիւ տանջանաց, և այն
'ի դառն աստիճանի յոյժ քան զյոյժ :

Գ. Եւ այն անխախճան . ՅաՀի մեծի կամ .
անխախճան , առանց հանդիստ ընդ մէջ
արկանելոյ , առանց կասելոյ , առանց փո-
խելոյ , առանց սփոփանս իմն 'ի վերայ ա-
ծելոյ . միշտ , անդադար , առանց թեթեա-
նալոյ , առանց ողորմութեան : Ի կեանս
յայս ամենայն ցարք և հեծութիւնք առնուն
դադար . 'ի խորս անդ անդնդոց պատժոց չիք
դուլ և դադար երբէք . չիք երբէք : Ա՛հ . ան-
հանդուրժելի է մեզ պատուհաս՝ անցուցա-
նել զմի ևեթ զիչեր 'ի փափուկ անկողնի
առանց փոխելոյ զդիրս . զի՛նչ լինիցի ապա
յայն դառն տանջանս 'ի զեհենին . բեւ-
ռեալ կալ անշարժ , և խոշտանգիլ 'ի մի և
'ի նոյն դառնադառն տանջանս յետ բիւ-
րուց դարուց . յորում այն խստութիւն տան-
ջանաց՝ որ 'ի մտանել անդ փարատեաց զա-
դիս , նոյն ոչ ժամանակացն հոլովմամբ և ոչ
սովորելովն 'ի տանջանս երբէք թեթեասցի :

Մ ա ս և Բ

Տակչանք հոգոյն . Չբնակիչս դժոխոց
'ի մեծ յոյժ խոշտանդանս ածցէ այս խոր-
հուրդ . Աստուած մեռեալ 'ի խաչի առ 'ի
փրկել զիս , և ես դատապարտեցայ . Քրիս-
տոս եհեզ զարիւն իւր առ զերծուցանելոյ
զիս 'ի դժոխոց , այլ ես պատժեալ կամ .
Սուրբ Հոգին զամենայն հնարս հնարեցաւ

առ 'ի հանել զիս յերկինս , և ես դատապարտեալ կամ : Ես քրիստոնեայ . . . Կրօնաւոր . . . Քաջանայ . . . ուսեալ 'ի վարժարանի եկեղեցւոյն Քրիստոսի , ապրեալ 'ի նաւահանդատի կրօնին , ճաշակեալ յաճախ 'ի կենաց հացէն . . . Ա՛հ . ես ստեղծեալ վասն երկնից . 'ի բազում նուագս ընդ միտածեալ գտանջանս դժոխոց . ուսուցի բազմաց զճանապարհն փրկութեան . և ես . . . աւանդ . ես դատապարտեալ կամ :

Ես կացի պատճառ կորստեան իմոյ . Ա՛հ . կարէի , հնար էր ինձ փրկիլ հեշտեալ . յոլովս ունէի սատարս փրկութեան . շնորհք առատութեամբ տուան ինձ . 'ի խրախոյս ինձ ունէի յանդիման և զօրինակս : Ահա պատրաստեալ կային և ինձ պսակն այն և պատմութեանն փառաց , որովք արդ պճնեալ փայլէ ընկերն իմ , այն ամենայն էին պատրաստեալք և վասն իմ : Եթէ կացեալ էր իմ անյողզողդ 'ի բարին զորմէ բուռն հարեալ էի , և ես արդ . . . Բայց , աւանդ տուգանացս , փոփոխամիտ դտեալ ոչ կացի յուխտիս . կորեայ արդ , քանզի այնպէս կամեցայ :

Կամեցայ զսոյն վասն ճնչենոյ , « Վասն ափոյ միոյ զարւոյ և կոտորոյ միոյ հացի » : Վասն սրտառ մի մեղու , վասն ոսպնաթանի : Ա՛հ , վասն վայրկենական հաճոյից արդ կրեմ զյաւիտենական խոշտանգանս դժոխոց . . . Զբովանդակն իսկ ասել , ես պատապարեալ 'ի շնորհաց բազմաց . վասն ի-

մոց յանցանաց, առ չարութեան, վասն չնչենոյ յայս անդունդս զլորեալ անկայ :

Եւ կամ աստ գահավիժեալ ընդ դժուարակոխ առաւարս, տարեալ բազում աղետից, և առաւել տաղտկութիւնս կրեալ և վաստակեալ 'ի ճանապարհի անօրէնութեան և կորստեան՝ քան զայն ամենայն զոր ունէի կրել յընթանալ անդ 'ի շաւիղս փրկութեան : Եղո՞ւկ ինձ թշուառացելումս . առաւել եղեն իմ վաստակք 'ի ճանապարհի աստ դժոխոց, քան զարդարոցն յարքայութիւն . և առաւել մեծաց տառապանաց և վշտաց սարայ առ 'ի մատնիլ 'ի հուրն յաւիտենական, քան որոց տարանարդարք վասն յաւիտենական վայելից : Այսպէս հառաչեն 'ի դժոխս որք « Առաքինութեան նշանակ ոչ կարացին ցուցանել, բայց 'ի չարիս իւրեանց մաշեցան » :

Այսորիկ դժոխսըմբեր խորհուրդք, այս բողոք խղճի հանապազ յածեալ 'ի միտսն վշտազնեսցէ զգատապարտեալն յանչափատազնապեսցէ զմիտսն ունայնութիւն անցելոցն, դառնութիւն ցաւոց այնր ժամու, և ապապայիցն յաւիտենականութիւն : Եւ կամացն ընկղմեալ 'ի խորս տխրութեան և անյուսութեան, և 'ի կատաղութենէ սրամտութեան իւրոյ կերիցէ զկէս անձին իւրոյ, և ընդ անձին ողորեսցի և հայհոյեսցէ անհնարին լուտանօք . կամեսցի զայն՝ որ երբէք չկատարեսցի . և զոր ոչն կամի՝ այն միշտ կատարեսցի . զոր կամին ոչ երբէք

ընկալցի , և զոր ոչն կամի , զայն միշտ ընկալցի : Ո՞ր բան , որ դրիչ կարացէ առաջի առնել զայսր տանջանացն զահագնութիւն . քանզի 'ի վեր է քան զմիտս և զբան զառնութիւն ցաւոցն պատրաստելոց յԱստուծոյ վասն արհամարհողացն զնա : Վայ այնոցիկ որոց վիճակեսցի անկանել 'ի վիճհրոյ և ծծմբոյ :

Մ ա ս և Գ .

Տանչանք դատապարտուքեանն . Այս ամենայն խատութիւնք խոշտանդանաց են ոչ ինչ առ պատժովք դատապարտութեանն , որ է ոչ կարել տեսանել զԱստուած և սիրել : Յաւել 'ի տանջանս դժոխոց նոյնչափ ևս , և այնպէս ոչ կարէ հաւասարել այսմ զառնութեան կեղեքելոյ սրտին : Ասէ սուրբն Յովհան Ոսկերերան . « Եթէ հազար դժոխք յօղեսցին 'ի մի՝ ոչ 'ի հաւասարութիւն զայցենն ընդ սոսկ պատժոյ դատապարտութեան » : Որպիսի՜ սոսկումն ածէ մտաց և լսելն անգամ զզառնութիւն ցաւոցս . զի անհուն և անչափ են խոշտանդանքն ըստ անբաւութեան և անչափութեան բարւոյն զոր կորոյս . զի հոգին ստեղծեալ առ 'ի սիրել զանբան Աստուած , և առ 'ի վայելել 'ի տեսութիւն նորա , կորուսեալ մարդոյն զանբաւ զայն բարին՝ յորոյ 'ի ժառանգութիւն կարգեալ էր , որչափ է ինքն Աստուած՝ այնչափ է և ցաւ դատա-

սլարտելոյն 'ի կորուսանել զբարին Աստուած :

Մինչդեռ եմք աստ 'ի մարմնի, հոգիք մեր արգելեալ 'ի բանդի մարմնոյս՝ կան իբր 'ի թմբրութեան քնոյ. խոկան և զործեն զամենայն ընդ ձեռն զործարանաց մարմնոյ. 'ի խնդիր յածին սիրելոյն իւրեանց, այլ ոչ ճանաչեն. քանզի եթէ էր հնար ճանաչել որպէս սլարտն է զԱստուած, 'ի բորբոքեալ տենչանացն և ոչ օր մի կարէին կեալ 'ի մարմնի առանց տեսանելոյ զԱստուած : Բայց 'ի մերկանալ 'ի մարմնոց և 'ի բանալ աչացն հոգւոց, անդէն լցցին փափաքանօք տեսանելոյ զԱստուած որպէս և էն. զի առ այն ստեղծեալ են 'ի տեսանել և 'ի սիրել զԱստուած. և չափ փափաքանաց հոգւոյ 'ի տեսանել և 'ի սիրել զԱստուած՝ է անչափութիւնն Աստուծոյ և զեղոյ նորա. ապա և այնպիսի իմն հրով սիրոյ վառեալ բորբոքեսցի 'ի ժառանգել զԱստուած, զի և մի ևեթ վայրկեան ժամու կալ նորա զրկեալ 'ի տեսանելոյ զԱստուած՝ լինիցի նմա քան զամենայն խոշաանգանս տանջանաց զժոխոց սաստկագոյն. սիրելին իւր Աստուած անչափ, և զեղեցկութիւն նորա անչափ, և սէր հոգւոյն տեսանելոյ զնա անչափ : Այլ Աստուած զերեսս 'ի բաց զարձուցեալ է 'ի նմանէ. ատէ զնա յանչափս. ապա իբր իցէ հնար և զտանջանաց այսր զառնակսկիծ ցաւոց սահմանել զչափ :

Աստ գարձեալ և այլ խնն սլատճառ
 սաստկութեան ցաւոցն զրկելոյ 'ի տեսու-
 թենէն Աստուծոյ ընդ առաջ լինի մտացն ,
 որ անհնարին խոշտանդանս ածէ 'ի վերայ :
 Եւ է՝ զի յաշխարհի աստ ոչ կամեցաւ առ-
 նուլ յանձն դրաղցր լուծ Յիսուսի . ոչ կա-
 մեցաւ հրաժարիլ 'ի կամացն , զի առաւել
 քան զբնութիւն իւր յանձնասրաստան ե-
 կաց յաշխարհի . և զի խրատեալ՝ ծաղու-
 իրս համարեցաւ : Վայ 'ի վայի վերայ . լա-
 լումն և ողբումն և կրճել ատամանց առցեն
 զնա . և հնարք դարմանոյ ցաւոցս և ոչ մի :

Ո՛ր քանի՜ երջանիկ եմք մեք զի տակա-
 ւին կամք յաշխարհի . և այժմէն մինչդեռ
 'ի խոկալն դայսպիսիս՝ տաղնապ թշուա-
 ոութեանցն կամի պաշարել զմիտս մեր ,
 զտանեմք զանձինս մեր տակաւին զերծս
 յաղեալից աստի , և զիւրին մեզ հեռի առ-
 նել 'ի մէնջ զվտանգն այդպիսի չարեաց ,
 և հաշտել ընդ Աստուծոյ . յանձն լինել 'ի
 կամս նորա մինչդեռ տակաւին շունչ յոն-
 դունս մեր է , մտանել 'ի շաւիղս երանու-
 թեան : Ահա տակաւին հաշտ ակնարկէ առ
 մեզ Աստուած . տակաւին առ մեզ ուղղեալ
 են բանքս . Առէք զխաչ ձեր և եկայք զկնի
 իմ . տակաւին առ մեզ բարբառի՝ Թողէք և
 Թողցի ձեզ . Ոչ եկի կոչել զարդարս այլ
 զմեղաւորս . Եկայք առ իս . Թողէք մեռելոց
 Թաղել զմեռեալս իւրեանց : Ի վախճան ա-
 մենայնի , տակաւին առ մեզ հնչեն բանքս .
 Որպէս սիրեաց զիս հայր իմ , և ես սիրեցի

զձեզ . կացէք 'ի սէր իմ : Խորհեաց քաջ ,
յոր երանութեան սահման կաս այժմ . 'ի
ձեռս քո են կեանք և մահ . դուռն երկնա-
ւոր անմահական դրախտին 'ի բաց կայ ա-
ռաջի քո՝ եթէ կամիցիս մտանել . մնայ քեզ
Աստուած հեղուլ 'ի քեզ զսէր իւր . ըն-
տրեա՛ զոր կամիս , զի մի և դու ապաշա-
ւեսցես զկնի վայրապար :

Մասն Գ

Յաշխոնեակաւ յիկել պատժոյն . Քան
զամենայն սասանեցուցիչ է մտաց այս յա-
ւիտենականութիւն կորստեան . անվախ-
ճան լինել տանջանացն : Եկեսցէ հասցէ
օրն դատաստանի , և երկիր կործանեսցի .
յետ այնորիկ բոլորեսցին բիւրք բիւրուց
ամաց . դարձեալ զկնի այնորիկ անցցեն և
բիւրք բիւրուց հազարաց ամաց , և 'ի յա-
ւիտենականութեան չրջանսն և ոչ մի օր
բոլորեալ է : Եւ դարձեալ չրջեսցին նոյն-
չափ ևս հազարք հազարաց դարք որչափ
են աւագք 'ի ծովափունս , տերևք ծառոց ,
աստեղք երկնից , և տանջանք դատապար-
տելոցն այն ինչ նորոզ սկսեալ համարես-
ցին : Եւ ոչ այսչափ միայն . անցեալ զնա-
ցեալ այնչափ անթիւ չրջանաց դարուց ,
սկսցին այլ դարք որչափ իցեն մանրամա-
սունք յօդս և փոշիք 'ի հողս և շիթք 'ի ծո-
վու . և դատապարտեալքն դարձեալ կաց-
ցեն մնասցեն դատապարտեալք և թշուառք

դի « Ծանիցէ ամենայն մարմին թէ Տէր
մերկացաւ զվաղակաւորն իւր 'ի պատենից
իւրոց և անդրէն ոչ ևս զարձցի » :

« Անդ եղիցի մահ առանց ածելոյ զմահ .
վախճան անվախճան . կորուստ անկո-
րուստ . դի մահն կեայ , և վախճանն միշտ
'ի սկսանել է , և կորուստ կորնչել ոչ զիտէ » .
(Ս . Գրիգոր) : Չէ մարթ ասել՝ եթէ իցէ
այս ամբաստանել զԱստուած յանդթու-
թիւն . քանզի յանցանքն որ ոչ կարէ սր-
բիլ , կայ մնայ ընդ պատուհասիւ : Եւ զի
յանցանքն է արհամարհութիւն անչափ և
անբաւ սիրոյն Աստուծոյ , ապա և պատու-
հաս յանցանացն պարտի լինել անչափ և
անբաւ , զոնեաւ ըստ տեղութեանն ան-
վախճան . ապա թէ ոչ չլինէր հաւասարու-
թիւն արդար : Մեք մարդիկ տկարք և ան-
զօրք և կոչեցեալք յԱստուծոյ յանքննին
իմաստութենէ նորա առ մեծամեծս , առ
աստուածանալ , միանալ սիրով ընդ Աս-
տուած , և անմահանալ 'ի յաւիտենական
յանհուն երանութեան , պարտիմք մոռա-
նալ զնուաստութիւն մեր ընկղմեալք 'ի սէրն
Աստուծոյ , և կամ անլսող գտեալք Աս-
տուծոյ մեծութեանն և սիրոյն՝ պարտիմք
ընկղմիլ 'ի մեծ տանջանս յաւիտենական
թշուառութեան : Ի ծագման մերում ոչ ինչ
եմք և անբաւականք , այլ յԱստուծոյ կոչե-
ցեալ եմք առ մեծամեծս , առ յաւիտենակա-
նութիւն , առ յանհուն փառս , յօրհնութիւնն
Աստուծոյ անլռելի . զորով եթէ արհամար-

հիցեմք, մեծ լիցի և յանցուած արհամարհանացն, մեծ և անքառելի. վասն որոյ ըստ չափու արհամարհանացն և պատուհասն կշռեսցի մեծ և աններելի:

Ո՛վ յաւիտենականութիւն . . . ո՛րան հակիրճ. այլ յայտարար ամենամեծ և ամենախիստ հարուածոյ. ա՛հ. եթէ խայթուած մեղուի կամ մնոյ կայր մնայր ց յաւիտեանս ժամանակաց, համարէր այն անհանդուրժելի: Արդ որպէս տոկալ տեսել կարացես համազումար ամենայն ազգի ազգի դառնութեան ցաւոյ միանգամայն ՚ի միասին ՚ի վերայ հասելոց, և այն անդադար և անվախճան . . . ո՛ր դարհուրանաց մտաց. «Վ՛այ որոց յառաջ քան զհաւատս ընծայել հասանիցէ փորձել» . (Եւսեբ. Եմես.):

Ի Ղ Ձ Բ

Զօրացոռցոռմն հաշատոյ. Ո՛ր ամենագէտ և ճշմարիտ Աստուած, հաւատամ լինել դժոխոց . . . և զի մի միայն դորձ արհամարհանաց սիրոյ քո արժանի է դժոխոց . . . և եթէ վասն այնորիկ բազումք յոյժ ՚ի հոգւոց ստեղծեալք վասն երկնից մատնին ՚ի հուր դժոխոց. և զի դու ես նոցայն դատաւոր՝ որ ածես զպատուհասն ըստ արդեանց դորձոցն, և զի զթութիւն քո ներելով ածէ զպատուհասն. ապա և մեղքն ծանրագոյն է քան զպատուհասն, և վասն այնորիկ ամենայնի պարտ է զարշիլ ՚ի մեղաց: Եւ ես

իսկ յամենայն զօրութենէ իմնէ խոյս տաց յայնմ ամենայնէ, որք առաջնորդեն առ մեզս. և առանձինն ՚ի թեթևագունից յայսցանէ (ա. ա.) ՚ի պատճառացն (ա.) ՚ի թերութեանց (ա.) ՚ի կրից (ա): Եւ յամենայն զօրութենէ մտացս բունն հարից զայնցանէ, որք զիս ՚ի մեղաց սուրբ պահեն. ևս առաւել (զա. և զա.) որք մերձեցուցանեն զիս առ Աստուած. զի լաւ իցէ միաձեռանի կամ կազ մտանել ՚ի կեանս, քան թէ երկուս ձեռս և երկուս ոտս ունել և անկանել ՚ի հուրն յախտենից:

Խորշումն ՚ի մեղաց. Առաջի ամենասուրբ Երրորդութեանն Հօր և Արդւոյ և Հոգւոյն սրբոյ, բնարեմ իջանել այսուհետեւ ՚ի դժոխքս քան արատել զհոգիս միով ծանու յանցուածով: Այո. կամիմ առանց արհամարհելոյ զԱստուած, անմեղութեամբ կալ ՚ի հուրն զժոխոց, քան ՚ի մեզս յախտեան վայելել զարքայութիւնն երկնից: Ատեամ ոչ միայն զյանցանս ծանունս, այլ և զթեթևս՝ որք կարենն առաջնորդել ինձ ՚ի չարն. և քան զամենայն մերժեմ յանձնէս զարմատս նոցուն զԱմբարտաւանութիւն և զՉգայակհան բազձանս:

Ձեզումն ըղձից խոնարհութեան. Ո՛վ Աստուած վրէժխնդիր, մեղաց և արժանի դժոխոց յայտանեցայ. եթէ արդարութեամբ վարեալ էր քո ընդ իս՝ ՚ի բազում ամաց հետէ լեալ էր բնակութիւն իմ ՚ի դժոխս... խանձող ձխեալ եմ զժոխոց, արժանի ամենայն

նախատանաց և անարդանաց . և դեռևս ամբարհաւածիմ : Հնար է ինձ ծանունս մեղանչել . մեռանել 'ի մեղս . չէ ինչ ընդդէմ . ո՛վ Աստուած իմ . հնար է ինձ դատապարտիլ . և տակաւին ամբարհաւածիմ : Թերևս լիցի ինձ մեղանչել . մեռանել 'ի մեղս . դատապարտիլ . . . Եւ ես ամբարհաւածեմ . . . Խոստովան լինիմ ճշմարտութեամբ զի արժանի եմ ամենայն նախատանաց և անարդանաց , զի վասն իմոց անօրէնութեանց արժանի դտայ դժոխոց և յաւիտենական հրոյն :

Չարքոչցոշմե տակոչքեակե ակճիև . Ո՛վ Աստուած իմ և Տէր . ա՛հ . մեծարեցի զմարմին իմ . քան զքեզ , և առ սէր նորա վշտացուցի զքեզ , բարութիւն անհուն : Վասն վայրկենական հաճոյից արկի զիս 'ի վրտանդ յաւիտենական դատապարտութեան : Ահաւասիկ լի ամօթով խոստովանիմ զանմտութիւն իմ . բայց արդ երգուայ առաջի քո . զվրէժ զանձնէս խնդրեցից : Աորիցէ մարմին իմ , զի կեցցէ հոգիս . զգայութիւնք իմ առ սակաւ ինչ ժամանակ վշտագնեացին , զի մի հոգի իմ յաւիտեան խոշտանգեացի : Ո՛վ . եթէ լինէր հնար դատապարտելոյ ուրուք դառնալ 'ի կեանս , զինչ ոչ առնէր մարմնոյն : Երախտեաց պարտիք յորդոր լինին ինձ առնել զնոյն . քանզի մեծ ևս բարերարութիւն այն է կալ մնալ գերծ 'ի դժոխոց , քան զանկանելն և ապա դարձեալ ելանել : Ապա ճնշեցից զմարմինս իմ

յայս և յայն ինչ . . . մեռուցից զնա այսպէս և այնպէս . . . :

Հաստատուրիւն անխտիր հաւակամութեան . Ո՛վ սկիզբն և վախճան իմ, որ ստեղծեր զիս ՚ի ծառայել քեզ՝ զհետ զնալով հաճոյից կամաց քոց . ահա որպէս կա՛րի ձեռս բրտի, այնպէս և ես ՚ի ձեռս քո . չըջեա և յածեցո . սլատրաստ կամ առ ամենայն : Ա՛հ . յայն վիճակ կենաց յոր կոչես զիս, կամ ՚ի կոչմանս ընտրելոյ, յայն աստիճան կատարելութեան յոր հրաւիրես՝ ոչ է գժոխք . պաշտօնն այն և վայրն, վիճակն այն տկարութեան ոչ է գժոխք : Ապա մատուցանեմ զիս անխտիր առ ամենայն ինչ : Քանզի զի ինչ օգուտ վայելել յամենայն զխրութիւնս, յամենայն փառս, եթէ նորին լինիցին ինձ ՚ի դատապարտութիւն . և զինչ վնաս ՚ի լինելոյ թշուառ և անարգեալ, եթէ այնորիկ իցեն ինձ ՚ի փրկութիւն : Ճշմարտութիւնքս այսորիկ ոչ հարկանին աչաց մինչև ոչ լուսաւորեսցին նորին ՚ի բոցոյ գժսխոց :

Զարբուցումն երախտագիտութեան և ցառոյ . Ո՛վ Աստուած տէր կենաց և մահու, զոհանամ զքէն զի ոչ ետուր զիս ՚ի մահ ընդ մեղանչելն իմ յառաջնումն նուազի ընդդէմ քո, այլ ետուր ինձ ժամանակ և շնորհս զզջման : Ա՛հ . եթէ ՚ի սլահու անդ յանկարծ հասանէր ինձ մահ, (՚ի խորհել անդ սասանին ոսկերք իմ), արդ ՚ի գժոխս էր աուն իմ : Դատապարտեցեր զայլս և ինձ

չնորհեցեր . զի սիրեցեր զիս առաւել քան զայլս , որ անարժանս եմ քան զամենեւին : Ո՞րպէս յանձին կալայ թշնամանել զԱստուած որ այսպէս զթութեամբ ակնարկէ առ իս . . . Յաւիմ արդ՛ի բեկեալ սրտէ , և զառնապէս յամենայն զօրութենէ մտաց . . . ուխտիւք խնդրեմք իւրիցս զմահ , քան յանձն առնուլ մեղանչել այլ ևս երբէք . այո մեռայց քան մեղայց :

ԵՐԿՐՈՐԴՈՒՄՆ ՍՈՒՂ

Ե . Դատապարտեալն ՚ի Դժ-խա կրեացէ ՚ի Դարձի զամենայն խոշտանգանս ցաւոց միանգամայն : Եւ յանհնարին սաստկութեան . զինուազագոյնն ՚ի ցաւոց դժոխոց սաստկագոյն է քան զամենայն ցաւս սաստիկս աշխարհի : Եւ կրեսցէ զնոսին ցաւ-ւիտեան , առանց կարելոյ զոգի առնուլ , առանց թեթեւանալոյ երբէք , և առանց մխիթարութեան :

Բ . Պատիժ Կոփոյն . Դատապարտեալոց քան զամենայն դառինս դառնագոյն լիցի խոկալ թէ Աստուած մեռաւ ՚ի խաչի առ ՚ի փրկել զիս , և ես դատապարտեալ կամ . ես քրիստոնեայ . . քահանայ . . կրօնաւոր . . այլոց ուսուցի զճանապարհն փրկութեան , և ես դատապարտեալ կամ : Եւ դատապարտեալ կամ իմովս իսկ յանցուածով , մինչդեռ գիւրին իմն էր ինձ փրկիլ : Դատապարտեալ կամ վասն ճիշտոյ , վասն վայրկենական հաճոյից : Առաւել վշտաց տարայ առ ՚ի դատապարտիլ , և նուազագոյն ևս վշտօք կարէի փրկիլ :

Գ. Պատիժի դասադարան-իւն. Ձրկումն 'ի տե-
սուածենէն և 'ի սիրելոյ զԱստուած մեծ է քան
զայլ ամենայն խոշտանգանս դժոխոց, այնպէս
զի հազար այլ դժոխք միանգամայն ոչ կարեն հա-
ւասարել դառնուածեան այսր ցաւոց ընդ կորուստ
անչափ սիրոյն և անչափ գեղեցկուածեանն Աս-
տուծոյ. զի անչափ բարեաց կորստեան ցաւն ևս
է անչափ :

Դ. Յա-իպենակնո-իւն պատժոյն : Եւ կորուստս
այս մեծ է յաւիտենական. և այս ամենայն խոշ-
տանգանք կացցեն, մնացեն ցյաւիտեանս ժամա-
նակաց : Անցցեն դարք բիւրք բիւրուց, և դարձեալ
նոյնչափ ևս, և դատապարտեալքն կայցեն 'ի նոյն,
իրբև ոչ ինչ ժամանակաց 'ի վերայ անցեալ :
« Ձի ծանխցէ ամենայն մարմին՝ թէ Տէր մերկացաւ
զվաղակաւորն իւր 'ի պատենից իւրոց, և անդրէն
ոչ ևս դարձցի » :

Ընթերցիր

Թովմ. Գեմբ. Գիրք Ա. ԳԼ. 24. Յօդ. 3. 4. 6. 7:





Օ Ր Ե Ր Ր Ո Ր Դ

ԽՈԿՈՒՄՆ Ա.

Մ Ա Հ

Մ ա ս և Ա.

ՄաՀն խրատ տայ մեզ արհամարհել զբարիս աշխարհի, որք են զլխաւոր խոչք կատարեալ անխտիր համակամութեան և ժամանելոյ՝ ի վերջին վախճան մեր: Վ ճիւն հնչեցեալ իսկ է. «Մահու մեռցիս». մեռցիս դու, և ոչ այլ որ փոխանակ քո. մեռցիս դու ինքն. և մի անգամ և եթ. «Քանզի կայ մնայ մարդկան միանգամ մեռանել»: Յաւել ՚ի սոյն եթէ մեռցիս յաւուր՝ յորում ոչ ակնունիցիս, և ՚ի ժամու՝ յորում ոչ զիտիցես. անստոյգ ժամանակն, յեղանակն և տեղի մահուանդ. . . անյոյս ՚ի դառնալոյ յետս և ուղղելոյ զվրիպական: Եթէ կանուխ կամ անազան, մերկեալ յամենայն ճոխութեանց, և յամենեցունց անտեսեալ, զնասցես ՚ի տուն յախտենից. և զնասցես միայն ընդ միայն, զի իւրաքանչիւր որ ՚ի

մէնջ ընդ ունձին համարս տացէ Աստուծոյ : Եւ գնասցես մերկ , զի ոչ բերաք ինչ յաշխարհս և ոչ տանել ինչ կարասցուք . միայնակ . . . և մերկ :

Ո՛վ Տէր . հաւատամք այսմ ամենայնի , այլ այնպէս կապեալ ունիմք զսիրտս մեր յերկրաւորս , զի ՚ի պատճառս այնոցիկ օտարանամք ՚ի վախճանէն մերմէ . և պատրեալք ՚ի քաղցրութենէ նոցա՝ կորուսանմք զայն ոսկեղինիկ զանխտիր համակամութիւն , որ յոյժ կարևոր է մեզ , և կասիմք յերանելոյ յայն կատարելութիւն յոր մարդասիրեալ կոչէ զմեզ Տէր : Ո՛վ ծնունդ հողածնի . « Ի ներքոյ քո մէջս տարածեսցեն , և ՚ի վերայ քո որդն յարկցի » : Այս է ահա բաժին քո մէջք և որդունք : Յամենայնէ յորոց ժառանգեսն , արկցեն ՚ի վերայ քո զաղտեղի իմն զրզլեակ , զայլն ամենայն լքեալ թողցես : « Ոչ թէ մարդ ՚ի մեռանել իւրում առցէ ընդ իւր զամենայն » , այլ ոչ ինչ և ոչ մի ինչ : « Որպէս ել յորովայնէ մօր իւրոյ մերկ , զառնայ երթալ որպէս և եկեալն էր , և ոչ ինչ առցէ ՚ի վատակոյ իւրմէ » :

Լուսն արդեօք . ոչ ինչ յիւրոցն առցէ ընդ իւր , ոչ զինչս , ոչ զատացուածս , ոչ զկալուածս . ոչ ինչ ամեննիւն . ո՛րու կոչեցեալդ կրօնաւոր , ոչ ինչ ՚ի քոյոց հտապտանացդ զորս սիրեսն , զորս ընդ բեզ առեալ յածեցուցանես ոչ սակաւ նեղութեամբ , որոց և հպել անգամ այլոց չնե-

րես : Բարձ այժմ , տար ընդ քեզ եթէ կա ,
 րիցես : Եւ սակայն հողի քո , որ այնպէս
 յանխորհուրդս զհետ պնդեցաւ նոցուն և
 սիրեաց , այրեսցի 'ի սաստկակակիժ հոր
 քաւարանին ձեռնթափ յամենեցունց . և
 նորին իսկ վայելողք 'ի քոյսդ լքցեն զքեզ :
 Եւ չիցէ անմտութիւն մեծ չթողուլ մտա-
 զիր և չնուիրել Աստուծոյ զայն ամենայն ,
 զոր յաւուր միում պարտիս թողուլ հար-
 կաւ և ակամայ : Զիցէ ամբարշտութիւն ան-
 տեսել զայնչափ աստիճանս շնորհաց , ո-
 րով և զառ 'ի նոցանէ ամբարեալ վարձ-
 սն՝ վասն ոչ զրկելոյ 'ի շնչենոցն , և վասն
 այսպիսի նանրութեանց հրաժարեալ կա-
 սիլ 'ի ճանապարհէ մեծի կատարելութեան :

Բարէ . և ո՞ ոչ արտասուեսցէ 'ի վե-
 րայ կուրութեան այնոցիկ 'ի կրօնաւորաց՝
 որոց յետ թիկունս դարձուցանելոյ ճոխու-
 թեանց մեծազանձ գերդաստանին իւրեանց
 և յետ կապելոյ զանձինս ուխտին աղքա-
 տութեան , սկսանին ցանկալ 'ի ձեռս բե-
 րել սփոփեցուցիչս ինչ մանունս , զոչէս , և
 բազում այն է զի սոցա առաւել է ցանկու-
 թիւն և սէր առ մանունսն այնոսիկ քան
 զսէր աշխարհայնոց առ բազմազանձ ճո-
 խութիւնս : Եղո՞ւկ այնպիսեացն . ո՞րպէս
 յապուչ ընդարմասցին 'ի ժամու մահուան
 նկատեալ զՅիսուս 'ի խաչի աղքատ և մերկ ,
 որ յերեսս հարկանիցէ նոցա զհեշտական
 և զբազմատենչ աղքատութիւն իւրեանց .
 հանպա , զօրացիր , քան լեր . յաղթեա՛ ան-

ձին քում և նուիրեա այժմէն առ ոտս խաչին զայն ամենայն, զորս 'ի մահուդ յոչ կամս լքեալ՝ 'ի բաց ելանելոց ես: Քրիստոս մնայ ընդունել 'ի քէն զայս խայրիս սիրոյ. « Ահ, յոյժ և յոյժ է ազգահ՝ որում չիցէ շատ Աստուած » . (Օգոս.):

Մ ա ս ն Բ

Մահն խրատ տայ մեզ արհամարհել զպատիւ աշխարհի, որ է այլ իմն խոչ անխտիր համակամութեան և կատարելութեան: Յառաջ մատիր, ո՛ր ուռուցեալ սնապարծութեան աշակերտ, զու որ թողեալ ես աչացդ կուրանալ 'ի ծխոյ աստի և խտտորել 'ի վախճանէդ. անց յառաջ, մերձեաց առ շիրիմդ այդ. ակնարկեա յայդ դիակն անշնչացեալ, հաստատեա զաչսդ յայդ մարմին փտեալ: Ահա եթէ կամիս և թէ ոչ, « Յայդ վայր եկեսցես, և այտի անդր ոչ անցանիցես. աստ խորտակեսցին ալիք քո »: Այն ամենայն անուանք պերճանաց՝ որովք փառաւորեալ ես, այն ամենայն փայլմունք պաշտամանց՝ որովք ճոխանաս, կորիցեն իբրև ստուերք 'ի մահուան. 'ի շիջանել անդ ջահիցն և կերոնաց հանդիսի թաղման քո՝ շիջի և համբաւ քո. 'ի լուել ձայնից զանգակացն հնչեցելոց՝ լուեսցէ և անուն քո: Յայսմ՝ հետէ լինիցիս իբրև գչեղեալ: Որոյ անուն հնչէր մինչև 'ի ծագս երկրի, 'ի մեռանելն ոչ իջցեն փառք

նորա ընդ նմա: Ղիտես իսկ զայս ամե-
նայն, այլ և տարածեալ ես անյաղ տեն-
չմամբ զբազուկդ ընդզրկել զծուխս զայս և
զստուեր և զոչինչ:

Ո՛ր բարձրամիտդ բարձրայօն, առցէ
զքեզ մահ յորժամ ոչն կարծես. թերևս
յամսամիջի աստ մերկացուացէ զքեզ յա-
մենայն մեծութենէ զարդուց քոց, և արկցէ
զքեզ մերկ ՚ի միումն ՚ի գերեզմանաց. չգու-
ցեն անդէն մեծութիւնք, փառք, պերճու-
թիւնք. այլ լիցիս կեր որդանց և կոյտ իմն
փտութեան, բունն մի հող և ոչ ինչ: Առ
ինչ օգտեսցեն քեզ յայնժամ անուանել
քո իմաստուն, բազմել քո յայդ զահ, բար-
ձրանալ քո յայն բարձ, բերել քո ՚ի ձեռս
զայդոսիկ պատիւս. եթէ վասն այսր ամե-
նայնի տոչորիցիս ՚ի քաւարանի. զի ասա-
ցես ընդ թագաւորին այնմիկ. «Նդէ ամե-
նայն, որք ոչ ինչ օգտեցին ինձ, այլ միայն
զի ՚ի մահուն իմում տանջեցայց»:

Արօնաւոր ոմն զկնի աւուրց մահուան
խորոց երևեալ այլում. և հողուոց հանելով ՚ի
խորոց սրտէ՝ ասէ. «Նդէ աստուածաբան,
և էր ոչ ինչ. եղէ բեմբասաց, և էր ոչ ինչ.
կացի առաջնորդ, և էր ոչ ինչ. եղէ կրօ-
նաւոր, և այս արժէ ինչ». ասաց և եղև ան-
երևոյթ: Տես եթէ որպէս անարդ և ոչ ինչ
է զրեալ ՚ի հանդերձեալ կեանս այն ամե-
նայն՝ որ յաչխարհի ՚ի մեծ յարգանս է. ա-
պա «Ունայնութիւն է զհետ լինել պատուոյ
և ամբառնալ զանձն ՚ի բարձրութիւն»:

(Պ.Եմբ. Ա. 1.) : Ապա յիմարութիւն մեծ է ցանկութեամբ սնտախ պատուոյ կորուսանել զսակեղինիկն զայն անխտիր համակամութիւն և զճանապարհն փրկութեան : Ա՛վ մահ . որպիսի՛ քաջ դաստիարակ ևս զուրջանելոյ ՚ի նուաստութիւն :

Մ ա ս և Գ .

Մահն խրատէ զմեզ խոյս տալ ՚ի հաճոյից մարմնոյ , որք են երրորդ խոշք այնր երանական համակամութեան և կատարելութեան կենաց : Ա՛վ այր զու , եկ զի տեսցես . եկ կաց առ շիրմու և տես զբո զիսկնացեալ մարմին . արկ ՚ի զնին զինչ իցէ մարմինն , յորոյ ՚ի սէր արկանես զքեզ ՚ի փտանգ դատասպարտութեան , և կասիս ՚ի զիմելոյ առ կատարելութիւն : Տես զի այդ երկու խտոշք որդանց՝ էին աչք քո , որք եղեն թերևս զարահոս ժայռք անմեղութեանդ : Այսոքիկ փտեալ անդամք էին բերան քո և լեզու՝ ժանտարեր զործիր որկորոյդ : Այդ տարածեալ բոյն որդանց՝ ուրովայն քո , որում իբրև Աստուծոյ սաշտօն մատուցանէիր : Այդ կոյտ փտութեանց էր մարմին քո , կուռքն այն անձնասիրութեան , որում զոհէիր յաճախ զխիզձ մըտացդ :

Մատիր , կալ զզանկզ զայդ , մերձիր յսակերոզ , խառնեա զաճիւնացեալ մասունն . տես զզեռալ որդանցն : Ասա՛ . չի-

ցէ՛ յիմարութիւն մեծ հեռանալ ՚ի վախճանէն վասն այդր նեխոյդ : Չիցէ՛ ցնորումն մտաց ծախել ՚ի կեանս զամենայն վաստակս , զամենայն հոգս , և զամենայն փոյթ ՚ի մէջ առնուլ , առ հանգուցանելոյ ընդ ժամանակս ինչ զպարկզ զայդ զարշահոտ փտութեանց , որպէս զի առաւել հանգիստ ՚ի քուն մտցէ , զի փափկասցի , զի ՚ի համադամս սնանիցի . և թողուլ անտես առնել զփրկութենէ հոգւոյն : Ո՛վ երկիր , սնտիք սնտտեաց , երկիր , լուր զպատգամս Տեառն . ոչ որ կարէ երկուց տերանց ծառայել . ոչ է հնար Աստուծոյ և մարմնոյ միանգամայն բարւոք ծառայել :

Պտուղ այսր խոկման է ատելութիւն և անյողղող մերժումն այսոցիկ երից խոչից՝ որք մերժեալ հանեն ՚ի մէնջ զսուրբ անխտիր համակամութիւն առ ամենայն ինչ , և ծածկեն ՚ի մերոց աչաց զվախճան մեր վերջին . զորս անուանէ սուրբն Յովհաննէս « Յանկութիւն մարմնոյ , ցանկութիւն աչաց և ամբարտաւանութիւն աստի կենաց » :

Ի Ղ Ձ Ք

Ո՛վ Աստուած , տէր կենաց և մահու . հաւատամ՝ զի մեռանելոց եմ . զի ըստ հրամանաց քոց մահու մեացուք , և « Իբրև զժուր հեղեալ յերկիր ոչ ամփոփեսցուք » : Եւ մեացուք առանց զիտելոյ զժամն . ըստ բանիցն

Քրիստոսի Տեառն մերոյ . « Յորում ժամու
ոչ կարծիցէք զայ որդի մարդոյ » : Հաւա-
տամ զի մեռեալ միանգամ 'ի չարիս , ան-
զարման լիցին չարիքն : Հաւատամ , զի
յաշխարհէ աստի անցից 'ի հանդերձեալն
մերկեալ յամենայն ստացուածոց և յամե-
նայն պատուոյ . և զի այս իմ մարմին դար-
ձցի 'ի հող , ըստ բանից Հողոյն սրբոյ « Հող
էիր և 'ի հող դարձցիս » :

Ո՛վ Տէր իմ . խոստովանիմ հաւատալ
այսմ ամենայնի , այլ կեամ որպէս թէ շի-
ցեմ երբէք մեռանելոց : Աեամ իբրև թէ
ունիցիմ քաղաք՝ որ աստէն մնալոց իցէ .
պատաղեալ յերկրաւորս , անմիտ ցանկու-
թեամբ փառաց սնտտեաց : Աեամ , ա՛հ ,
կեամ գերի փառ եղեալ մարմնոյ . և այն-
պէս խանդակաթ եմ 'ի սէր այնորիկ , որ
ճարակն է որդանց , զի ոչ ինչ ամօթ հա-
մարիմ 'ի նուէր հանել հաճոյից նորա զբազ-
մադէմ աստիճանս առաքինութեանց և փա-
ռաց . և կեամ ամենեին 'ի մոռացօնս ա-
ծեալ զհողի , և զվիճակն յոր կայ նմա մտա-
նել , այնպէս՝ որպէս եթէ ոչ ինչ առաւե-
լութիւն իցէ մարդոյ քան զանասնոյ . « Որ-
պէս մահ սորա , նոյնպէս և մահ նորա » .
(Ժող . Գ . 19) :

Ո՛վ Տէր իմ և Աստուած . ես եմ կե-
րակուր ցեցոյ և ապականութիւն , և իբր
համարձակեցայ բարձրալիզ զոռոզու-
թեամբ զլուխ սմբառնալ ընդդէմ քո : Աս-
տուած ամենակալ , սիրեցի զմարմին իմ

քան դքեղ . և փոխանակ զհետ գնալոյ կամաց քոց , չորայ զհետ ամբարտաւանութեան , ազահուութեան , հաճոյից մարմնոյ : Ո՛վ երկիրք , վկայք անօրէնութեանց իմոց , ՚ի պատճառս մարմնոյ թշնամի երևեցայ Աստուծոյ , արատեցի զխիղճ մտաց իմոց և անկայ ՚ի շնորհացն Աստուծոյ : Եղո՛ւկ զիս . սասանին ամենայն ոսկերք իմ՝ յածել անդ զմտա՝ թէ որպէս կամաւ հեռացայ յԱստուծոյն իմոյ :

Բայց արդ ցաւիմ , Տէր , ընդ վրիպանս իմ , ամաչեմ ընդ յիմարութիւն մտաց իմոց . կեղեքեցի սիրտ իմ ՚ի լալոյ : Արդ եղի ՚ի մտի հաստատութեամբ յայսմ՛հետէ և առ յապայ պատերազմել զպատերազմն Աստուծոյ ընդդէմ ազահութեան , ամբարտաւանութեան , և հաճոյից մարմնոյ : Կայծակնահար սատակեցայց եթէ յօժարիցիմ այլ ևս անարգել զսէր ստեղծողին իմոյ : Արդ ուսուցէ ինձ մահ զունայնութիւն երկրաւոր բարեաց . լուծեալ արդ յերից այսոցիկ կապանաց , յորոց կայի կաշկանդեալ ՚ի գերութեան ախտից , խառնեա զիս Տէր ՚ի գունդս որդւոցն Աստուծոյ , հանեալ զիս յազատութիւն . շնորհեա ինձ զանխաիր համակամութիւն լինել որպէս զաւազան ՚ի ձեռին քում , զոր շարժեցես որպէս քեզն հաճոյ թուեցի , և իբրև զնա՝ որ ընդ ամենի ալիս կոհակացն կռուեալ , չըջի յ՞ր կոյս և միտք ուղղչին կամիցի :

ԵՐԿՐՈՐԴՈՒՄՆ ՍՈՒՂ

Ա. Մահն խրատ տայ մեզ արհամարհել զէրկրաւոր բարիս : « Մահու մեռցիս », մահն է հաւատաբ, բայց անստոյգ ժամանակ նորա՝ տեղին և յեղանակն . . . Մերկացեալ յամենայնէ, դնացես 'ի տունն յաւիտենից միայնակ . . . և մերկ . . . : Հաւատամս այսմ ամենայնի, և սակայն այդպէս յարեալ ես զհետ երկրաւորացն բարեաց, և 'ի խնդիր ես նոցունց, և 'ի պատճառս նոցունց հեռանաս 'ի վախճանէդ :

Բ. Մահն խրատ տայ մեզ արհամարհել զսուտիւս աշխարհի : Մտաիր հայեաց 'ի դին անշնչացեալ. մերկեալ յամենայն սրտառույ, և ոչ մի ինչ փառաց անուանս կրէ, այլ գարշ իմն ճարակ որդանց . դէզ իմն փտուածանց . բուռն մի հողոյ է դարձեալ, յորմէ նողկանօք զերեսս 'ի բաց դարձուցանեն ամենէքին : Հասկա, էրթ պանծա ընդ այդ փտուածիւն :

Գ. Մահն թեւադիր լինի մեզ խուսափել 'ի հաճոյից մարմնոյ : Ի վերայ դիոյդ այդորիկ առ 'ի խոկալ՝ թէ զինչ մարմինն իցէ, յորոյ 'ի սէր առնուս յանձն զվտանգն գատապարտութեան : Իջ կալ զայն գագաթն, մերձեաց յոսկերսդ, խառնեա զաճիւնացեալ մարմինդ, տես զեռալ որդանցդ : Ասա . չիցէ՞ մեծ յիմարութիւն վասն այդոցիկ փտուածեանց այնչափ 'ի հոգս մտանել, այնչափ խնամոց փոյթ 'ի մէջ առնուլ, և զփրկութեանէ հոգւոյն ոչ ինչ փոյթ առնել :

Ընթերցիր

Թովմ. Գեմբ. Գիրք Ա. ԳԼ. 23 :

ՊԱՐԱՊՈՒՄՆ

Ի ծանօթութիւն Անձին .

Ա.

Ա. Ճանապարհն Մաքրական կարդեալ է առ երիս վախճանս . առաջին է Պարչումն 'ի մեղաց . երկրորդն է Արմատոց նոցա 'ի բաց կորզումն . և երրորդ Յանօթութիւն անձին : Չարեաց անյայտից չէ հնար մատուցանել դարմանս պատշաճականս . ապա կարևոր է ծանօթութիւն անձին : Մի բնցեալ չարեաց ոչ խնդրի դարման բժշկութեան . ապա կարևոր է դարչումն 'ի մեղաց : Եթէ ոչ հատցին պատճառքն ատին , երբէք ոչ ստասցի առողջութիւն . ապա հարկ է խել զարմատս ատիցն : Արդքանդի սորիմբք մաքրեալ յարդարի հոգին առ ընձիւղելոյ զչառաւիղս սուրբ պտղոցն առաքինութեանց , քաջ իսկ յայտնի լինի դի յայժ կարևոր է ձեռն 'ի գործ արկանել , և մի կասել՝ մինչ չե 'ի ձեռս բերեալ որում ցանկամբն : Երէկ պարապեալ 'ի խտկումն չարութեան և պատժոյ մեղացն , զզեցաք քաջալեր մեծ դարչելոյ 'ի նոցունց : Եւ զամենայն ջան 'ի գործ արկաք յարմատախիլ առնել 'ի սրտից մերոց զամբարտաւանութիւն և զհաճոյս մարմնոյ , զարմատս ամե-

նայն մոլութեանց : Արդ զուն զիցուք հասանել 'ի քաջ ծանօթութիւն անձին, որ է երրորդ նպատակ Մարրութեան ճանապարհին : Յերկրորդի երեկեան խոկման, որ էր 'ի վերայ մեղաց առանձին, և 'ի խորհրդակցութեան և 'ի քննութեան՝ որք զհետ զային խոկմանն՝ ոչ սակաւ եկաք 'ի ծանօթութիւն անձին. բայց այսօր պարապեսցուք յայս ուսումն զրեա թէ զօրն ողջոյն. քանզի ըստ չափու առաւելութեան ծանօթութեան ոչնչութեանս մերոյ՝ ունիցիմք առաւել պատճառս խոնարհելոյ և վշտագնելոյ զանձինս մեր, և ջանալոյ 'ի քանցումն յարմատոց զամբարտաւանութիւն և զհաճոյս մարմնոյ, որք են կրկին մեծամեծ խոչք 'ի ստացումն այնր սրբոյ անխտիր համակամութեան 'ի ծառայել Աստուծոյ, զհետ զնալով կամաց նորա : Քանզի և անտեղի իմն է ճանաչել քաջ զազէտս թշուառութեան մարմնոյն և զչարիս՝ յոր վարանեալ է հոգին, և ոչ ատել զանձն :

Բ. Այս ներքին ճանաչումն և ծանօթութիւն անձին է երրորդ պտուղ կրթութեանս, յոր պարտիմք ջանալ ամենայն ճգամբ և պարապել 'ի ստացումն նորին : Առ այս ծանօթութիւն օգնեն Աղօթք, Քննութիւն խղճի մտաց, մեղացն խոստովանութիւն ընդհանրական : Առաջին ազգի աղօթք են ընդ անձին խորհրդարանել 'ի վերայ պատուիրանացն Աստուծոյ, եկեղեցւոյ, 'ի վերայ եօթն մահուչափ մեղաց,

'ի վերայ երկոց դօրութեանց հողոյն և հնգից զգայարանաց, միտ եղեալ և քննեալ ըստ կարգի, եթէ պակասեալ իցէ 'ի պահպանութիւն առաջնոցն, եթէ անկղիտացեալ յերկրորդսն, և թէ սրպէս վարեալ իցէ զվերջինսն՝ 'ի բարին թէ 'ի չարն: Եւ է այս մտանել 'ի խորս սրտին, և զներքին թաղուցեալ զաղտնիս զվնասակարսն կորզեալ հանել, և մնալ սուրբ սրտիս:

Յայտ է ապաքէն զի ազգոյ դարմանք են կրկին քննութիւնքն խղճի մտաց ընդհանուրն և օրբստօրեայն, զորս արժան է առնել յառաջ քան զխոստովանութիւնն, զի բացցին աչք մտացն առ ճանաչելոյ զմեզս կենացն անցելոց, և զառաջիկայ վիճակ կենացն. և է այս լոյս որ լուսաւոր առնէ զգաղտնիս խաւարին: Վասն այնորիկ և երկոցուն պարտ է սկիզբն առնել յառաջմէ օրէ կրթութեանն. և զքննութիւնն հանապազօրեայ պարտ է առնել զօր ամենայն 'ի մի քառորդ ժամու, զոյով այնր սատար իմն մեծ մտանելոյ 'ի խորս գաղտնեաց հողոյն և զծածուկսն խաւարինս ածելոյ 'ի լոյս:

Եւ զի խոստովանութիւնն հանրական կենացն ողջոյն և կամ մեծի մասին՝ օժանդակէ մեծապէս 'ի ծանօթութիւն անձին, յայտնեալ է 'ի փորձոյ. քանզի բազումք օգտեալ են յայնմանէ զալով 'ի ծանօթութիւն անձանց և յուղղութիւն վարուց: Եւ ոչ ինչ են զարմանք. զի բերեալ 'ի միտ

դ յանցուածս զործեալս 'ի կեանս, զիւրաւ մարթ է ճանաչել և զարմատս նոցա. ևս առաւել 'ի քննելն զգուշեալ թէ որ այն ինչ է պատճառ և հրապուրող այնոցիկ յանցուածոց՝ որք մերոց խոստովանութեանց նիւթք լեալ են յաճախ. 'ի յուսոյ բերիցիմք յայնս եթէ յերկիւղէ, յակնածելոյ եթէ 'ի յանդգնութենէ. 'ի փափաքանաց եթէ 'ի խորչելոյ. 'ի սիրոյ եթէ յատելութենէ: Աւզի հնար լիցի լաւ ևս հասանել յայս ծանօթութիւն անձին՝ արժան է ծախել զաւուրս քանի մի յայս քննութիւն, և յետ այնորիկ մատչել 'ի խոստովանութիւն:

Գ. Աւզի ճանաչումնս այս մի լիցի հայեցումն և եթ տեսական, այլ զործնական՝ կարգեալ յուղղութիւն անձին, յատելութիւն մեղաց և արմատոց նոցուն. փասն այնորիկ կարեոր է քննութիւն մասնական, յորում 'ի խոյզ և 'ի խնդիր մատչի որ առանձին իմն թերութեան, և պատերազմեալ ընդ նմա հանապաղ և ոչ հանգչի՝ մինչ չև արմատախիլ հանեալ զայն 'ի սրտէ, և կամ՝ այնպէս նկուն արարեալ, մինչ ոչ ևս կարել այնմ զօրանալ և իշխել 'ի վերայ իւր:

Բ

Արից այսոցիկ զարմանոց 'ի վերայ յաւելումք և զկրկին խոկմունս մահուան և դատաստանի, որովք քաջ իսկ յայանի երևին խակութիւնք մարմնոյն և վնասապար-

տութիւնք հոգւոց մերոց : Ի խոկալն զմա-
հուանէ և զդատաստանէ՝ լիով 'ի միտ առ-
նումք զլինել մեր ոչ ինչ և ամբար մեզաց ,
վասն որոյ և արժանիք անձնանախատ ա-
տելութեան :

Եւ արդարև թշուառութիւն մարմնոյն
և ոչնչութիւն քաջ տեսանի զկնի աւուրց
ինչ թաղման : Աղէ , որպիսի՛ գարշ և նող-
կալի քան զայն տեսարան կայցէ . մատիր
յառաջ և քննեսցուք : Ի սկզբանն նշմա-
րին 'ի զիական գարշ և զաղիր բիծք ինչ ցրիւ ,
որք յետ սակաւուց փոխին 'ի սեաւ դունա-
տեալ , 'ի դիմացն , 'ի կրծոց , և 'ի վայր կոյս
մինչև ցոտունսն արտաբերէ քրտունս իմն
փրփրացեալ զազրալից և բորբոս իմն զար-
շահոտ նախացուցակ փտութեանն , որ 'ի
պատառոտել մորթոյն արտաքս հոսհոսէ
յամենայն կողմանց , յորում իբրև թա-
ղեալ լուղին անդամքն : Ի փտութեան աստ
ծաւալելոյ 'ի ներքս և արտաքոյ սկսանին
եռալ որդունք , որոց ճարակ է մարմինն
փտեալ . նողկալի՛ գարշ կերպարան . եռան
ղեռան որդունք 'ի ներքոյ և արտաքոյ . զա-
լարին , խաղապատին , յաչացն արտաքս
սորսորեն , թօթափին 'ի ոնդացն և 'ի բե-
րանոյն , իբր 'ի լող զան ընկղմին և ելանեն
'ի տղմի անդ փտութեան : Ո՛ր զազրութեան
տեսիլ , անհանդուրժելի մտաց նա և 'ի սոսկ
նկարել յանդիման աչաց մտացն :

Ե՛կ մերձեաց , ո՛վ մահկանացուդ , հայ-
եաց 'ի գուրն տառապանաց 'ի կաւն և 'ի

տիղմն . լեր մտախոհ 'ի վերայ դադիր դիականդ . ծանիր գրեղ, ո՛ր իցես : Այս ծրար որդանց՝ էր մարմինն քո , որում պաշտօն տանէիր անձնասիրութեամբ , զոր փայփայեալ սնուցանէիր , զոր 'ի ամուսնանս հանգուցանէիր : Այնոքիկ զարչ խորչք զազաթան էին աշկունք քո , ունդունք և բերան , զոր ծարանք և գրունք մնութեանց : Տես զքո պատկեր պաշտեցեալ՝ յոր սահման անարդութեան իջեալ կայ . մերձիր 'ի դէզ ոսկերացդ . փշեա 'ի մոխիրն . տես եթէ ո՛ր իցես . հող ես մոխիր . պարկ իմն ազբեաց . զերեղման բռեալ . աղբանոց ծածկեալ ընդ ձեամբ . այս սահման քոյին զերամբարձութեան , յորում գրեղ վարկանիս : Ո՛վ , որչափ մեծապէս ձեռն տայ 'ի ծանօթութիւն թշուառութեան և ոչնչութեան մերոյ խոկումն մահուան :

Ոչ նուազ օգնեսցէ մեզ առ 'ի ճանաչել զանձինս մեր և խոկումն զատաստանի , առ որ յանդիման լիցուք զկնի մահուան . այս լիցի երկրորդ խոկումն աւուրս , որ իբրև 'ի հայելոջ նկարեսցէ առաջի մեր զչարութիւն և զոչինչն լինել հոգւոց մերոց . յայտնի կացուցանելով , ա . Զյետսամտութիւն նորա . բ . Զյօժարամտութիւն նորա առ ամենայն չարիս . գ . Յամենայնի զանկարութիւն նորա 'ի բարեգործութիւն :

Ա . Ըստ յետսամտութեան մասին նկատեալ՝ պարտ էր հոգւոյն լինել պատկեր ամենասուրբ Արրորդութեան , կենդանի

տաճար Աստուծոյ, հայելի սրբութեան, յորում անդրադարձեալ ճառագայթիւք իւրեանց պարտ էին արտափայլել ամենայն առաքինութիւնք: Այլ նմին հակառակ, (ո՛վ, որպիսի՛ փոփոխութիւն), յիշողութիւն նորա լճակ իմն է անարժան և պիղծ գաղափարաց, և ՚ի նմա դետահետեալ ունայնութեանց, որք յար պլեկոծեալ յուզին ՚ի դիւաց և ՚ի կրից: Միտքն յահուր խորհրդոց շտեմարան ՚ի խաւարի և ՚ի կուրութեան, լի տգիտութեամբ, վրիպակ դատմամբ, պատրութեամբ և թիւր սկզբամբք. ՚ի կաման թագաւորէ չարահնար նենդ որ զնա դերեալ ծառայեցուցանէ ամենայն անկարգ բերմանց, որով « Ոչ զոր կամի զբարին զայն զործէ, այլ զոր ատեայն զչարն »:

Բ. Գարձեալ իշխէ ՚ի հոգին յօժարամտութիւն իմն առ ամենայն չարիս, որ բունն ձգէ զնա միշտ առ ակտաւորութիւն. այնպէս զի եթէ բարերար ձեռն Աստուծոյ զթութեամբ իւրով ոչ կառեալ կասեցուացէ զնա, ինքնին թաւալզոր կործանէր ՚ի խորս ամենայն չարեաց: Նկարեալ յանդիման մտացո՞ ձեռն մի յաշտարակէ բարձուէ ՚ի դուրս կարկառեալ՝ ունելով զհերաց զայր ՚ի վեր, և կալով ՚ի ներքոյ առ ոտս աշտարակին հնոց վառեալ ձիւթոյ և ծծմբոյ: Ահա ստուերական իմն պատկեր յօժարամտութեան մերոյ առ ամենայն չարիս, և ողորմութեանն Աստուծոյ որ ՚ի վեր ունի զմեզ:

Գ. Ոչ միայն այս յօժարամտութիւն առ չարն է 'ի մեզ, այլ և անկարութիւն իմն ընդհանուր առ բարեգործութիւն: Վասն որոյ առանց նախաժաման շնորհաց և զերբնական օգնութեանն Աստուծոյ ոչ կարէ ինքնին առնել ինչ գործ գերբնական. նա և ոչ բնական առանց բնական ձեռնտուութեանն Աստուծոյ. և այսպէս ինքն է ամենեկին ոչ ինչ: Ոչ ինչ յէութեանն, զի զէութիւն իւր առեալ է յԱրարչէն իւրմէ, և այնպէս՝ զի եթէ ընդ մի կեթ վայրկեան դադարեալ էր 'ի պահպանութենէն, անդէն դառնայր յոչէութիւն իւր առաջին: Ոչ ինչ 'ի գործս իւր, զի առանց օգնութեանն Աստուծոյ ոչ կարէ և ոչ զոտն 'ի վեր ամբառնալ, կամ շարժել զմի մատն: Ոչ ինչ յերախտիան, զի առ 'ի գործել զգործ ինչ բարի արժանի յախտենական կենաց՝ կարօտի գերբնական շնորհաց, և ոչ ազդէին միայն այլ գործադրականին. այնպէս զի է իսկ նախատես Աստուած 'ի յախտենից՝ եթէ համաձայնելոց իցէ հոգին շնորհացն: Եւ զայս շնորհ ոչ սլարտի ումեք ըստ արդարութեան, մանաւանդ զի ոչ որ կարէ արժանաւորութեամբ և հաւասարակշիռ վաստակովք ժառանգ այնմ լինել:

Ապա յայտ է զի այսոքիկ երկոքին խոկմունք մահուան և դատաստանի են հզօր սատարք 'ի ծանօթութիւն անձին. ասեմ՝ ոչնչութեան մերոյ, առաջի առնելով մեզ զաղէտս մարմնոյն և զչարիս հոգւոյն:

Գ

Այսօրիկ խոկմունք են ևս կարևորք յոյժ, առ կասեցուցանելոյ զմեզ յանկարգ սիրոյ երկրաւորաց. որ և է այլ իմն պտուղ, զոր առ ՚ի ժողովել պարտ է վաստակել ամենայն ճգամբք: Այսմ զհետ եղաք փութով պնդութեան յառաջին խոկման՝ ջանացեալ կորզել ՚ի սրտէ զցանկութիւն ճոխութեան, հաճոյից՝ և պատուոյ, բերեալ յանդիման աչաց զողորմ սահմանն՝ յորում գտանի մարմին մեր: Ճշմարտութեամբ եթէ յայդ սահման կայցէ մարմին մեր՝ որպէս նկարեցի քեզ, ապա Ձի՞ հպարտանաս հող և մոխիր. եթէ դու ծրար իմն ես աղբկաց, կերակուր որդանց: Ընդէ՞ր յանդգնեցաւ սիրտ քո. « Ձի՞ թափեցեր զսրտմտութիւն առաջի տեառն »: Եթէ դու հող ես և ոչինչ, առ ի՞նչ է քեզ բարկանալ, եթէ անարդի կաւն, եթէ առ ոչ ինչ համարի ոչինչն: Եթէ դու իցես տիղմ ախտից և թերութեանց, հիմ՞ կամիցիս զովիլ առ իմէ՞ խորշիցիս և չկամիցիս նախատ և ոտնակոխ լինել: Եթէ դու իցես նողկացուցիչ փտութիւն, և զարշահոտ զազրութիւն, առ ի՞նչ է քեզ մեծ իմն համարել զանձնդ և քան զայլսն գերամբարձ: Եթէ՞ ՚ի փակել շիրմին և ամենայն փայլմունքդ անյայտին ընդ քեզ, է՞ր այդչափ ՚ի խնդիր փառաց ելեալ ես:

Ի խոկման դատաստանին դտցես զհոգի քո լի խոռվայոյդ և ասպտամբ կրիւք, յորոց անձն ընդ անձին ոգորեալ 'ի բազում ազգս փոփոխի. երբեմն ընկղմեալ 'ի խորս տկարութեանց. այլ երբէք փքուռոյց բարձրանայ ցաստեղս. է զի դտանի 'ի գայրոյթ կատաղութեան, երբէք յօրանայ 'ի զեղխութիւն շռայլութեան, և երբէք տառապի 'ի տաղտկութեան, և է դարձեալ զի մաշի նախանձու. երբէք չդադարէ, այլ հանապազորդ բախեալ կոծի յալիս անսանձ ցանկութեանց: Առ իմէ՞ ասպա զհոգի քո դայս զհետ և զխեռ ցայդվայր մեծարիցես. մանաւանդ զի հիմ՞ ոչ անարդես, և ոչ վառիս 'ի սուրբ ատելութիւն ընդդէմ անձին քո:

Ասացի ատելութիւն ընդդէմ անձին քում: Եւ զինչ. ոչ կարիցես ատել զմարմին քո զկայարանն ախտից, զաղբիւրն թշուառութեան աղետից. ոչ ածես 'ի միտ զի դու ինքն ես մատնիչ հոգւոյդ, դարան ամենայն մեղաց, տածիչ զեղխութեան, թշնամի առաքինութեան, ծով յարակոծ: Եւ դու ոչ կարիցես ատել զճիւղաբարոյդ զայդ: Եւ վասն այսոցիկ պատճառաց ոչ կարիցես ատել և զհոգի քո, զասպտամբն յԱստուծոյ, զատեցեալն երկնից, զդատապարտն յերկրի, զգերին ցանկութեանց, զմայր մոլորութեանց, զբոյնն ախտից, զստրուկն վատշուէր մարմնոյն: Հասպա, զզաստ լեր, միթէ ցայդվայր մեղկիցիս,

դրահաւորեանց, յիշեալ, զի եթէ որ 'ի փափկութեան զժառայն սնուցանէ, յետոյ մորմորեսցի յանձն իւր. արդ ճնշեալ զմարմին .քո և հնազանդեցո: Մերժեալ 'ի քէն զհտպտանս, զցանկալիսդ չնչինս, զոր կարէ իսկ մահն 'ի պահուն յորում ոչ կարծիցես՝ զողանալ 'ի քէն, ընդ որ 'ի դատաստանին զզճասցիս զի այդպէս սիրեցեր, և որոց ցանկացար: — Աստանօր զիր ուխտ ընդ անձին քում, քննեալ զոր ինչ պարտիս հատանել 'ի քէն և քեցել: —

Ընդ ձեռն այսոցիկ խոկմանց ոչ միայն անջատի հոգին 'ի սիրոյ երկրաւորաց, այլ և ստանայ յանձին զսուրբ զերկիւղն Աստուծոյ, զի զգեցցի զհոգին փրկութեան, և բերիցի յատելութիւն և 'ի զարշումս 'ի մեղաց: Որ է երրորդ պտուղ այսորիկ խորհրդակցութեան:

Արդարև որ ուղղութեամբ մտաց պարապեսցի 'ի խոկումնս յայս եթէ 'ի մեղանչել անդ հնար է ինձ յափշտակիլ 'ի մահուանէ և ձգիլ 'ի դատաստան վասն այնր մեղաց առաջի ամենագէտ արդար և անաչառ դատաւորին, որ կարէ զհոգի և զմարմին կորուսանել 'ի զեհենի. որ զայսոսիկ զմտաւ ածէ, անշուշտ աղաղակեսցէ ընդ Յովսեփայ. «Եւ զիարդ առնիցեմ՝ զբանդ զայդ զչար և զմեծ, և մեղանչիցեմ՝ առաջի Աստուծոյ»: Եւ ընտրեսցէ բիրիցս մեռանել, և տանել դառն տանջանաց, քան թէ մեղանչել և դարձեալ թշնամանել զմեծփայ-

ելչութիւնն Աստուծոյ, ըստ բանից Ճողովողին. «Յիշեա զվախճան քո և յախտեան ոչ մեղիցես»:

Այսոքիկ են երեքին պտուղք խոկմանց մահուան և դատաստանի, և առաջին այսր մասին կրթութեան. այսինքն զարշումն 'ի մեղաց, ծանօթութիւն անձին, և կորզումն արմատոց մեղացն, մերկացուցեալ զհոգին յերկրաւորաց, և առանձինն 'ի ցանկութենէ հաճոյից մարմնոյ և պատուոյ, որք են աղբիւրք ախտից, և ածել զնա 'ի ճանապարհն փրկութեան և կատարելութեան: Առ այս մեծապէս ձեռնտու լինիցի խոկումն առակի Անառակ որդւոյն սրատշածնցուցեալ զնա 'ի վերայ անձին:

'Ի խոկման աստ նկատեալ մարդոյ զթշուառութիւն շուայելոյն, զայ 'ի ծանօթութիւն անձին. Ես աստ սովամահ կորնչիմ: Անտի անցանէ 'ի զարշումն մեղաց. Հայր, մեղայ: Եւ զխոչսն 'ի բաց սրբէ, խորտակէ զչղթայսն, և զարմատսն քեցէ զմեղաց իւրոց. Գնացից առ հայր իմ: Յայսմ ամենայնէ յայտ է զի այս վերջին խոկումն առաջնոյ մասին՝ է վերջին խթանն զարթուցիչ հոգւոյն, որպէս զի 'ի բաց արարեալ զխափանարար խոչսն, յանձին կալցի աներկմիտ՝ զառնալ ուղղիլ առ վերջին վախճանն, յորմէ խոտորեալն էր մեղօք, և ծառայել Աստուծոյ զհետ զնալով կամաց նորա ամենեին անխտիր համակամութեամբ առ ամենայն ինչ:

ԽՈԿՈՒՄՆ Բ

Ա. Ռ. Ա. Ն. Չ. Ն. Ա. Կ. Ա. Ն. Դ. Ա. Տ. Ա. Ս. Տ. Ա. Ն.

Մասն Ա.

« Ամենեցուն մեզ յանդիման լինել կայ առաջի ատենին Վրիստոսի » : Ամենեցուն : Ապա դու ևս յանդիման լիցիս առաջի այնր ատենի . իւրաքանչիւր ոք զիւր բեռն բանալոց է : Անդանօր , և ընդ մեզս քո մեծապէս զայրացեալ , դատեսցէ և զքեզ դատաւորն արդար , անաչառ և խիստ : Նա յանդիմանեսցէ և կացուսցէ զայն ամենայն առաջի քո , որովք մեզար յընթացս կենաց քոց ՚ի ձեռն հինգ զգայութեանցդ և երից կարողութեանցդ հոգւոյ՝ խորհրդով , բանիւ և գործով . վասն զի դամենայն՝ որք լինին ընդ արեգակամբ՝ ածցէ Աստուած ՚ի դատաստան . զի վասն ամենայն դատարկ բանի զոր խօսիցին մարդիկ , համարս տալոց են յաւուրն դատաստանի : Եւ այսպէս գործք քո անկցին ընդ խիստ քննութեամբ ամենայն . . . բովանդակ . . . :

Ամենայն մեզք գործեալք ընդդէմ տասնաբանեայ պատուիրանի և Եկեղեցւոյ , և որք իցեն յեօթն մահուչափ մեզսն , և զանցառութիւնք ուխտիցն որ առ Աստուած , առ ընկերն և առ անձն . և զաղտ-

նիքն , և այլոցն , և մոռացեալքն : Եղո՛ւկ քեզ . քանի՛ յոլովութիւն մեղաց յայտնեացին 'ի քեզ ազգի ազգիք , ծանունք և անթիւք գործեալք չարամտութեամբ :

Պահանջեսցին և անտեսութիւնք բարեաց գործոց : Ո՛վ , որպէս դարհուրեալ դողասցիս , յորժամ յանդիման ցուցցեն քեզ զթիւ շնորհացն՝ զորս յընթացս ողջոյն կենաց քոց ընկալար . ո՛վ Տէր . որչափ անթիւք լեալ են , որոց մէն մի անկշռելիք և անչափ . քննեսցի որչափ ինչ 'ի բարին 'ի գործ արկեալ իցես , և որչափ ինչ յանօգուտս ծախեալ . և իբր անհամեմատ առաւելու այս քան զայն : Ահա յանդիման առնին քեզ անթիւ սլարտք վիճակի կենաց և սաշտամանդ անտեսեալք , յոլով սատարք փրկութեան արհամարհեալք , և առիթքն բարեգործութեան ոչ 'ի գործ մատուցեալք :

Ո՛վ անձն եղկելի . որպէս կարասցես ունել զոզիզ 'ի քեզ և կալ , յորժամ դատաւորն անաչառ որոտընդոստ գոչեսցէ առ քեզ . Տուր զհամար ժամանակիդ ապաշխարութեան , զաճման շնորհաց և արդեանց՝ որ անխնայ առատաճեռնեցառ քեզ , զժամանակին՝ զոր շռայլեցեր կամ յանգործութեան , կամ 'ի գործս անպատկանաւորս քեզ , և կամ 'ի չարիս գործել : Տուր զհամար քանքարացն քեզ յանձնելոց , զորս է զի ծուլութեամբ թաղեցեր , և է զի յանպատշաճսն ծախեցեր : Տուր զհա-

մար այնչափ խոստովանութեանց, հաղորդութեանց, խոկմանց, կրթութեանց, գորովք երբէք անտեսեցեր, և այլ երբէք վեր 'ի վերոյ 'ի շտապ և անպտուղ 'ի գործ արկեր: Տուր զհամար անթիւ մեղացն՝ զորս կարէիր խափանել, այնչափ հոգւոց՝ զորս կարէիր փրկել, այնչափ առաքինութեանց յորս կարէիր կրթել զմարդիկ: Ա՛վ Տէր, լացից այժմէն զեղեոն չարութեան իմոյ զորս իբրև յանդիտութեան գործեալ եմ ցայսօր. քանզի անպատասխանի եմ. և զիտեմ զի յայնժամ արկցես 'ի վերայ իմ գրարկութիւն քո. « Սրամտութիւն բարկութեան քո հասցէ 'ի վերայ իմ »:

Եւ եթէ քննեսցէ յատենի անդ և դբարիս գործեալս իբր յակամայս, « Զի քննեսցի Երուսաղէմ՝ ճրագաւ »: Ա՛հ. յորժամ յախտենականն քննեսցէ զմեր գործս բարիս. գտցէ « Իբրև զհանդերձս ապահարից զամենայն արգարութիւն մեր »: Ասէ և սուրբն Գրիգոր. Արգարութիւնք մեր ածեալք 'ի դատաստան արգարութեանն Աստուծոյ, անիրաւութիւն գրեսցի, և մթազնեսցի յանաչառ դատաստանին՝ որ լուսափայլն թուէր 'ի կարծիս գործողին:

Յայնժամ և նոքին իսկ գործքն բարիք յայտնեսցին լինել գործք չարք, սրակասեալք կամ 'ի յեղանակն գործոյն, կամ 'ի պատճառն և կամ 'ի վախճանն, ոյր վասն գործեալք իցեն: Եւ այսպէս նա որ ինքնապանծ կարծէ զանձն ճոխ և լիացեալ բա-

րեօք , յայնժամ յապուշ ընդարմացեալ ,
 դոցէ դանձն ողորմելի և հեզզ և աղքատ ,
 մերկ և կոյր : Ապա այժմէն ծանիր դբեզ . . . :
 Խոկումն դատաստանին քաջադէս է յոյժ
 առ 'ի ցուցանել անպատրուակ դխակու-
 թիւնս հոգւոյն : Եւ այսորիկ ծանօթութիւն
 բուռն ամէ զմարդ 'ի խորին խոնարհու-
 թիւն , յատելութիւն մեզաց և անձին :

Մ ա ս և Բ

Եւ այսորիկ ամենայն ամցին քեզ յան-
 դիման սրարդ և յայտնի . քանզի որ քննէ
 զսիրտս և զերիկամունս Աստուած , և լու-
 սաւորէ զգաղտնիս խաւարին , և յայտնի
 առնէ զխորհուրդս սրտից , ակն այն ծած-
 կատես մտաց և խորհրդոց , արասցէ խիստ
 իմն քննութիւն հոգւոյն , և ցուցցէ յայտ-
 նապէս զլինել նորա հակամէտ 'ի չարն , և
 զժկամակ 'ի դործել զբարիս : Անդ ճշդիւ
 հաշիւք լինիցին թուոյ , տեսակացն և ծան-
 բութեան մեզաց և չարութեան նոցին : Աս-
 տուած ամենակալ քննեսցէ զբերումն հոգ-
 ւոյն յամենայնի , զարմատս և զտղբիւրս
 բերմանցն և ախտից : Անդանօր 'ի միտ առ-
 ցես զունայնութիւն մարդկային խորհրդոց ,
 զանբաւականութիւն բաղբաղեալ պատճա-
 ռացն , զմոլար դատմունս խղճի : Ամենայն
 իսկ միանդամայն նկարեսցի յանդիման ա-
 չացդ իբր 'ի պատկերի մանրազնին և պարզ
 նկարագիր կենացդ բովանդակ , զէսքն

յորս կարէիր զարդանալ 'ի կատարելութիւնս, 'ի բարեպաշտութեան, և ամենայն նպաստքն և դարմանք և շնորհացն յաճախութիւն զորս ընդ վայր հարեր: Ի լինել այսոցիկ այսպէս՝ ա. Զոր կարծիս բերցես յայնժամ զչարութենէ մեղաց, զցանկութենէ պատուոյ և հաճոյից զսիրոյդ որ առ հտպտանսդ: բ. Յոր կոչումն կենաց՝ ցանկասցիս՝ թէ գտեալ էր քո, կամ որպէս ծառայեալ Աստուծոյ 'ի կոչմանն յորում գտար: գ. Ո՞րպէս մեծարեսցես յայնժամ զյեղյեղեալն 'ի մէնջ զանխտիր համակամութիւն առ որ և է տեղի, առ որ և է պաշտօն, առ առողջութիւն և առ հիւանդութիւն: Ա՛հ, որպէս և որչափ այլազոյ գատեսցիս յայնժամ: «Քանզի յայնժամ մեծ քաջալերութիւն զգեցցի աղքատն և խոնարհն, և զարհուրեալ դողացի ամբարտաւանն: Յայնժամ առաւել ցնծասցէ մարմին վշտահար քան զզրղեալն 'ի փափկութիւնս: Յայնժամ առաւել յարզեսցի արհամարհութիւն ընչից քան զամենայն զանձս երկրածնաց: Լեր արդ 'ի հոգս և 'ի ցաւս վասն մեղաց քոց, զի յօր դատաստանին անհոգ լիցիս ընդ երանելեաց»: (Գեմբ. Ա. ԻԴ): Արդ խոնարհեաց յանձն քո, սանձեա զմարմինդ, և արա դայն ամենայն, զոր յայնժամ ցանկասցիս տեսանել 'ի քեզ, և յորոց տեսեալ զքեզ զուրկ՝ 'ի զեղջ և ապաշաւ ողբացես:

Մ ա ս և Գ .

Յաւուր յայնմիկ արդարութեան և ցաւման ոչ միայն խիստ համար պահանջեցի ամենայն գործոց , այլ և առանց լսելի լինելոյ պատճառաց , առանց կարելոյ անբասիր դանձն առնել , առանց ողորմութեան : Զի եթէ զանգիտութիւն յառաջ բերցես , 'ի սուտ հանցէ դքեզ վարդապետութիւնն հաւատոյ՝ զոր դաւանեցար . եթէ զտկարութիւն , յանդիմանեցեն դքեզ օգնութիւնքն՝ զորս անարգեցեր . և եթէ առաքինութեանցն դժուարակիրն լինել , պատրեալ դքեզ ցուցցեն բանք Քրիստոսի ասացեալ առ քեզ՝ թէ « Ն ու ժ ի մ քաղցր է և բեռն ի մ փոքրողի » : Եթէ զհասակդ 'ի մէջ բերցես և զխառնուած բնութեանդ , եթէ զվիճակ կենացդ , ընդդէմ կացցեն քեզ սուրբքն ժողովեալք յարեւելից և յարեւմտից , 'ի քո հասակ , 'ի քո խառնուած և 'ի քո վիճակ կենաց , և վարուք իւրեանց դատասպարտ կացուացեն դքեզ :

Նոյն ինքն հրեշտակն քո պահապան դատախազ ելցէ ընդդէմ քո . կարէիր եթէ կամեցեալ էր քո . կորուստ քո 'ի քէն է : Կեն ինքնին զհաւատս քո ընդ կենացդ 'ի բազդատութիւն ածեալ անգոսնեացէ դքեզ :

Յայնժամ ընդվայր արտասուքդ լինիցին և թախանձանք , զի չէ ժամանակ թողութեան : Յայնժամ առ ոչ ինչ օգտեսցեն

քեզ ցար ՚ի վերայ անցելոցն, և խորչումն
 յապագայից. զի ոչ ևս է ժամանակ ուղ-
 զութեան: Յայնժամ ոչ կարասցես ապա-
 լինել և ՚ի զթութիւն Տիրամօրն, զի յայն ամ-
 պրոպային թութս զիշերին և լուսին ոչ տա-
 ցէ զլոյս իւր. այլ անդէն հուպ ընդ հուպ ու-
 բոտասցի անդարձ և անողորբլի վճիռ դա-
 տաստանին զկենաց քոց յոր կացցես մնաս-
 ցես ցյաւիտեանս ժամանակաց: Ա՛հ եղ
 դատաստան. Ա՛ վճիռ ահաւոր:

Ի Դ. Զ Ք

Ա. Կորանաց. Եղո՛ւկ զիս յաւուրն դա-
 տաստանի ՚ի բանալ մատենի խղճի մտաց.
 յորժամ ասասցեն Ա՛հա այր և գործք իւր.
 զի գործիցեմ, Տէր, յայնժամ, յորժամ եր-
 կինք յայտնեացեն զանօրէնութիւնս իմ, և
 երկիր դատախազ զարթիցէ հակառակ ինձ:
 Ա՛հ. ես եղէց անպատասխանի, այլ յա-
 մօթոյ կորանաց զերկիր նշմարեալ, զար-
 հուրեալ և դողացեալ կացից յանդիման ե-
 րեսաց քոց (Սուրբ Օգ. Մտ.):

Բ. Երկիրդի. Ա՛վ ժամ ահաւոր. և թերես
 ոչ կարիցեմ կալ զերծ, թերես ոչ յամե-
 ցէ պաշարել ունել զիս: Յո՛ր անձկութեան
 կամ: Անդանօր մեղքն դատախազք, և դա-
 տաստանն ահաւոր, և բացեալ ընդ ոտիւք
 սանդարամետն անդնդախոր, և ՚ի հանդի-
 պոյ դատաւորն ահեղ. և ՚ի ներքս յիս խիղճ
 մտաց խայթող: Ա՛հ. չիք ուրեք թագուստ,

և երևել յանդիման զիարդ իցէ Հնարաւոր .
 ծածկիլն անհնարին , և կալն յանդիման ա-
 հարեկ : Ո՞ է որ ոչ յարիցէ և ոչ զարհու-
 րեսցի առ ձայնն՝ Արիք մեռեալք , եկայք
 ՚ի դատ : Ա՛հ . « Երկնչիմ ՚ի քէն Տէր ,
 և զարհուրեալ է անձն իմ յոյժ . ահիւ և
 զողութեամբ սասանեցուցանես զամենայն
 ոսկերս իմ , յորժամ որոտաս յիս զգա-
 տաստանս քո » :

Գ . Յառոց . Եղո՛ւկ . որք են վնասապար-
 տութիւնք մեղաց իմոց . նախատեցի զնա
 ինքն , որում հաւատայի թէ դատելոց է
 զիս վասն այնր իմոյ յանցուածոյս . բայց
 արդ ապաշաւեմ : Ողորմեա ինձ Աստուած
 ըստ մեծի ողորմութեան քում , և ըստ բա-
 դում գթութեան քում քաւեա զանօրէնու-
 թիւնս իմ . զի ՚ի ծով ցաւոց ընկզմեալ արդ
 զարչիմ և մերժիմ ՚ի նոցունց , զի նորիմբ
 վշտացուցի զքեզ իմն բարութիւն . անդարձ
 ուխտիք խոստանամ զգոյշ կալ յայսմ
 հետէ և առյապայ ՚ի մեղաց , և արմատա-
 խիլ առնել զնոսին , և ևս առաւել (զա . ա .) :

Դ . Ծանօթոքրեան և առերոքրեան անձին .
 Ծանեայ , Տէր իմ , զի այր մեղաւոր եմ ընդ
 մեղօք վաճառեալ , և թաղեալ ՚ի խոհերս
 ամենայն ախտից , նախատինք մարդկան և
 արհամարհանք ժողովրդոց : Ծանեայ զի
 եմ ոչ ինչ , և ծնեալ իսկ ՚ի մեղս . դժկա-
 մակ առ բարիս և հակամէտ առ չարս . բա-
 դում են մեղք իմ քան զհերս զլխոյ իմոյ ,
 և կարծեցեալ առաքինութիւնք իմ են ախ-

տաւորութիւնք : Նախատեմ զանձն իմ ի ջեալ 'ի խորս անարգութեան իմոյ : Ո՛ր տայր ինձ իջանել 'ի նուաստութիւն առաջի մարդկան ըստ արժանեաց ախտաւորութեան իմոյ : Ո՛վ մարմին ողորմելի , 'ի սէր քո 'ի նուագս անթիւս զայրացուցի զգատաւորն ահաւոր , ահա երզնում լինել քեզ յայսմ հետէ թշնամի անողորելի : Ո՛վ ոսկեղինիկ անխտիր համակամութիւն առ ամենայն դէպս , առ ամենայն տեղիս , առ ամենայն պաշտօն և առ հիւանդութիւն և առողջութիւն . ես քոյովզ առաջնորդութեամբ ուխտ ընդ անձին հաստատեմ . ծառայելոյ Ստտուծոյ յայսմ հետէ զհետ գնալով կամաց նորա , զի արժանացայց լսել յաւուր միում 'ի Յիսուսէ դատաւորէն զայն երանական բան . « Եկայք օրհնեալք » :

ԵՐԿՐՈՐԴՈՒՄՆ ՍՈՒՂ

Ա . Ամենեքին մտանելոց եմք 'ի դատաստան , յորում խիստ քննութիւն լինիցի ամենայն գործոց մերոց , ամենայն : Ս . Ամենայն յանցուածոց : Բ . Անտեսութեանց բարեաց գործոց , ապախտաւորութեանց շնորհաց , արհամարհութեան սատարաց , ժամանակաց կորուսելոց , քանքարաց թագուցելոց : Գ . Բարեաց վեր 'ի վերոյ գործելոց կամ յեղանակն , կամ վասն պատճառին կամ վասն վախճանին :

Բ . Այսոքիկ ամենայն յանդիման եկեցեն

յայանի և սլարզ: Ըստ թուոյ, ըստ տեսակի և ըստ ծանրութեան 'ի քննութիւն առցին: Նոյնպէս և բերումն հոգւոյն և արմատքն ախտից. տեսցուք զընթացս կենաց ողջոյն 'ի սլատկերի իբրև 'ի հայեւոյ:

Գ. Չգուցէ տեղի ապաստանի և թագստեան, և ոչ անբասիր կարող իցես առնել զանձն՝ պատճառեալ զտգիտութիւն կամ՝ զսկարութիւն, կամ զգթուարութիւն և կամ՝ զհասակ կամ՝ զնառնուած բնութեան. զի յոլով սուրբք յայանեսցին, որոց 'ի մերում վիճակի յաղթող եղեալ ընդ սուրբս գատեցան: Նոյն ինքն հրեշտակ մեր պահասպան գատախազ մեզ կացցէ, և դեն ամբաստան. և ոչ առ Տիրամայրն պատսպարութիւն գացուք: Չիցէ ողորմութեան ժամ: Ո՛վ ահեղ գատաստան:

Ընթերցիր

Թովմ. Գեմբ. Գիւրբ Ա. ԳԼ. 24. Յօդ. 1. 2. 4. 5:

ԽՈՐՀՐԴԱԿՑՈՒԹԻՒՆ

Ի վերայ պատրաստութեան մահուան.

Ի համար պտղոց այսր սրբոյ առանձնութեան արժան է կարգել զերանական պատրաստականութիւն հոգւոյն, որով որ առանց յուղելոյ մտացն և կամ՝ յահ ըմբռնելոյ սրտին, դտանէ զանձն յամենայն

ժամու պատրաստ առ 'ի մահ: Քանզի արգարև որ ոչ պատրաստի 'ի մահ յաւուրս կրթութեան, երբ կարասցէ պատրաստել զանձն: Եթէ որ այժմ չեղիտ ժամանակ պատրաստելոյ զանձն, երբ այլ կարասցէ դտանել: Եւ ոչ իսկ կարասցէ որ անմեղադիր զանձն ցուցանել՝ որ զկնի աւուրցս այսոցիկ փրկութեան չիցէ պատրաստ առ 'ի մահ: Ո՛վ ընթերցող, ես առաջի արարիցքեզ զյեզանակ առ լաւ ևս պատրաստելոյ դքեզ. կալ զսոյն խոհական մտօք, և գտցես դքեզ շատացեալ և զոհ:

Ա.

Յեղանակ ընդունելոյ քրիստոնեարար զառաջին շուր մահուն ևս շուրս հասելոյ .

Խոնարհեալ 'ի ծունր յաղօթարանի քում, և կալեալ 'ի ձեռին զխաչն, նկարեալ յանդիման մտացդ զհրեշտակ քո պահապան՝ որ հասեալ կայ ազգ առնել քեզ զմերձենալ մահուդ, և ասէ. «Այսպէս ասէ Տէր, հրաման տուր վասն տան քո զի մեռանիս և ոչ կեաս»: Ընդ այս լուր, գոչեա՛ զուարթամիտ. Ահաւասիկ, Տէր իմ, պատրաստ կամ ծառայ քո. և յաւել ասել. Ո՛վ Տէր իմ և Աստուած, Տէր կենաց և մահու, որ 'ի պատուհաս մեղաց դատակնքեցեր զմարդ 'ի մահ, ահա հնազանդիմ

Եւ օրինաց քոց այսմիկ, դարչելով յամենայն սրտէ՛րի մեղաց խնոց . և զմահն, որում բազում անգամ եղէ արժանի մեղօք խնովք, արդ առնում յանձն մտադիր 'ի հատուցումն այնչափ մեղաց խնոց . զի հասից 'ի վայրն՝ յորում անհնար լիցի ինձ մեղանչել այլ եւ :

Այո՛, Տէր . մեռաց ուր և սրպէս և յորում ժամու կամք քո սահմանեսցեն, ամենեին անխտիր առ ամենայն ինչ : Աթէ կամիցիս մեռանել ինձ շարատանջ մահու տաղնապետալ 'ի ցաւս դառինս՝ համբուրեցից զաջ քո հայրախնամ, եղիցին ամենասուրբ կամք քո : Չեն այսորիկ տանջանք զժոխոց՝ որում եւ արժանացայ բազում անգամ մեղուցեալ . մեռաց առ ստելութեան մարմնոյս, զի կերակուր լիցի որդանց այս մարմին բազմամեղ : Մեռաց առ խոնարհութեան, զի դարձայց 'ի հող և յոչէութիւն, զի աշխարհ սրբեսցի 'ի չարեացապարտ մեղաւորէ աստի, որ անարդեալ զբաղցր լուծն Արարչին իւրոյ՝ տարածիզ հեռացաւ 'ի վախճանէն իւրմէ :

Բ

Քննուրիւն 'ի վերայ անցեալ և այժմեան
փիճակի կենաց հոգոյն .

Յառնուլ անդ զլուր մահուան՝ առաջին
պատկեր որ անդէն հարկանիցի մտացն՝ է
յիշատակ անցեալ կենացն, և յորում գտա-
նի : Յաջողուած իմն է քեզ այս բաղդի , և
թէ այժմէն 'ի քնին մատուցես զայն :
Վասն որոյ քննեա մտադիր

Ա. Որպիսի իցէ վիճակ այժմեան կե-
նացդ : Եթէ արդ հասցէ քեզ մահ , իցնս
պատրաստ . . . հարցանեմ խղճի մտացդ ,
ասա՛ , իցնս պատրաստ : Պահեցեր անբիժ
զպատմուճանն անմեղութեան՝ որ տուա
քեզ 'ի մկրտութեան : Եւ եթէ արատեցեր
մեզօք , լուացեր դարձեալ 'ի ձեռն ուղիղ
խոստովանութեան : Եղեր խոստովան զա-
մենայն զմեզս քո . և ուղղութեամբ : Տես ե-
թէ իցես զգեցեալ զզգեստ հարսանեաց , և
զարդարեալ հաստատուն շնորհօք : Կամի-
ցիս մեռանել 'ի վիճակին՝ յորում կաս
այժմդ : Եթէ յանկարծ այժմ կալցի զքեզ
մահ , չունիցիս ինչ որ վրդովեսցէ զքեզ , և
զհոգիդ 'ի տազնապի կացուսցէ . . . : Ա՛-
ինչ յերկմիտ խորհուրդս տատանիս . . . և
չրջին գոյնք երեսացդ . . . : Ա՛հ . որպի-
սի՛ յանդգնութիւն իցէ այդ , և զմի ևեթ

ժամ կալ 'ի վիճակիդ՝ յորում՝ մեռանել ոչ կամիս :

Բ. Ո՞րպէս էին անցեալ կեանքդ : Որո՞ց իրաց յածէիր 'ի խնդիր այնչափ հոգովք և վաստակովք : Ո՞ւմ նուիրեալ էին ժամա նակք քո և զործք և զօրութիւն ուժոյ քո . թերևս յաւիտենականութեան , հոգւո՞յդ , և Աստուծո՞յ . . . կամ թէ ունայնութեան , դատարկութեան , և դիւաց : Ընդ այնչափ ամս զորս կացեր , եղև քեզ և մի ամիս առ ունց ներելի մեղաց . և ընդէր է ինձ ասել մի ամիս , և մի օր : Նուիրեցեր երբէք 'ի ծառայութիւն Աստուծոյ ժամ մի անխառն 'ի թերութեանց ինչ : Յինչ զործ վաստակեցար վասն Յիսուսի փրկչին : Որո՞ց տարար վասն երկնից : Գործեցեր երբէք մեծ ինչ արժանի վարձուց : Ի հասանել 'ի դուռն մահուան՝ ո՞ր ինչ 'ի զործոցդ և անտեսութեանց տազնապեսցեն զքեզ : Ի հարցանել Աստուծոյ զպատճառս այսր և այնր զործոց , զինչ տացես պատասխանի :

Գ. Ո՞րպէս ցանկայիր եթէ կացեալ էր քո . զո՞ր դիտումն և կատարելութիւն ցանկայիր գտանել 'ի հանապազօրեայ զործս քո . յորո՞ւմ վիճակի գտանել զքեզ . կամ 'ի կոչմանդ ընտրելոյ՝ ո՞րպէս՝ կամէիր թէ նուիրեալ էր զկեանս քո Արարչին քում : Գառնանայր արդեօք քեզ յայնժամ , եթէ գտանէիր զկեանս քո մեծաւ մասամբ ծախեալս 'ի զործս բարեպաշտութեան : Իցես արդեօք հաճ ընդ զնացս անցելոց կենացդ :

Առ ինչ օգտեսցեն քեզ արդ կատարումն հաճոյից զգայարանաց և մարմնոյ, ունել առաւելութեամբ զամենայն պիտոյս կենաց առ ձեռն, և մեծ քան զայլսն երևել: . . .
 Եւ զինչ վնաս արդ քեզ եթէ կեցեալ էիր ՚ի հիւանդութեան, ՚ի կարօտութեան, յանձանօթս և յանարգութեան: Ա՛հ, ՚ի մահուն ցաւ մեծ կրեսցես ընդ զաղջութիւն աւուրց կենացդ, և խնդութեամբ լցցիս ընդ վաստակել քո անդուլ, ընդ տանել քո ամենայն վշտաց առ սէր հոգւոյդ և Աստուծոյ:

Գ. Ո՛րպէս լինիցի մահ քո: Թերևս այդ քո յողորմութիւն մտաց ՚ի չարն և ՚ի բարին, ՚ի զաղջութեան և յեռանդան, յուսացուցանէ զքեզ աներկբայ ստանալոյ ՚ի վախճանի զհաստատութիւն: Մահն արձագանդ է կենաց: Ի հրաշս զրեսցի եթէ որ կեանս վարեսցէ զաղջս, և մեռանիցի ՚ի սրբութեան: Եւ զինչ պատճառք իցեն ակն ունելոյ յաղթել փորձողին ՚ի կատարածի կենացն, յորում փաղանգք զիւացն ՚ի վերայ յարձակեսցին առ ՚ի ծանակել զհոգին, մանաւանդ յաւանդման հոգւոյն: Եւ իբր ոչ զանդիտես եթէ ոչ այժմէն յաղթեսցես կրիցդ որք իշխենն մտաց քոց. այնորիկ լինիցին զործի դաւանաց զիւին յելս կենաց քոց: Գործեցեր երբէք բարիս ինչ: Արարեր զհաստուցումս պատժոցն մեղաց գործովք ապաշխարութեան: Կարիցես խուսափել ՚ի բոցոյ քաւարանին: . . . Խորհեաց քաջ զայս ամենայն, զիր ուխտ ընդ ան-

ձին քում, և նշանակեա 'ի թղթի մի առ մի
 դամենայն: Ա՛հ. ասացից ընդ Պեմբացւոյն .
 « Քանի՛ երջանիկ է և իմաստուն , որ արդ
 ջանայ այնպէս վարել կեանս , որպէս ցան-
 կայ դտանել դանձն 'ի մահուն » :

Գ

Հոգևորական ընդունելութիւն վերջիև բոշակիև
 և օծման .

Ապաշաւեալ քո 'ի բեկեալ սրտէ 'ի վե-
 րայ մեղաց քոց , և ուխտ ընդ անձինդ հաս-
 տատեալ բիրբիցս յանձն առնուլ զմահ՛ քան
 մեղանչել այլ ևս , պատկերեա 'ի միտս քո
 ածեալ առ քեզ զյետին թոշակն սուրբ , և
 ամենախոնարհ երկրպագութեամբ ընկալ
 զնոյն Հոգևոր ազգմամբ 'ի սիրտ քո : Ապա
 կնքեալ խաչիւ զհինգ զգայարանսդ , զորս
 սովոր են օծանել իւղով սրբով , ասա ե-
 ոանդեամբ . Ի ձեռն սուրբ օծմանս և իւ-
 րով ողորմութեամբն թողցէ ինձ Տէր զոր
 ինչ տեսանելեօք ✠ , լսելեօք ✠ , հոտոտե-
 լեօք ✠ , ճաշակելեօք և բանիւ ✠ , շօշափե-
 լեօք և ոտիւք ✠ , յանցեայ . յանուն Հօր և
 Որդւոյ և սրբոյ Հոգւոյն . Ամէն :

Յաւեսց միանգամայն 'ի խորոց սրտիդ
 'ի վերայ մեղացդ զործելոց 'ի ձեռն այ-
 սոցիկ զգայութեանց , նուիրելով Տեառն՝
 զցաւսն՝ զորս կրեաց 'ի նոսին զգայարանս

Յիսուս փրկիչ մեր 'ի քառութիւն մերոցն :
Ապա նկատեալ զքեզ ինքն 'ի միջոցին երկուց յախտենականութեանց , երանականին և աղետաւորին , անդէտ առ որ կայցէ քեզ մտանել՝ դարհուրեալ դողա :

Ա.Մ . . . Ընդէր տրտում ես անձն իմ՝ և ընդէր խռովես զիս . յուսա առ Աստուած , որ կարող է և զիտէ և կամի փրկել զքեզ . զի որչափ և ծանունք իցեն մեզք քո՝ այլ ոչ հասանեն 'ի չափ անհուն ողորմութեան նորա : Հայր է նա վշտակից հիւանդութեան որդւոց իւրոց , ճանաչէ զինելն մեր զիւրազայթ , և զթութիւն նորա 'ի վերայ ամենայն արարածոց իւրոց : Որ ետ մեզ զորդին , ժխտեսցէ՞ տալ զերկինս : Շլացեալ ունի զաչս՝ որ երկմտի ընդ զթութիւնն Աստուծոյ : Ի միտ առ և զայս՝ ունիմք բարեխօս առ Հայր զՅիսուս Քրիստոս զարդարն . ունիս քեզ ջատագով զվէրս նորա . քեզ է 'ի սպարդե արիւն նորա և արդիւնք զործոց նորա : Զայսոսիկ մատուցեալ 'ի կշիռ արդարութեանն Աստուծոյ , առաւել քան զարժանն լինիցի հատուցումն սպարտուցդ : Ահա տես զՍէր քո 'ի խաչի , որ խոնարհեցուցանէ զզլուխ իւր քեզ 'ի համբոյր , տարածէ զձեռսն 'ի փարիլ զքե , բանայ զկողան զի 'ի նմա սրատասպարեսցիս : Արդ զյոյս քո 'ի նա հաստատեա : Ապա յառեալ 'ի խաչն զաչս քո , խանդաղատեալ ըղձիք ասա .

Հաւատամ քեզ , ճշմարտութիւն գերա-

բուն, խոնարհիմ առաջի քո զի եմ ոչ ինչ. ցաւիմ զի դառնացուցի զքեզ բարութիւն անհուն. ուխտիք խոստանամ յանձն առնուլ զմեռանելն, և ոչ ՚ի թեթե յանցանս գտանել. ակն ունիմ հանդիպել յողորմութենէ քումիէ ներողութեան շնորհաց և փառաց. սիրեմ զքեզ ՚ի վեր քան զամենայն, Սէր իմ խաչեալ. գոհանամ զխնամոց զթութեան քո զորս ցուցեր ինձ յամենայն կեանս իմ. զքեզ միայն խնդրեմ իմ միակ վախճան. զամ առ քեզ, ընկալցիս. ահա հոգի իմ ՚ի ձեռս ձեր Յիսուս, Մարիամ և Յովսէփ:

Դ

Իդձք հոգոյն զկնի մահոռան.

Աւարտեալ զայսոսիկ ըղձական հառաչանսդ, մեռեալ զքեզ կալ ՚ի մտի, և լքեալ զաշխարհ, անցեալ զնացեալ ՚ի տուն քո յաւիտենից, և մտեալ ՚ի դատաստան, և դատապարտեալ ՚ի հուր քաւարանին: Արդ քննեա հակիրճ բանիւ.

Ա. Յորժամ հոգի քո մեկնեալ ՚ի մարմնոյդ, լքեալ զամենայն զգոյսդ՝ ժամանեացէ ՚ի հանդերձեալ աշխարհն, որով աչօք ականարկեսցէ առ դիակնացեալ մարմին և առ այնչափ սիրեցեալսն յիւրմէ ՚ի հտպտանս նորա. զխաբի ջանկայր թէ վարեալ էր զմար-

մինն՝ և որպէս վայելեալ 'ի հտարտանս նորա : Զոր դատաստան արասցէ զպատուոյ փառաց , և զոր դանխտիր համակամութենէ առ ամենայն ինչ :

Բ . Ի մտանել անդ յայն բոց զինչ դատաստան արասցէ զչարութենէ մանունց մեղաց , և զկամաւոր ապաշխարութենէ , և զջանից կատարելութեան . ասաւ արդ զինչ օգուտ 'ի վայելից ամենայն տիտիանայ 'ի կեանս աստ , 'ի փառսն , 'ի բերկրութիւնս , որովք յաւելուցուն խոշտանդանք քաւարանին : Գարձեալ որ վնաս յաղքատութենէ , 'ի նախատանայ , 'ի չարակրութեանց , որովք զերձանէիր , կամ զոնեա նուազ կրէիր զայդ դառն տանջանս :

Գ . Եթէ զկնի մահուն շնորհէր քեզ դառնալ 'ի կեանս , և հրեշտակ քո սրահապան ազգէր յունկն քո՝ թէ յետ ամսոյ դարձեալ մեռանիցիս , որպիսի վարէիր կեանս յամսեանն յայնմիկ , որպիսի կեանս . . . Յաճեցո սուղ ինչ զմիտս քո յայսոսիկ , և նորոգեա զուխտս սրտիդ զոր եզեր ցայս վայր . և վարեա կեանս յետ այսորիկ որպէս նորոգ դարձելոյ 'ի մարմինն , դարձելոյ 'ի դատաստանէն , և որ մեռանելոց իցէ դարձեալ զկնի լրանալոյ ամսոյն . « Երանի իցէ ծառային այնմիկ , զոր եկեալ տէրն զտանիցէ արարեալ այնպէս . ամէն ասեմ՝ ձեզ , 'ի վերայ ամենայն ընչից խրոց կացուսցէ զնա » :



ԽՈԿՈՒՄՆ Գ

Ի ՎԵՐԱՅ ԱՆԱՌԱԿ ՈՐԴԻՈՅՆ

Մ ա ս ն Ա

Զմտաւ ամ զգործս անառակ որդւոյն , որ առեալ զմասն իւր երթայ 'ի հեռաւոր աշխարհ . եւն յայսմ զէպք երեք արժանիք մտախոհութեան . ա . Վայրն յորմէ մեկնի . բ . Յոր ուղղեալն է . գ . Պատճառ չուոյն : Առաջին՝ մեկնեալ հեռանայ յամենաբարի հօրէն , որ սիրէր զնա զթով . 'ի հայրենի տանէ , յորում առատութիւն էր ամենայնի . յընտանեացն և 'ի բարեկամաց , որք յարգէին զնա և սիրէին : Եւ երթայ յաշխարհ հեռի անձանօթ ինքեան , 'ի հայրենեացն յոյժ բացակայ : Իսկ պատճառ չուոյն՝ ստահակութիւն , յիմարութիւն և խեռութիւն . քանզի ոչ յանձն առնոյր կալ յայն վայր , յայն պաշտօն և յայն գործ , զորս հայր նորա սահմանէր վասն նորա . այս է 'ի տան հօրն , առ եղբօր իւրոյ՝ որ ամենայնիւ էր հլու և զբաղեալ 'ի գործս տանն : Բայց քանի՜ աղետից եղև նմա այս պատճառ :

Զայս առակ կշռեա ընդ կենաց քոց , և տեսցես լեալ պատմութիւն . քանզի մեզանչել ծանունս ընդդէմ Աստուծոյ՝ է հե-

ուանալ 'ի նմանէ , արհամարհեալ զսէր նո-
րա : Ապա յամենայն նուազս 'ի մեղանչել
քո ծանր , դերեսս 'ի բաց դարձուցեալ քա-
նէիր զԱստուած . ա՛հ . զԱստուած , զհայր
քո զորովական , զամենասիրելին , զամե-
նախնամն , զառատածեունն , զլրումն եր-
ջանկութեան և փառաց . զաղբիւրն քաղ-
ցրութեան և անդորր խաղաղութեան . և
երթայիր , եզո՛ւկ . քեզ թշուառացելոյդ , 'ի
զորձ մեղաց , քան զոր հեռագոյն յերկնից
չիք այլ իմն վայր բնակութեան . զնայիր
առ աղբիւրն խոովայոյդ ամբոխութեանց ,
'ի ծագ աղետալի թշուառութեանց : Եւ զայս
առնէիր , առ . . . ա՛հ . ամօթն հատանէ դրանս
իմ : Եւ այսպէս մեկնեալ հեռանայիր յԱ-
րարչէն քումմէ յայն ամենայն նուազս՝
յորս յեռանդանէ անկանէիր 'ի զաղջու-
թիւն . յայն ամենայն նուազս՝ յորս սակա-
սեալ յոսկեղինիկ անխտրութենէ , կամէիր
կալ յայլ տեղի , յայլ պաշտօն և յայլ զորձ ,
արհամարհեալ զոր սահմանէր քեզ Աս-
տուած Տէր քո : Եւ քանի՛ անձկութեանց
և ս՛րչափ աղետից այս եղև քեզ պատճառ :

Ա՛հ . Հայր զթութեանց , և ես երկն-
չիմ իրաւամբք , մի և ինձ ասասցես զոր
առ Խորայելացիսն բան . « Գուք թողէք զիս ,
և ես թողից զձեզ » : Բայց յիշեա , զի թէ-
պէտ ես ուրացայ կոչիլ քեզ որդի , բայց
դու ոչ կասեցար 'ի լինելոյ ինձ հայր : Արդ
ողորմեա ինձ , և 'ի կապանս սիրոյ քո դար-
ձո զիս զփախստականս , 'ի զիրկս սիրոյ քո :

Մ ա ս ն Բ

Կայց ՚ի զնին զործոց անառակ որդւոյն . արածէ նա զխողս . ա . Ս. դքատ և մերկ . « Սկասա չքաւորել » . բ . Մեռանի ՚ի սովոյ . « Սովամահ կորնչիմ » . գ . Լքեալ և ՚ի նոցունց , որոց վասն ծախեալ էր զամենայն ինչս իւր . « Յարեցա ՚ի մի ոմն ՚ի քաղաքացւոց » . դ . Եւ տէր նորա անգութ աչօք ՚ի նա տկնարկէր . « Յզեաց զնա յազարակ իւր արածել խողս » : Այս է զործ հոգւոյն որ մահուչափ մեղուցեալ լքանէ զարարիչ իւր . կամ ՚ի ձեռն թեթև յանցուածոց յեռանդանէն ՚ի գաղջութիւն անկեալ հեռանայ յԱստուծոյ :

Քանզի և հոգին վատնէ զիւր ստացուածսն , զչնորհսն , զժամանակն , զկարողութիւնս իւր , և զյաջողութիւն մտացն , թէ և ոչ ՚ի շոայլ զեղխութեան , այլ և ոչ ըստ կրօնաւորական կարգաց : Արով և ինքն է՝ ա . Ս. դքատ և մերկ . մերկ , զի է մերկացեալ յանձնէ զպատմութեանն շնորհաց . ադքատ , զի է զրկեալ ՚ի լուսոյ և յօգնականութենէն Աստուծոյ , և յաւելուածով զի է վիրաւորեալ յաւազակացն զժոխոց : բ . Եւ ինքն մեռանի ՚ի սովոյ . զի տաղակացեալ է յերկնաւոր մանանայէ , այս է ՚ի խոկմանց , ՚ի հացէն հրեչտակաց , որ է հազարգութիւնն սուրբ . խորչի յառաքինական զործոց , որք զօրացուցիչ են հոգւոյն .

և փոխանակ՝ ցանկայ ինքն լնուլ զորովայն իւր եղջերօք , այս ինքն խնդրէ զհաճոյս մարմնոյ և զկատարումն կամացն : Գ . Եւ ինքն անտեսեալ է , ծաղրեալ , և ՚ի կապանս մատնեալ ՚ի նոցունց իսկ , յորոց ՚ի սէր դառնացուցեալ էր զՏէրն , յարգար սպառուհաս ըստ համաչափ օրինաց , որ ելլք ՚ի սէր արարածոց զԱրարիչն , նովին համաչափ դժբանօք լիցի և ինքն ՚ի նոցունց : Դ . Եւ ՚ի կրից իսկ յայնցանէ՝ որոց ծառայէ կուրութեամբ մտացն , յանողորմ գատի : Մանաւանդ զի՛ որպէս անառակ որդին ցանկայր լնուլ զորովայն իւր յեղջերէն՝ զոր խողքն ուտէին , և ոչ որ տայր նմա , այսպէս և հոգին զրկի ՚ի հաճոյիցն յայնցանէ որոց ակնկալութեամբ մերժեաց յանձնէ զգերագոյն բարին , զի կամ ժխտին նմա , կամ բառնին ՚ի նմանէ , և կամ դառնանան նմին առ տաղտկութեան և կամ ՚ի խղճէ մտացն հարեալ : Ո՛ աշխարելի և ուղորմ կենացն :

Իսկ եղբայր ցոփ վատնչին որպիսի՛ խաղաղաւէտ վարէր կեանս ՚ի տան հօրն : Եթէ և ինքն ապաշնորհն կացեալ էր անդէն և ծառայեալ հօր իւրոյ , յոյժ նուազ լեալ էին վիշտքն քան զայնոսիկ՝ որոց տարաւ ցանկութեամբ վարելոյ կեանս իմն բերկրականս , և զհետ զնալոյ հաճոյից կամացն : Սոյնպէս ևս հոգեսէրքն յոյժ նուազ կրեն անձկութիւնս ՚ի ճանապարհի առաքինութեանց հնազանդեալք շնորհաց , քան

զթերատեսան զհետ զնալով բնութեան և վարելով զմեղկ կեանս : Զի « Առաքեսցէ 'ի վերայ նոցա զսրամտութիւն բարկութեան , արկցէ զնոքօք ցաւս , և մի ապրեսցին 'ի ձեռանէ երկաթոյ . խոցոտեսցէ զնա ազեզն սղզնձի . անցցէ ընդ մարմինս նորանես » :

Մ ա ս և Գ .

Տես զանառակ որդին զարձեալ առ հայրն . յորգոր եզեն նմա առ այս երեք պատճառք . ա . Յիշատակ անցելոց երանութեանց և առատութիւն տան հօր իւրոյ . « Քանի՛ վարձկանք են 'ի տան հօր իմոյ հացալիցք » : բ . Աղէտքն՝ յոր պաշարեալ կայր » . « Եւ ես աստ սովամահ կորնչիմ » : գ . Յիշատակ զթութեան ամենաբարի հօրն . « Գնացից առ հայր իմ » :

Խորախորհուրդ զննեալ զերեսին պատճառս զայսոսիկ , նոքին և քեզ լինիցին համողկեր՝ ուղղութեամբ սրաի դառնալոյ առ Աստուած , ուղղեալ ընդ շաւիղն որ հանէ առ վերջին վախճան քո : Պատճառքս այսոքիկ են , ա . Յիշատակ մխիթարութեան ամացն այնոցիկ , յորս ծառայելով եռանդազին Արարչին քում՝ վայելէիր յերկնային իմն ափոխանս և յանդորրութեան : բ . Բազմաատութիւն հիզութեան կենացդ որ արդ 'ի մեղկութեանդ , ընդ երանութեան նախնոյն եռանդան ժամանակին : գ . Յիշատակ բա-

բութեանն Աստուծոյ, որ բարեղթութեամբ կոչէ 'ի շաւիղն ուղղութեան զմեզուցեալն մոլորեալ: Եւ 'ի տատամսել նորին՝ երկայնամտէ, հուսկ յետոյ 'ի դառնալ նորա՝ Վրկախառն սիրով փարի զնովաւ, և ազուցանէ նմա զառաջին պատմութեանն և զարդարէ զնա:

Ընթերցիր զբան աւետարանին, և զարմասցիս ընդ զթութիւն գորովական հօրս: « Եւ մինչդեռ հեռագոյն էր, ընթացաւ ընդ առաջ »: Այս է առ ձեռն պատրաստութիւն ողորմութեան: « Անկաւ զպարանոցաւ նորա, և համբուրեաց զնա »: Այս խանդաղատանք զթոյն: « Ասէ փաղվաղակի հանէք զպատմութեանն առաջին և ազուցէք նմա, և տուք զմատանին 'ի ձեռս նորա »: Այս է լիութիւն շնորհացն: « Եւ ածէք զեզն սլարարակ, զենէք, կերիցուք և ուրախ լիցուք »: Այս խնդութեանն անչափութիւն: Ահա այսպէս առ ձեռն պատրաստ, խանդաղական լիութեամբ խնդալից և հնչտ հանդիպումն թողութեանն յամենաբարի հօրէ, լիցի ազդոյ զրդիւ դառնալոյ զղջացեալ 'ի զթալից զիրկս ողորմութեան նորա:

Ի Ղ Զ Բ

Պարտ է հարկանիլ 'ի նոյն խանդաղատական կիրս ցառոց, որով հարաւ թշուառացեալս այս որդի առաջի արհամարհեալ

խորոյ հօր: ա. Յառոց. 'ի բեկեալ սրտէ 'ի վերայ յանցուածոց. Հայր, մեղայ յերկինս և առաջի քո: Ես արժանացայ բխրիցս մատնելոյ 'ի տանջանս դժոխոց. և դու ոչ միայն թողուս ինձ, այլ և յօժարակամ հրաւիրես զիս դառնալ 'ի գիրկս քո: Գու, ամենարարի հայր, յառաջես առ 'ի փարիլ դամենաչար որդւովդ, տարածես զբազուկդ առ ընդգրկել զիս. խոնարհիս 'ի համբոյր ինձ, դարձեալ ազուցանես ինձ զպատմութեանն շնորհաց, զոր ամբարշտութեամբս կորուսի. զարդարես զիս մատանեաւ սիրոյ, զոր անլուր դրժանօք 'ի բաց արկեալ էի. այս չէ շատ. այլ և պատրաստես սեղան հրեշտակային հացիւ, կազդուրես 'ի սուրբ հաղորդութեան զսիրտ իմ հիւծեալ:

Ո՛ր անբաւ զթութիւն. ա՛հ. յիմարին միտք իմ. ոչ ևս կարեմ անլսող լինել այնչափ բարութեանց քոց: Ահա դառնամ առ քեզ. ոչ մերժեսցես զդարձեալն և զղջացեալ, որ այնպիսի համբերութեամբ անտեսս արարեր զփախուստ նորա և զմեղսն, և այնպէս զթալից կոչեցեր առ քեզ: Բա՛րէ. բա՛րէ. ես զքեզ զայրացուցի, զհայրդ իմ. . . և զորպիսի՛ հայր. . . և քանի՛ արհամարհանօք. աղէ, ո՛ր տայր ինձ ապաշաւ իմն սրտի անչափ և անվախճան:

բ. Զգոշուշքեան յապագայս. Ուխտ անդարձ ընդ անձին իմոյ հաստատեցի: Ելից և ես ընդ անառակին և զնացից առ հայր իմ. ելից խողս թաւալեալ 'ի տիղմ. խոր-

տակեցից զշղթայս ակառից, դարձայց առ հայր իմ: Ակայ կոչեմ զերկինս և զերկիր. դարձայց, ս'վ Աստուած իմ, հաստատութեամբ ծառայելոյ քեզ յայսմ հետէ. ամենայնիւ անխափր համակամ յամենայնի կամաց քոց:

գ. Խոնարհութեան. Ատելով դամբարտաւանութիւն՝ դարմատն ամենայն չարեաց. Չեմ արժանի կոչել որդի քո: Ազազակեցից ընդ սրբոյն Բեռնարդոսի. «Որո՞վ զիմօք ամբարձից դաչս իմ յերեսս ամենաբարի հօր որդիս ամենաչար»: Մեղաւոր եմ ոչ միայն անարժան պատուոյ, զովութեան, մեծայարգ տեղոյ և պաշտաման, այլ և արժանի անարդանաց և նախատակոծ լինելոյ:

դ. Ատելութեան անձին. Արհամարհելով զհաճոյս մարմնոյ, որ է երկրորդ արմատ մեղաց: Արա զիս իբրև զմի՛ի վարձկանաց քոց: Խորշիմ՝ և մերժիմ՝ ի սիրոյ անձին, որ ետ ինձ լքանել թողուլ զամենասիրելին զհայր, և ամ եհան զիս յաշխարհ հեռի՛ զի վատնեցից զամենայն ինչ իմ: Ատեամ և զանձն իմ, զի և ես կամակցեալ ՚ի մեղսն եզէ արժանի յախտենական ատելութեան Արարչին իմոյ: Եզի հաստատութեամբ ՚ի միտս իմ, վրէժ խնդրեցից յանձնէս, ամից պատուհաս անձին իմոյ. և ՚ի հատուցումն արդարութեան նորա մտազիւր յանձնս առից զամենայն վաստակս, ցաւս, անձկութիւնս, թշուառութիւնս զորս մատուցէ ինձ:

և . Մանօրոտը տեսնեմք ինձ . Ո՛ր Տէր , ես ինքն եմ որդին այն անառակ , որ ելիք եթող դքեղ . ես տեսանեմ զիս նկարեալ յառակին քում , և է սպառկեր ճշգրիտ հոգւոյ իմոյ հեռացելոյ 'ի քէն և զրկելոյ 'ի շնորհացո՞ւմ փախուտն այն , ախտաւորութիւնքն այնորիկ , աղքատութիւնն , անսուաղութիւնն և վատնումն : Բայց արդ դառնամ առ քեզ , հայր բնկալ զիս , և դարման տար չարեաց իմոց մեծամեծաց :

ԵՐԿՐՈՐԴՈՒՄՆ ՍՈՒՂ

Ա . Անառակ որդին առեալ զբաժին իւր , երթայ յաշխարհ հեռի : Աժ 'ի յիշատակ . Ուստի՞ մեկնի . - 'ի գորովալից հօրէ : Ո՛ւր երթայ . - յաշխարհ հեռի և անծանօթ : Առ ի՞նչ . - միայն առ ստահակութեան և խակութեան : Հան 'ի քեզ զառակդ , և տեսցես զայն լեալ սպառնութիւն . Թողեր զԱստուած զաղբիւրն ամենայն բարութեանց : Գարձար 'ի մեղս յաղբիւրն ամենայն չարեաց : Առ ի՞նչ այս ամենայն . ամաչեմ և 'ի խորհել անգամ :

Բ . Աժ 'ի յիշատակ զանառակ որդին որ արածէր զխոզս . Աղքատ և մերկ : Մեռանի 'ի սովու : Լքեալ և 'ի նոցունց , որոց վասն ծախեալ էր զամենայն ինչս իւր : Եւ աէր իսկ նորա , որում ծառայէրն , անողորմ դատէր զնա : Այս է գործ հոգւոյն հեռացելոյ մեղօք յԱստուծոյ , որ կորուսանէ զշնորհս : Տաղտուկ են նմա առաքինա-

կան գործք, և զըկեալ յօգնականութենէ նոցին հիւժի: Նոքին իսկ, որոց հաճոյանալ կամելով մեղուցեալ է, Լքանեն զնա: Եւ նոքին իսկ կիրքն որոց ծառայէ, ասգնապէն զնա: Այլ որպիսի էրջանիկ վարէր կեանս որդին հնազանդ 'ի տան հօր իւրոյ:

Գ. Աժ 'ի յիշատակ զանառակ որդին՝ որ դառնայ առ հայրն: Աժեալ ընդ միտ զյիշատակ առաջին էրջանիկ կենացն: Նկատեալ զթշուառութիւնն՝ յորում կայր: Եւ զգորովական սիրտ հօրն: Այսոքիկ և քեզ լինիցին 'ի գրգիռ: Յիշատակ էրջանիկ կենաց քոց, մինչդեռ վառեալ էիր յեռանդն: Պատկեր այժմեան ազետիցդ 'ի մեղկութեան քոյ: Եւ յիշատակ բարութեանն Աստուծոյ:

Ընթերցիր

Թովմ. Գեմբ. Գիւրբ Դ. ԳԼ. 9. Յօդ. 2. 3. 6:





Օ Ր Չ Ո Ր Ր Ո Ր Դ



Ա. Զ. Դ

Ատեցեալ զմեզս և ընդ որդւոյն անառակի դարձեալք 'ի գիրկս հօր, խոստացաք ծառայել նմին յամենայն կամս իւր: Այլ քանդի ոչ գիտեմք զճանապարհն ընդ որ պարտիմք գնալ, և անծանօթք յեղանակին գնալոյ զհետ կամաց նորա, պէտս ունիմք առաջնորդի զի ուղղեցիմք ընդհետս նորա, և օրինակի՝ զի կրթեսցուք 'ի նմանութիւն նորա:

Սա ինքն է Յիսուս Քրիստոս Տէր մեր, յորոյ 'ի նմանութիւն յորդորիմք յառաջիկայ խօհմանս: Եւ ստուղին՝ զոր պարտիմք ժողովել, է հաստատուն իմն ուխտ ծառայելոյ Աստուծոյ յայսմ հետէ, թեևակոխեալ 'ի նմանութիւն Յիսուսի այնու օրինակաւ, զոր մեզ ցուցցէ յայտօսիկ աւուրս կրթութեան:

ԽՈԿՈՒՄՆ Ա

ԹԱԳԱՒՈՐՈՒԹԻՒՆ ՔՐԻՍՏՈՍԻ

Ձեկոչցոչմե

Չոր օրինակ եթէ թաղաւոր որ երկրաւոր ընտրեալ յԱստուծոյ, քաջայաղթ և մեծանձն, սիրեցեալ և մեծարեալ յոյժ 'ի քրիստոնէից, հրաւէր կարգայցէ ամենեցուն ելանել զհետ իւր՝ ասելով. կամք են ինձ աշխարհակալել զերկիրս անհաւատից. որ որ հաճեսցի զալ ընդ իս՝ հարկ է զի իմով պարենիւս շատասցի և զղեստու, ընդ իս վաստակեսցի և հսկեսցէ, բայց և ընդ իս ապա փառաց յաղթութեանն իմոյ լիցի կցորդ՝ որպէս վաստակոցն եղև: Որպիսի՞ որ իցէ զօրական անարի, կամ՝ ասպետ վատ, որ ոչ խրախուսեսցէ երթալ զհետ այնպիսոյ սիրեցելոյ քաջի արքայի և վեհափառ թաղաւորի, և թիկնադարձոյց առ հրաւէրն հրաժարեսցէ 'ի բաց:

Հանդոյն ամենեկին և Քրիստոս տէրն մեր թաղաւոր երկնաւոր հրաւէր կարգայ առ ամենեսեան ասելով. « կամք են ինձ աշ

խարհակալել զտիեզերս, և հնազանդեցուցանել զամենայն զթշնամիս իմ, և այնպէս մտանել 'ի փառս յաւիտենական Հօր իմոյ: Ար դայ զհետ իմ 'ի չարակրութիւնս, մացէ ընդ իս և 'ի փառս»: — Արդարեւ որ միտս ունի պարտի ընդունել զայսպիսի վսեմական առաջարկութիւն. իսկ որ առաւել առատամիտ գտանի և ջերմագոյն 'ի սէր թագաւորին մերոյ Յիսուսի, ոչ շատ գրելով անձին ընթանալ զհետ նորա ընդ այլոցն ամենեցուն առ հասարակ *, մատուցանէ

* Այսոքիկ քանք առաւել իմն ցուցանեն քան զանխաիր համակամութիւն գնալոյ զհետ Յիսուսի. քանզի որ այսպէս կամի կապիլ 'ի սէր Քրիստոսի, ոչ միայն պարտի պատերազմիլ ընդ մարմնոյ և ընդ արեան զգուշացեալ յանպաաշաճիցն, այլ պարտի հրաժեշտ տալ և 'ի պաաշաճից իւրումն վիճակի: Եւ է այս արդարեւ բորբոքումն 'ի սէր Քրիստոսի, և մեզ իսկ կարի 'ի գէսլ յամենայնի կամել վշտաց ասնել 'ի սէր Յիսուսի. ունել զսոյն նպատակ 'ի միտան հաստատուն, և յամենայնի որչափ 'ի ձեռս մեր է ընարել առնուլ յերկուց գործոց զվշտաբերսն: Եւ մեր ծանուցեալ միանգամ զսէրն Քրիստոսի թագաւորին մերոյ առ մեզ, իբր հանգուրժեացէ առաւելութիւն սիրոյ մերոյ առ նա կալ անխաիր և 'ի հաճոյականս մեր, 'ի կարողանալն և յայնմ կրել վշտս ինչ առ սէր նորա. և չհամարեացի՞ այդ նուազութիւն սիրոյ մերոյ առ Քրիստոս: Հասկա եղբարք, զինուորեալքս 'ի սէր նորա, ջանասցուք առ սէր նորա ամենայնիւ գնալ զհետ սիրոյ նորա.

զանձն նմին առաւելաւն, խոստացեալ զոր-
ծել և ընդդէմ հաճոյից մարմնոյ իւրոյ և
աշխարհի, ցանկալով՝ վառեալ ՚ի հուր սի-
րոյ նորա, նմանիլ նմին ինքեան, (եթէ այս-
պէս հաճոյ իցէ նմա և առաւել ՚ի փառս),
տանել ամենայն նախատանաց և անարդա-
նաց և աղքատութեանց :

Զայսոսիկ այսպէս նախածանօթ արա-
րեալ մատիցուք յերիս մասունս խոկմանցն :

Մ ա ս և Ս

Պարտ և արժան է մեզ զնալ զհետ
Քրիստոսի Տեառն մերոյ՝ ա . Վ . ասն իշխա-

և շնորհն Աստուծոյ զօրացուցէ զմեզ ՚ի սոյն :
Չերկարեմ ՚ի բանսս . զի որ սկսանի սիրել, առ-
նու զճաշակ սիրոյն . ինքնին վառի թևակոխել ՚ի
սոյն . և թէ կամիցիս կապեալ կացուցանել զնա
յանխտիր համակամութեան, նա ՚ի կշիռ սիրոյն
թերի զայն գտեալ, խզեսցէ զկապան, յամօթ ան-
ձին գրեալ զմէտ կշռոյ սիրոյն Յիսուսի ունել
այդպէս պակասեալ յիւր կողմն՝ ՚ի կշիռ սիրոյ
նորա . գիտելով հաւաստի զի եթէ և ՚ի կտանս
տանջանաց զօրեսցէ կալ ընդ բիւր դարս առ սէր
Յիսուսի, ոչ կարացցէ հաւասարել նորա սիրոյն
առ ինքն : Զայս ՚ի համառօտն նշանակեցի, զի իւ-
րաբան չիւր ոք գիտացցէ կշռել զսէր իւր առ սէրն
Քրիստոսի ամենայն զօրութեամբ ըստ տանելոյ
տկարութեան իւրոյ . զի մի ՚ի զննուորութեան
յոր գրեցաք, հեռի ՚ի բանակէն Քրիստոսի շրջես-
ցուք պատրեալք :

նութեանն զոր ունի 'ի վերայ մեր . նախ՝
 ըստ իրաւանց պատերազմի . զի ժողովուրդ
 եմք մեր նորա սեպհականք , նուաճեալք 'ի
 նմանէ , յորժամ կործանեաց մահուամբ
 իւրով զթագաւորութիւնն զժոխոց : Արկ-
 րորդ՝ իբրև զնեալք . զի զին եմք արեան
 որդւոյն Ասատուոյ : Արրորդ՝ իբրև տու-
 եալք նմին 'ի սարգև և թողեալք 'ի ժա-
 ոանդութիւն . « Զի զամենայն ինչ ետ հայր
 'ի ձեռս նորա , և զնա կացոյց ժառանգ
 ամենայնի » : Զորրորդ՝ իբրև ընտրեալք առ
 'ի նմանէ . զի նա ընտրեաց զմեզ 'ի ծառայս
 իւր և 'ի հպատակս , և մեր ընտրեալ կա-
 լար զնա մեզ 'ի թագաւոր և յիշխան , հրա-
 ժարեալք յաւազանին մկրտութեան 'ի սա-
 տանայէ , 'ի մարմնոյ և յաշխարհէ . և 'ի
 կրօնաւորական կեանս կապեալ զմեզ ուխ-
 տիւք ընդ նմա . այնպէս զի առ մէն մի 'ի
 մէնջ մարթ է ասել զայն՝ զոր ասէր Մով-
 սէս առ Իսրայէլ . « Դու ընտրեցեր զՏէր ,
 լինել քեզ Աստուած . զի զնամոցես 'ի ճա-
 նապարհս նորա . և Տէր ընտրեաց զքեզ ,
 զի լինիցիս նմա ժողովուրդ սեպհական ,
 ժողովուրդ սուրբ » : Եւ մեր ածեալ զմտաւ
 զայս ամենայն , և դարձեալ երկմտիցիմք
 եթէ արդեօք զհետ զնայցեմք հետոյ Տեառն ,
 ընդ որում ցայս վայր կապեցաք : . . .

բ . Պարտ և արժան է դարձեալ զինուո-
 ըիլ մեզ ընդ այսու դօրադիխաւ վասն պայ-
 մանայն առաջարկելոյ մեզ . զի յամենայն
 վաստակս պատերազմին հասարակորդ լի-

ցուք ընդ նմա, 'ի կերակուրս, 'ի զղեստս
և 'ի հսկմունս. 'ի պատերազմունս և 'ի
վէրս: Մանաւանդ զի ինքն նախ 'ի զխմի
հարկանիցի 'ի փտանդան, ինքն նախ հար-
թեսցէ զընդդիմակ խոչսն, առաջին յար-
ձակմանցն ինքն զգէմ' ունիցի: Աներկրայ
է յաղթութիւնն, մեծափառ է յաղթանակն,
անանց է փառքն: Եւ իցէ՞ ինչ այլ զխաղ-
ղապոյն. և ո՞ր այլ փաստ հզօրապոյն, հա-
մոզկեր ելանելոյ զհետ: . . .

գ. Պարտ և արժան է ելանել զհետ թա-
գաւորիս փասն վախճանին առ որ բերի,
որք են կրկին. ա. Փառքն Աստուծոյ զոր
պարտ է հռչակել վաստակելով 'ի կորուստ
ախտից, և արկանելով 'ի գործ զառաքի-
նութիւնս, զի փառաւորեսցի Հայր յՈրդի:
Եւ զի այս փառք է միայնակ վախճան ա-
մենայն գործոց սրբոյ Երրորդութեան, փասն
որոյ զերազանցութեամբն յաղթէ ամենայ-
նի որ չիցէ Աստուած: բ. Երանութիւն
մարդոյ. զի եկն որդի մարդոյ խնդրել և կե-
ցուցանել զկորուսեալն: Երանութիւնս այս
է անդին և անհասանելի մտաց, զի է յին-
քեան նոյն ընդ երանութեանն Աստուծոյ,
այսինքն յախտենական և անչափ: Ակն
յանդիման տեսանի 'ի ամին, չլինել հնա-
րաւոր առաջի առնել այլ իմն վախճան օղ-
տակարապոյն և զերազանց քան զայս: Ո՞
արդ երկմտեսցի ընդ պատճառս յառաջե-
րեալս, և ոչ խոստովանեսցի լինել պարտ
և արժան զնալ զհետ Յիսուսի Քրիստոսի

Տեառն մերոյ : Այո՛, անժխտելի պարտք են, սի՛ Տէր , և ես ելից զհետ քո յանձին կալեալ զամենայն : « Կենդանի է Տէր և կենդանի է տէր իմ արքայ , զի 'ի տեղուջ ուր տէր իմ արքայ իցէ , և 'ի մահու և 'ի կեանս անդ եղիցի և ծառայ քո » :

Մասն Բ

Ծառայել Յիսուսի Քրիստոսի 'ի փառս է մեզ . ա . Ասան վեհափառութեան առաջնորդին , քանզի ինքն է տէր իշխանութեանց և պետութեանց . թագաւոր փառաց , պատկեր Աստուծոյ և նկարազիր էութեան նորա , յորում՝ ծածկեալ կան ամենայն զանձք իմաստութեան և զիտութեան , յորում՝ բնակէ լրումն աստուածութեանն մարմնապէս , որում՝ տուա ամենայն իշխանութիւն յերկինս , և յանուն նորա կրկնեսցի ծունր յերկնաւորաց և յերկրաւորաց և 'ի սանդարամետականաց . և դու չառնուցո՛ւս յանձն զնալ զհետ առաջնորդիս այսորիկ , և ազաղակեսցես ընդ ապստամբսն . ոչ կամիմք թագաւորել զմա 'ի վերայ մեր : Քա՛ն յինէն , Տէր իմ Յիսուս , զրժանք այսպիսի . դու Տէր իմ և Աստուած իմ ես . լինել քեզ ընթացակից 'ի մեծ փառս է ինձ :

բ . Ասան զերազանցութեան ծառայութեանն . քանզի որք ծառայեն Աստուծոյ , թագաւորեն . զի ծառայել նմա է թագաւո-

րել : Մանաւանդ թէ լինին Աստուածք՝ ըստ սաղմոսին . « Ես ասացի թէ Աստուածք իցէք » : Լինին բարեկամք , որդիք և ժառանգք . « Գուք բարեկամք իմ էք և որդիք բարձրելոյն ամենեքին » . դուք ժառանգք քայտութեան , դոր խոստացաւ Աստուած սիրելեաց իւրոց : Եւ զինչ այլ առաւել մեծափառ ասել իցէ Հնար :

Արդարև իսկ ամենայն վեհափառութիւնք թաղաւորաց աշխարհի , առաջի այսորիկ զերաստիճան ծառայութեան , են նուաստութիւն , մթաղնութիւն և անարդութիւն : « Զիք այլ քաղցր քան զհայել ՚ի պատուիրանս Աստուծոյ » : Աստուծոյ են բանքս . և Աստուած ոչ ստէ : Հսկա « Ոչ խառնեսցուք զանուն վատութեան մերոյ ընդ արութիւնս քաջութեան » : Խուսարիւլով ՚ի խաչէ , որ է դրօշ Քրիստոսի :

Մ ա ս և Գ

Զհետ զնալ Քրիստոսի՝ հեշտին է և քաղցր . ա. Վասն ուղւոյն ընթացից , յորում ինքն յառաջոյ երթայ : բ. Վասն օղնութեանն մատուցելոյ մեղ : գ. Եւ վասն ընկերացն՝ դորս մեղ ուղեկցէ : Զի որք մտադիւր զհետ զնան հետոց նորա ընդ շախիզն առաքինութեան , սքանչելի իմն փոխանակութեամբ զժուարինքն լինին ՚ի դիւրինս և առապարքն ՚ի հարթ ճանապարհս : Սղնեալք ՚ի շնորհացն Աստուծոյ , ոչ եթէ ընթանան , այլ թռա-

նին ընդ անհարթ և ընդ անկոխ շախիզս , և արիացեալք ևս յօրինակէ ուղեկցացն , յորում տեսանեն զբազումս զիմեալս 'ի մի սիրտ և միով ոգով արութեան վառեալք :

Ուսեալք 'ի փորձոյ՝ աներկբայ ճանաչեն լինել առաւել զժուարակոխ ճանապարհ զաշխարհին քան զՔրիստոսին , և զի ընդ ճանապարհն մեղկութեան առաւել անձկութիւնք են՝ քան թէ յեռանդեանն : Նպաստն շնորհաց հարթէ դամենայն զբժուարինս , քաղցրացուցանէ դամենայն դառինս . այս միայն խորհուրդ՝ եթէ այս որ և այն յաջողեցան 'ի նոյն , հեշտին զործէ , բարձեալ դամենայն խոչսն : Ո՛վ , սրպէս քաղցունք են ճանապարհք Յիսուսի . « Ճանապարհք նորա ճանապարհք բարեաց , և ամենայն շախիզք նորա խաղաղութեամբ » , քաղցրութեամբ առաքինութեանն : Վուծ նորա քաղցր , զի օծեալ է շնորհօք . և բեռն նորա փոքրոզի՝ ընկերութեամբ ուղեկցացն : Եւ դու պղերդացեալ չկամիցին զնալ ընդ այն ուղի , առնուլ զլուծն զայն և տանիլ զբեռն . հրաժարեալ յընկերութենէ անտի , յորում բազմութիւն քաջաց հեղմամբ իսկ արեան իւրեանց վկայեցին զիւրին և քաղցր զգնալն զհետ Քրիստոսի : Հսպա , լեր 'ի միտս , վատախորհուրդ դու և անարժան անուանելոյ բրիստոնեայ : Համարեաց լինել քեզ առաջի մեծազօր թագաւորի , որ արդարակորովն է և անյաղթ , զօրաւոր 'ի մարտի , բա-

բերարոյ . որ հրաւէր կարգայ քեզ սիրա-
յորդոր , զնալ ընդ իւր յաշխարհակալու-
թիւն՝ զոր կամի առնել , եղեալ քեզ առաջի
պայմանս թեթեա և քեզ ՚ի պատիւ . եր-
զուեալ քեզ զի ինքն յամենայնի նախա-
մարտիկ յարձակեսցի ՚ի պատերազմել , և
զի բաժանորդ լինիցիս որպէս վաստակոցն
նոյնպէս և փառացն . ժողիցիս զու չկամիլ
ընկերել նմա , և չհամարիցիս անմիտ ա-
պախտաւոր :

Արդ եթէ հրաւիրանաց ՚ի պատերազմ
յաջակցութիւն երկրաւոր թաղաւորի ար-
ժան իցէ լինել յանձնառու և մտադիր , ո՞ր-
չափ առաւել Քրիստոսի Տեսուն մերոյ ,
վասն իշխանութեանն՝ զոր ունի ՚ի վերայ
մեր , վասն պայմանացն՝ զորս առաջի առ-
նէ մեզ , և վասն վախճանին՝ յոր բերի :
Ո՞րչափ առաւել չիցէ՞ մեզ ՚ի պատիւ ընկե-
րել առաջնորդիս այսմիկ վասն վեհափա-
ռութեան անձին իւրոյ , վասն զերազան-
ցութեան ծառայութեանն , վասն լինելոյ
զիւրին զնալ զհետ նորա , և վասն զիւրա-
զնաց ճանապարհին : Եւ յիրաւի չգտանիցի
ոք այր մտացի որ ոչ ցանկասցի բովանդակ
նուիրել զանձն Քրիստոսի , և ոչ զոչեսցէ
բղձիւք ՚ի սրտէ .

Ի Ղ Չ Ք

Ահա , ո՞վ հզոր թաղաւոր և Տէր ամե-
նայն եղելոց , ես թէպէտ յամենայնի ան-

արժան, նուիրեմ՝ քեզ զանձն իմ բովանդակ, ապախնեալ ՚ի շնորհս քո և յօգնականութիւն ձեռին քո, և յանձն առնեմ ամենասուրբ կամաց քոց զամենայն ինչ զիմ. վկայ կոչեմ զանհուն բարութիւն քո, և զօգոստափառ զսուրբ կոյս Մարիամ զԱստուածածինն զմայր քո, և զամենայն բնակիչս երկնից՝ խորհրդոց մտաց իմոց և ցանկութեան սրտիս և անդարձ հաստատութեան մտացս, զի ՚ի փառս քո և յօգուտ հոգւոյ իմոյ, ընտրեցի զալ զհետ քո, կալով մօտ առ քեզ ըստ կարի, տանել նախատանայ և ամենայն հակառակաց ճշմարիտ հոգւով ազբատութեան յամենայնի, եթէ այս իցեն կամք քո՝ ուղղել ինձ առ քեզ ընդ այս ճանապարհ կրօնաւորական կենաց:

Եւ արդարև զինչ այլ առաւել սարտուպատշաճ գործ քան զճառայելն քեզ, որոյ եմն բովանդակ, յորմէ ընկալեալ եմ զամենայն, և զարձեալ ՚ի քէն երկնչիմ և յուսամ ընդունել զամենայն, և առանց քո ոչ ինչ կարեմ: Եւ ո՞ր ինչ այլ առաւել մեծապատիւ կայցէ և առաւել բերկրական քան զճառայելն քեզ, որ հրամայել իսկ է և ոչ թէ ծառայել, և լուծ քո քաղցր է քան զամենայն քաղցրութիւն: Այլ քանիցս ասացեալ է իմ թէ ոչ ծառայեցից. Քանիցս ապստամբ երևեալ եմ և ապառում, և ըզքաղցր զայս լուծ խորտակեալ և ընդոտնեալ:

Ա՛հ . խոստովան լինիմ՝ դմեզս իմ . մոլորեցայ իբրև զոչխար կորուսեալ : Արդ ինքնակամ արկանեմ՝ զձեռս իմ՝ ի շղթայս , և զսարանոց իմ՝ ընդ լծով : Եկից զկնի քո ուր և երթիցես : Հրաժարեցայց ՚ի զործոց խաւարին , և եկից զկնի քո , ո՛վ լոյսդ կենաց . միայն դու ուսո՛ ինձ առնել զկամս քո , զյեղանակն որով կամիս զի նմանեցայց քեզ . և ահա ես պատրաստ կամ՝ զայ զկնի քո , պատրաստ և անխտիր առ ամենայն ինչ :

ԵՐԿՐՈՐԴՈՒՄՆ ՍՈՒՂ

Ե . Պարտ և արժան է մեզ գնալ զհետ Քրիստոսի Տեառն մերոյ . Թ . Վասն իշխանութեանն՝ զոր ունի նա ՚ի վերայ մեր . Եթէ ըստ իրաւանց պատերազմի , Եթէ իբրև գնեալք ՚ի նմանէ , և Եթէ իբրև սարգևեալք և ՚ի ժառանգութիւն ելեալք նմա , Եթէ իբրև ընտրեալք մեք ՚ի նմանէ և նա ՚ի մէնջ , զոր ընտրեալ ընկալաք ՚ի մկրտութեան մեզ ՚ի Տէր :

Բ . Վասն սլայմանացն զոր մեզ առաջն առնէ . քանզի ամենայն վշտաց և օգտութեանց պատերազմին ՚ի մասն հաւասար բաժանորդ լիցուք նմին , այսինքն ՚ի սարէնս , ՚ի զգեստս , և ՚ի վաստակսն . ոչ միայն ՚ի պատերազմունս և ՚ի հարուածս վերացն , այլ և ՚ի յաղթութիւնս , ՚ի յաղթանակսն և ՚ի փառսն :

Գ . Վասն վախճանին առ որ բերի , որք են կրկին . առաջին է փառքն Աստուծոյ որ է ՚ի ջանս

գաղարեցուցանելոյ զտխտս և պայծառանալոյ յառաքինութիւնս . և երկրորդն է երանութիւն մարգոյ . զի և կն որդի մարգոյ խնդրել և կեցուցանել զկորուսեալն :

Բ . Գնալ զճեա Քրիստոսի է մեզ 'ի փառս . Թ . Վասն վեհափառութեան առաջնորդին , որ է Տէր տերանց և որում կրկնեն ծունր երկինք երկիր և սանգարամեաք : Բ . Վասն գերազանցութեան ծառայութեանն . զի ծառայել նմա է թագաւորել , և ծառայք նորա լինին որդիք և բարեկամք և ժառանգք . Մեծ փառք են ծառայել Աստուծոյ :

Գ . Գնալ զճեա Քրիստոսի հեշտին է և բերկրական . Առաջին վասն ճանապարհին , յորում ինքն յառաջոյ երթայ հարթելով շնորհօք իւրովք զամենայն առապարս , և քաղցրացուցեալ զամենայն դառնութիւն : Երկրորդ , վասն օգնութեանն՝ զոր մատուցանէ մեզ : Երրորդ , վասն ընկերացն՝ զորս շնորհէ մեզ :

Եթէ թագաւոր ոք երկրաւոր հրաւիրեալ էր զմեզ առ 'ի պատերազմակից լինել այսպիսի վեհ պայմանօք , ո՞ այն վաստատոհմիկ՝ որ ոչ առնոյր յանձն երթալ ընդ նմա : Եւ Աստուծոյ որ անչափութեամբ առաւելեալ է յառատաձեռն պայմանն , ո՞չ կամիցիմք երթալ զինի :

Ընթերցիր

Թովմ . Գեմբ . Գիբբ Ա . ԳԼ . Ա .

ԱՐԱՊՈՒՄՆ

Յաղագս նմանող լինելոյ Քրիստոսի .

Ա.

Հրաժարեալք յառաջագոյն 'ի մեղաց , ուխտ եղաք առաջի Աստուծոյ՝ զնալ զհետ Քրիստոսի Տեառն մերոյ անխտիր համակամութեամբ առնել զամենայն որպէս ինքն հրամայեսցէ : Այս ոչ այլ ինչ է , բայց եթէ լինել նմանող Քրիստոսի . քանզի առ այս կոչեցեալ եմք , որպէս ասէ առաքեալն Պետրոս , « Զի զհետ զնասցուք հետոց նորա » : Արդար իրաւամբք . զի ինքն է օրինակ զոր հայր ետ մարդկան , զի օրինակաւ նորա նորոգեսցուք , և զասլականեալ վարս մեր սրբեսցուք , և զզնացս մեր ուղղեսցուք 'ի ճանապարհն խաղաղութեան : Վասն որոյ 'ի նմանութեան Քրիստոսի է այն բռլորանուէր յանձնառութիւնն , որով կամի Աստուած Տէր մեր զի ծառայեսցուք նմա :

Քանզի կամի Աստուած ծառայել մեզ նմա այնպէս , որպէս անկ իցէ և կարեոր առն իւրաքանչիւր առ փրկութիւն իւր . և այս իսկ է վասն քրիստոնէից նմանութիւնն Քրիստոսի : Եւ որպէս միակ և առանձին վախճան մարդոյ է ծառայել Արարչին իւրոյ , այսպէս ևս միակ և առանձին վախճան քրիստոնէի է նմանող լինել Քրիստո-

սի . վասն որոյ ասէր սուրբ Գրիգոր Նաղիանդացի , թէ « Քրիստոնեայն է այլ ոմն Քրիստոս » . այսինքն այր՝ որ 'ի կեանս և 'ի գնացս իւր առաջի առնէ զնոյն ինքն Քրիստոս . և զայս անհնար է առնել առանց նմանելոյ նմին : Ապա և առն քրիստոնէի միակ և առանձին պարտք են լինել նմանող Քրիստոսի Տեառն մերոյ :

Եւ կարևոր իսկ է յոյժ առ ժամանել 'ի վերջին վախճանն . զի որպէս ոչ կարէ ժառանգել զարքայութիւնն Աստուծոյ որ ոչ ուզողութեամբ սրտի ծառայեսցէ նմա , այսպէս ևս ոչ կարասցէ ժառանգել զնոյն որ ոչ նմանի Քրիստոսի Յիսուսի : Նա ինքն ուսոյց մեզ զսոյն յասելն . « Ոչ որ զայ առ Հայր՝ եթէ ոչ ինն » . այսինքն , որպէս պարզարանէ Կուռնելիոս , եթէ ոչ նմանելով ինձ : Եւ զի ինքն միայն է ճանապարհ՝ որ ածէ 'ի կեանս . որ ցանկայ հասանել այնմ , պարտի գնալ որպէս և նայն գնաց : Դարձեալ՝ « Զոր յառաջն ճանաչէր , յառաջագոյն հրաւիրեաց կերպարանակից լինել պատկերի որդւոյն իւրոյ » : Ապա ոչ որ զասեսցի ընդ ընտրեալսն , եթէ ոչ կերպարանակից լիցի Յիսուսի Քրիստոսի . և ոչ որ կարասցէ կերպարանակից նմին լինել , առանց զհետ զնալոյ հետոց նորա : Ահա օրինակն՝ որով կամի Աստուած զի ծառայեսցուք նմա :

Այս երկրորդ մասն կրթութեանս է տարացոյց Լուսաւորիչ ճանապարհին . զի

վախճան այսր մասին է առնուլ յօրինակ ինքեան զՔրիստոս Տէրն մեր իբրև ճշմարիտ ճանապարհ . զի ինքն Քրիստոս է արեզակն արդարութեան , որ լուսաւորէ զամենայն մարդ որ զալոց է յաշխարհ : Եւ ինքն իսկ ասէ զանձնէ . « Ես եմ ճանապարհ . ես եմ լոյս աշխարհի . որ զայ զկնի իմ ընդ խաւար մի գնասցէ , այլ ընկալցի զլոյսն կենաց » : Նախընթաց խոկումն առաջնորդեաց մեզ յայս ճանապարհ և յայս լոյս . իսկ առաջիկայս ուսուցանէ մեզ գնալ զհետ Քրիստոսի առանց իջանելոյ ՚ի գործնականս . թողեալ զնոյն այլոց խոկմանց որ զհետն զան :

Բ

Նախընթաց խոկումնն կոչի խոկումն թաղաւորութեանն Քրիստոսի . վասն զի առաջի առնէ զՔրիստոս Տէրն մեր իբրև նորոզիչ արքայութեան Հօր իւրոյ երկնաւորի , զոր կործանեալ էր Ադամ և սերեալքն ՚ի նմանէ : Գարձեալ որպէս խոկումն վախճանի մարդոյ է հիմն և հաստատութիւն բովանդակ կրթութեանս , նոյնպէս և սա է իբրև հիմն ամենայն հետագայ խոկմանց . զի այնորիկ ամենայն այսմ զհետ զան , մանաւանդ յընտրել անդ զյեզանակ նմանելոյ Քրիստոսի Տեառն մերոյ : Վասն որոյ հարկ է միտ զնել այնմ ուշի ուշով , զի և որ զհետզան խոկմունք՝ բազմարդիւնք լինիցին : Յաւել և զայն զի խոկումնս այս է ազ-

դոյ 'ի սիրտ ընդմտատար, զի է համառօտութիւն իմն կենաց և գործոց Քրիստոսի Տեառն մերոյ 'ի վաստակսն յանձնեալս նմա 'ի Հօրէն. այս ինքն 'ի յաւելուած փառացն Աստուծոյ և 'ի փրկութիւն մարդկան:

Եւ զիրաւ ևս հարկանի մտաց նմանութեամբ երկրաւոր թագաւորի, որ հրաւիրէ զհպատակսն 'ի մարտ: Ասն զի եթէ վատաբաղդ կոչի այր՝ որ անլսող գտանի թագաւորին իւրոյ ընդ այսպիսի մարդասիրական դաշն, որպէս ոչ անուանեսցի վատ և յիմար նա որ չառնուցու յանձն ելանել զհետ Քրիստոսի, որ պայմանս առաջի առնէ նմա անչափ առաւելեալս առատութեամբ փոխարինացն:

Ապա ամենայն մարդ՝ որ առողջ միտս ունիցի, 'ի նմանութենէ աստի վառեալ 'ի սիրտ՝ զզենու քաջալերս, զօրացեալ 'ի գործ այսպիսի աստուածահաճոյ, որպէս զօրավարն Ուրիա 'ի բաղդատել զանձն ընդ զօրազլխոյն իւրոյ Յովաբայ, յասելն առաջի Դաւթի մեծանձնութեամբ. « Տէր իմ Յովաբ և ծառայք Տեառն իմոյ բնակեալ են 'ի բացի, և ես մտանիցեմ 'ի տուն իմ՝ ուտել և ըմպել և ննջել ընդ կնոջ իմում. կենդանի է անձն քո թէ արարից զբանդ զայդ»: Այս և մեր լինիցի խորհուրդ. Տէր իմ Յիսուս՝ զօրավարն մեր, է աղքատ, անարդեալ, ցաւալից. և ես կամիցիմ լինել մեծատուն, պատուեալ, և 'ի սփոփանս. կենդանի է անձն քո թէ արարից զբանդ զայդ:

Պտուղ խոկմանս այսորիկ է զարթուցանել 'ի մեզ վառեալ իմն փափաք նմանելոյ զօրավարին մերոյ Աստուծոյ մարդացելոյ, և զործակից լինելոյ նմա առ այն մեծ վախճան 'ի փառաւորել զյաւիտենական Հայր իւր, և 'ի փրկել զկորուսեալ Հոգիս մարդկան: Եւ զի չիք գտանել այլ իմն վախճան հրաշափառագոյն կարևոր և աստուածահաճոյ իբրև դաս, ապա և պտուղ մտածութեանս է գերազանց յոյժ, և արժանի հարկանելոյ յեռանդն մեծ 'ի խոկումն սորին: Յայս խոկումն հիմնեալ է սկիզբն կրօնաւորական կենաց, յորում իբրև յարմն ամենայն կատարելութիւնք մեր ամփոփեալ են:

Գ

Այլ Փրկիչ մեր հրաւէր կարգայ ամենեցուն դալ յաջակցութիւն յայս զործ վեհափառ. այսինքն առ ընդարձակել զհոգևորական թագաւորութիւն իւր, մեծացուցանելով զփառսն Աստուծոյ 'ի նմանութեան Քրիստոսի Տեառն մերոյ, Հոգալով զփրկութիւն անձին և զայլոց: Ասացի եթէ կոչէ զմեզ զամենեսին. զի « Ետ Աստուած զամենեսին զմեզ 'ի փրկութիւն կենդանութեան 'ի ձեռն Տեառն մերոյ Յիսուսի Քրիստոսի » . զի մեր իւրաքանչիւր զհետ ընթացուք նմա, յոր կոչումն կոչեցաք կալով 'ի նմին. այս է ասել. որպէս 'ի դէպ պատ-

չաճիցի կոչման իւրաքանչիւրոց : Ամենեքին ունին կոչումն իմն առանձին կարգեալ Սասունոց, որպէս ասէ առաքեալն . « Ոմն այսպէս և ոմն այնպէս » : Սա 'ի կուսութիւն, նա յամուսնութիւն, մին յեկեղեցական կարգ և միւսն 'ի կրօնաւորական և ամենեքին պարտիմք նմանող լինել Քրիստոսի ըստ տանելոյ կոչման մերոյ :

Յայսմ երեի զանազանութիւն աստիճանաց 'ի նմանութեան Քրիստոսի : Աստիճանքս այսոքիկ են զանազանք 'ի կատարելութեան . որք և առնուցուն զպսակն, մեծ կամ փոքր ըստ աստիճանի կատարելութեանն յորում պատերազմեալ իցէ ուրուք 'ի մարտի աստ ընդ թշնամեաց փրկութեան մերոյ : Եւ պարտ է մտադիր լինել 'ի խոկումն այսոցիկ աստիճանաց : Առաջինն է մարտ ընդդէմ ապստամբութեան մարմնոյ, զգայարանաց, անձնասիրութեան և աշխարհի : Երկրորդն է յանձնառութիւն վաստակոց : Երրորդն՝ աղքատութիւն հոգոյ : Չորրորդն՝ աղքատութիւն ստացուածոց : Հինգերորդն՝ զօրութիւն 'ի տանել անիրաւութեանց և ընդդիմակաց : Երկու յետինքս են կրկին վերնագոյն և գերամբարձ աստիճանք, առ որս բերին նոքա՝ որք կամիցին անձնամատոյց լինել 'ի ծառայութիւն Սասունոց :

Բայց որպէս առ ամենայն վիճակ կենաց, տեղոյ, պաշտաման՝ պարտ է լինել անխտիր համակամ կամացն Սասունոց ,

սապէս և յայսոսիկ աստիճանս : Քանզի որպէս սկզբնական վախճան առաջնոյ մասին է ծառայել Աստուծոյ՝ զհետ զնալով կամաց նորա , այսպէս ևս վախճան այսորիկ է ծառայել Աստուծոյ նմանելով Քրիստոսի յայնմ՝ կոչման՝ զոր ընտրեալն է որ և կամ ընտրեսցէ , յայն աստիճան կատարելովթեան՝ յոր հաճեսցի կոչել զնա Տէր յաւուրս յայսոսիկ կրթութեան . զի յայսմ ոչ է այլ ճանապարհ սպահնով քան զիւր աստուածային կաման : Յոյր սակս զայս անխտիր համակամութիւն հաստատել պարտ է ՚ի չորս իրս , որպէս ՚ի չորս հիմունս , որք են ուխտ կամ խոստումն նմանելոյ Քրիստոսի յԱղքատութեան կամ ՚ի լիութեան , ՚ի Պատիւ կամ ՚ի նախատինս , յԱռողջութեան կամ ՚ի հիւանդութեան , յԵրկար կամ ՚ի սուղ կեանս , հրաժարելով ՚ի վարելոյ զամենայն արարածս յորժամ չիցեն ՚ի սլատիւ թագաւորին մերոյ , և խոստանալով հաստատութեամբ ուտել և ազանիլ զայն , զորս ինքն զգենոյր և ուտէր . և վաստակել և հսկել և պարապել ՚ի զործս , յորս տեսանեմք զնա առաջնորդ և օրինակ :

Դ

Այլ այս արիական անխտրութիւն ոչ պարտի լինել մեզ պատճառ իմն անկանելոյ ՚ի թմբիր և ՚ի յիմարական իմն անզոր ծութիւն , շիջուցիչ աշխուժից եռանդան

հոգւոյ՝ որոյ ակն եղեալ իցէ առ գերագոյն
կատարելութիւն : Այլ պարտի լինել այն-
պէս , զի ՚ի կալն պատրաստ խաղաղական
հոգւով՝ ՚ի լնուլ զկամս Աստուծոյ յամենայն
ժամու , յամենայն գործս և յամենայն տե-
ղիս և յամենայն աստիճանի , ձգեսցի միշտ
ազատակամ բերմամբ զնալ զհետ Քրիս-
տոսի մերձ ընդ մերձ ըստ կարի , և ցան-
կասցի և ուխտ հաստատուն ընդ անձին
կնքեսցէ չկասելոյ երբէք մինչև ոչ հասցէ
՚ի գերագոյն կատարելութիւն , մինչև ոչ
տեսցէ զանձն ՚ի ձեռս բերեալ զվախճանն
գերագոյն մեծացուցանելոյ զփառս Աս-
տուծոյ՝ ՚ի հոգալ զփրկութիւն անձին և այ-
լոց : Ասան որոյ որ կամիցի պարապել ՚ի
կրթութիւն , պարտի յառաջագոյն հաստա-
տել ՚ի մտի զյօժարակամ յանձնառութիւն
զիմելոյ ՚ի կատարելագոյն աստիճան ըստ
իւրումն կարի ամենայն գորութեամբ որ-
չափ իցէ ՚ի ձեռին իւրում , և որչափ ինչ
յաւելուցու Տէր՝ ՚ի նմա զչնորհս իւր և զկար :

Աստանօր սկսանի հոգին պատրաս-
տիլ յընտրութիւն կոչմանն : Ասացի պա-
տրաստիլ . քանզի մինչդեռ յանձն առնու
զանխտիր համակամութիւն գործելոյ զայն
ամենայն զոր ծանիցէ հաճոյական Աստու-
ծոյ , ՚ի բաց եղեալ զանկարգ բաղձանս առ
արարածս , սկսանի ևս յանձին զգալ վա-
ռեալ իմն ցանկութիւն բուռն հարկանելոյ
զկատարելագոյն գործոց . և այսպէս յայտ
է զի պատրաստի հոգին ընտրել զկատարե-

լազոյն աստիճան կենաց, յորում ճանաչէ թէ կամք Աստուծոյ են զի ծառայեսցէ նմա. և կամք Քրիստոսի Տեառն մերոյ, զի յայնմ հաստատեալ նմանեսցի ինքեան:

Եւ զի յաջողեսցի զործն, պարսպեալքն 'ի կրթութիւն այսր երկրորդի մասին՝ պարտին բերել յանձինս զեռանդն և զփափաք մեծ յառաջելոյ յընտրութիւն կոչման կենաց իւրեանց, կամ 'ի յառաջազոյն ընտրեալ կոչմանն՝ ելանելոյ յառաւել բարձրագոյն աստիճան կատարելութեան: Ասացի եռանդն և փափաք. զի այս զործ եթէ մերձ ոչ ունիցի զեռանդն հոգւոյ, ոչ յաջողեսցի: Ապա յայտ իսկ է թէ մեծապէս սխալեն որք համարին պատշաճ յայս մասն կրթութեան խուն ինչ զիջանել յառաջնոյ եռանդանէ:

Ի նախընթաց խոկման ուխտ եղեալ նմանելոյ յամենայնի Քրիստոսի Տեառն մերոյ 'ի ճանապարհն կատարելութեան, 'ի հետազայ խոկմունս մարդեղութեան, ծննդեան և այլոց տնօրէնութեանց նորա պարապի հոգին 'ի խնդիր կատարելութեանց՝ առանձինն կարևորաց ինքեան, արկեալ 'ի ճիշդ քննութիւն թէ որպէս և կամ յորս պարտ իցէ ինքեան նմանել իւրումն զօրավարի: Բայց քանզի Քրիստոս յամենայն զործս կենաց իւրոց ոչ այլ ինչ արար բաց 'ի սլատերազմելոյ ընդդէմ երից զօրացեալ կրից աշխարհի, ազահութեան, մարմնոյ հաճոյից և ամբարտաւանութեան, ընդդէմ

արկեալ նոցա ուղղակի զաղքատութիւն ,
 դցաւ՝ ամենայն աղետիցն հանդիսիւք ,
 դանձանօթն լինել և զխոնարհութիւն : Ա-
 սպա և մեք կամեցեալ նմին զհետ զնալ ,
 պարտիմք միշտ կրել յանդիման աչաց զե-
 րեսին զայսոսիկ զհզօր թշնամիս կատարե-
 լութեան և փրկութեան մերոյ , առ 'ի սպ-
 տերազմել զօրութեամք , և ոչ տալ երբէք
 դուլ և դադար , մինչև հարեալ ցրեալ զնո-
 սա , ժառանգեսցուք զերիս առաքինու-
 թիւնս ընդդիմակս նոցուն՝ զսէր Աղքատու-
 թեան և Վշտաց և Խոնարհութեան՝ երկար
 փորձով 'ի գործ նոցին լեալ կիրթք :

Արդ պտուղ խոկմանս այսորիկ զոր
 արարաք՝ է վտռեալ փափաք և հաստա-
 տուն ուխտ զնալոյ զհետ Քրիստոսի 'ի ստա-
 ցումն առաքինութեանցն այնոցիկ : Արդիւ-
 րին ևս լիցի եթէ զօրս զայս ողջոյն սլարա-
 պիցիմք 'ի խոկումն ճշմարտութեանս այսո-
 րիկ , և զհոգևոր ընթերցմունսն ևս ընտրեալ՝
 զի իցեն պատկանեալք յայս խորհուրդ . և
 զի այսօր ամենայն խորհուրդք մտաց մե-
 րոց յածիցին յևս քան զևս 'ի հաստատու-
 թիւն ուխտի մտաց մերոց , պարտիմք հե-
 ոացուցանել 'ի մէնջ զայլ ամենայն խոր-
 հուրդս , զբարիս իսկ՝ որք 'ի բաց տարեալ
 հեռացուցանեն զմիտս մեր յառաջադիր
 խոկմանէս :

Խ Ո Կ Ո Ի Մ Ն Բ

ՅԱՂԱԳՍ ՄԱՐԴԵՂՈՒԹԵԱՆ

Մ ա ս և Ս

Երկրորդ անձն սրբոյ Երրորդութեան՝ որ մարմին զգեցաւ, խրատէ զմեզ յարդել, սիրել և ցանկալ խոնարհութեան, այս ինքն անարգանաց. « Ուսարութ յինէն զի հեղ եմ և խոնարհ սրտիւ » : Արդարև իսկ խորհուրդքն մարգեղութեան են սքանչելիք նուաստութեան վասն երից այսոցիկ սլատ ճառաց : ա . Վասն միութեան բանին ընդ մարմնոյ . քանզի այսու, Աստուած անմահ, անչարչարելի, հզօր, կարող և թագաւոր փառաց, կոչեցաւ չարչարելի, այրի տանջանս, արհամարհանք ժողովրդեան : Սովին միութեամբ՝ էն անսկիզբն միացաւ ընդ ոչէութեան մերում յախտենական յօղիւ, այնպէս՝ զի մի և նոյն Քրիստոս է մարդ և Աստուած : Ո՛ խոնարհութիւն, այնչափ առաւել անճառահրաշ, որչափ առաւել անբաւութեամբ տարանջատ կայ մարդկայինս բնութիւն յաստուածայնոյն : Ո՛վ Տէր իմ Յիսուս, և ես չկամիցիմ՝ յանձն առնուլ կոչիլ յայլոց վատատոհմիկ, տգէտ, անխոհեմ, ախտաւոր, մինչդեռ Աստուած ՚ի

սէր իմ կոչի աղքատ, տկար, խաբերայ,
որդն և նախատինք մարդկան :

բ. Խորհուրդքն մարդեղութեան են սքան-
չելիք խոնարհութեան 'ի պատճառս մար-
մնոյն, զոր ընկալաւ բանն Աստուծոյ: Քան-
զի հոգին Քրիստոսի, 'ի պահուանդ յորում
ստեղծաւ, վայելէր յերանական տեսու-
թեան. և զի պէտք էին և մարմնոյն լինել
հաւասարապատիւ, մարթ էր Քրիստոսի
միանալ ընդ փառաւորեալ մարմնոյն զար-
գարելոյ չորիւք երանելեացն ձրիւք, լինել
անմահ, անչարչարելի, անկշիռ և յաղետից
զերծ: Արէր, որպէս զԱդամն արար, առ-
նույ մարմին զօրացեալ, հասեալ 'ի չափ,
կատարեալ: Արէր ևս մարմին ինչ կեր-
պարանել առ աչս, որպէս հրամայեաց առ-
նել Ռափայէլի և Գարրիէլի: Այլ նա, ո՛ր
հրաշալի նուաստութեանն, առնու մարմին
'ի ներքոյ անկեալ ամենայն թշուառութեան
աղետից, տկար, փափկիկ մանկիկ, կա-
րօտ խնամոց: Այսինքն՝ առ նմանելոյ ա-
մենայնիւ եղբարց իւրոց՝ եկն 'ի նմանու-
թիւն մարմնոյ մեղաց. հրաժարեալ յիրա-
ւանց զարգուց փառաց իւրոց, և յայլոց
արտունութեանց, միայն առ 'ի քակտումն
մարմնոյ հպարտութեան քո 'ի մարմին խո-
նարհութեան իւրոյ: Հաւատանս այսոցիկ
ամենայնի, և սակայն ամբարհաւածիս, հո՞ղ
և մոխիր:

գ. Խորհուրդն մարդեղութեան է սքան-
չելիք խոնարհութեան 'ի պատճառս տե-

դւոյն յորում ամփոփեցաւ Քրիստոս Տէրն մեր: Քանզի յարգանդի կուսին Մարիամու եկաց հպատակեալ օրինաց բնութեան յաճումն մարմնոյն: Լերարդ մտախոհ. ո՞վ, ո՞ր, և ո՞րչափ ժամանակ եկաց ծածկեալ: Անբաւն կայ փակեալ ընդ ինն ամիսս 'ի մթին բանտի յարգանդի մօրն, յորում կապեալ իբրև յանցաւոր մատուցանէ զանձն արգարութեանն Աստուծոյ, պատրաստեալ առ անարգանաց մահ վասն մեր:

Եւ առնէ զայս, զի մեք որդունք ազկաղկք խրատեալք յօրինակէն՝ կալցուք 'ի չափու զգրղիւ սրտից մերոց 'ի բարձրութիւն, զի ուսանիցիմք կալ մտաղիւր գոհ ծածկեալ յանկեան ուրեք երկրի, յանարգ պաշտաման, 'ի ստորին աստիճանի, յորս կարծեմք եթէ ոչ ճանաչիցեն զկար զօրութեան մերոյ, և յարհամարհութեան կայցեմք:

Ունայնամիտ դու, սնապարծութիւն քո է որ քեզ թելադրէ. «Յայտնեա զանձն քո աշխարհի. յայլ վիճակ կենաց, յայլում վայրի, յայլում պաշտաման, յայլում աստիճանի կարէիր բազում օգտութեանց լինել պատճառ, են 'ի քեզ ձիրք կարևոր առ այս»: Եղկելի՛ անձն. այս է սուլումն սանդարամետական օձին, որ հաւատացուցանէ քեզ թէ որ ինչ նուիրեալ է Աստուծոյ, այն ծախի 'ի սնտախ: Դու ստեղծար յԱստուծոյ և վասն Աստուծոյ, առ ծառայելոյ նմին, և նմանելոյ Քրիստոսի 'ի զործ յոր

կարգեսցէ զքեզ : Արդ եթէ նա կամի զի ծառայեսցես նմա զնալով զկնի Քրիստոսի Տեառն մերոյ յանձանօթս , յարհամարհութեան , 'ի գործս անարգս և 'ի չնչինս , եթէ առաւել 'ի պատիւ անձին զրէ զանարդութիւն քոյոց կարողութեանցդ , և ոչ զմեծապանծ մատակարարութիւն նոցուն , և ո՞ իցես զու զի յաւակնեսցիս հարցանել ընդէր այսպէս արարեր : « Միթէ ստիցէ ստեղծուածն ցատեղծիչն՝ թէ ընդէր այդպէս արարեր զիս . եթէ ոչ ունիցի իշխանութիւն բրուտն կաւոյն՝ 'ի նմին զանդուածոյ առնել անօթ , զոմն 'ի պատիւ և զոմն յանարդանս » :

Ի Ղ Զ Ք

Ո՞վ Տէր իմ և Աստուած . զու իջանես յերկիր կամեցեալ ծածկիլ յանարգ ծածկոյթս մարմնոյ մերոյ , և ես ընդ սաղայէլի ելանեմ՝ յերկինս 'ի վերոյ քան զաստեղան Աստուծոյ , և 'ի վեր քան զամպս , և ցանկամ լինել նմանող բարձրելոյն : Դու սրբութիւն սրբոց՝ երեխա 'ի նմանութիւն մարմնոյ մեզաց . և ես որ 'ի մեզս իսկ ծնեալ եմ՝ ամենեկն , կամիմ ընդ սրբոցն ունել յերկրի զբաժին : Դու որ ես 'ի պատկեր Աստուծոյ՝ ոչ ինչ ամօթ համարեցար առնուլ զպատկեր ծառայի . և ես հոգս և մոխիր , կաւ և արհամարհանք աշխարհի , ուռցեալ ամբարտաւանիմ համարեալ զիս լինել ինչ , և չեմ :

Ի պակուցումն եղէ երկնից . Աստուած նուաստացաւ յանարգութիւն , զի ամբարտաւանութիւն ազգի մարդկան ոչ համարեսցի ամօթ զհետ զնալ հետոցն Աստուծոյ . և ես այնպէս ամբարտաւանեալ կամ : Ո՛վ զուք երբեմն երկնաւոր հոգիք , և արդ առ ամբարհաւածութեան լեալ խանձողք զեհննոյն , զձեզ կոչեմ ինձ ՚ի դատախազ . ասացէք , չիցէ՞ այս անբերելի անամօթութիւն , զի յետ այսպէս խոնարհելոյ յոչնչութիւն մեծվայելչութեանն Աստուծոյ , ու ուրցեալ փքացի որդն և երբ : Ո՛վ մեծք Աստուած , սիրող խոնարհութեան , շնորհեալ ինձ զի և ես լեալ անխտիր համակամ առ աւմենայն տեղիս , պաշտամունս և աստիճանս անարգս , անխարդախ սրտիւ յարգեցից , սիրեցից և ցանկացայց առաքինութեանն այնմիկ , որ իջոյց զբանն Աստուծոյ ՚ի յարգանդ Մարիամու Կուսին . և Աստուծոյ հաճեցեալ ընդ այն , և յառաքինութիւնս կուսին քան զամենայն զխոնարհութիւնն պատուեալ բարձրացոյց :

Մ ա ս ն Բ

Բանն մարմին՝ եղեալ՝ ուսուցանէ մեզ յարգել , սիրել և փափաքել խստամբերութեան և վշտագնութեան կենաց , այսինքն մեռելութեան : « Տնանկ և վաստակաւոր եմ ես ՚ի մանկութենէ իմմէ » : Կեանք Յիսուսի յառնուլ անդ զմարմին մարդկային ՚ի սկզ-

բանէ անտի մինչև ցօր անարգական մահուն էին վշտահար և լի ցաւովք . զի զիտէր որ ինչ անցք անցանելոց էին ընդ ինքն : Յառաջմէ ժամէ անտի կենացն յայտ յանդիման տեսանէր առաջի իւր զամենայն զվիշտս , զցաւս , զանիրաւ զրաբարտութիւնս , զնախատինս , զխոշտանգանս , որոց տանելոց էր ցմահ . և տեսանէր ոչ վեր ՚ի վերոյ իբր ՚ի ստուերի , այլ ական յայտնի պարզ տեսութեամբ , մի առ մի ամենայն մասամբքն , ՚ի միտ առեալ և զդառնութիւնս ցաւոցն և զհամար և զչափ նոցուն , իբրև անդատին կրելով զնոսին : Եւ զայն ամենայն յանձն առնոյր Յիսուս յօժարակամ , մատուցեալ զզլուխն ՚ի պսակն փշեայ , զաչսն յարտասուս , զերեսսն առ ապտակս , զգէմսն առ նախատինս , զչրթունսն առ լեզին և առ քաջախն , զբովանդակ մարմինն առ վէրս և առ հարուածս զանիցն , և առ դառն մահ : Ո՛ր անհուն սէր Յիսուսի առ մարդ և առ մահ : Ո՛վ վատասիրտ ընկերք Յիսուսի , յորպիսի՛ ամօթ մեծ պարտիմք ըմբռնեալ կալ՝ հայեցեալ յօրինակ վարուց առաջնորդին մերոյ :

Պտուղ այսր խոկմանս է ոչ միայն արհամարհութիւն պատուոյ , և ատելութիւն հաճոյից և անզորութեան մարմնոյ , այլ և սէր և յարգանք անարգանաց և վշտաց (զոնեա զարթուցումն իմն մտաց) , և փափաք ճանաչելոյ զպէտս փափաքանաց ստանալոյ զայսոսիկ առաքինութիւնս :

Ի Ղ Չ Ք

Ո՛վ Տէր իմ Յիսուս , դու այն ինչ մտեալ յաշխարհ՝ սկսար առնուլ զճաշակ ցաւոց և տառապանաց 'ի սէր իմ , և դամենայն զգայարանս քո ընկզմեալ 'ի յիշատակ չարչարանաց ցաւոց քոց , երբէք ոչ ճաշակեցեր գրաղցրութիւն հանգստեան և սփոփանաց կենաց , այլ ամենայն փափաք քո էին բորբոքել զհուր սիրոյ քո՝ զոր եկիր արկանել յերկիր , և զմկրտութիւն քո ցանկայիր , փութայիր կատարել . և յայտ սիկիդձս համբերատար երկայնամտութեամբ տանջեալ 'ի կամս Հօր քո երկնաւորի բերկրէիր : Բաժակն այն զոր ետ քեզ Հայր՝ այն էր մխիթարութիւն սրտի քո , 'ի ծննդենէ մինչև ցօր քամելոյ քո դայն 'ի սպառ , ումպ առ ումպ արբեալ . և 'ի տեսանելի զիս , զի հեռի 'ի քէն կացեալ՝ ոչ ինչ հոգամ զսիրոյդ և զվշտացդ որ վասն իմ , այլ զհետ հաճոյից անձին իմոյ 'ի խնդիր յաժիմ փառաց և հանգստեան և լրման ըղձիցս , զողբս Երուսաղեմի 'ի վերայ անձին իմոյ կարգայիր : Եղո՛ւկ զիս . արդ ծանեայ զի յանդիտութեան չրջէի . քօղ անձնասիրութեան , ամբարտաւանութեան և հաճոյից մարմնոյ ձգեալ կայր յաչս իմ . արդ զեղումն շնորհաց քոց պատառեաց դայն , եբաց դաչս իմ , արդ յամօթ մեծ ըմբռնեալ կամ . ցաւիմ զի խուսափէի յառաքինու-

թեանց այտի , զորս յանչափս սիրեցեր , և առանց այնոցիկ և ոչ մի ևեթ վայրկեան ոչ կամեցար կալ , հրաւիրելով և զիս՝ յասելո՞ « Ա՛ռ զիսաչ քո և եկ զկնի իմ » : Առեա աղաչեմ՝ ՚ի սրտի իմում զատելութիւն անձին , շիջո՞ յիս զսէր անձնասիրութեան , զի առաել ևս բորբոքեսցի հուր սիրոյն քո յանձին իմում :

Յաւել յայտոսիկ զգաւանութիւն հաւատոյ մարդեղութեանն , երկրպագութեան անձին Յիսուսի Քրիստոսի , զոհութեան ընդ այս սքանչելի խորհուրդ , և ընդ հրաշաղան օրինակ խոնարհութեան Յիսուսի : Գարձեալ խնդրեա զչնորհս ատելութեան և նուաստութեան անձին , և կատարեալ անխտիր համակամութեան ընդ կամացն Աստուծոյ :

ԵՐԿՐՈՐԴՈՒՄՆ ՍՈՒՂ

Ն . Յիսուս Քրիստոս իւրով մարդեղութեամբ խրատ տայ մեզ յարգել , սիրել և ցանկալ խոնարհութեան . Ուսարուք յինէն զի հեզ եմ և խոնարհ սրտիւ : Վասն երից սլատճառաց խոնարհութիւնն Քրիստոսի Տեառն մերոյ է սքանչելահրաշ յայս խորհուրդ . Թ . Վասն միութեանն՝ որ եղև բանին ընդ մարդկային բնութեան . քան զի սովին Աստուած ամենազօր եղև ամենատկար : Բ . Վասն մարմնոյն զոր ընկալաւ բանն Աստուած . զի որովհետև հոգի նորա վայելէր յե-

րանական տեսութեան, արժան էր և մարմնոյն ունել զնոյն երանութիւն. բայց Յիսուս զգեցաւ մարմին 'ի ներքոյ անկեալ ամենայն վշտաց :

Գ. Վասն տեղոյն յորում Յիսուս ամփոփեցաւ : Անբաւելին երկնից եկաց զինն ամիս փակեալ յարգանգի կուսին : Զայս ամենայն արար Փրկիչն մեր ուսուցանելով մեզ զնոնարհութիւն. և մեք կամիմք զօր ամենայն առաւել բարձրամտիլ :

Բ. Յիսուս 'ի մարմնանալն ուսուցանէ մեզ յարգել և սիրել փափագանօք զմեռելութիւն անձին, զոր ինքն յանձին կալաւ՝ ոչ միայն տանելով վշտաց տկարութեան մարմնոյն, այլ և յայտնի և սլարզ ծանօթութեամբ ապառնեացն. զի յօրէ անտի ծնանելոյ մինչև ցարբումն բաժակի անարգ մահուան առ սէր մեր, առաջի աչաց ունէր զամենայն տառապանս վշտաց՝ զցաւս և զնախատինս և զտանջանս, որոց ունէր տանել ցմահ իւր :

Ընթերցիր

Թովմ. Գեմբ. Գիրք Բ. ԳԼ. 12. Յօդ. 5. 6 :

Խ Ո Ր Հ Ր Դ Ա Կ Յ Ո Ւ Թ Ի Ի Ն

Ի վերայ խոնարհութեան.

Նպատակ սերկեան խոկման է նմանութիւն Յիսուսի յառաքինութիւնսն յայնոսիկ, որք փայլեալ ցուցան 'ի խորհուրդ մարդեղութեան և ծննդեան. և են խոնար-

հուօիւն, Մեռուցումն և Աղքատութիւն :
 Զի սորին կացին ընկերք անանջատք 'ի մա-
 րոյն մինչև ցխաչն, 'ի խանձարրոյն մինչև
 ցգերեզմանն : Այսօր բանս 'ի մէջ առցուք
 զխոնարհութենէն, և վաղիւ զերկուս զայլսն
 քննեսցուք :

Մեծապէս ձեռնտու լիցի խոկալ զգե-
 րազանցութիւն, զօգտութիւն և զարդարու-
 թիւն այսր երկնային առաքինութեան, 'ի
 յարգել ևս քան զես, 'ի սիրել սերտիւ և 'ի
 ցանկալ նմին ուժգին : Եւ այսոքիկ են երեք
 աստիճանք, առ որս պարտիմք եռանգա-
 զին զիմել յայսմ մասին կրթութեան :

Ա. Կամեցեալ յայտ առնել զգերազան-
 ցութիւն սորա, սուրբ Հարբ յերկինս զնոյն
 բարձրացուցանեն. և սուրբն Օգոստինոս
 ամենեցուն բերան լեալ ասէ. « Եթէ խն-
 դրեսցես ո՞ր իցէ կարևորագոյնն և զլիսա-
 ւոր 'ի կրօնս և 'ի վարդապետութեան Քրիս-
 տոսի, իմ պատասխանի այս է. Առաջինն
 է խոնարհութիւն : Զինչ երկրորդն. խո-
 նարհութիւն : Եւ երրորդն. դարձեալ խո-
 նարհութիւն » : Եւ իցէ ինչ այլ վսեմ քան
 զբանսս. և առ 'ի զարթուցանել 'ի մեզ
 զպարտուպատշաճ յարգանս զինչ այլ հնար
 էր ասել մեծավայելուչ բան : Եւ սուրբն
 Օգոստինոս զայս այսպէս ճանաչէր, և ոչ
 անպատճառ. քանզի խոնարհութիւն է
 հիմն հաւատոյ, զի զմիտս մեր ածեալ 'ի
 ծանօթութիւն անձին՝ սանձէ ընդ լծով հա-
 ւատոյ, քակեալ զխորհուրդս՝ զերէ 'ի հնա-

զանդութիւն Քրիստոսի: Ուր չգուցէ խոնարհութիւն, անդ և ոչ հաւատք: Եւ զի հաւատքն է վէժ՝ անկեան կրօնից, և հիմն բարոյականին, և սկիզբն փրկութեան յաւիտենից, ապա և խոնարհութիւն իբրև հիմն հաւատոյ մեծայարդ է յոյժ և զերազանց:

Ըստ սրբոյն Բեռնարդոսի սա այս է անդրդուելի հիմն այլոց ամենայնի առաքինութեանց. « Որպէս ամբարտաւանութիւնն է սկիզբն ամենայն մեղաց, այսպէս և խոնարհութիւնն է արմատ ամենայն առաքինութեանց»: Սա զայլ ամենայն առաքինութիւնս ամփոփեալ ունի ՚ի միտս, և ամբափակեալ պահէ. « Սա ինքն, ասէ սուրբն Հերոնիմոս, է մայր և դայեակ, սիւն և խարխախ, հաստատութիւն և յօդակապ այլոցն ամենայնի»: Իսկ որ թերացեալն է ՚ի խոնարհութենէ, ամենայն գործք նորա բարիք յոչ ինչ գրեսցին:

Մանաւանդ զի առանց խոնարհութեան՝ ընտիրքն յայլոց առաքինութեանց փոխին ՚ի մոլութիւնս. խստամբեր կեանք առանց այսորիկ է կեղծաւորութիւն, պարապումն ՚ի խոկմունս՝ ցնորք մտաց, արհամարհութիւն մեծութեան՝ սնապարծութիւն: Առանց նորա անապատքն միայնակեցաց, տանջանք խոստովանողացն, խոշտանդանք մարտիրոսաց, նախանձ առաքելոց՝ իցեն ՚ի ծաղր մարդկան և դժոխոց: Բայց ուր խոնարհութիւն է, և թերութիւնք

անդամ փոխին յառաքինութիւնս . զի « Առաւել հաճի Աստուած ընդ խոնարհութիւն չարագործին , քան ընդ բարեգործութիւնս ամբարհաւածին » (Ս . Յղոս .) :

Նա զի առանց խոնարհութեան և շնորհքն իսկ Աստուծոյ լինին վնասարերք : Վասն զի ասէ սուրբ Հայրն Նեղոս , եթէ « Որպէս հոգմն յաջող ուռուցեալ զառադաստսն եթէ վարեսցէ զնաւն ընդ ժայռս ծածկեալս 'ի ջուրսն' ածէ 'ի նաւարեկութիւն , սապէս ևս փշումն երկնաւոր շնորհաց ածէ 'ի կորուստ զհոգին' որ տածէ զհպարտութիւն 'ի սրտի » : Աոյս Հոգւոյն սրբոյ ոչ լուսաւորէ զհոգի ամբարտաւան , այլ կուրացուցանէ զաչս մտացն . զիտութիւնք Աստուծոյ ոչ ուղղեն զմիտս , այլ փբուցանեն . սլարգեր աղօթից , մարդարէութեանց և լեզուաց են նմին թոյնք մահացուցիչք : Այսոքիկ ամենայն յայտարարք զերազանցութեան խոնարհութեան :

Բ . Եւ օգտութիւնք նորա մեծք յորդորեսցեն զմեզ 'ի սէր . զի 'ի բնութենէ բերիմք յորդեռանդն 'ի սէր օգտակարին : Արդ առաջին օգտութիւնն , որով հաճոյական ընծայի մեզ խոնարհութիւն , է նմանակից լինել մեր ընդ Յիսուսի Քրիստոսի . քանզի անձն խոնարհ է ճշգրիտ սլատկեր Քրիստոսի , զոլով Անարդութեանն կոչումն Յիսուսի 'ի վերայ երկրի' յոր ետ զանձն : Այնու միանայ ընդ Յիսուսի անձն խոնարհ յիղձս իւր և 'ի դատմունս մտացն : Սիրէ

ընդ նմա զանարգանս և զնախատինս . զի նա 'ի կեանս իւր միշտ յարգէր մեծապէս և սիրէր անձկանօք զլինելն 'ի ծաղր և 'ի կատականս : « Առեալ յանձն զնախատինս նորա » :

Եւ ո՞ կարասցէ երբէք առնուլ 'ի նկարագիր այնպէս վսեմ՝ և ճշգրիտ որպէս վայել իսկ է գերազանցութեան իրացն , թէ որպիսի՜ սքանչանաց իցէ զործ բերել յանձին զկենդանի պատկեր Յիսուսի Քրիստոսի . զգեստուք զարդու նորա զարդարիլ , զգալ զոր նոյն զգայ , կամել զոր նայն կամի , յարգել և անարգել , սիրել և ատել , նուաստանալ և խուսափել , 'ի նորին հոգւոյ յամենայնի առաջնորդիլ , իբր թէ զհոգի նորա կրել յանձին , և այսպէս 'ի նոյն վարս և 'ի նոյն իղձս հաղորդական զոլով , լինել 'ի խնդութիւն , 'ի բերկրանս և 'ի պսակ Յիսուսի Քրիստոսի : Եւ արդ ո՞ ոչ սիրեսցէ զխոնարհութիւն , որով այսպէս նման որդւոյն Աստուծոյ լինիցի :

Եւ խաղաղութիւն սրտի է արգասիք խոնարհութեան , զի 'ի խոնարհ սիրտս անսասան թաղաւորէ խաղաղութիւն : Քանզի խոնարհն չէ 'ի խնդիր պատուոյ և ժառանգելոյ զանուն , այլ առաւել ցանկացող է նախատանաց և կատականաց , որովք ցամաքեալ են 'ի սրտին աղբիւրք յուզմանց կրից : Եւ ո՞ կարասցէ վրդովել զխաղաղութիւն առն՝ որ բերկրի ընդ անարգանս և ընդ ծանակ . որ խնդալից ընդունի զաս-

տակ 'ի ծնօտն , և բերկրանօք 'ի սրտին դարձուցանէ զմիւսն հարկանողին . ո՞ երկմտեացէ ընդ բնակել այնպիսւոյն այժմէն 'ի դաւիթ երկնից , և ընդ լինել նորա հաղորդ խաղաղաւէտ երջանկութեան երանելեաց : Սուրբն Ալիմաքոս ասէր . « Ի տեսանել քո զոր 'ի խորին խաղաղութեան հոգւոյ , ծանիր զի կայ 'ի խորին խոնարհութեան » :

Երրորդ բարութիւն խոնարհութեան է առեալ հանել զայր 'ի սուղ ժամանակի 'ի բարձրագոյն աստիճան սրբութեան : Քանզի զխոնարհն անարգեն բարձրամիտք , և մեկուսի չըջին 'ի նմանէ . և այսպէս 'ի խուսափել աշխարհի 'ի նմանէ , և ինքն խուսափէ յաշխարհէ , և մնացեալ անձին առանձին , տայ զանձն Աստուծոյ , կեայ միայն յԱստուած , դատուցեալ յամենայնէ , և մնայ յանարատ սրբութեան : Եւ 'ի հատուցումն այսորիկ սրբութեան հոգւոյ՝ ընդունի զսէրն Աստուծոյ , յորում են ամենայն կատարելութիւնք անթերի . զի չև լցեալ հոգւոյն սիրով Յիսուսի՝ ոչ կարէ լինել կատարեալ 'ի խոնարհութեան . զի որչափ կատարեալ լինիցի 'ի սէրն , այնչափ և 'ի խոնարհութեան կատարեալ երևեսցի :

Աստի և չորրորդ օգտութիւն խոնարհութեանն երևի , որ է ներքին միութիւն ընդ Աստուծոյ . զի սիրտ խոնարհի ազատ գոլով յամենայն ցանկութենէ պատուոյ , իշխէ նմին Աստուած ամենայնիւ , առանց իւրիք հակառակելոյ նմին նախանձորդին

հալարտութեան : Աստի սկսանի լինել հաղորդ երկնաւոր գանձուց , որով ճոխացուցանէ Հոգին սուրբ զՀոգին երջանիկ՝ի սուղ ժամուհեղով՝ի նախմացուած այնպիսի խորին խորհրդոց , առ որ երբէք իւրք ոչ կարացին ժամանել գերակշիռ հանճարաւորքն՝ի մարդկանէ : Օրինակ մեզ կան առաջի Սրբուհին Թերեզա , Եր . Նիկողայոս Ռուփեան , Հռոտերկոս , Գրեսկենտիոս և այլք յովովք , որոց բանալի՝ի մուտս աստուածային անհաս զիտութեանց էր խոնարհութիւն . վասն զի Աստուած զորս ծածկէ իմաստնոց , զնոսին յայտնէ տղայոց :

Եւ զի խոնարհքն զփառսն մեծամեծ գործոց դարձուցանեն ՚ի սլատճառն ամենայն բարեաց , և Աստուած նոցա միայն շնորհէ զպարգևս յայտնելոյ զսքանչելիս ողորմութեան իւրոյ , ածելով զմեղաւորս յապաշխարութիւն , և զայլ գործս մեծամեծս տարեալ ՚ի զլուխ ընդ ձեռն նոցա : Միանգամայն ասել . Սիրէ Տէր զխոնարհն և սփոփէ , հանգչի յանձն խոնարհ , լնու զխոնարհն մեծամեծ շնորհօք , յայտնէ խոնարհին զիւր զաղտնիս , և քաղցրութեամբ առ ինքն ձգէ և հրաւիրէ :

Եւ ո՞ ոչ սիրեսցէ զառաքինութիւն այսպէս լի օգտութեամբ , որ ածէ զայր ՚ի յարակից նմանութիւն Յիսուսի Քրիստոսի , առ անդորր խաղաղութիւն հոգոյ , առ գերագոյն սրբութիւն , առ ներքին միաւորութիւն ընդ Աստուծոյ , և առ հաղորդութիւն

երկնաւոր դանձուց, և որ առնէ զմեզ զոր-
ծիս պատկանաւորս առ 'ի մեծացուցանել
զփառան Աստուծոյ, և առ հրաւիրել 'ի փր-
կութիւն զընկերս մեր զմարդիկ:

Գ. Արդարև առաքինութիւն ցանկալի
ամենեցուն, զերազանցութեամբն վեհ և
րեւալ, օգտութեամբքն բաղձացեալ, և ու-
րում ցանկալ և զոր սիրել իրաւունք են.
զոր Աստուած ինքնին լեալ մարդ սիրեաց
յանչափս և ցանկացաւ նմին: Եւ ոչ ցան-
կացի 'ի խորհել անդ եթէ ամենասուրբ
մարդկութիւնն Յիսուսի, թէպէտ ոչ կա-
րէր մեզանչել՝ ընկղմեալ յԱստուած և ա-
մենայն կատարելութեանց ամբար զոլով,
այլ և այնպէս (ըստ բնութեան իւրոյ) յի-
շեալ զոչընչութիւն իւր, յառաջնոյ ժամէ
մարմնաւորութեան իւրոյ, մինչև ցկատա-
րած կենաց իւրոց, իջանէր 'ի խորս խո-
նարհութեան առաջի անչափ մեծփայելչու-
թեանն Աստուծոյ:

Այս խորհուրդ մտաց պարտի խո-
նարհեցուցանել ոչ միայն զամբարտաւան
որդիս Աղամայ, այլ և զհետ զանդնդային
հրեշտակս: Բարէ 'ի խորս նուաստութեան
իջեալ խոնարհի առաջի ամենասուրբ Եր-
րորդութեան սուրբն, արդարն, թագաւորն
թագաւորաց, դատաւորն կենդանեաց և մե-
ռելոց, այն՝ յորոյ անուն կրկնեն ծունր ա-
մենայն արարածք, ճանաչելով ըստ մարդ-
կային բնութեան զոչէութիւն իւր, և կոչի
նուազեալ քան զամենայն մարդ, մանա-

ւանդ զի որդն և ոչ մարդ . և մարդն յանդգնեսցի՞ բարձրամտել ունայնութեամբ մըտաց , գովեստս խնդրել և զանձն զեր 'ի վերոյ զրել քան զայլս զամենեսին , մինչդեռ ինքն է շիթ իմն ցօղոյ վաղորդայնի , և շամանդազ ցնդեալ ընդ օդս , և իբրև զմէզ տարածեալ , տկար , անզօր և անարդ և 'ի չարիս միտեալ 'ի բնութենէ : Ա՛հ . առ մարով Յիսուսի հատցուք զամբարտաւանութեան զարմատսն , աստէն սկսցուք յարդել , սիրել և ցանկալ այնմ առաքինութեան , զոր նա սլատուեաց , սիրեաց , և խնդրեաց յամենայն կեանս իւր :

Ք Ն Ն Ո Ւ Թ Ի Ի Ն

Ի վերայ նորին առաքիւնոսքեան .

Ճմարիտ խոնարհութիւնն կատարեալ հիմնեալ է 'ի ճմարտութեան . որ սիրէ զճմարտութիւն , որչափ առաւել մերձենայ առ նա , այնչափ առաւել գտանէ զանձն 'ի խորս խոնարհութեան : Վասն որոյ և անհնարին իսկ է լինել ումեք ճմարտասէր կատարեալ , և գտանել թերի 'ի խոնարհութեան , և ոչ սիրել զնախատինս և զարհամարհանս . ապա և ամենայն դք կարէ ճանաչել զանձն այնչափ առաւել թերացեալ 'ի ճմարտասէրն լինելոյ , որչափ առաւել

յետնեալ զանձն տեսանէ 'ի խոնարհութեան: Եւ վասն այնորիկ անհնարին է լինել ումեք սիրելի Սատուծոյ՝ մինչ չե հասնալ 'ի կատարեալ խոնարհութիւն: Եւ եթէ կամիս իջանել 'ի խորս խոնարհութեան, եկ մերձեցիր առ ճշմարտութիւն, և զտցես զքեզ իջեալ 'ի խորս անդր և առ Սատուած ևս մերձեցեալ: Քանզի զինչ է խոնարհութիւն, որպէս տեսաք ցայսվայր, այսչափ սիրեցեալ յՍատուծոյ. բայց զի ծանիցէ իւրաքանչիւր որ որ զինչ և է ինքն, և մի ստութեամբ պարծեսցի առ ընկերաւն. զի մեք մեզէն եմք ոչ ինչ. ճանաչումես այս է առաջին մասն ճշմարտութեան և խոնարհութեան. ապա և բարին մեր է որ և է նախատինք. արդասիք, մեծագործութիւնք, բարելաութիւնք ամենայն են Սատուծոյ, և մասն որ 'ի մեզ ընդ իշխանութեամբ մերով՝ է լինել մեր ոչ ինչ. և չիք ինչ առաւել արժանի նախատանաց և ծաղու քան զոչինչն. ապա եթէ իցեմք իմաստունք և բարելաութեան մասամբք առաւելեալք, փառաւորեսցի Սատուած՝ որ ետ մեզ զնոսին. իսկ մեք 'ի գործել անդ զմեծամեծս զարձեալ կացցուք 'ի ծաղր և 'ի ծանակ յամենեցունց. այս լինիցի մերոյ ոչէութեան արդասեաց բաժին արդար:

Երկրորդ մասն խոնարհութեան և ճշմարտութեան է, զի Սատուած իւրովն անհուն բարութեամբ սիրեաց զմեզ և 'ի փառս զմեզ հրաւիրեաց, այլ ոչ յայսմ աշխարհի:

Ապա այր ճշմարտասէր պարտի յայսմ աշխարհի առ ոտն հարկանել զփառս և խուսափել 'ի նոցանէ, զի ոչ վասն այնոցիկ եմք ստեղծեալք, այլ պատրաստեալ է մեզ քաղաք յերկինս՝ յորում թագաւորելոց եմք ընդ որդիսն Աստուծոյ, հանդուցեալ 'ի սէրն Աստուծոյ : Ապա անձն ճշմարտութեան սիրող՝ յայսմ աշխարհի իջեալ 'ի խորս ոչնչութեան իւրոյ, անարդէ յանձն իւր զցանկութիւն փառաց և անուան. զի զիտէ եթէ այն է անարդել զճշմարտութիւն, կամել եղծանել զկարգաւորութիւնն Աստուծոյ, և մատուցանել պաշտօն ստութեան : Արդ որ պատուէ զայս ճշմարտութիւն, ահա ինքնին դտանէ զանձն իջեալ 'ի խորս խոնարհութեան : Ոչ ինչ եմ, մեղապարտ եմ, ապա արժանի եմ նախատանաց. զի առաջի ոչնչի դովեստ կամ նախատինք չարժէ ինչ. և զի թէպէտ փառք և պատիւ և մեծութիւն անուան են յաշխարհի, այլ ոչ վասն իմ, զի ես ստեղծեալ եմ վասն երկնից թագաւորութեան. և այդ ամենայն են խոչք ճանապարհին իմում. ապա ամենայն հոգւով պարտ է ինձ խուսափել 'ի նոցանէ և մի 'ի պատիրս ստութեան ըմբռնիլ և հեռանալ 'ի ճշմարտութենէ, յորում է կատարեալ խոնարհութիւն : Աւաղ մեզ, որչափ տկար եմք մտօք առ իմանալ զայս ճշմարտութիւն և զհետ գնալ նմին, զի պարծիմք ընդ իմաստութիւն մեր և ընդ ճշմարտասիրութիւն : Ոչ ապաքէն սովին տղի-

տութեամբ արհամարհեցաք զսէրն Աստուծոյ, և մատնեցաք յանհնարին աղէտս, մինչև յանչափ դժոյն Աստուծոյ առ մեզ առ ՚ի մերձեցուցանել զմեզ զարձեալ առ ինքն, հարկ եղև յանձն առնուլ Որդւոյն Աստուծոյ զչարիս մերոց խակութեանց, և լինել մարդ, առ ՚ի հաշտեցուցանել ընդ մեզ զերեսս Աստուծոյ. և օրինակաւ իւրով ուսուցանել մեզ պատուել զճշմարտութիւն:

Սուրբն Բեռնարդոս զայսոսիկ երկուս մասունս խոնարհութեան անուանէ մտաց և կամաց. առաջնովն ճանաչէ որ զոչնչութիւն իւր և խոնարհի. և երկրորդան ծանուցեալ զստութիւն փառաց և սրատոյ աշխարհի, և զի չեն այնորիկ վասն իւր, հեռացուցանէ զկամս իւր ՚ի նոցունց, և սիրէ զանարգանս, և կամի զի ծանիցեն և այլք՝ եթէ ինքն է ոչ ինչ: Առաջինն է պատրաստականութիւն հոգւոյն առ խոնարհութիւն, և երկրորդն է նոյն ինքն կատարումն ճանաչման և մատուցումն ՚ի գործ ճշմարտութեանն ծանուցելոյ՝ որ այն ինքն է լրումն առաքինութեանն խոնարհութեան: Արդ եթէ սկսեալ է քո ճանաչել զոչէութիւն քո, և կարծես զքեզ զարգացեալ ՚ի խոնարհութեան, քննեա եթէ միայն մտաւոր իցէ և տեսական և անարդիւն, թէ մատուցեալ իցես ՚ի գործ՝ խոնարհեցուցեալ զկամս քո: Աս ևս ասել, արդեօք ՚ի բերանի ունիցիս զխոնարհութիւն՝ թէ ՚ի սրտի: Զի այլ է ճանաչել, և այլ կամել ըստ ճա-

նաչմանն զանարգանս անձին : Առաջինն սեպհական է և զիւաց անգամ . այլ երկրորդն է գործ ճշմարիտ խոնարհի :

Հնարք առ ՚ի զարգանալ ՚ի խոնարհութեան են երկու այսոքիկ . առաջինն է յաճախ խոկալ զպատճառս խոնարհելոյ . երկրորդն է ստէպ կրթել զանձն ՚ի գործս խոնարհութեան : « Եթէ կամիս ստանալ զառաքինութիւն խոնարհութեան , մի խուսափեր ՚ի ճանապարհէ խոնարհութեան » (Ս. Բեռն.) : Ապա սու ՚ի միտ զպատճառսն՝ հաստատութեամբ յանձին կալեալ զխոնարհելն , եթէ կամիս բարձրանալ ՚ի ժամանակին :

Աստիճանք խոնարհութեան են՝ ա . շանաչել զնուաստութիւն անձին , և խորհել զանձնէ , և գործել զգործս անձին որպէս վարի որ ընդ առն անարգի : բ . Եթէ անարգիցիմբ յայլոց՝ տանել լուութեամբ : գ . Յանկալ և յածիլ ՚ի խնդիր անարգանաց : դ . Յանարգիլն յայլոց՝ խնդալ ՚ի սրտէ և զոհանալ զԱստուծոյ : Քննեա արդ եթէ յոր աստիճան իցես ժամանեալ , և յոր հասանել ընդ անձին ուխտ դնել կամիցիս :

Սեփական ցոյցք խոնարհութեան են երեք . ա . Կամաւորութիւն . զի յակամայս խոնարհին և աւազակք իսկ , և խոնարհութիւն տհաճ՝ չէ արժանի անուան առաքինութեան : բ . Պարզ մտօք . զի խոնարհութիւն կեղծեալ՝ է առաւել քան զամբարտաւանութիւն : Զի են որք խոնարհին անօրէ-

նութեամբ, որք 'ի խոնարհութեան 'ի խնդիր են գովութեան խոնարհութեան: Այս է սնապարծութիւն պատրուակ զխոնարհութիւնն առեալ: Գ. Ձի իցէ զիսպաւոր. ճանաչելով զչափն, զժամանակն, զտեղին, զպաշտօնն, զյեղանակն, զգործն, զվախճանն, զզգուշութիւնն յորս պարտ է լինել մտադիր:

Արկ 'ի քնին՝ ա. Ձչափ մտադիր յանձնառութեանդ անարգանաց. թերևս առ որ և է անարգանս մանունս տխրիս, հառաչես, և 'ի տրտունջ լուծանիս: Բ. Այս միցին թերևս ընդ խոնարհութեան աստիճանս բարձրանալ 'ի պատիւ. 'ի նախատինս և յանարգութեան զանուն ժառանգել և հանդիպել գովութեան: Խոնարհութեանն լինել գովելի խոստովանեալ է յամենեցունց. մինչև ամբարտաւանութեան իսկ հնարել ծածկելոյ ընդ վերարկուաւ նորուն: Գ. Իցես և գու 'ի նոցանէ գորմէ ասէ Սիրաք. « Եւ է խորամանկ խոնարհ, չրջի 'ի ծածուկ, և փոր նորա լի է նենգութեամբ »: Առ հասանել 'ի պատիւ, և 'ի պաշտամանն նիւթէ զչարիս: Այսմ' թերևս իցես վատասիրտ, և կասկածիցին չյաջողել 'ի պաշտամանդ, և կեղծիցես զխոնարհութիւն:

Ճմարիտ խոնարհն է առատամիտ, զի անվստահ յանձն, և ամենայնիւ յԱստուած զյոյսն հաստատեալ, արութեամբ մատչի 'ի գործ յոր կոչեցեալն է: Որ 'ի տարտամ խորհուրդս երկնչի յաջողել 'ի

դործն , յայտ առնէ զանդիտել 'ի նախա-
տանաց : Քննեա զոր դուզ խորհիս , և յինչ
միտս իցես : Այլ « Որչափ մեծ իցես , խո-
նարհ կալջիր զանձն քո , զի առաջի Տեառն
դոցես շնորհս » :

Խ Ո Կ Ո Ի Մ Ն Գ

Ի Ծ Ն Ո Ի Ն Դ Տ Ե Ա Ռ Ն Մ Ե Ր Ո Յ Յ Ի Ս Ո Ի Ս Ի

Մ ա ս և Ա

Քրիստոս Տէրն մեր 'ի ծննդեան իւ-
րում ուսուցանէ մեզ յարդել , սիրել և փա-
փաքել ազքատութեան . վասն զի այն ինչ
ծնուալ՝ կայր 'ի մեծի կարօտութեան . ա . Ըստ
տեղւոյն . զի ծնաւ , ոչ միայն արտաքոյ
պալատան , մերկեալ 'ի թագաւորութենէն ,
զոլով ինքն որդի Գաւթի և ժառանգ թա-
գաւորութեանն Յուդայ . ծնաւ ոչ միայն
պա՛ղտխտ հեռի 'ի տանէն և 'ի հայրենեաց ,
ըստ հրամանին Օղոստեայ 'ի Նազարեթէ
եկեալ 'ի Բեթղեհէմ , այլ ամենևին ան-
տուն . « Զի ոչ գոյր նոցա տեղի յիջևանին » :
Եւ ծնաւ նա 'ի հանդրուանին հովուաց , և
եղաւ 'ի մսուր . ծնաւ 'ի սուրբ և յաղնուա-
կան ազգէ , բայց ազքատին յոյժ . և յայց

Եկին նմա միայն հովիւք ոմանք աղքատք :
 Ո՛ր սքանչելի աղքատութիւն , յոր անկեալ
 կայ տէրն տիեզերաց . ո՛ր Աստուած Հայր .
 ահա ազուեսուց որջք զոն , և թռչնոց եր-
 կնից բոյնք , և միածին Որդւոյ քո ոչ զոյ
 ուր զիցէ զզլուխ իւր :

Մեծ եղև և աղքատութիւն հանդերձից
 նորա . « Եւ եղ զնա 'ի մսուր » , 'ի վերայ խո-
 տոյ . փետրալից բարձք օրոցին էին խարքն
 եղանց , և օրոցն արքայապատիւ՝ էր նոյն
 ինքն մսուրն : Աստուած եկեալ յաշխարհ
 'ի փրկել զմեզ , և աշխարհ զարգարեալ ա-
 մենայն կարևորօր պիտոյից մարմնոյ , և
 ինքն զրկեալ յամենայնէ . իբր թէ աշխարհ
 չիցէ գործ ձեռաց իւրոց , և չզիտիցէ պատ-
 րաստել զպէտս տան իւրոյ , ուր և զթռ-
 չունա զիտէ կերակրել . և զկարևոր իսկ
 վայելչականս մարդոյ պակաս առնէ ին-
 քեան , անտուն , անծածկոյթ , անպատու-
 պար : Այսպիսի աղքատութիւն հարկաւ
 ընդ իւր առեալ բերէ զվիշտս և զարհա-
 մարհանս : Ճշմարտութեամբ ասէր ընդ
 մարգարէին՝ « Տնանկ և վաստակաւոր եմ՝
 ես 'ի մանկութենէ իմմէ » :

Ո՛վ Տէր իմ՝ Յիսուս . Երկինք ամթու-
 քո են , և որ 'ի Քերովբէսն բազմիս , արդ
 հանդչիս 'ի հանգրուանին հովուաց , 'ի մս-
 րի , 'ի բնակարան անբանից : Գու ես լոյս
 փառաց և պատկեր աներևութին Աստու-
 ծոյ , և աստ այժմ՝ յայս անարդութիւն խո-
 նարհեալ , մերկ և կողոպուտ և անօթեան .

այո՛, առնում 'ի միտ, ո՛վ Տէր իմ Յիսուս, դիտեմ առ ինչ առնես այսպէս. զի «Վասն մեր աղքատացար որ մեծատունդ էիր, զի մեք քոյով աղքատութեամբ մեծասցուք» . զի ուսեալ 'ի քէն՝ յարգեսցուք, սիրեսցուք և ցանկասցուք աղքատութեան :

Մ ա ս և Բ

Բարէ. Ո՛րչափ ճոխ և հանգիստ է մերս աղքատութիւն, եթէ յաճախութեամբ աւելորդացն, և եթէ յոյժ սիրելով մեր զկարևորսն, և չառնելով ինչ պակաս : Ո՛րչափ այլազոյ է իմս աղքատութիւն 'ի Քրիստոսի աղքատութենէն. նա յայր աղքատին, և ես յամենակազմ սննեկի. նա պակասեալ յամենայն կարևորաց, ես 'ի պակասել աւելորդացն անգամ 'ի տրտունջ լուծանիմ. նա տուայտեալ անտուն, անզգեստ. իսկ ես ցանկամ նրբաթել զզեստուց, համազամ ճաշոյ, և յարդարեալ բնակարանի : Ա՛ղէ. երբ նմանեցայց որում երկրպագեմս. ցերբ այսպէս հեռի շրջեցայց 'ի նմանէ :

Եւ ո՛ կարէր երբէք ածել զմտաւ, զի թագաւորն թագաւորաց և տէրն տերանց, գայցէ յաշխարհ 'ի փրկել զմեզ, և չիցէ նմա 'ի դէպ ծնանել յարքունիս կայսերաց, արբանեկեալ յիշխանաց, զգուեալ 'ի թագուհեաց, ծածկեալ 'ի շղաշատեռս, 'ի ծիրանիս ականակուռ զարդարեալս : Այլ Հայրն

յաւիտենական փոխանակարքունեաց սահմանեաց նմա զգով, 'ի պալատականս նմա զպաճարս, յորրանս նմա զմտուր: Հայրն երկնաւոր զիւր սիրելի Որդին զսուրբն սրբոց այսպէս խնամէ, որպէս զի մեք կասեսցուք յունայնութենէ աշխարհի, ծանկցուք զյարգ աղքատութեան, և սիրեսցուք, և ցանկասցուք որ 'ի նմա ծածկեալ զանձուցն:

Յաւել և զայն. Քրիստոս Տէրն մեր ընտրեաց զաղքատութիւն և զաղէտս աղքատութեան, թէպէտ և ակն յայտնի տեսանէր զի այսպէս ոչ լինէր ընդունելի իբրև զՄեսիայն խոստացեալ, և առողջութեան կենացն լինէր այն մնասարեր. այլ ինքն մտաղիւր հպատակեցաւ կամաց յաւիտենականի Հօրն, առ ծառայելոյ նմա զհետ զնալով կամաց նորա անխտիր համակամ, որպէս սահմանեալն էր 'ի յաւիտենից. և ծնաւ 'ի վայրն և 'ի նուաստութեան, որպէս տուեալ էր նմա հրաման 'ի յաւիտենից:

Ի ՂԶԳ

Հաւատամ, Տէր, այնմ ամենայնի զոր վարդապետեցեր բանիք և օրինակաւ. հաւատամ զի երանելիք են աղքատքն հոգևով. և զի նոցա է արքայութիւն երկնից: Հաւատամ թէ աշխարհ զհետ զնալով ճոխութեան՝ պատուոյ և հաճոյից, խաբի. քան

զի խմաստութիւնն Յիսուս որ ոչ խարի և ոչ զխաբելն կամի, ուսոյց մեզ զընդդէմն այնորիկ :

Ո՛վ ամենեկին աղքատիկդ Յիսուս, հանդերձք քո, մսուրն և գոմ են ինձ նշանք, որպէս երբեմն հովուացն Բեթղեհէմի, զուլոյ քո որդի Աստուծոյ՝ յորում բնակէ լրումն Աստուածութեանն մարմնապէս . ընդ նոսա և ես աղաչաւոր յոտս քո անկեալ՝ երկրպագեմ քեզ, Տէրիմ և Աստուած իմ: Յաւէ ինձ յոյժ, զի աւելորդ ցանկութեամբք հանգստեան կենաց, և երկրաւոր բարեաց, եղէ ես սլատճառ արտասուացդ . այն ինչ ծնեալ յաշխարհ՝ լայիր զթալից հեկեկանօք զանմտութիւնս իմ և զիղձառ ունայնութիւնս, և զանյազ ցանկութիւնս իմ ստացուածոյ :

Խրատեալ արդ և ՚ի միտս եկեալ օրինակաւ քով, այժմ տեսանեմ զմեծազանձ ճոխութիւն աղքատութեանն, և սկսանիմ սիրել զնոյն և ցանկալ նմին: « Քոյ աղքատին հանդերձ է մեծայարգ քան զհարուստ ծիրանիս, և աղքատութիւն քո շքեղ քան զամենայն ճոխութիւն, և քան զամենայն մեծութիւնս աշխարհի » (Ս. Բեռ.): Եւ խոստումն քո այն բազմաղեղ առ աղքատս հարիւրապատիկ հատուցման և զարքայութիւնն երկնից ժառանգելոյ, յորդոր ինձ լինին սիրելոյ իբրև զմայր զառաքինութիւնս զայս, և քան զբիբս աչաց զգուշանալոյ նմին, և հսկելոյ ՚ի սլահալանութիւն նո-

րին իբրև նախապարսպի և պատնիշի կրօնիս :

Եւ գարհուրեալ յահաւոր ձայնէ անտի՛ « Վայ ձեզ մեծատանց », նորոգեմ զուխտ աղքատութեան խնոյ : Յամենայն սրտէ գարշիմ և մերժիմ՝ յամենայն անկարգ ըզձից երկրաւոր բարեաց : Անդարձ է ուխտ սրտիս . ոչ կալայց առ իս զաւելորդս կոչման խնոյ, և զկարևորսն ոչ ընկալայց առանց հրամանի, ոչ կապեցայց և ՚ի սէր իսկ այնց որք ՚ի պէտս են ինձ :

Եզէց անխտիր առ տեղիս և առ կերակուր, որչափ և աղքատինք իցեն և անարդք. և մեծապէս հաճ եզէց ընդ կարօտութիւն և ընդ աղքատութիւն, որք ընդ առաջ լինիցին ինձ : Շատ է ինձ զի գտայց ՚ի վայրն, յոր հաճեսցիս ինձ բնականալ և ծառայել քեզ . հիւղն այն ինձ լիցի պալատ հոյակապ : Գու, Տէր իմ Յիսուս, աղքատդ ամենակարօտ, զու ես իմ դանձ, յորում հանգիցէ յայսմհետէ սիրտ իմ. մերկացեալս ցանկամ գալ զկնի մերկացելոյդ, զի դու ես իմ վարձ հարիւրապատիկ, նա և ամենայն ինչ : Ո՛վ Տէր, որ լսողդ ես աղօթից աղքատաց, շնորհեա ինձ՝ մերկեալ յամենայնէ, քև միայն ճոխանալ :

ԵՐԿՐՈՐԳՈՒՄՆ ՍՈՒՂ

Ն. Քրիստոս ուսուցանէ մեզ 'ի ծննդեան իւրում յարգել, սիրել և ցանկալ աղքատութեան, զի այն ինչ ծնեալ տարաւ մեծի անձկութեան աղքատութեան. ըստ բնակութեանն, ծնաւ արտաքոյ տան և հայրենեաց, 'ի գոմն անբանից: Մեծ եղև աղքատութիւն նորա 'ի զգեստս, բազմեալ 'ի մսրի, յարգք էին փեարալից նորա բարձք:

Բ. Աշուեսա զաղքատութիւն քո ընդ Քրիստոսի աղքատութեանն. և զո՞ր նմանութիւն գտանել կարիցես: Նա 'ի գոմն 'ի մսրի, և դու զբարեկազմ և զյարգարեալ խնդրես քեզ օթևան. նա յաղքատին զգեստս, և դու կամիս զգեհնուլ հանդերձս վայելչահիւսս. նա անտերուհչ, անոք, յանարգութեան, ընդ աղքատին հովիւսն, ընդ սաճարս, դու կամիս ունել զամենայն կարևոր խնամս, հաճոյ լինել ամենեցուն, սլատուեալ և սիրեցեալ:

Ընթերցիր

Թովմ. Գեմբ. Գիրք Գ. ԳԼ. 18:





Օ Ր Հ Ի Ն Գ Ե Ր Ո Ր Գ

Խ Ո Կ Ո Ի Մ Ն Ա

Փ Ա. Խ Ո Ի Ս Տ Յ Ի Ս Ո Ի Ս Ի Յ Ե Գ Ի Պ Տ Ո Ս

Մ ա ս և Ա.

Չմտաւ ամ՝ ո՛ր է որ խուսափէ . յումմէ՞
փախչի . ո՛ր փախչի , երբ և ո՛րպէս : Աս-
տուած , անկեալ ՚ի կարօտութիւն , յաղքա-
տութեան , անծանօթ ՚ի մարդկանէ , անար-
դեալ յամենեցունց : Խուսափէ ՚ի չարու-
թենէ մարդկան ՚ի յղփացելոց ՚ի լիութեան
բարեաց , առ որս եկեալ է յառաջնորդել
նոցա ՚ի յախտենական փառս , յորոց ՚ի
սէր յանչափ փառաց յանչափ անարդու-
թիւն իջեալ : Եւ փախչի յեղիպտոս , յան-
ծանօթ աշխարհս , անոք , անօգնական ,
երթայ ՚ի տառապանս վշտաց , առ ՚ի լինել
՚ի նախատինս յօտար աշխարհի անծանօթ
մարդկանն : Անդէն նորոգ ծնեալ յաշխարհ ,
յորում պահու այլք ՚ի մարդկանէ և ՚ի տա-
նէ իսկ ամեւ արտաքս վշտաբեր համարին

մանկան : Եւ ընդ մանկամարդ մօր իւրոյ ընդ անկոխ առապարս , ընդ անապատս և բաղմավտանդ զազանաբնակ ճանապարհս՝ միայնակ ընդ սրբոյն Յովսեփայ , ընդ երկար ճանապարհ մինչև յԵզրիպտոս , տարեալ ամենայն խստութեանց օդոյ . և զի մի մի ասիցեմ . խորհեաց եթէ դու լեալ էիր ընդ Յիսուսի և ընդ Մօր նորա , և առքեղ էր լեալ այդ հրաման , և դու կարող գոլով 'ի մի քթթել ական կորուսանել զամենայն թշնամիս քո , առնուիր յանձն զայսչափ վիշտս , փոխանակ կորուսանելոյ զթշնամիսդ հոգալով զփրկութիւն բաղմաց 'ի նոցանէ : Արդ տես եթէ որո՞ց վշտաց տանիս դու 'ի սէր Փրկչին քո : Նա որդի Աստուծոյ , վասն քո և 'ի սէր քո մարդացեալ , և դու որդի դատապարտութեան 'ի փրկութիւն հրաիրեալ . և ստուեր անգամ համարիցի՞ զոր դուդ առնես : Ո՞վ Հայր յաւիտենական , և ո՞ր իրաւունք են իմ . մեղաւոր ծառայիս լուծանիլ 'ի տրտունջ , եթէ զայս պահանջես 'ի սրբոյն սրբոց յԱրդւոյ քումմէ :

Մ ա ս և Բ

Ա՛ժ ընդ միտ և զյեզանակ հնազանդութեանն , որով հան 'ի զլուխ զհրամանն : Անդէն և անդ . զի ասէ . « Յարուցեալ զիշերի զնաց յԵզրիպտոս » : Ընդ առնուլ զհրամանն՝ և կատարեաց :

Հնադանդեցաւ անպատճառ , առանց մատուցանելոյ 'ի քննութիւն զհրամանն , առանց պարսաւելոյ , թէպէտ և էին պատճառք ծանունք հակառակք . թէպէտ և այս հրաման թուէր իմն հակառակ լուսոյ ուղիղ բանի : Եւ իցէ՛ արժան Աստուծոյ իջանել յայս տկարութիւն , յանձն առնուլ խոստափել 'ի ցասմանէ մարդոյ : Եւ միթէ պակասէի՞ն առ Աստուծոյ հնարից զիւտք զիջուցանելոյ զցասումն Հերովդի , առ 'ի զերծանել 'ի դաւանաց նորա , առ 'ի թերև հանել զամբարիշտ ճիգն նորա : Նա եթէ և էր իսկ հարկ խոստափելոյ , առ ի՞նչ յԵզրիպտոս և ոչ առ մոզսն : Գոնեա ասացեալ էր զժամանակն մնալոյ յԵզրիպտոս : Բայց նա ոչ տայ տեղի այս ամենայն պատճառաց . հնադանդի անպատճառ և մտաղիւր :

Յիսուս որդի Մարիամու Առուսին յանձն լեալ 'ի կամս Հօրն՝ անկանի 'ի ճանապարհ : Ահա օրինակ ճշմարիտ հնադանդութեան , զոր պարտի յանձին բերել որդեգիրն Մարիամու , եզրայր Յիսուսի . մտաղիւր պատրաստական առ ամենայն հրաման երթալոյ ուր և առաջնորդեսցի : Ա՛վ . որպէս յամօթ առնէ զմեզ այս օրինակ Յիսուսի , 'ի տհաճիլ մեր , 'ի տազնապիլ , յանկանիլ 'ի հոգս , 'ի խոռովել և 'ի քրթմնջել վրդովեալ անձամբ , յորժամ հրամայէ մեզ երթալ ուր չիցէ հաճոյական մերոց ըղձից . զուով մեր անվստահք ընդ բարութիւնն Աստուծոյ , և ոչ կամեցեալ յանձն լինել բարերար խնամոց նորա :

Մասն Գ.

Զմտաւ ած դպատճառս զհետ գնալոյ յայսմ՝ օրինակի Քրիստոսի Տեառն մերոյ . որք թէպէտ յայտնիք իցեն , և յաճախ երկրորդեալք , բայց ոչ է պարտ դադարել յերկրորդելոյ՝ որ ինչ զօրաւորք են ազդել ՚ի միտս : Առաջին է զի — Հրամանք մեծաւորաց են կամք Աստուծոյ . — Թող վրիպեսցի առաջնորդն , կամ խաբեալ ՚ի միտսն , կամ ներհակեալ ՚ի կամսն . բայց առաքումն քո յայս կամ յայն վայր է կամքն Աստուծոյ : ՅԱստուծոյ կարգեալ է ամենայն ինչ . առանց նորայն կամաց ոչ անկցի ճնճղուկ , և ոչ մազ մի ՚ի հերացդ : Ամենայն ինչ , ամենայն տնօրինի յԱստուծոյ բաց ՚ի մեղաց : Եւ զմեղս թէպէտ ոչ կամի , այլ միայն թողու . և որ ինչ զհետ զայ մեղացն , զայնօսիկ ևս կամի : Ատելով ատէ և պատուհասէ զխոտորնակ գնացս չար կամաց քոց , և զղիւրահաւան բարս առաջնորդաց քոց , և զնոցա ընդզիմակ խորհուրդս , յորոց թերևս իցեն առաջնորդեալք ՚ի սահմանելն վասն քո զայս կամ զայն վայր . թակայն և այնպէս՝ են կամք Աստուծոյ զի դու գնասցես անմուռնչ , այո՛ , սիրեցեալդ , այն է կամքն Աստուծոյ հաւաստի :

Երկրորդ պատճառ . — Վայրն այն սահմանեալ քեզ ՚ի հնազանդութենէ քան զայլ ամենայն տեղիս՝ է քեզ զիպողազոյն .

Վասն զի Աստուած ամենագէտ քաջ ճանաչէ զի դէպն և զպատշաճ փրկութեան հոգւոյ քո, առողջութեան մարմնոյդ, և պատուոյ անձինդ: Եւ զի ամենագոր է, կարէ խակ տալ քեզ, և կամի. զի սիրէ յոյժ զքեզ: Ա՛հ. նա ինքն ասէ, եթէ սիրէ զքեզ առաւել քան զհայր, և կրէ զքեզ ՚ի զրկի զթով՝ առաւել քան զայեակ զմանուկ իւր. և զգուշանայ քեզ առաւել քան ՚ի բիրս աչաց իւրոց. ապա և տեղին այն, զոր քեզ սահմանէ ամենախնամ Տէր քո ՚ի ձեռն հնազանդութեան, է քեզ պատշաճագոյն քան զամենայն, և զխտորագոյն առ ստանալոյ զկատարելութիւն և զյաւիտենական փրկութիւն: Ա՛հ. որ անվատահ լինի ՚ի բարութիւն նորա և ՚ի հայրախնամ գորով սիրոյ նորա, ՚ի սիրտ հարկանէ զնա:

Պտուղ այսր խոկման է հաստատուն և անդարձ խոստումն ապաստան լինելոյ հոգւով և մտօք ՚ի զիրկս նախախնամութեանն Աստուծոյ, ուխտ եղեալ չխնդրել և ոչ հնարել հնարս Վասն տեղւոյ իրիք, այլ պահպանել իբրև զանզին և զցանկալի ինն զոհար երկնաւոր զանխտիր համակամութիւն առ ամենայն կողմանս աշխարհի, և առ ամենայն տառապանս վայրաց և վանատանց:

Եւ յայսմ անխտիր համակամութեան պարտէ կալ և յամենայն մանունս: ա. Յայն ինչ բնակարանի, յանձուկ և անձահ սենեկի, յանյարդար մահճի, յանձաշակ կե-

բակուրս և յանհարթ զգեստս: ք. Անխտիր
համակամ անոպայ ընկերաց, տաղակա-
ցուցչաց, հակառակասիրաց գտելոց ան-
դէն: գ. Անխտհեմ և հակառակ առաջնոր-
դաց անդ կացելոց: դ. Չարամիտ և անչնոր-
հակալու աշակերտաց, հպատակաց, ան-
կիրթ, չար և ապերախտ մարդկան: և. Եր-
կար անհանդիստ և բազմավտանդ ճանա-
պարհաց. նա և առ ամենայն ազգս դառ-
նութեանց միանգամայն սլատրաստ կալով:

Ի Ղ Չ Ք

Այո՛ հաւատամ, Տէր իմ. խնամք զթու-
թեան քո վարէ դամենայն, և ձգտի ՚ի ծա-
գաց մինչ ՚ի ծագս օգտակար առողջու-
թեամբ, և դարմանէ դամենայն քաղցրու-
թեամբ: Եւ ոչ ինչ ծածկի յաչաց քոց, և
զիտես որ ինչ սլատչաճական իցէ վասն
իմ, և կարես իսկ տալ. «Քանզի մօտ է առ
քեզ յորժամ կամիցիս կարող լինել»: Ապա
և ինձ տացես դանկաւորն, եթէ ոչ ընդդէմ
ելցէ չարութիւն իմ քումդ բարութեան:

Խոստովանիմ հաւատալ այսմ ամե-
նայնի. այլ ես, թշուառ և կոյր, կամեցայ
խուսափել ՚ի զրկաց քոց, և կալ արտաքոյ
խնամոցդ. յայնոսիկ վայրս, յորս առա-
ջնորդեցին ինձ անմիտ յօժարութիւնք բաղ-
ճանացս. ցաւէ ինձ մեծապէս. . . Երկնչիմ
Տէր, զի Աստուած վրէժխնդիր ես. մի գու-
ցէ ՚ի վայրն, որում փափաքեմն, սլաչա-

րեսցես զիս 'ի ցաւս, թողցես զիս անկանել 'ի փորձութիւնս, վտանգիլ 'ի վիշտս, և պարտեալ անկանել 'ի մեղս. և զի զիտեմ զի յորմէ եսն հրաժարիմ դժկամակեալ, անդանօր պահեսցես զիս զերծ յամենայն աղէտից: Թող ինձ, ահա ուխտեմ հնազանդել ամենայնիւ:

Ահա, « Հայր զթութեան, ահա 'ի ձեռս քո եմ. դու զիտես զամենայն և զմէն մի. ստանց ակնարկութեան քո և խնամոց ոչ ինչ լինի յաշխարհի: Գու զիտես որ ինչ պէտք իցեն առ կատարելութիւն իմ: Գիր զիս ուր և կամիս, կամ 'ի ձեռս քո պատրաստ առ ամենայն ինչ » (Գեմբ.): Եթէ կամիս բնակել ինձ 'ի մթան և յանարդ վայրի, եղիցիս օրհնեալ. եթէ կամիս բնակել ինձ յանդորր վայրի հանդատեան, եղիցիս օրհնեալ. Տէր ես, որ ինչ բարի է յաչս քո, արա: Պատրաստ է սիրտ իմ, Աստուած, պատրաստ է սիրտ իմ, պատրաստ առ ձախողակս, և պատրաստ առ յաջողուածս: Եւ յօժարամիտ բերիմ յայսոսիկ, ոչ միայն « Զի դու թաղաւոր զօրութեանց զամենայն չափով և թուով և կշռով կարգեցեր, այլ զի և բազում խնայութեամբ զարմանես զմեզ », կարգեալ զամենայն առ մեր բարութիւն, մանաւանդ և զչարն փոխելով մեզ 'ի բարիս: Արդ արկանեմ զանձն իմ անձնանուէր բոլորովին 'ի զիրկս հայրական խնամոց զթութեան քո՝ ասելով. Արա ընդ իս որպէս զիտես և կամիս. քանզի զիտեմ զի սիրես զիս:

ԵՐԿՐՈՐԴՈՒՄՆ ՍՈՒՂ

Ե. Աժ զմտաւ զպատճառսն՝ որք գժուարին առնէին զփախուսան. Ո՞ է որ խուսափէ, - Աստուած. Յուսմէ՞ փախչի, - 'ի չարութենէ մարդկան. Ո՞ւր, - յանձանօթ յաշխարհ. Ե՞րբ, - նորոգ ծնեալ. Ո՞րպէս, - ընդ մօր իւրոյ, ընդ անապատս, ընդ բազմավտանդ ճանապարհ:

Բ. Ո՞րպէս հնազանդեցաւ. անդէն և անդ, անպատճառ և մտադիւր:

Գ. Զմտաւ աս զպատճառս զհետ գնալոյ Յիսուսի. Կ. Հրաման առաջնորդաց գնալոյ յայս կամ յայն տեղի, է կամքն Աստուծոյ: Զի որ ինչ պատահէ յաշխարհի, բաց 'ի մեղաց, ամենայն անօրինի 'ի կամացն Աստուծոյ: Եւ զմեղս թէպէտ ոչ կամի, այլ թոյլ տայ, և որ ինչ զհետն գայ մեղաց՝ կամի և զնոսին: Է. Վայրն այն ցուցեալ քեզ 'ի հնազանդութենէ, դիպողագոյն է վասն քո: Զի Աստուած ամենագէտ, ճանաչէ զօգտակարագոյնն բարւոյ քո. և զի է ամենազօր, կարէ տալ քեզ զնոյն. և զի սիրէ յոյժ զքեզ. կամի տալ քեզ: Վստահ լեր 'ի նա. արա ըստ կամաց նորա, և առցես զփորձ նորա:

Պտուղ խոկմանս է հաստատուն ուխտ ապաստան լինելոյ ամենայնիւ 'ի նախախնամութիւնն Աստուծոյ, և լինել անխափր համակամ առ ամենայն տեղիս:

Ընթերցիք

Թովմ. Գեմբ, Գիլբ Գ. ԳԼ. 13:

ՊԱՐԱՊՈՒՄՆ

Պատրաստուրիւն առ ձայն կոչմանն .

Ա.

Պարտ է նմանել Քրիստոսի Տեառն մերոյ , առ 'ի կարող լինել ծառայել Արարչին մերոյ՝ զհետ զնալով կամաց նորա : ա . Յայն աստիճան կատարելութեան , զոր ցուցցէ մեզ ինքն յայսմ կրթութեան : բ . կատարեալ անխտիր համակամութեամբ առ ամենայն ինչ , ոչ ինչ 'ի բաց առեալ , և ոչ սահման եղեալ շնորհաց նորա : գ . Ոչ միայն 'ի բաց հեռացուցեալ զախտաւոր բերմունս առ աշխարհի իրս , այլ և տածելով 'ի սրտին յօժարամտութիւն իմն սուրբ առ լաւագոյնն , և բաղձալով կատարելագունին : Բայց զրզիոք բնութեան վեցերին ջանան ամենայն զօրութեամբ հեռացուցանել զմեզ յայսմ ոսկեղինիկ սրատրաստականութենէ սրտի : ա . Պատիւք աշխարհի , բ . Քրզիոք մարմնականք , գ . Վայելք ճոխութեանց , դ . Անչափաւոր սէր հայրենեաց , կամ տեղւոյ իրիք , և . Ունայն ցանկութիւն անուան առաջի աշխարհի , և ցուցանելոյ զհանճար մտաց , զ . Աւելորդ սէր ազգականաց , և կամ այլոց ինչ իրաց աշխարհի պատշաճելոց առ մարմին : Այստ-

քիկ են խորհուրդք թիւնաբերք որք հնարին ապականել զսիրտս և զրկել զմեզ 'ի վախճանէն մերմէ :

Քրիստոս հրաւէր կարգայ մեզ յարքունիս կատարելութեան , 'ի խորհրդական ընթրիս . բայց յաճախակի թողումք ասել զմէնջ . Իսկ նորա յուլացեալ զնացին՝ ոմն յաղարակ իւր , - այս հպարտութեան սուգտանք . Եւ ոմն 'ի վաճառ իւր , - այս է շահասիրութիւն . Այլ որ կին էած , - այս հետախտութեան ցանկութիւն : Այսորիկ երեքին խայծք , որք պատրեալ զանդոյշս կարթեն և ձգեն 'ի բաց 'ի ջինջ աւազանէ առաքինութեան , 'ի ծառայութենէն Աստուծոյ , և 'ի գնալոյ զհետ Քրիստոսի . այսինքն 'ի վախճանէ իւրեանց :

Այլ բաց յայտոցիկ խայծից սովորականաց՝ այլս ևս առաւել զիւրախաբս և քաղցունս 'ի վարարկանէ թշնամին . զի 'ի մերժելն և 'ի խուսափել յառաջնոցն , 'ի քաղցրութենէ վերջնոցս բերեալք իդձ վինիցիմք առ 'ի կլանել զկարթն՝ կամ առ 'ի պարանիլ յուռկանն : Չի գյաղթողն ցանկութեանց պատուոյ , հաճոյից և ճոխութեան , հնարի կապել 'ի սէր հայրենեաց այնպէս , զի եթէ կամիցի Աստուած զծառայութիւն նորա յայլ տեղիս , կամ մերժեացէ յանձնէ ծառայել նմա , և կամ դժկամակութեամբ վաստակեսցի : Իսկ այլոց որք մտադիւր յանձն առնուցուն զնալ ընդ Յիսուսի յամենայն վայրս , քաղցրացուցա-

նէ և նոցա թշնամին դայլ իմն գրգիռ մտաց,
 ծառայելոյ նմա յայնոսիկ ևեթ պաշտա-
 մունս՝ որք զաչս խտտղեն փայլմամբք ի-
 բեանց, և մեծահամբաւ հռչակեն դանուն
 նոցա առաջի բազմութեան մարդկան, տա-
 լով նոցա սսել ցանձինս. Չինչ ապա. Աս-
 տուած ետ ինձ յաջողամտութիւն, և յաջո-
 դակութիւն ՚ի գործ, և ես կամիցիմ թաղել
 վատութեամբ զտաղանդն որ ինձ հաւա-
 տացաւ, և ապա լսել ՚ի Քրիստոսէ զկշտամ-
 բանս քանքարաթափոյց ծառային. Յայտ-
 նեա զանձն քո աշխարհի: Այսպէս և սո-
 քա կուրացեալ մտօք, ոչ զնան զկնի լու-
 սոյն, որ առաջնորդէ նոցա առ երկնաւոր
 լոյսն մեծ ևս կատարելութեանց: Եւ զայլսն
 ևս առաւելութեամբ կապեալ թշնամին բնա-
 կան յօգիւ սիրոյ ազգականաց, բարեկա-
 մաց, հտպտից և աւելորդաց, անլուրս
 գործէ հրաւիրանացն Յիսուսի, որ է աղ-
 բիւր ամենայն սիրոյ: Եւ այսպէս ՚ի մին
 կամ ՚ի միւսն ՚ի հաղբից ըմբռնեալք յան-
 զգուշից՝ կասին յայնմ ոսկեղինիկ առաքի-
 նութենէ, որ միայն կարէ առաջնորդել մեզ
 զնալոյ զհետ կամացն Աստուծոյ ամենայ-
 նիւ, այսինքն՝ վախճանին մերոյ:

Արդ հնարք հանճարիմացք, առ ՚ի սր-
 բել ՚ի բաց զայսոսիկ խոչսն, են՝ ունել յան-
 զիման աչաց զօրինակ Փրկչին. յորում
 նկատեալ զխոնարհութիւն, զխստութիւն
 կենաց, և զճանր աղքատութիւն, որոց
 տարաւ ինքն ՚ի մարդեղութեան և ՚ի ծնն-

զեան իւրում , քաջալերիմք ոչ միայն արհամարհել զպատիւ , զճոխութիւն և զհաճոյս , այլ և յորդորիմք յանթերի , յանխտիր համակամութիւն առ ամենայն վայրս , առ ամենայն պաշտամունս , առ ամենայն ատիճանս առաքինութեանց , ՚ի խոկալն զփախուստ նորա յԵզրիպտոս , զգաղանի կեանս նորա , և զկալ մնալ նորա ՚ի տաճարին : Յակնարկելն ՚ի փախուստն Յիսուսի յԵզրիպտոս , թօթափեմք յանձնէ զմեզկ յօժարամտութիւնն՝ որով է երբէք զի յաչս զնեմք զայս կամ զայն վայր , և լինիմք զուարթունք և պատրաստք ՚ի բնակել ուր և հրամայիցիմք : Քաղանի կեանքն Յիսուսի բթացուցանէ ՚ի մեզ զապերասան ցանկութիւն ելանելոյ ՚ի հոչակ , հրապարակելոյ զհանճար մեր : Քարձեալ Յիսուս անտես առնէ զՄարբն և զՅովսեփաւ , զորս սիրէրն յոյժ , առ ՚ի ծառայել երկնաւոր Հօր իւրոյ , յաղթէ յօժարամտութեան իւրոյ առ ազգականսն երանեալս . սովին արիացուցանէ զմեզ խորտակել զյօղակապս արեան , և զնալ զկնի կոչմանն Աստուծոյ , յոր զմեզ կամիցի հրաւիրել , թէ և առ մեժ կատարելութիւն իցէ կոչումնս :

Յոյժ ճաշողական կարգօք շղթայացեալ են մասունք կրթութեանս . արդ յետ այլոցն ամենայնի յորդորիմք յօրինակէն յուղղութիւն . և արդարև չիք այնպէս զօրաւոր զրգիռ մտաց քան զազգումն օրինակի : Եւ ըստ առաւելութեան յարգանաց

զաղափարին, առ առել լինիցի զրզիռ մտացն նմանելոյ զործոց նորա : Ապա յայտ է՝ թէ որպէս անընդդիմակ համոզակեր լինիցի ՚ի սիրտ պարապելոյն ՚ի խոկումն, տեսանել զի աղքատս այս՝ է Աստուած տէրն ամենայնի . վշտատարս այս ՚ի ցաւս և ՚ի վաստակս՝ է Աստուած աղբիւր երանութեան . խոնարհս այս անարգեալ և ծանակեալ՝ է Աստուած ամենագօր և ամենաբաւ : Եւ ո՞ յանդգնեսցի յանդիման օրինակիս զգլուխն ՚ի վեր ունել ՚ի բարձրավիզ յոխորտանս, զգուել զմարմինն, խոյս տալ յաղքատութենէ : Տեսեալ զՅիսուս փախստական Տղիպոսս, ընդ երեսուն ամս ծածկեալ ՚ի կրպակի, և զի հալատակեալ կամաց Հօրն երկնաւորի լքանէ երբեմն զաղտ և լի ցաւովք զիւր սիրելի զմայրն . և մեք չկամիցիմք զբնակութիւն անհանգիստ, զանարդ պաշտամունս . և խնուցումք զականջս առ ձայնն Աստուծոյ, որ զթովք սիրայորդոր կոչէ զմեզ առ ինքն ՚ի ծառայութիւն կատարելագոյն աստիճանի :

Բ

Ի կրկին ազգս վիճակի կենաց Յիսուս եկաց մեզ օրինակ . առաջինն է պահպանութեան պատուիրանացն Աստուծոյ, որ է առաջին վիճակ, և է վիճակ հասարակաց մարդկան . առ որ պարտի ամենայն որ

Համաձայնիլ 'ի ծննդենէ մինչև ցմահ, եթէ կամիցի լինել որդի փրկութեան: Եւ այսր զսքանչելի զօրինակ ետ մեզ Յիսուս կալով 'ի Հնազանդութեան ծնողաց իւրոց. «Եւ էր նոցա Հնազանդ»: Իսկ երկրորդին զօրինակ ետ յորժամ զնաց 'ի տաճարն զաղտ 'ի ծնողաց, լքեալ անտեսեալ զմայրն, զի սարապեսցի 'ի պաշտօն երկնաւոր Հօրն. և այս է կոչումն անտարանական կատարելութեան և Հնազանդութեան. զի անգանօր Հեռացեալ 'ի խնամոց տան իւրոց ծնողացն, և յարտաքին մխիթարութեանց զորս կարէր ընդունել 'ի մօրէն և յընտանեացն, զուրկ յամենայնէ ետ զանձն բովանդակ 'ի ծառայութիւնն Աստուծոյ 'ի տաճարին: Յորում եցոյց պատկեր իմն կրօնաւորական կոչման. և յայտնեաց ևս զի սարտիմբ լինել անխտիր Համակամ մտանելոյ և յայս կոչումն, եթէ Աստուած Տէր ամենայնի, սահմանեալ իցէ մեզ ծառայել ինքեան յայնմ կոչման:

Այսոցիկ երկուց կոչմանց զանազանութիւն յայտնապէս տեսանի յաւետարանն Մատթէոսի տուեալ 'ի Քրիստոսէ. 'ի հարցանել պատանուոյն. «Վարդապետ բարի, զինչ արարից զի զկեանս յաւանականս ծառանդեցից. ասէ ցնա Յիսուս. Եթէ կամիս մտանել 'ի կեանս սահեա զպատուիրանս»: Այս է ահա առաջին կոչումն հասարակաց ամենեցուն մարդկան. առաջին՝ զի զայս սարտ է ընտրել այն ինչ

ի զարթնուլ լուսոյ բանին . և է հասարակաց , զի է կարեւոր ամենեցուն առ փրկութիւն : Բայց ՚ի պատասխանել պատանուոյն : « Չայդ ամենայն արարի ՚ի մանկութենէ իմ մէ , արդ իւ իւրք պակաս իցեմ . ասէ ցնա Յիսուս . Եթէ կամիս կատարեալ լինել , երթ վաճառեա զինչս քո և տուր աղքատաց , և ունիցիս զանձս յերկինս . և եւէ զկնի իմ » : Ահա երկրորդ կոչումն , որ հանէ յաւետարանական կատարելութիւն : Չայս սարա է ընտրել առանց յերկմիտ խորհուրդս տատամներոյ , յորժամ յայս կոչիցիսմք յԱստուծոյ . որ որ կոչեցեալ՝ և ոչ ընտրէ զսոյն , ՚ի վտանգ զյաւիտենական փրկութիւն իւր արկանէ , զարհուրեսցի յանձն . զի մերժէ յանձնէ զմիջնորդն փրկութեան իւրոյ , զոր առաջի առնէ նմա Աստուած :

Բայց արժան է զխտել զի քննութիւն ընտրութեան կոչմանն սկսանի ՚ի խոկմանէ մնալոյ Յիսուսի ՚ի տաճարն . յորում ժամու եթող զտուն իւր առ ՚ի պարապել ՚ի ծառայութիւն Հօր իւրոյ երկնաւորի : Եւ թէպէտ այն է ժամանակ կարգեալ առ ՚ի խորհել զկոչմանէն՝ զոր ընտրել ունիցի որ , բայց ոչ է պարտ արգելուլ ներքին բերմանն՝ որ յօժարեսցի պարապել յընտրութիւն այսր կամ այնր վիճակի կոչմանն . միայն շատ է զի մի յոյժ ընդերկար ՚ի նոյն զժամս ծախեսցուք : Իսկ որք յառաջագոյն յանքակ իմն կոչումն կապեալք իցեն , և

ճիզն նոցա սլարտի լինել 'ի ժամանումն յևս
բարձրագոյն կատարելութիւն :

Գ.

Առ բարւոք ընտրութիւն երեք են զի-
տելիք . ա . Պատրաստականութիւն հոգոյ
ընտրողին : բ . Յեղանակն բարւոք ընտրու-
թեան : գ . Նիւթն , այսինքն՝ Մասունք ըն-
տրութեանն : Պատրաստականութիւն հո-
գոյն է , ըստ կանոնագրոյն , ունել կատա-
րեալ անխտիր համակամութիւն առ ամե-
նայն ինչ . մերժել յանձնէ դանկարդ բաղ-
ձանս . զարթուցանել 'ի սրտի զյօժարա-
մտութիւն մեծ առ մեծագոյն կատարելու-
թիւն : Նթէ այսոքիկ մերձ ոչ իցեն , սիրտն՝
է զի յամառեալ կայ զդէմ ունելով ազգման
չնորհաց , և է զի տկարանայ կալ ընդդէմ
յարձակման կրից , որք հնարին խտտորե-
ցուցանել զնա 'ի վատթարն . և է զարձեալ
զի մթազնեալ մտացն՝ ոչ կարէ ճանաչել
զլոյս շնորհացն , որ յառաւել կատարելու-
թիւնս առաջնորդէ նմին :

Զյեղանակէն բարւոք ընտրութեան
ասացուք զկնի վաղուեան խորհրդակցու-
թեանն : Զորմէ առ ժամս սլարտ է զիտել
զի երեք ժամանակք են ընտրութեան : Ա-
ռաջինն է աներկբայ յայտնութիւն կա-
մացն Աստուծոյ , յորում ոչ է երկբայու-
թիւն . որպիսի էր կոչումն սրբոյն Մատթէի ,
և սրբոյն Պօղոսի . բայց այս է առանձին

իմն շնորհք Աստուծոյ, և է արտաքոյ բա-
 նիմարդոյ, զոր ոչ է մարթ խնդրել, որում
 և ոչ մնալ հրամայիմք: Երկրորդ ժամա-
 նակն է՝ յորժամ ներքին իմն ազգմամբ բե-
 րի ուժղին, որպէս զի առանց խորհելոյ ան-
 դամ՝ զայ յընտրութիւն իրաց ինչ: Երրորդ
 ժամանակն է՝ յորժամ խորհելով ընդ միտս
 և՛ի քննութիւն ածեալ, և երկուստեք զպատ-
 ճառսն կըռեալ, առաջնորդէ կամացն ըն-
 տրել զայն՝ զոր լաւագոյն տեսանէ: Այստ-
 քիկ երեք ժամանակք զանազանին՛ի պատ-
 ճառսն՝ որովք լինին ընտրութիւնք: Յա-
 ռաջնումն՝ աներկմիտ հաստատութեամբ
 ճանաչելով իմն զազգումն լեալ յԱստուծոյ,
 կամքն բերի յընտրութիւնն: Յերկրորդումն՝
 կամքն յօժարի յընտրութիւնն ոչ աներ-
 կբայ ստուգութեամբ, այլ զհաւանականու-
 թիւն ունելով ինքեան առաջնորդ՝ լինել
 այնր կամաց Աստուծոյ: Յերրորդումն՝
 միտքն իւրով հանճարով կըռեալ զպատ-
 ճառսն երկուստեք հաւանելոյ կամ մեր-
 ժելոյ, ՛ի հաւան ածէ զկամսն առ ՛ի յըն-
 տրել զմին կամ զմիւսն: Այնպէս զի յա-
 ռաջին յերկուս ժամանակսն՝ կամաց հա-
 վանութիւն յառաջէ քան զընտրութիւն
 մտացն. իսկ յերրորդին՝ մտաց ընտրու-
 թիւն յառաջէ քան զհաւանութիւն կա-
 մացն: Երկրքին առաջինքն են առաւել զե-
 րագանցք, իսկ երրորդն է զիւրագոյն, և
 պատշաճական բնութեան մերոյ: Այլ և
 յերկրորդին ևս պակասելով աներկբայ

ստուգութեան լինելոյ կոչմանն յԱստուծոյ, ապահովագոյն է առնել քննութիւն, արկեալ զնոյն ընդ դատաստանաւ մտաց:

Այսօր ոչ է ժամանակ խոկալոյ 'ի վերայ մասանց ընտրութեանն, այլ միայն առաջի առնել և որոշել զկոչումն՝ զոր կամք են առնուլ 'ի քննութիւն. և այս որոշումն է 'ի վերայ երկուց այսոցիկ, թէ արդեօք շատասցի՞ որ պահպանութեամբ պատուիրանաց, կամ թէ խրատուցն ևս կամիցի՞ զնալ զհետ: Եւ եթէ առնուցու յանձն զխրատան, արդեօք 'ի կրօնի՞ եթէ արտաքոյ կալով ընտրեսցէ զայն. եթէ 'ի կրօնի, յորում՝ արդեօք, և երբ, և որպէս: Այլ յընտրելն զկրօն, երկուց իրաց պարտ է զգոյշ կալ. մի՞ զի չիցէ կրօնն թուլացեալ յառաջին կարգացն. և երկրորդ՝ զի մի՞ 'ի զօրութիւն և 'ի կամս իւր եեթ հայեսցի, այլ և յայն՝ զի ունիցի զկարևոր ձիրան և զհանձար, որք խնդրին ըստ սահմանադրութեան կրօնին: Եւ յետ ճանաչելոյ ուրուք լինել կոչմանն յԱստուծոյ, և հաստատելոյ 'ի նոյն, չէ սարտ նմա յապաղել 'ի գործ. զի մի՞ գուցէ 'ի յապաղելն և շնորհն հեռացի 'ի նմանէ:

Երկրորդ մասն ընտրութեան են հնարքն ձեռնառք՝ որովք 'ի կոչմանն ընտրելոյ կարեմբ ժամանել յառաել բարձրագոյն աստիճան կատարելութեան և սրբութեան: Հնարքս այսոքիկ են՝ մտադիւր փոյթ 'ի լրումն հանապաղորդեան պարտուց կոչ-

մանն, եռանդազին աղօթք, անդուլ զգաստութիւն խորհրդոց, յաճախել ՚ի սուրբ խորհուրդս. անպակաս առնել զկրկին քննութիւնսն՝ զընդհանուրն և զառանձին, փութաջան ճիզն ՚ի կրթութիւն առաքինութեանց, մանաւանդ խոնարհութեան, մեռուցման, աղքատութեան, և անխտիր լինելոյ առ ամենայն պաշտամունս գործոց, առ ամենայն տեղիս, անդադար մարտիւ առ ՚ի նուաճելոյ և արմատախիլ առնելոյ նա և զարմատս մանունս անկարգ յօժարութեանց սրտին:

Պարտ է ևս ճանաչել և սահմանել զյեզանակն, որովք հնար իցէ հանել ՚ի կատարելութիւն զառօրեայ գործս՝ սրբելով ՚ի սովորեալ թերութեանց, եթէ արժան իցէ փոխել զյեզանակ աղօթիցն յայլ իմն կարգ օգտակարագոյն, և կամ զխոստովանութեանն, կամ զմերձենալոյ ՚ի սուրբ խորհուրդն կամ պատարագելոյ, կամ եթէ իցէ պէտք ժամանակաւոր ուխտիւ համառօտել զչափ քնոյն, կամ առնել հանապազորդ խոկումն ինչ կամ պարապումն հոգևորական, և կամ ամիտիումն մտաց ամիս յամսոյ, և այլ ինչ գործ այսպիսի:

Մարթ է ևս առնուլ ՚ի քնին, ա. Ո՛ր ինչ պարտ իցէ նորոգել յաղքատութեան մասին. եթէ իցէ արժան ՚ի վայելից այսր կամ այնր հրաժարել ամենեին, և յաւելորդացն այնոցիկ: ք. Ո՛րպէս իցէ հնարելանել ՚ի բարձրագոյն իմն աստիճան խո-

նարհութեան . զոր անարդանս խնդրել և յորոց պատուոց հրաժարել : Եթէ կամիցիմք արիական իմն լռութեամբ տանել նախատանաց ստորնագունից , ստգտանաց , զբարտութեանց հասակակցաց , և հարստահարութեանց առաջնորդաց . կամ թէ արժան իցէ պատասխանել , պաշտպանել անձին , յայտնել զարդարութիւն , զրկել զանձն ՚ի մեծագոյն փոխարինացն արգասեաց : գ . Զոր զործս մեռուցման յանձն առնուլ հանապազօրեայ , զոր կանոն սահմանել մեռուցման ըստ կարի յամենայն զործս . ժուժկալել յուտելոյ և յըմպելոյ արտաքոյ քան զսահմանեալ ժամանակս . որպէս ՚ի չափու ունել զկերակուրն հանապազօրդ : դ . Ի դէպ իցէ ինքնամատոյց նուիրել զանձն ՚ի կամս առաջնորդաց անխտիր առ պաշտամունս , առ տեղիս , և յայնոսիկ՝ յորս կրէ որ մեծ դժկամակութիւն . և կամ հաստատութեամբ զնել ՚ի մտի և ուխտիս կապել զանձն երբէք չտալոյ երկրորդել յիմիք զհրաման և զկարգաւորութիւն նոցուն : ե . Ո՞րպէս պարտ իցէ յաղթել անժոյժ ըղձից արենակցաց կամ բարեկամաց , ակնառութեան մարդկան , և բուռն կրից :

Երրորդ մասն ընտրութեան է յառանձին զործս . զոր օրինակ թէ արժան իցէ առնուլ յանձն կամ մերժել զպաշտօնն զայն կամ զպատիւ , և կամ զպարզեն մատուցեալ . որպէս վարել յայս կամ յայն

գործ. արժան իցէ խնդրել դատարելութիւն
 'ի Հայաստան կամ այլուր. կամ զպաշ-
 տօն հիւանդապահի, կամ զվարժապետի
 ստորին դասուց աշակերտաց: Ի յանձնեալ
 պաշտամանն զոր ուղղութիւն պարտ իցէ
 ցուցանել, զոր հնարս մարթ իցէ և պարտ
 'ի գործ արկանել յօգուտ և 'ի փրկու-
 թիւն հոգւոց: Եւ յայսմ ամենայնէ յայտ
 է՝ զի զլիսաւոր նպատակ նորոգելոյ զըն-
 տրութիւնն է հաստատուն ուղղութիւն վա-
 րուց, կամ նորոգութիւն՝ զոր պարտ է առ-
 նել խրաքանչիւր ումեք 'ի կոչման խրում:
 Արժան է գիտել, զի 'ի յիշատակեալ մա-
 սունսդ ոչ է պարտ որոշեալ սահմանել դա-
 մենայն, այլ զայս ինչ կամ զայն և կամ
 զայլ նմանագոյն ինչ ըստ բերելոյ հարկին
 պիտոյից խրաքանչիւրոց: Բայց զոր և կա-
 միցիս խորհել և ընտրել, պարտ է ջանալ
 զի իցէ ուղիղ և սուրբ մտօք. քանզի ստեղ-
 ծեալ եմք յօրհնել զԱստուած և հոգալ զփր-
 կութիւն մեր, և ոչ այլոյ խմիք պարտիմք
 ցանկալ, այլ միայն որ ինչ իցէ 'ի պատիւ
 Աստուծոյ և 'ի փրկութիւն մեր:

Իսկ զիպոզագոյն ժամանակ կրթու-
 թեան այսր ընտրութեան է ժամանակն
 խաղաղութեան: Եւ խաղաղութիւն է յոր-
 ժամ սիրտն անխռով ոչ յուղի 'ի զանա-
 զան կրից: Առ լաւ ևս առնուլ 'ի միտ, զի-
 տա՛ զի սիրտն կարէ յորդորիլ, ա. Միայն
 'ի հոգւոյ բարւոյ ընդ ճանապարհ մխիթա-
 րութեան: Բ. Միայն 'ի չար հոգւոյ՝ բռնա-

դատութեամբ անյուսութեան : գ . Եւ յերկուցն միանգամայն , զգալով յանձին զընդդիմակ կիրս : — Պարտ է զգոյշ կալ չընտրել յայս յերկոսին վերջին ժամանակս յուզելոյ հոգւոյն . և յառաջինն ևս են ինչ ինչ արժանիք զննութեան , զորմէ լիցի բան 'ի վաղի :

Այլ յամենայնի կացեալ յերկբայս՝ եթէ 'ի մեծ ինչ զործ և եթէ 'ի փոքր , պարտ է մատչիլ 'ի փորձ զործով ընտրութեանն . և այս է ապահով իմն շաւիղ առնելոյ ուղղութեամբ զընտրութիւնս և ըստ կամացն Աստուծոյ յաջողութեամբ 'ի զլուխ հանելոյ դայն :

ԽՈԿՈՒՄՆ Բ

Ի ՎԵՐԱՅ ԱՌԱՆՁԻՆ ԿԵՆԱՅ
ՏԵԱՌՆ ՄԵՐՈՅ ՅԻՍՈՒՍԻ

Մաւն Ա

Զմտաւ ամ զգերազանցութիւն խորհրդոյս : Խորհուրդս այս առանձին կենացն Յիսուսի , է 'ի մխիթարութիւն մեծ խոնարհաց , և 'ի սաստիկ կորանս ամբարտաւանից . և է անգեղայ փրկարար փորձութեանցն՝ զորս զգամք երբեմն 'ի պերճանս աշխարհի , և անձնացոյց լինելոյ մեծու-

Թեան հողուոց մերոց : Հաւա , յառաջ մա-
տիր ջերմացեալը յախտէս , ամբարձ զաչս
քո առ Յիսուս : Ահա մարդացեալն Աս-
տուած , իմաստութիւնն անբաւ , զարդա-
րեալ աստուածատուր գիտութեամբ ամե-
նայն իրաց , հմուտ ամենայն լեզուաց , ճար-
տարութեամբ բանից գերահրաշ , առ յան-
կուցանել յինքն զսիրտս մահկանացուաց
քաջ ճարտար , թագաւոր փառաց , տէր
երկնի և երկրի , եկեալ յաշխարհ առ 'ի սր-
բել զախտս մոլեկանս , առ հալածելոյ զմո-
լորութիւնս , առ ուղղելոյ զվարս , առ 'ի
սրբել զերկիր . սա ինքն Աստուած մար-
դացեալ , (և ո՞ ոչ յապուշ հարեալ ընդար-
մասցի) , կեայ յաղքատութեան յանարգ
իմն քաղաքազեղջ , 'ի գործարանի ուրումն
արուեստաւորի , մանաւանդ զի ինքն իսկ
լեալ արուեստաւոր , կայ յաղքատին կեանս ,
անտես յաչաց , և ծածկեալ ամենեկին :

Չեոքն արարչագործք , մատունքն ա-
մենակարողք՝ որք զտիեզերս կանգուն ու-
նին , աւել ամեն 'ի տան , հատանեն , սղո-
ցեն , տաշեն , լուանան զկօշիկս . և այս-
պէս Աստուած մարդացեալ խոնարհ վարէ
կեանս և յաչս մարդկան անօգուտ , անգործ
և զատարկ , անծանօթ 'ի մարդկանէ , և 'ի
ծանօթից անդամ կարծեալ տղէտ և ար-
համարհ որ արուեստաւոր : Սա նա ինքն է՝
որ կարէր քարոզել 'ի տաճարին Սողոմո-
նի , վիճել և տալ զօրէնս գերահրաշ իմաս-
տասիրութեան 'ի ճեմարանս և ժողովա-

րանս , սահմանել սքանչելի օրէնս քաղաքական վարչութեան յատեանս և յարքունիս պետաց , շրջել ընդ քաղաքս , դաւառս , թաղաւորութիւնս բժշկելով զհիւանդս , ուսուցանելով զժողովուրդս , ածելով յապաշխարութիւն զմեղաւորս օրինակաւ իւրով , և զամենայն ազգս ձգելով զկնի իւր զօրութեամբ սքանչելեաց : Իսկ սա ծածկեալ յանկեան ուրեք Պաղեստինացւոց աշխարհին անտես անորք ընդ ամս ոչ երիս կամ չորս , այլ երեսուն . ընդ ամս երեսուն . անձան խոնարհութիւն յապշութիւն մտաց մերոց :

Եկայք արդ , որդիք մարդկան սուտք , որք մեղանչէք ՚ի կշիռս ձեր . եկայք և առէք ՚ի միտ . ո՞ է որ այսպէս ծածկեալ վարէ կեանս . ո՞ր . և ցո՞րվայր կայ մնայ ծածկեալ . և ուսարո՞ք ՚ի վարժարանի աստ զնել չափ ցանկութեան ձերոյ՝ զօրութիւնս զործելոյ , և զերազանցելոյ զայլովք , հանդէս առնելոյ մտաց ձերոց : Ո՞վ Յիսուս . արդարեւ դու ես Աստուած ծածկեալ , և զնես զխաւար ՚ի ծածկոյթ քս . արդ արա՞ զի խաւար քո լինիցի և ինձ իբրև զմիջօրեայ , զի տեսից եթէ քանի՛ ընդունայնութեան խորհուրդք իցեն ՚ի մեծապատիւ պաշտամունս :

Մ ա ս և Բ

Զմտաւ ւած զճշմարտութիւնն ծածկեալ
 յայսմ խորհրդեան : Յիտուս այսպէս ծած-
 կեալ , յաչս մարդկան անգործ թաղեալ
 դքանքարսն , և յանարդ կեանս , լեալ ՚ի
 մոռացօնս յամենեցունց , այլ նա եկեաց
 որպէս պարտն էր , և արար դամենայն
 զհրամայեալսն . մանաւանդ զմեծամեծս :
 Կեանքս այս դատարկ յաչս մարդկան , ան-
 օգուտ և անարդ . այլ յաչս Աստուծոյ Հօր
 էր բազմախառտակ , օգտութեամբ լի և փա-
 ոօք . քանզի եկեաց որպէս կամէր Հայրն ,
 արար դամենայն զոր կամէր Հայր , եղև
 անդ՝ ուր կամէր Հայր . այնպէս՝ զի եթէ
 Յիտուս յայն ամենայն ժամանակս կենացն
 այլ ինչ գործեալ էր , այլազգ վարեալ էր
 կեանս , այլուր էր բնակեալ , ոչ լինէր բա-
 րոք բնակութիւնն , թերացեալ գտանէր ՚ի
 գործն , և ոչ ինչ համարէր վաստակեալ ,
 զի ոչ կատարէր զկամս Հօրն երկնաւորի :

Ապա կատարելութիւն մեր ոչ է ՚ի մե-
 ծամեծ գործս , (մեծ երևեալս յաչս մարդ-
 կան), զի ճարտարախօսութեամբ փառաւո-
 րեմբ դքադարս , զճեմարանս լնումբ զիտու-
 թեամբբ , զհայրենիս մեծամեծ գործովբ . զի
 դատախարակեմբ զվարժարանս , զգաւառս ,
 և զիշխանաց զմտացն խիղճ , և զի անցանեմբ
 ՚ի համար արանց հռչակելոց . ոչ . կատա-
 րելութիւնք մեր չեն ՚ի սոսին , այլ ՚ի հսկա-

տակութեան կամացն Աստուծոյ, կալ 'ի վայր, 'ի պաշտաման և յաստիճան՝ յոր կամի զի կացցուք ամենիշխան տէր մեր: Այս է ճշմարտութիւնն այն անյաղթ և անպատում, զոր ուսոյց մեզ իմաստութիւնն մարգացեալ ընդ ամս երեսուն: Բայց ասիցես. առ ինչ ապա ետ ինձ Աստուած զայսոսիկ քանքարս՝ եթէ ոչ կամի արկանել 'ի գործ. պատասխանեմ. առ ինչ ապա Հայրն Աստուած զարդարեաց այնչափ գերահրաշ պարզեօք զՅիսուս, և ապա արգել նմա ընդ ամս երեսուն արկանել զնոսին 'ի գործ: Լուր, ո՛վ բարձրամիտ դու. վասն այնորիկ ետ քեզ Աստուած զայսոսիկ պարզես բնութեան, զի ունիցիս ինչ առ 'ի նուիրել նմա. քանզի ոչ ընդ վայր կորնչին խունկքն մատուցեալք առաջի Աստուծոյ, և ոչ քանքարքն այնորիկ ծախին ընդ վայր, որք և 'ի կալն իսկ անգործ ծառայեն կամացն Աստուծոյ:

Արդ եթէ կամի Աստուած կալ քեզ հարեալ ընդ փոշի ստորին դալրոցաց, յաստիճան օգնականի, 'ի հիւանդանոցի, և կամ յայլում ստորին պաշտաման, անտեսեալ յառաջնորդաց, անարգեալ յընկերաց, անձանօթ 'ի մարդկանէ. կեաց 'ի խաղաղութեան, աղաչեմ դքեզ, կեաց զոհացեալ 'ի վիճակիդ. զաղարեաց 'ի դանդաւտանացդ՝ իբր թէ իցես անօգուտ, անպիտան առ ամենայն ինչ և բեռն այլոց: — Անպիտան առ ամենայն. Ոչ այդպէս. որ

լնու զհրաման յաւիտենականի Հօրն , շատ
խակ վաստակէ : Այս ոսկեղինիկ բան , —
Աստուած զայն կամի — լիցի քեզ 'ի վա-
հան , որ բթացուցէ զամենայն հարուածս
ամբարտաւանութեան և անձնասիրութեան
և որ յերկիր կործանեսցէ զամենայն քան-
քարտանս պաշտաման , տեղոյ և աստի-
ճանի և հիւանդութեան : Ո՛վ բան լի և հոծ
իմաստիք . — Աստուած զայն կամի — .
Ո՛վ սքանչելի ծնունդ մտաց . բայց սքան-
չելի միայն աստուածասիրին և ոչ անձնա-
սիրի և աշխարհասիրի :

Ընդ այս ճշմարտութիւն բախեալ
խորտակին ամենայն տարապայման իղձք
բարձրութեան և անուան , պայծառ պաշ-
տամանց , զովութեան , և խրոխտ խիզա-
խումն՝ որ է աղբիւր և արմատ մեծամեծ
յուզմանց : Քանզի 'ի սոցանէ բղխեն տը-
տունջ և դանդատ ընդդէմ առաջնորդաց՝
որք ոչ շողովեն զկարծեցեալ իրաւունս . աս-
տի նախանձք , ոխակալութիւնք . աստի
քրթմնջիւն և բամբասանք : Որ որ զերծ կա-
ցուցանէ զանձն 'ի ժանտէ աստի , 'ի քանի՛
խաղաղութեան վայելէ . 'ի սիրտ նորա ի-
ջանէ խաղաղ ցօղ դրախտին երկնից : Այս-
ճան խոկմանն առաւօտուս էր անխտիր
համակամութիւն առ ամենայն տեղիս . իսկ
պտուղ այսորիկ է անխտիր համակամու-
թիւն առ ամենայն պաշտամունս և աստի-
ճանս և հիւանդութիւնս . մանաւանդ զի ա-
ռաւելլան պարտ է զարթուցանել զիղձս

առ դործս խոնարհս, դժուարինս և հակառակս զգայութեանց և անճնասիրութեան, բորբոքեալ յօրինակէ Տեառն մերոյ Յիսուսի « Որ փոխանակ ուրախութեանն՝ որ նմա առաջի կայր, յանճն առ զխաչ, արհամարհեաց դամօթ » :

Ի Ղ Զ Ք

Ո՛վ ամենախոնարհ Տէր իմ Յիսուս . դու լոյս աշխարհի, բորբոքեալ ջահ տանն Աստուծոյ, ընդ այնչափ ժամանակս կացեր ծածկեալ ընդ գրուանաւ, յանարգ արուեստս պարապեալ . և իմ գոլով ոչ ինչ և մեղք, կամիցիմ լոյս ջահել յաշխարհի, փայլել ՚ի մեծամեծ պաշտամունս : Ի բաց, հեռի յինէն այսպիսի պատիր ունայնամտութիւնք : Առաջի ամենայն երկնաւորացն անմահից անարգեալ դատապարտեմ զյիմարական զայս գրգիւ մտաց վեհ երեւելոյ առ այլովք, ամբարտաւանելոյ ՚ի բարձր պաշտամունս, և հոչակաւ մեծացուցանելոյ զյաջողամտութիւնս իմ պարգևեալս ինձ յԱստուծոյ : Յայսմ հետէ յօժարութիւն բաղձանաց իմոց լինիցի յանարգ պաշտամունս . փափաքեցայց կալ ծածկեալ և լինել անճանօթ ՚ի մարդկանէ . կամք քո, Տէր իմ, լիցի կանոն ուղղիչ փափաքանաց սրտիս :

Երկինք և երկիր վկայ կացցեն ինձ . Յանկամ լինել որդն աղկաղկ ՚ի կամս Աս-

տուժոյ , և առանց կամաց նորա չառնում յանձն լինել վեհադոյն քերովբէից : Կամիմ ըստ կամացն Աստուծոյ կալ անդորձ , և ծախիլ 'ի դատարկութեան , և ոչ կամիմ առանց կամաց նորա դարձուցանել զաշխարհ 'ի հաւատս , և լինել վկայ վասն հաւատոյ : Յանկամ ըստ Աստուծոյ կամացն կալ մնալ ծածկեալ 'ի խաւարչտին ուրեք անկեան աշխարհի , և ոչ՝ առանց նորա փայլել յերկինս : Շատ է ինձ զի կատարեսցին կամքն Աստուծոյ , և ես համարեցայց յայնժամ մեծ , ճոխ և շատ իսկ երջանիկ :

Պարտ է կրկնել աստէն զիդս խոկման առաջտուն , և որ ինչ բանք ևն անդ զտեղոյ , նոյն աստ կրկնեսցի ասելով զարշտանակ .

ԵՐԿՐՈՐԴՈՒՄՆ ՍՈՒՂ

Ա . Գէրազանդուհիան խորհրդոյս : Աստուած մարդացեալ , իմաստուածիւն , զօրութիւն , մեծվայելութիւնն անբաւ , եկեալ 'ի նորոգել զաշխարհ , կեայ ծածկեալ յամենեցունց 'ի գործարան արուեստաւորի . ձեռքն այնոքիկ արարչագործք՝ արդ վաստակին ուրագաւ և քերչաւ . միտքն այն իմաստուածիւն չօր , արդ զբաղեալ է յարուեստ իմն անարգ , և այս ընդ ամս երեսուն : Տես արդ ո՞րպէս առաջի օրինակիս խորտակի սնովի քոյին վաւաք վեհ երևելոյ : Քաջ խոկա , ո՞ է՝ որ այսպէս ծածկեալ կեայ . ո՞ւր , և ջո՞ր վայր :

Բ. Ճշմարտաւէիանն ծածկեալ 'ի խորհրդեանս : Յիսուս այսպէս ծածկեալ, և առ աչս վարելով կեանս իմն անօգուտ և անարգ, եկեաց որպէս սլարան էր, և գործեաց գործ գերազանց, վասն զի կատարեաց զկամս երկնաւոր Հօրն : Ապա կատարելու թիւն մեր ոչ է 'ի գործել մեծամեծս, այլ է 'ի կատարման կամացն Աստուծոյ : Եթէ Տէր կամի կալ քեզ անծանօթ, արհամարհեալ, անտեսեալ, կեաց 'ի խաղաղութեան . զի դու լինիցիս սիրեցեալ յոյժ յաչս նորա, և գացիս սրապեալ 'ի մեծամեծ վաստակս . քանզի կամաց նորա զկնի գնացեր :

Պատու խոկմանս է անխտիր համակամութիւն առ ամենայն սաշտամունս և աստիճանս, մանաւանդ սուրբ իմն փափաք առ անարգ և խոնարհ գործս :

Ընթերցիր

Թովմ. Գեմբ. Գիրք Գ. ԳԼ. 13 :

Խ Ո Ր Հ Ր Գ Ս Կ Յ Ո Ի Թ Ի Ի Ն

Ի վերայ մեռուցման .

Մեռուցումն զառաջին տեղին ունի յամենայն գործս՝ ոչ միայն 'ի նմանութեանն Քրիստոսի, այլ և յանխտիր համակամութեան առ ամենայն տեղիս և սաշտամունս, զոր ցայս վայր յեղյեղեալ և 'ի խն

լամտեցուցանել ճիգն 'ի մէջ առեալ եմք իբրև առանձին պատուղ սերկեան աւուրս : Քանզի առանց այսր առաքինութեան ոչ կարասցուք լինել հետևողք Քրիստոսի , և ոչ անխտիր պատրաստք առ ամենայն ինչ , և ոչ դատեալ 'ի սիրոյ մարմնոյ և արեան և յայլ ամենայն արարածոց : Ապա ոչ միայն օգտակար լինիցի , այլ և հարկ իսկ է խօսել զայսմանէ 'ի տեղւոջս . զի յոյժ կապակցեալ է ընդ առաջարկեալ խնդրոյս : Յառաջ բերից արդ յայսմ՝ խորհրդակցութեան յորդորս ազդողականս առ 'ի յարգել զսոյն առաքինութիւն , և առաւել անձկով սիրեսցուք , և ևս տենչմամբ ցանկասցուք ամին : Արդ յետ օրինակին Յիսուսի , որ ազդոյ է քան զամենայն , և զոր պարտիմք ունել միշտ յանդիման աչաց : Առաջին յորդոր 'ի մեռուցումն է Առաւելութիւն նորա , զի բերէ զնմանութիւն մարտիրոսութեան . զի ըստ սրբոյն Բեռնարդոսի , « է ազդ իմն մարտիրոսութեան՝ հոգւով մեռուցանել զմարմին . որոյ ցաւքն թեթևք են , բայց ամացն յոլովութեամբ յոյժ տազնապեցուցիչք » : Եւ արդարև մարտիրոսութիւն է այս անարիւն , սպանութիւն է առանց դաճճի , ժուժկալել նքթեալ՝ ունելով առաջի զկերակուր , զսպել զախորժակն , չտալ զգայութեանցն զոր փափաքենն , բռնադատել յայն՝ յորմէ խորշին :

Թերևս իցես և զու 'ի նոցանէ , որք խորհին և պատրենն զանձինս անարդիւն

ցանկութեամբ տալոյ զկեանս վասն հաւատոյ՝ի սուր զահճաց բարբարոս աղզաց անհաւատից : Քաջ է . դու ինքն լեր անդորմ զահիճ բարեպաշտութեամբդ ընդդէմ անձին քո . նուաճեա զմարմինդ , սանձեա զօրկորդ , և լինիցիս վկայ Քրիստոսի . ՚ի կարծիս մարդկանդ տկար , բայց ՚ի վաստակսն և ՚ի բրաբիոնն գերազանց քան զնոցայն : Ապա՛ի միտ առ զառաւելութիւն մեռուցմանն :

Երկրորդ զրդիւ է Կարեորութիւն մեռուցման , զի պարտ յանձին կալեալ եմք արկանելոյ զնոյն՝ի գործ . ա . Զի եմք Քրիստոնեայ . զի անդստին յաւաղանէն մկրտութեան հրաժարեցաք հրասպարակաւ ՚ի մարմնոյ և յամենայն ցանկութեանց նորա : Արդ որ գգուէ զմարմին , յանցանէ՝ ստեալ խոստմանն , և է անարժան սուրբ անուանն քրիստոնէի . ապա որ դք իցէ քրիստոնեայ , մեռուցէ զմարմինն : ք . Պարտ յանձին կալեալ եմք մեռուցման մարմնոյ՝ զի եմք մեղաւորք : Մեղաք , վկայեն մեզ խիղճք մտաց մերոց . պարտ է առնել զհատուցումն . զսոյն մեզ առաջի առնէ ճշմարտութիւնն յաւիտենական . « Ոչ մտցէ անդ ամենայն չարակամ և պիղծ և ստութիւն » : Խոստովանութեամբ սրբին յանցանք , բայց մնայ տուգանել և զհատուցումն պատժոյն . այս մնասապարտութիւն պատժոյն է արատ , արատաւոր ինչ ոչ մտցէ յերկինս , ապա և ոչ հոգին մնասապարտ . ապա պարտ է

սրբել զնոյն կամ աստէն մեռուցմամբ, և կամ անդանօր 'ի հուր. չիք տեղի փախստեան կամ թաղստեան: Աթէ կամիս կալ զերժ 'ի բոցոյն, սարտ է քեղ յառաջագոյն կամաւոր մեռուցմամբ հատուցանել աստէն. այս է սլատճառ սարսուց մեռուցման մեղաւորաց: Գ. Մեռուցումն յոյժ առաւելութեամբ կարեոր է կրօնաւորաց և սարսք, քան այլոց քրիստոնէից: Զինչ այլ ինչ է կոչումն կրօնաւորական, բայց մշտնջենաւոր զրկումն 'ի հաճոյից զգայարանաց, և հանապազորդ մահ յօժարութեանց: Աւ կանոնք իսկ կրօնաւորաց յոր ինչ առաջնորդեն նոցա, — առ իշխել անձին, կեալ միայն յԱստուած, մեռանել զօր ամենայն անձանց և աշխարհի: Ժոյժ կալ և ընկալ, այս է հիմն կրօնաւորական կենաց: Ապա կրօնաւորն է մարդ խաչեալ աշխարհի, որում և աշխարհ կայ 'ի խաչի. այսինքն թիկունս աշխարհի դարձուցեալ, յարգէ, ցանկայ, խնդրէ զայն ամենայն, զորսնա անարգէ և տաղտուկ և դարչելի համարի. և ախորժականքն մարմնոյն՝ դառնացուցիչք են նմա. և է անհաշտ ատեցող սիրոյ անձին: Ահա այս է կրօնաւորութիւն, և յայսմ է պէտք մեռուցման:

Երրորդ յորդոր մեռուցման է Արդար իրաւունք. քանզի և իրաւունք են՝ զի « Որպէս պատրաստեցէք զանդամս ձեր ծառայս պղծութեան և անօրէնութեան յանօրէնութիւն, նոյնպէս և այժմ՝ պատրաստե-

ցէք զանդամս ձեր ծառայս արդարութեան
'ի սրբութիւն » : Իրաւունք են՝ զի եթէ մար-
մինն եղև զործի անօրէնութեան , լիցի հա-
զորդ և պատժոյն՝ որում՝ արժանի գտաւ :
Իրաւունք են զարձեալ՝ զի որ զործեաց զոչ
օրինաւորսն , ջանասցէ ժուժկալել յօրի-
նաւորացն :

Բայց ասիցես . և զիա՞րդ հնար իցէ ա-
տել զոր բնութիւնն ուսուցանէ սիրել : Հար-
ցից և ես քեզ . զիա՞րդ կարիցես սիրել զա-
ւազակն՝ որ բազում անդամ մերկացոյց
զքեզ 'ի շնորհաց . զբռնաւորն՝ որ 'ի նուազս
յոլովս արկ զքեզ 'ի ստրկութիւն զիւաց .
զեղբայրասպանն՝ որ ետ քեզ 'ի խաչ հա-
նել զարդար եղբայր քո զՅիսուս : Ասա ա-
զաչեմ . ո՞րպէս սիրեսցես զու զնա : Խոր-
հեաց քաջ . իցէ՞ արդարութիւն զգուել
քեզ ամենայն խնամովք , սեթևեթել , սա-
րարել զմարմին քո զայս , զպատճառն ա-
մենայն աղետից քոց , և կամել զի ոչ մի
ինչ տարցի վշտաց , ծոմապահութեանց ,
ժուժկալութեանց , խարազնազգեցութեանց
բազկատարածութեանց . և զհոգիդ քո զան-
մահ անտեսեալ լքանել մերկ 'ի շնորհաց ,
զուրկ յարժանեաց և յարգասեաց , զատա-
պարտեալ , ո՞ զիտէ , բնդ քանի ամս 'ի բազ-
մատոչոր հուր քաւարանին :

Չորրորդ յորդոր մեռուցման են կրկին
Օգտութիւնք նորուն : ա . Կ' վարդապետու-
թիւն հաւատոյ , զի առ իւրաքանչիւր գեր-
բնական զործ մեռուցման առն արդարոյ

կշռի աստիճան իմն անդարձ կամ սրբա-
 րար շնորհաց, և առ մէն մի աստիճան այ-
 սոցիկ շնորհաց հատուցանի աստիճան իմն
 յաւիտենական փառաց յերկինս: (Ժող-
 Տրիգ. Գումարումն 2. Գլ. 50): Արդ ան-
 թիւ են և անդուլ զօրհանապաղ դէպք յաղ-
 թելոյ անձին և մեռուցման մարմնոյ. և որ
 ոչ դանց առնէ և ոչ դմիովն, պատրաստէ
 անձին դանձ անբաւ անթիւ աստիճանաց
 շնորհաց յայս կեանս, և ապա նոյնպէս
 յաւիտենական փառաց ՚ի հանդերձեալն:
 Իսկ որ ոչ միտ դնէ, կորուսանէ զօր ամե-
 նայն այնչափ աստիճանս անդին շնորհաց
 և փառաց: Հաւատաս այսմ ամենայնի, և
 արհամարհես դայնչափ կորուստն: Ա՛լ ան-
 դութ վատնիչ զանձուց հոգւոյդ: Գիտա՛ զի
 մէն մի ՚ի շնորհաց աստի զինք են արեանն
 Յիսուսի, և ճառագայթք անձառք աստուա-
 ծութեան. և սակայն դու քնէսձ և պղերդ,
 զբիւրս բիւրուց ՚ի սոցանէ կորուսեր ար-
 համարհանօք, միայն ՚ի սէր ապերախտ
 մարմնոյդ: Յիւրաքանչիւր աստիճան եր-
 կնաւոր փառաց են անբաւ բերկրանք յա-
 լիտենականք, յորոց դու քանի՛ քանիս կո-
 րուսեր: Մանունք վաստակք սանձելոյ
 զզգայարանս՝ լի են արդեամբք, մինչ գե-
 րազանցել քան զյարութիւն մեռելոց, և
 դու անտես արարեր զբիւրաւորօք. ան՛հ
 կորուսեր զնոսին, ոչ ինչ հոգացար զայն-
 ցանէ, միայն առ չկալոյ ընդդէմ մարմնոյդ:
 Երկրորդ օգտութիւնն մեռուցման է,

զի այնու կամ շիջանի և կամ մեծաւ մա-
սամբ նուազի հուր քաւարանին : Ասէ սուր-
բն Ամբրոսիոս . Պաղարէ վրէժխնդրու-
թիւնն աստուածային , եթէ զնասցէ յա-
ռաջոյ մարդկան զեղջ և հատուցումն : Այդ
եթէ դու ջան դիցես քաւել դ յանցանս քո ,
լինիցիս զերծ 'ի պատժոց : Քիտես դասա-
կութիւն հրոյն . զգաստ լեր , և դրայր , քաջ
միտ դիր . « Անդ դառնագոյն լինիցի պա-
տուհաս միոյ ժամու , քան զհարիւրամեայ
ժանրագոյն ասպաշխտքանս աստեայ » :
Յինչ խորհուրդս յածիցին միտք քո :

Յաշխարհի աստղումայն շատ դրէ Աս-
տուած 'ի հատուցումն . իսկ եթէ թողու-
ցուս առ 'ի հատուցանել անդանօր , ստի-
պեցիս արկանել 'ի հաշիւ և դ յետին նա-
քարակիտն : Քարէ . ասա՛ աղաչեմ . եթէ
կարասցես առնել հատուցումն սրտեաց
հարիւր բիւր զահեկանաց միով դանկիւ՝ որ
'ի ձեռին քում , երկմտեալ տատամսիցիս .
կամ ևս չարագոյն , չկամիցիս առնել զբաղ-
մաշահ տրիտուրն : Քաջ իսկ յիմար կոչես-
ցիս : Եւ արդ զի միով մեռուցմամբ կարես
առնել հատուցումն , և ոչ առնես , և կար-
ծիցես զքեզ լինել իմաստուն :

Թերես պատճառս 'ի մէջ անիցես
զչկարել քո մաշել դմարմինդ յանսուազու-
թեան . իբր զի բնական կազմուած քո ոչ
տանի : Այլ ևս ոչ պահանջեմ 'ի քէն զի
նուազեալ անկանիցիս 'ի սովոյ , այլ միայն
զի իցես շախաւորեալ : Հաւատա ինձ , զի

առաւել զարհուրեցուցանէ անուն ժուժկալութեան՝ քան նոյն ինքն զործն. զի առ ինչ ոչ կարասցես ժուժկալել ՚ի համադամոց անախի, զոր յաղեալ՝ արհամարհես, և յորմէ ՚ի հիւանդութեանդ տաղտկացեալ, մանաւանդ թէ գաղչիս ևս: Ի՞բր անհնարին կարծեսցի յառաքինութիւն, որ ինչ հարկ է լինել ՚ի յագուրդ և ՚ի հիւանդութեան:

Գարծեալ եթէ հոգիք մեղաւորաց զբժուարին ՚ի լուծանել զկապանս մեղաց, եթէ զու ոչ մեռուացես զքեզ փոխանակ նոցա առաջի Աստուծոյ, ապա պարտապան լիցիս առաջի Աստուծոյ զի զգնեալսն արեամբն Աստուծոյ անտեսեալ թողուս զրկեալ ՚ի փառաց նորա. «Մի վասն կերակրոյ քակեր զզործ Աստուծոյ. վասն որոյ Քրիստոսն մեռաւ», անարժան կացուցեալ զքեզ՝ որկորատութեամբզ, լինելոյ զործի ՚ի ձեռին Աստուծոյ ՚ի փրկութիւն նոցա: Յաւել և զայն՝ զի որպէս սրահոց պնդութիւն ՚ի փախուստ զգնն դարձուցանէ, այսպէս և փոյթն սնուցանելոյ զմարմին հեռացուցանէ զԱստուած: Եւ ոչ հանդի ՚ի մարմնի սարարելոյ կերակրովք և թմբրելոյ ՚ի զոլոչեաց համադամոցն: Ար ոչ է սակաւապէտ ՚ի կերակուրս՝ անյոյս լիցի ժամանելոյ ՚ի կատարելութիւն:

Եւ եթէ ոչ անհանդուրժելի թուի քեզ կեղեքումն մարմնոյդ ՚ի ձաղկանաց, ՚ի խորդոյ, և ցաւք ոսկերացդ ՚ի բաղկատարա-

ծութենէ, 'ի խիստ անկողնոյ և 'ի սրակա-
սելոյ քնոյ, որք չափաւորապէս կարգին
միշտ, դիւրոյ տանել կարասցես տանջանաց
հրոյ քաւարանին: Վ՛ճիւն է անդարձ. մեղք
սլարտին ընդունել զհատուցումն սլատու-
հասին կամ 'ի վրէժխնդիրն յԱստուծոյ, և
կամ 'ի նոյն ինքն յապաշխարողէ. կամ
տուգանել յաշխարհի աստ, և կամ տոչո-
րել 'ի հանդերձեալն. չիք այլ միջին ճանա-
պարհ... զինչ է զոր խորհիւն... զի ա-
սիցես առ այս...:

Համարեաց զքեզ մեռեալ և դատակն-
քեալ և հասեալ 'ի դուռն քաւարանին. ա-
սա՛. յոր կարծիս յածէիր անդէն 'ի մուտան
'ի հնոցն. զոր դատաստան առնէիր զմե-
ռուցմանէ և դուրանալոյ զանձն: Ա՛հ. վայ
քեզ եթէ չառնես այժմ՝ զայն ինչ, զոր կա-
մէիր յայնժամ թէ արարեալ էր քո: Եւ
եթէ լինէր քեզ հրաման դառնալոյ 'ի կեանս
'ի տանջանաց անտի, յորպիսի՛ ապաշխա-
րութեան կեանս ծախէիր զաւուրս քո:
Թերես նուա՞ղ բարերարութիւն իցէ այս
քեզ, զի արժանի դատապարտութեան զո-
լով չես ևս դատակնքեալ ես, քան զդառ-
նալն դարձեալ այսրէն. Ա՛հ. «Արդարեւ
խաբեմք զանձինս առ անկարգ սիրոյ մար-
մնոյս՝ զոր կրեմք 'ի սրտի» . (Պեմբ. Ա. 24):

ՔՆՆՈՒԹԻՒՆ

Ի վերայ առաքինութեան մեռուցման .

Մեռուցումն է առաքինութիւն բարոյ-
ական , որ առաջնորդեալ 'ի բանէն ունի 'ի
չափու զիղծս հոգւոյն և զզգայութիւնս մար-
մնոյն . և վասն այնորիկ բաժանի 'ի ներքին
և յարտաքին . նա զկիրան սանձէ և սա
զզգայարանս : Եւ պատուէրքն , զորս տայ
զզգայարանացն՝ են ա . Մերժականք յարդե-
լուլն զվտանգաւոր հաճոյս մարմնոյն . և
բ . Հաւանականք 'ի հրամայելն յանձն առ-
նուլ զկամաւոր խտութիւնս : Զներքին մե-
ռուցմանէ խօսեցաք այլուր . այսօր քննու-
թիւն մեր լիցի 'ի վերայ վշտակրութեան
զզգայարանաց , և առանձինն շօշափելեաց
և ճաշակելեաց :

Մարթ է առնուլ զսոյն յերիս աստի-
ճանս . Քանզի ա . Որ զայս առաքինութիւն
յանձին բերել կամի , ատէ զմարմինն խս-
տիւ և զհանգիստ նորա , զփափկութիւն և
զօրկորստութիւն . վասն որոյ ճնշէ զմար-
մինն ճաղկանօք , խարաղնազգեստ , 'ի բազ-
կատարածութիւն , 'ի խիստ անկողինս , և
'ի հսկումն , որչափ թոյլ լինի նմա 'ի հնա-
զանգութենէ և 'ի խոհեմութենէ : Մերձե-
նայ առ կերակուր իբրև առ զարման զե-
զոց . թողեալ զանուշահաման՝ սիրէ զան-

ճաշական, խուսափէ՛ի ճաշկերութից և՛ի խնջոյից սեղանոյ . այնչափ ևեթ ուտէ՛ որչափ կարևոր է՛ի սրահպանութիւն կենացն :

բ . Ի կերակուրս , ՚ի զղեստս , ՚ի բնակարանս , ըստ ներելոյ խոհեմութեան ընտրէ զանարգագոյնսն , զառաւել զժուարատարն , զխիստն և զընդգիմակսն անձնասիրութեան : Միշտ և յամենայնի սանձէ զզգայարանս յամենայն տեղիս և յամենայն դէպս , մանաւանդ ՚ի հետաքննութիւնս տեսանելոյ , լսելոյ , զխտելոյ , և ՚ի պատմել զհետաքնինս . զամենայն հաճոյականս ժխտէ տալնոցս , և զամենայն անհաճոյս առաջի առնէ նոցա . զարձեալ ՚ի կալն , ՚ի նստելն , ՚ի ծունր դնելն և յընկողմանելն ընտրէ միշտ զանհանդիստ գիրս . և զոր և է դէպս մանունս ոչ թողու անցանել առանց յաղթելոյ և մեռուցանելոյ զանձն :

գ . Անխոնջ է՛ի վաստակս և անդուլ . ոչ կայ երբէք անզործ . և եթէ հրամայեսցէ հնազանդութիւնն , զայն ևս ժամանակ զազարման ՚ի զործոց և ՚ի վաստակոց , յորում , որպէս յայտ է , ընդունի զքաղցրութիւն և զմխիթարութիւն , նուիրէ մտադիր Սատուծոյ : Վասն որոյ երբէք ոչ հրաժարի ՚ի պաշտամանց և ՚ի զործոց հրամայելոց նմա յառաջնորդէն , յանձն առեալ ըստ տանելոյ զօրութեան իւրոյ . և ինքնին յածի միշտ ՚ի խնդիր անարգաց և վշտալեաց : Քննեաարդ եթէ իցնս բուռն հարեալ զառաքինութենէս , և յոր աստիճան իցնս ժամանեալ

ցայժմ. և ընդ ո՞ր շաւիղ յառաջնացես ևս քան զես յայժմ հետէ : Կամիցիս և դու տանել ընդ առաքելոյն. Հանապազ մեռանիմ :

Յեղանակն, զոր պարտ է ունել յայժմ կրթութեան, պարտի լինել Անխոտոր և Խոհական : Առ ՚ի կալ անխոտոր բուռն հար զղիւրապունից, և սոնն առ սոնն հասցես առ դժուարինս : Պատրեա գրեզ հաւատացուցեալ անձինդ՝ թէ ոչ կամիցիս զայս կամ զայն մեռուցումն անդր քան զվազուեան օր և կամ ցերբորդ օր : Յաճեցո ընդ միտս քո յաճախ զյորդորն, զոր ընթերցար յանցեալ պարապման :

Յանխոտորն լինել պարտ է յաւելուլ և զխոհականութիւն, եթէ կամիս զի մեռուցումն լիցի յօգուտ քեզ. և առ յաջողել քեզ ՚ի սոյն՝ միտ զիր այստցիկ կանոնաց :

Կանոն առաջիկ. Ըստ սրբոց հարց ոչ են ըստ կանոնի ասպաշխարութիւնքն այնոքիկ, որք ինքնին ՚ի բնութենէ իւրեանց, կամ վասն տկար կազմուածոյ ասպաշխարողին մահարեքք լինին նմա, և կամ նուազեցուցեալ մնասարեքք լինին առողջութեան :

Կանոն երկրորդ. Ոչ են ըստ կանոնի ասպաշխարութիւնքն այնոքիկ՝ որք խոչ լինին ՚ի կրթութիւն այլոց առաքինութեանց, կամ անկարող առնեն զասպաշխարողն ՚ի լնուլ զպարտա կոչման իւրոյ :

Կանոն երրորդ. Խստութիւն ասպաշխարութեանն պարտ է լինել ըստ տանելոյ ուժոյ մարմնոյն, և համեմատ թուոյ և ծան-

րութեան մեղացն, և աստուածային ազգմանն՝ որ յորդոր լինի նմա 'ի դործն: Եւ դարձեալ պարտ է զգուշանալ զի ցան մի հասցէ յոսկերսն, այլ միայն զմարմինն խայթեսցէ: Եւ քանզի զխրաւ հնար է մեղանչել յայսմ կամ վրիպակաւ և կամ անցանելով ըստ չափ, պարտ է առնել զայսոսիկ խորհրդով հոգևոր դաստիարակի: Ըստ սրբոյն Բեռնարդոսի. «Պարտ է զմարմինն խնամել իբրև զհիւանդ, որում ոչ է պարտ տալ զաւելորդս թէպէտ և յոյժ թախանձիցէ, իսկ զօգտակարսն թէ և ոչ կամիցի՝ պարտ է մատակարարել »:

Քննեա արդ եթէ կացեալ իցես 'ի կանոնս յայսոսիկ. և սահմանեա եթէ քանիցս և ցորչափժամանակ կամիցիս զգենուլ զխաւաղն, կալ բազկատարած յաղօթս յաւուրն, 'ի խիտտ յանկողինսն ննջել, և սուղ քնով շատանալ. բայց 'ի կատարմանն լեր անփոփոխ յիջելով զասացեալն «Զի մի աշխատ լինիցիք անձամբ ձերով և լքանիցիք» . «Զի մի կորուսանիցէք զոր վատակեցէքն, այլ զի առնուցուք բովանդակ զվարձս »:

Այլ զայսմ ամենայնէ պարտ է 'ի միտ առնուլ ևս և՛ ա. Զի արտաքին մեռուցումն է առ 'ի հասանել այնու ներքնոյն՝ որ է սանձել զբաղձանս: Բ. Զի վշտակիրութիւնք մարմնոյ, եթէ չիցեն կարգեալ առ վախճանն զոր ասացար, և եթէ չիցեն 'ի միտսին ընդ մեռուցման հոգւոյ, ոչ մեծ ինչ

արժեն , և ոչ մեծ ինչ լինիցի օգտութիւնն .
մանաւանդ եթէ նորօք սնանին խարկանք
և հպարտութիւն : Գ . Ձի անխոտորն լինել
մի փոխեսցի 'ի յամառութիւն , չկամելով
առ վայր մի տեղի տալ , 'ի սրահանջել հար-
կին , ոչ առ լրումն սիրոյ , ոչ առ հնազան-
դութեան , և ոչ առ ակնածութեան : Բա-
րեխառնութիւն և չափ՝ են համեմք ամե-
նայն առաքինութեանց :

Ո՛րպէս լեալ են մեռուցմունքդ ցայս-
վայր . և որպիսիք են այժմ , և կամ լինիցին
առ յապայ : Քննեա . . . կռեա . . . զիր
ուխտ ընդ անձինդ . . . և ուղղեա :



Խ Ո Կ Ո Ւ Մ Ն Գ .

Ի ՎԵՐԱՅ ՄՆԱԼՈՅՆ ՅԻՍՈՒՍԻ

Ի ՏՍՃՍՐՆ

Ա . Գ Դ

Վախճան խոկմանս է հատանել յանձնէ առա-
քինական իմն ճգամբ զամենայն անկարգ յօժա-
րութիւն՝ որ նշմարիցի 'ի մեզ առ ազգականս ,
առ անձինս , առ գիւրութիւնս մարմնոյ , և առ
այլ ամենայն արարածս , ընդ որս կապեալ սր-
տից մերոց՝ ոչ կարեն հասանել 'ի կատարեալ
համակամութիւն : Այնպէս զև զերժ յամենայն
կապանաց լիցուք անխաիր յամենայնի , պա-

արատք ընդունելոյ որ ինչ հաճոյ իցէ Աստուծոյ,
 և զվիճակն իսկ կրօնաւորական կենաց. կամ եթէ
 իցեմք ընտրեալ զկօչումն, ելանել յայն աստի-
 ճան գերագոյն կաաարելու թեան՝ յոր հաճեացի
 Աստուած կօչել զմեզ, նուիրելով յօժարակամ
 նմա զայնոսիկ՝ որք ձգեն զյօժարութիւն մեր առ
 ինքեանս: Եւ երէք պատճառք լինիցին մեզ յոր-
 դորք առ ՚ի սոյն: Օրինակն Քրիստոսի. Յոյսն
 վարձուց. Երկիւզն պատճոյ:

Մասն Ա.

Օրինակ Քրիստոսի. Ոչ որ երկմտեսցի
 ընդ այն, զի ծնողք Յիսուսի թէ ըստ ձրից
 բնութեան և թէ ըստ շնորհաց լիութեան՝
 արժանի էին մեծի սիրոյ նորա, և զի Յի-
 սուս յոյժ սիրէր զնոսա, և զիտէր զի հե-
 ոանալ իւր ՚ի նոցանէ մեծապէս վշտագնէր
 զնոսա, և զի ծանր էր ինքեան թողուլ զնո-
 սա և ընդ մի ևեթ ժամ: Բայց ինքն ամե-
 ննին հնազանդ կամացն Հօր, իբրև զիտաց
 թէ այն էին կամք նորա՝ թողուլ զնոսա,
 ոչ ինչ երկմտեցաւ. և առանց իսկ ազդե-
 լոյ յառաջագոյն, աներևոյթ եղև ՚ի միջոյ
 նոցա՝ թողեալ զնոսա յանհնարին վարանս
 և ՚ի ցաւս: Եւ ո՞ երկրայեսցի ընդ պա-
 տրաստականութիւն Քրիստոսի առ ամե-
 նայն ազգս վշտաց ՚ի յերկրի աստ. որո՞ց
 վշտակաց կարէր տանել, և ոչ տարաւ.
 յամենայնի ցաւք և տազնապք և դառնու-
 թիւնք էին նմա սիրելի: Յասել նորա. «Ա-

ուէք զխաչ ձեր, և եկայք զկնի իմ, միթէ
 զմահուանէ խաչին իմանայցէ. մինչդեռ
 տնկնդիրք իւր և ոչ որպէս մեռանելոց իցէ
 զխտէին. ոչ ապաքէն և զողջոյն իսկ զկե-
 նաց էին բանքն: Ինքն հարատութեանց
 թաղաւոր, քաջ իսկ ճանաչէր զանդորրու-
 թեան վայելից զքաղցրութիւն, և ոչ իբրև
 զմեզ՝ որք գտեսեալս մեր եւթ համարիմք
 ինչ, և զզրկիլն ՚ի նոցունց զժուարին հա-
 մարիմք: Այլ նա կարող յամենայնի, զա-
 մենայն ճանաչէր և զամենայն արհամար-
 հէր. և ոչ զթշուառութիւն աղքատութեանն
 շատ անձին գրեալ, և զթաղուցումն անդին
 քանքարացն ըստ հրամանի Հօր իւրոյ, որ
 մինչդեռ կարէր զաշխարհ ամենայն հիա-
 ցուցեալ յինքն յանկուցանել, կայր լսին
 իբրև անգոր որ և վատ. յաւելոյր ՚ի վերայ
 և զայս վիշտս սրտի ծնողացն և իւր՝ խու-
 սասիելով յաչաց նոցա, այնպէս իմն ցու-
 ցեալ թէ ոչ ինչ փոյթ էր ինքեան զնոցա-
 նէ. և ասէր իսկ համարձակ՝ թէ «Ո՛չ զի-
 տէիք եթէ ՚ի տան Հօր իմոյ պարտ է ինձ
 լինել»: Իբր ասել. Ո՛չ զիտէք թէ պարտ է
 ինձ ՚ի խորս դառնութեան ցաւոց ընկզմել
 զսիրտ իմ՝ հողացեալ յամենայնի ՚ի հնա-
 զանդութեան Հօր իմոյ լինել կատարեալ,
 ոչ ինչ փոյթ արարեալ զվիրաւորելոյ սր-
 ակց՝ իմ և ծնողաց, և ոչ զայլոց վշտաց
 դառնութեան: Ո՛չ ահա և ՚ի տան տեսեալ
 զձեր տապնապս կարօտութեան, և կարող
 զողով ՚ի վութեան ամենայն բարութեանց

Հանգուցանել զձեզ, ոչ ինչ հողամ, այլ և ես ընդ ձեզ տառապիմ, ընդ որ զարմացեալ իսկ էք. և ցաւեալք ՚ի սրտի, հնազանդեալ կամացն Աստուծոյ համբերէք: Եւ այդոքիկ խորհուրդք ձեր ծանօթ ինձ են, և մեծապէս ցաւ խնոյ սրտիս. այլ զիտորդ ընուցուն զիրք. այս են կամք Հօր իմոյ յաշխարհի աստ կեալ ՚ի խաչի՝ ինձ և որք զհետ իմ եկեսցեն:

Արդ համեմատեսցուք զիղձս մեր ընդ ըզձիցն Յիսուսի. յորժամ պէտք լիցին հրաժարել, լքանել զսիրելի ինչ մեր, յորժամ մերձ լինիցիմք առ վշտալիս՝ որ զսիրտ մեր հարկանելոց իցեն, անհնարին զնոյն մեզ կարծեմք, և սկսանիմք բաղբաղել պատճառս. քանզի կամիմք հրաժարել յամենայնէ, այլ առանց տալոյ վիշտս սրտից մերոց: Եւ իբր իցէ հնար լինել այդմ. դարձո՞ զաչս քո առ Յիսուս, տես թէ ընդ որ ճանապարհ զնաց նա, և դու ընդ որ կամիս զնալ զհետ նորա. բաղբատեա զախտաւոր սէր անձինդ և զզիրութեանց քոյ՝ ընդ սուրբ սիրոյն, որով սիրէր զանձն Յիսուս, և զզիրութիւնս արժանիս իւրոյ մարդեղութեանն. որչափ այլևայլ են ՚ի միմեանց. նա հնազանդեցաւ Հօրն նուիրեալ նմա զամենայն, իսկ քեզ ծանր թուեսցի սպառաբաղել նմա զայս վնասաբեր սէր անձինդ, ակնկալեալ յախտենական վարձուց զոր ՚ի փոխարէն ընդունիցիս:

Ա՛ճօթ մեծ իցէ քեզ զի առ Հանգու-

ցաննել զմարմինդ , և վասն ախտաւոր սիրոյ անձինդ զարհուրեսցիս և զաղարեսցիս 'ի գնալոյ զկնի Յիսուսի , 'ի մեծ ևս կատարելութիւն ժամանել թեակոխեալ :—Ղազարեսցայց , ո՛վ Տէր , կասեսցայց յանիրաւ բազբաղանացս ոչ կարելոյ գործել : Ահաւասիկ կամ անխտիր համակամութեամբ առ ամենայն վիճակս , կամ 'ի կոչմանս ընտրեալ իմ . յառաջագոյն՝ առ ամենայն աստիճանս կատարելութեան : Աւխտ ընդ անձին իմոյ հաստատեսցի , Այն անկարգ յօժարութիւն , որ զսիրտ իմ կապեալ ունի ընդ այս ինչ . . . այսօր մատուցի . բեզ 'ի սլատարազ , և այս լինիցի սկիզբն բարեբազդ նոր իմն և առաւել սուրբ կենաց :

Մ ա ս ն Բ

Ակեկարտրիւն վարձուց , յոր վայելեսցէ որ և յաշխարհի աստ 'ի մատուցանելն զանձն յողջակէզ : Աւ վարձս այս է , ա . Խաղաղութիւն իմն սրտի 'ի վեր քան զմիտս , որ է նախաշաւիղ երանութեան երկնաւորաց . զի ոչ մի ինչ յաշխարհի կարացէ խոռվել զայր՝ որ ցամաքեցուցեալ ունիցի զաղբիւրն յուզմանց կրից , որ է անձնասիրութիւն : Բ . Աերբին իմն ընտանութիւն և բարեկամական կենցաղ ընդ Աստուծոյ . զի որ խորտակեաց զյօժարութիւնն զայն՝ որ կանգնեալ կայր սլատուար ընդ մէջ Աստուծոյ և սրտին իւրոյ , յայնմ հետէ ազատ վայել

լէ 'ի ներքին միութեան ընդ Տեառն . և Աստուած հաճի առնել 'ի սրտի նորա զբնակութիւն իւր : Գ . Առանձին իմն խնամք , որովք Աստուած բարեգթութեամբ խնամէ , առաջնորդէ , պաշտպանէ և հովանի լինի գեղեցիկ հոգւոցս այսոցիկ , և « Յամենայնի գործակից լինի նոցա 'ի բարիս » : Զի ամենեին մերկեալ նոցա 'ի սիրոյ անձին , զամենայն հոգս իւրեանց ընկենուն 'ի զիրկս գթութեան սիրոյ Տեառն իւրեանց . և նա որ երբէք յումեքէ ոչ յաղթի 'ի սիրապատար բերմունան , հսկէ 'ի վերայ նոցա առանձին աչօք խնամակալութեան , և վարձատրէ զնոսա մեծամեծ շնորհօք իմաստութեան , հաստատութեան , արիութեան խաղաղութեան և խնդութեան :

Արդ ա՞ծ 'ի կշիռ զբարիս զայսոսիկ ընդ հաճոյից փաղաքշանաց քոյոցդ , և ընդ զիւրութեանց ինչ մարմնոյդ . և չիցէ՞ յիմարութիւն մեծ՝ ոչ 'ի բաց ընկենուլ զբեկորս ապակւոյ և ժողովել զականս ընդ այնոցիկ : Եւ զինչ այլ իցէ չկամել 'ի բաց կալ 'ի ստեղծուածոյ առ ժառանգելոյ զստեղծողն : Ա՛վ Տէր , ըմբռնեալ կամ յամօթ մեծ . այժ . առաջի քո ամենայն ինչ է ոչ ինչ , և ես բազում անգամ նախամեծար արարի զայնոսիկ քան զքեզ . բայց թող ինձ , կամիմ յայտմ հետէ խնաստանալ :

Մ ա ս և Գ.

Պատիժքն պատրաստուալք. ա. Կորուստ
բազմապատիկ շնորհաց, յորոց զրկին ա-
պատամբեալքն յուղղութեանցս: բ. Փոր-
ձութիւնք ծանունք, յորոց թշուառաբար
զերին: գ. Արմատացեալ հեղգութիւն, յո-
րում ցմահ հիւծեալ մաշկացին: դ. Զարա-
բաղգութիւն, յորս տաղնապին. զի ամե-
նայն արարածք զարթնուն 'ի վրէժ քինու-
արհամարհանացն Աստուծոյ՝ 'ի չկամելն ու-
րուք նուիրել նմա զայս ինչ կամ՝ զայն յեր-
կրաւորացն վայելից:

Խստասիրտն այն դիմամարտ աստուա-
ծային կոչմանց, որ կամի ծառայել Աս-
տուծոյ և մամոնայի, անարդեսցի յԱստու-
ծոյ և յաղօթսն և 'ի բարեգործութիւնս իւր.
զի Աղօթք նորա 'ի մեղս զարձցին, զրկեալ
'ի շնորհաց կալոյ յաղօթս ըստ արժանւոյն.
Սատանայ կացցէ ընդ աջմէ նորա, պա-
տրաստ 'ի վնասել նմա յամենայնի: Եւ ա-
ւուրք նորա սակաւք եղիցին, եթէ ոչ ըստ
թուոյն՝ այլ ըստ արժանաւոր արդեանցն.
Եւ զկարգ նորա առցէ այլ. պսակն և պատ-
մուծանն փառաց պատրաստեալ նմա յեր-
կինս՝ մատուցի այլում: Ոչ կամեցաւ զօր-
հնութիւն՝ զոր ընդունելոց էր 'ի յաղթել
անձին, Հեռի եղիցի 'ի նմանէ. Սիրեաց
զանէձս՝ որ սպառնացեալ էր զերելոցն 'ի
մարմնոյ, Եւ ելցէ նմա: Յաւք և նախատինք

լինիցին մասն ժառանգութեան իւրոյ . և ազգականքն իսկ իւր , յորոց 'ի սէր անուն կնդիր գտաւ աստուածային ազգմանց , 'ի դառնութիւն և 'ի նախատինս լինիցին նմա : Եւ 'ի մահիճս մահու լուիցէ զայն ահեղասաստ սպառնալիս Աստուծոյ՝ թէ « Կոչէի և ոչ լսէիր , յերկարէի զբանս իմ և ոչ անսայիր , այսուհետե ես ծիծաղեցայց զկորստեամբ ձերով և ոտնհար եղէց » : Ո՛ ահաւոր բանք և վրէժխնդիր բարկութիւն Աստուծոյ :

Ի Ղ Չ Ք

Հաւատամ, Տէր իմ Յիսուս , զի որ սիրէ զհայր կամ զմայր առաւել քան զքեզ , չէ քեզ արժանի : Հաւատամ, զի Ոչ որ կարէ երկուց տերանց ծառայել , Աստուծոյ և մամոնայի , մարմնոյ և շնորհաց : Հաւատամ, զի Որ ոչ է ընդ քեզ , հակառակ քո է՝ և որ ոչ ժողովէ ընդ քեզ՝ ցրուէ : Եւ զի որ զկէսն կամի տալ քեզ , և զկէսն զայն ոչ առնուս : Երկնչիմ, Տէր , 'ի պատժոց զոր սպառնաս նոցա , որք խստասրտեալք անունկնդիր գտանին կոչմանդ . երկնչիմ 'ի սպառնալից գատակնքոյդ « Շարժեցից զաշտարակս քո 'ի տեղւոջէ իւրմէ » . « Բարձցի 'ի ձէնջ արքայութիւն Աստուծոյ և տացի ազգի որ առնիցէ զպտուղս նորա » : Երկնչիմ լսել որոտաձայն 'ի պահպանիչ հրեշտակէն իմմէ . եթէ . « Ձի արհամարհեցեր

դրանն Տեառն, (հակառակ կացեալ կամաց նորա), և արհամարհեսցէ դքեզ Տէր» : Վայ ինձ . որ ինչ պատահեցաւ բազմաց, կարէ պատահել և ինձ : Քանզի, ո՞ զիտէ եթէ չիցեմ և ես ՚ի թուոյ նոցուն՝ որք եթէ ոչ լինիցին սուրբք, անարգեսցին : Բարէ . կամ սուրբ, կամ անարգեալ : Կամ ՚ի բարձունս երկնից, և կամ ՚ի խորս դժոխոց :

Ո՞վ անիծեալ յօժարութիւն՝ առ . . . որ լինիս ինձ պատճառ այնչափ չարեաց . ՚ի բաց լեր . ել ՚ի սրտէս . երթ . գարչիմ մերժիմ ՚ի քէն . ոչ հանգեսայց երբէք, մինչև ոչ սիրեսցես քիւրիցս առաւել զսիրողն իմ Փրկիչ, և այսպէս գոնեա ըստ մասին փոխարինեսցես այնչափ անտեսութեանցն, որովք ՚ի պատճառս քո անկայ ՚ի շնորհաց նորա : Այո՛, Տէր իմ Յիսուս, քոյովդ օրինակօք, որ առ ոչ ինչ դրելով զսէր մօր առ սիրով երկնաւոր Հօրդ, ուսուցեր ինձ խղել զամենայն կապանս մարմնոյ և արեան, և հազամ զհետ քո . — « Խօսեաց Տէր զի լուիցէ ծառայ քո » :

ԵՐԿՐՈՐԴՈՒՄՆ ՍՈՒՂ

Վախճան խոկմանս է հատանել յանձնէ ամենայն ճգամբ զայն ամենայն յօժարութիւնս՝ որք թուին խոտորիլ յուզողութենէ . առ աղքականս, առ անձինս, առ ամենայն արարածս : Առ այս յորդոր լինի մեզ Օրինակն Քրիստոսի, Յոյս վարձուց, և Երկիւղ պատճոց :

Ե. Օրինակն Քրիստոսի՝ որ սիրէր զարժանաւորան սիրոյ զճնորդս, և սիրելի էր նոցա յանչափս. այլ կայր մնայր 'ի հրամանս Հօր, թողուլ զնոսա 'ի վիշտս ազքատութեան, գիտելով և նոցա զի թէ կամէր՝ կարէր ունել զնոսա 'ի մեծի հանգստեան, և զի այնպէս թողուլ զնոսա թուէր իմն նշանակ նուազութեան սիրոյ, և յանկարծ աներևութանայր յաչաց նոցա՝ յանպատում ցաւս մասնեալ զնոսա, որ և յինքն առնոյր զվերան. այլ զայս ամենայն սունէր խնդութեամբ սրտի, զի էին կամբ Հօր իւրոյ: Եւ դու զսէր ազգականաց, զգիւրութիւնս քո, և զսէր արարածոց ինչ գնես խափան տիրահրաւէր կոչմանդ:

Բ. Յոյս Վառնոց. Որ արձակի յայսոցիկ կատանաց մարմնոյ և արեան՝ ան. Վայելէ յանպատում իմն խաղաղութեան սրտի: Բ. Ի սէր ընտանեկան յօգի ընդ Աստուծոյ: Գ. Բարեգթութեամբ ակնարկէ 'ի նա Աստուած, և 'ի դու թս խնամոցն սնուցանէ:

Գ. Պատուհաստ անլսողաց կոյժանն. ան. Կորուստ մեծամեծ շնորհաց: Դ. Մասնիլ 'ի վտանգս խիտս փորձութեանց: Ե. Անկուսն 'ի յուսահատ հեղգութիւն: Զ. Չարաբաղդութիւն, մասնեալ 'ի հակառակամարա կիրս:

Ընթերցիր

Թովմ. Գեմբ. Գիւրբ Գ. ԳԼ. 32:





Օ Ր Վ Ե Ց Ե Ր Ո Ր Գ



Խ Ո Կ Ո Ի Մ Ն Ա

ԿՐԿԻՆ ԴՐՕՇԻ

ՔՐԻՍՏՈՍԻ ԵՒ ԱՐՈՒՍԵԿԻՆ



Ձ և կ ո շ ց ո շ Վ և

Վախճան կրթութեանս ոչ այն է՝ եթէ
 Քրիստոսի արգօք արժան իցէ գնալ զհետ,
 թէ Արուսեկին. զորմէ՛ ՚ի խոկումն թաղա-
 ւորութեան Քրիստոսի ծանեաք զհարկն և
 զպարտս գնալոյ զհետ Յիսուսի. այլ այս է
 իբրև կանխաբանութիւն իմն առ բարւոք
 առնելոյ զընտրութիւն կոչմանն : Վասն
 այսորիկ ցուցանի աստէն դիտումն կամ
 շաւիղ զոր ունի Քրիստոս առ ՚ի հասու-
 ցանել զմարդիկ ՚ի նպատակն. նոյնպէս և
 Արուսեակն առ ածելոյ զնոսին ՚ի կորուստ :
 Գործքն առաջարկեալք աստէն են անղա-
 նազանք. զի որ կամի առնել ընտրութիւն
 ուղիղ, պարտի բուռն հարկանել զոր և է

դործոց բարեաց, և մերժել յանձնէ զչար
 դործս: Վասն որոյ յառաջ բերին աստէն
 դարանակալութիւնք Արուսեկին, որում
 ոչ պատկանէր այս անուն՝ եթէ ՚ի յայտնի
 չարիս յորդորեալ էր զմարդիկ: Յուշարա-
 րութիւնս այս զիտման Քրիստոսի և Արու-
 սեկին ընդդիմակ միմեանց, ուսուցանէ մեզ
 զպատրաստականութիւն, զյեղանակ և
 զհրահանգ, զոր պարտիմք ունել առ ՚ի լի-
 նել կատարեալ յոր և է կոչման. եթէ՛ աւե-
 տարանական խրատուց, և եթէ՛ պատուի-
 րանաց, որ է ամենայն մարդոյ առ հասա-
 րակ: Եւ յոյժ կարևոր է ամենեցուն քաջ
 ՚ի միտ առնուլ զայսոսիկ, և կալ ՚ի վարդա-
 պետութեան այսոցիկ ազգարարութեանց,
 առ ՚ի կարող լինել զգուշանալ ՚ի խաբէա-
 կան փորձութեանց Արուսեկին, և կալ ան-
 թերի յառաքինութիւնս իւրաքանչիւր կոչ-
 ման: Եւ ՚ի բազդատելն զխոկումնս զայս
 երկուց զրօշից ընդ խոկման թաղաւորու-
 թեանն Քրիստոսի, տեսանէ ամենայն որ
 թէ քանի պարզ և պատշաճական կարգօք
 է իջանել յընդհանուր դործոց ՚ի մասնա-
 ւորս, որով և ճանաչէ ամենայն որ յայտնա-
 բար զառաւելութիւն կատարելութեանց,
 և յորդորի առ ՚ի բուն հարկանել զայն-
 մանէ իւրաքանչիւր որ յիւրում կոչման:

Ի մ որոյ յմտնուիմք մտնող յայտնս յայտն

Մ ա ս և Ս.

Աձ դմտաւ յառաջ քան զամենայն զվախճան սլատերազմին, առ որ բերի մէն մի յերկուց զօրազլխաց զօրութեամբ ուժոյ իւրոյ: Արուսեակն 'ի զայրոյթ կատաղութեան, և հանապազ 'ի խնդիր թէ զո՛ կլանիցէ, ոչ զայ՛ բայց միայն զի սպանցէ և կորուսցէ, և 'ի ժանիս իւր արկեալ զլորեսցէ յանդունդս զժոխոց: Քանզի ոչ կարէ լինել հաղորդ փառաց մերոց, կամի առնել զմեզ ընկեր իւրումն սլատուհասի. և զի ինքն հալածական վարեալ է յերկնից, ոչ հանդուրժէ տեսանել զմեզ զհողազանդուածս ընտրեալս 'ի գրաւել զաթոռս ապտամբաց: Եւ այսպէս նա յանհնարին սրամտութեան կրճատէ զատամունս 'ի կորուստ մարդկան ազգի. և անհանդիստ ջանիւք այնմ՝ զհետ պնդեալ է, և զամենայն հնարս հնարի անձամբ և 'ի ձեռն իւրոցն յաջողել 'ի կաման. ոչ կասի, երբէք ոչ զարէ, զի կորզեալ 'ի յերկնից զերեսցէ 'ի շղթայս 'ի մշտնջենաւոր զեհեան տարտարոսին: Եւ կրկնակի ատելութեամբք բերի յայս. առաջին՝ ընդդէմ՝ Աստուծոյ, զոր կամի տեսանել կապտեալ 'ի պարտուպատշաճ սլատուոյն և 'ի յարգանաց ստեղծուածոց իւրոց. երկրորդ՝ ընդդէմ՝ մարդոյ, յորում ատէ զպատկեր Արարչին, և մախայ ընդ ընտրութիւն նորա յերանութիւն երկնից:

Իսկ Յիսուս զիտէ զփառսն Աստուծոյ, և զհնարս փրկութեան մարդոյ. « Զի եկն խնորել և կեցուցանել զկորուսեալն ». եկն զի մարդիկ զկեանս ունիցին. եկն առ ՚ի տալ զկեանս իւր ՚ի փրկութիւն ազգի մարդկան. եկն առնելով մեզ խոստմունս մեծամեծս և անկշռելիս, որովք աստուածեղէն բնութեանն լիցուք հաղորդակիցք: Այս է միայնակ կէտ նալատակի ուխտին սրտի իւրոյ. այս վախճան ամենայն վաստակոց և ջանից իւրոց, սրբութիւն և փրկութիւն մեր: Ասան այսորիկ խրատիմք և մեք ջանալ ամենայն զօրութեամբ, ոչ միայն ՚ի կատարելութիւն մեր, այլ և ՚ի հոգալ զփրկութիւն հոգւոց այլոց:

Առ այս յորդորիմք, ա. Ընդդէմ խրոխտանաց Արուսեկին, որ թափէ զամենայն զոյժ և զօրութիւն իւր ՚ի կորուստ մահկանացուաց. զի վատութիւն մեծ լինէր մեզ, եթէ սատանայ իւրովքն հանդերձ առաւել հետամուտ երևէր ՚ի կորուստ հոգւոց, քան զմեր ջանս ՚ի փրկութիւն նոցուն: ք. Սրինակ Յիսուսի զսոյն ՚ի մէնջ պահանջէ. որ առ ՚ի կորզել զմեզ ՚ի դժոխոց և մուծանել ՚ի դրախտն՝ ընդ ամս երեսուն և երիս տարաւ այնչափ թշուառութեանց, աղետից, նախատանաց, տանջանաց, մինչև ընդ չարազործս զրեցաւ ՚ի մահ դատապարտեալ:

Մեծի ամօթոյ իրք են մեզ՝ յուլացեալ կալ և տեսանել զկործանումն մարդկան, որոց վասն Աստուածն մարդացեալ յանձն

առ երանելի խաչ և մեռանելի խաչի ՚ի մէջ երկուց աւաղակաց: Գ. Յորդորէ զերազանցութիւն և օգուտն մեծ նախանձու փրկութեան այլոց, զորս լիով ցուցցուք ՚ի մասին սրարապման:

Ա՛յ Տէր իմ Յիսուս, ծառայել քեզ է թաղաւորել. որպէս երբեմն յաւազանին մկրտութեան հրաժարեցայ ՚ի սատանայէ և ՚ի գործոց նորա, և արդ դարձեալ նորոզեմ զխոստումն ուղղութեանցն՝ զորս ՚ի միտ առ ՚ի խոկման թաղաւորութեանն Վրիստոսի: Ահա ընտրեալ կալայ, եկից զկնի քո յոր վայր և երթիցես, ընդ գրօշուքս պատերազմեցայց որպէս հաւատարիմ զինուոր քոյին. և ոչ միայն հողացայց ՚ի կատարելութիւն իմ, այլ և զփրկութիւն ընկերին, անխտիր առ ամենայն գործ, յորում յընտրութեան սրահուն յայտնեսցես ինձ զկամս քո:

Մ ա ս և Բ

Զմտաւ ւած զզանազանութիւն զինուց երկոցունց զօրազլխացն յայսմ պատերազմի. զի որպէս ամբարտաւանն Գողիազ սրով և զեղարդեամբ և ասպարաւ զինեալ երանէր յասպարէզ մարտին, այսպէս Արուսեակն երիւք լեզէոնօք զինելովք յարձակի ՚ի մարտ, որք են ցանկութիւն մարմնոյ, ցանկութիւն աչաց և ամբարտաւանութիւն աստի կենաց: Ճոխութեամբն

հրապուրէ, կոչէ և յաղթէ մտաց ազա-
հիցն. 'ի ձեռն փառաց դամբարտաւանան
նուաճէ. և դմարմնասէրսն հեշտութեամբ
զգայարանաց կորուսանէ: Խայճք են նորա
ճոխութիւնք, փառք և հաճոյք, որով զան-
զգոյշ ձգէ 'ի հաղբս իւր որսորդն զժոխայ-
ին. այսոքիկ են նորա թակարդք՝ յորս ըմ-
բունէ զնոսա. այսոքիկ նորին վարմք՝ յորս
պարանէ զնոսա. այսոքիկ նորա զէնք՝ ո-
րովք ընդդէմ երկնից մարտնչի, սպանանէ
զհոգիս, և հնարի աւարել և քանդել զթա-
ղաւորութիւնն Աստուծոյ:

Այլ ընդդէմ նորա, որպէս երբեմն
Դաւիթ պարսիւքն և քարիւն և ցալովն դո-
րացաւ քան զայլազգին, այսպէս և Քրիս-
տոս զինեալ աղքատութեամբ, նախատա-
նօք, և վշտօք իջանէ յասպարէզ առ 'ի յաղ-
թել թշնամւոյն: Զայսոսիկ երեսին զէնս
առնու 'ի կիր իբր գործիս զիպողազոյնս
յոյժ 'ի կործանումն զժոխոց: Զօրութեամբ
զինուցս այսոցիկ սահմանեաց առնուլ
զվրէժ փառաց Աստուծոյ Հօր և փրկու-
թեան մարդկան:

Արդ ո՞ որ 'ի քրիստոնէից ոչ ատեսցէ
զճոխութիւն զփառս և զհաճոյս. զի նոքին
են խայճքն, վարմքն և թակարթք, որովք
Արուսեակն մատնէ զհոգիս 'ի կորուստ: Եւ
ո՞ ոչ յարգեսցէ, սիրեսցէ և ցանկասցի ա-
նարդանաց, աղքատութեան և ցաւոց,
որք են հզօր ձեռնաուր ժամանելոյ 'ի յախ-
տենական երանութիւնն երկնից:

Այսօրիկ երեքին ընկերք Յիսուսի են 'ի մի և 'ի նոյն պատիւ ընդ սրբոյ խաչին խրոյ , և ունին զնոյն արդիւնս արժանեաց , զնոյն զինս . զի զճշմարտութիւն յանձինս առեալ բերեն : Նոքօք լինիմք զերծք 'ի յախտից , անդոսնիչք ունայնութեանց աշխարհի , նմանողք Փրկչին : Մեծ է որ 'ի նոսա օծութիւնն և քաղցրութիւն , որք զմիտս խաղաղեն , 'ի վեր զսիրտս ամբանան քան զարարածականս ամենայն , ընուն զմիտս երկնաւոր լուսով , և 'ի սքանչելի իմն քաղցրութեան ծով ընկղմեն զկամս :

Ո՛վ Տէր իմ Յիսուս . հան արմատախիլ 'ի սրտից մերոց զանմիտ յօժարութիւնս ճոխութեան , պատուոյ և հաճոյից . և փոխանակ այնոցիկ տնկեա 'ի մեզ հաստատուն և անյողզող սէր աղքատութեան , վշտաց և նախատանաց :

Մ ա ս և Գ

Զմտաւ ած զզանազանութիւն քաղաքավարութեան երկուց այսոցիկ զօրապիսացս : Արուսեկին բաղմեալ 'ի հրալից ծծմբախառն յաթոռ խր՝ բարձրավիզ և բարձրայօն փորոտէ , փունչէ , զոչէ 'ի մաղձ դառնութեան . « Եկայք լցցուք զտուն մեր աւարաւ . 'ի բաղմութիւն մեծութեան մերոյ պարծեսցուք . բոլորիւք վարդից պսակեսցուք : Ելցուք յերկինս , 'ի վերոյ

քան զաստեղս երկնից արկցուք զաթոս մեր . լիցուք նմանողք բարձրելոյն » : Ահա յայտասիկ են զրդութիւնք սատանային . յամբարտաւանութիւն, 'ի ճոխութիւն, 'ի զեղխութիւն : Եւ ստբօք ուր ածիցէ . միթէ յերանութիւն : Ամենեկին ոչ . այլ յամբոխումն մտաց, յանձկութիւն, յերկիւղ, 'ի հառաչանս, յանյուսութիւն . այստբիկ են նորա բաղմաբաշխ զանձք, փոխանակ խաղաղութեան, զոհութեան և խնդութեան :

Իսկ Յիսո՛ւս . — Անուամբս Յիսուս ահնարկեմ 'ի հեզն և 'ի խոնարհ սրտիւ, 'ի բարեգութն, 'ի ժուժկալն, յողջախոհն, յողորմածն, և յամենայն սրբութեամբ և բարելաութեամբ զերահրաշն . որոյ վարդապետութիւն սուրբ խրատ տայ քեզ : Ուրացիր զանձն քո . Թո՛ղ զամենայն . Բաղմես ջիր 'ի յետին տեղուջ . Ժո՛յժ կալ և ընկալ : Նպատակ խորհրդոց իւրոց ահնարկեն 'ի խոնարհութիւն սրտի, 'ի մեռուցումն մարմնոյ և յազքատութիւն, որոց ուղեկից են խաղաղութիւն, անդորրութիւն, խնդութիւն, փստահութիւն և եռանդն :

Արդ որպէս առաջինքն են մոնչիւնք սանդարամետական առիւծուն, այսպէս և ստբին են ձայնք զառին խաղաղութեան : Այստբիկ են նչանք յորոշումն յընտրութեան անդ ամենակարևորք . այստբիկ են պատճառքն հարկաղիրք լքանելոյ և խուսափելոյ 'ի դրօշէ դիւին, և պատասպարելոյ ընդ

հովանեաւ աջոյն Քրիստոսի . և անդէն պատերազմելոյ արութեամբ առ ՚ի բեկանել զգորութիւն թշնամւոյն , և առ զերծուցանելոյ ՚ի կապանաց նորա զհոգիս :

Ի ՂԶԹ

Հաւատամ , ս՛վ Տէր իմ Յիսուս , զի դու կացուցար ՚ի յաւիտենական Հօրէն Թաղաւոր ՚ի վերայ Սիոնի և Խշխան ՚ի վերայ Խարայելի . և թէ չիք փրկութիւն բաց ՚ի քէն , և թէ պատերազմել ընդ զրօշու քո է յաղթանակել : Ասացից ընդ սրբոյն Ալիպրիանու . Ես ուխտեմ քեզ զզինուորութիւն . մտանեմ ընդ զրօշու քո , երդնում յաւիտենական թշնամութիւն ընդդէմ զիւին : Մի կարծեսցէ թէ ես վասն անարգ վարձուց եղէց զասալիք և զգեցայց զգրատ բռնաւորին , յորոյ ՚ի գերութենէն դու զիս փրկեցեր արեամբ քով : Այլ կամիմ զալ ընդ քեզ յամենայն ճակատամարտս , յամենայն վտանգս , յամենայն տառապանս ՚ի փրկութիւն հոգւոց :

Հաւատամ Տէր , զի երանելիք են աղքատք , երանելիք սղաւորք , երանելիք հաւածեալքն վասն անուան քո : Եւ զարհուրեալ դողամ ՚ի վայից՝ զոր կարդաս ասելով . Ասյ մեծատանց , վայ յազելոց , վայ փառաւորելոցն ՚ի մարդկանէ , զի ընկալան զհատուցումն վարձուց իւրեանց , և եկես-

ցէ որ յորում լացցեն ցփախճան անմխիթար: Վասն այնորիկ անարգեմ, ատեմ, և խուսափեմ 'ի մեծութեանց, 'ի հաճոյից և 'ի փառաց. և յարգեմ, սիրեմ և ցանկամ աղքատութեան, տանելոյ հակառակութեանց և խոնարհութեան: Քանզի առ ինչ օգտեսցէ ինձ կալ 'ի մեծութեան, 'ի փառս և յերջանկութեան 'ի վերայ երկրի, եթէ 'ի պատճառս այնոցիկ հեռացեալ 'ի վախճանէն իմմէ՝ ելանեմ 'ի զինուորութենէն և դատապարտիմ ընդ ամբարիշտ Արուսելին: Ահ. ամաչեմ զի ցայսօր յանհոգս դաւուրս իմ՝ ծախեցի. և խոստանամ ուխտիս փոխարինել յայսմ հետէ վրիպակաց կուրութեան իմոյ:

Եւ զի որ ոչ սիրէ զընկեր իւր և ոչ հոգայ զփրկութիւն անձին, նա ոչ սիրէ և զԱստուած, խոստանամ միտ զնել ամենայն զօրութեամբ իմով 'ի կատարելութիւն իմ և եղբարց իմոց միանդամայն, եթէ զուՏէր իմ կամիցիս կոչել զիս յայն. նուիրեմ վիս 'ի փրկութիւն մերձաւորաց, անխտիր համակամ առնել զայն ընդ որ և է շաւիղ կամիցիս: Եթէ հաճեսցիս՝ յառաքելութեան ընդ քաղաքս և ընդ զիւզս, և կամ գրուածովք 'ի հեռուստ՝ պատրաստ կամ յամենայնի, եթէ ուսուցանելով մանկանց կամ ծառայելով հիւանդաց, ոչ խտրեմ ամենեին: Քեզ է անկ հրամայել և ինձ հնազանդիլ:

Աղաչեա զՈրդին ընդ ձեռն Տիրամօրն,

և զՀայր ընդ ձեռն Որդւոյն , զի տացեն քեզ
զչնորհս սկսանելոյ և մնալոյ ընդ զրօջիւ
Քրիստոսի յազքատութեան և 'ի նախա-
տինս :

ԵՐԿՐՈՐԴՈՒՄՆ ՍՈՒՂ

Ե . Ձմտաւ ամ զվախճան պատերազմին և եր-
կոցուն զօրագլտոցն : Արուսեակն վառեալ է ա-
տելու թեամբ ընդդէմ քո . և ամենայն ճիգն նո-
րա ոչ այլ ինչ է , բայց եթէ զրկեալ զքեզ յեր-
կնից՝ արկանել 'ի յաւիտենական գատապարտու-
թիւն 'ի դժոխս . Եկն զի սպանցէ և կորուսցէ :

Իսկ Յիսուս գիտէ զփառս Աստուծոյ և զփր-
կու թիւն մարդկան . Եկն խնդրել և կեցուցանել
զկորուսեալն : Այս պարտիս գնալ զկնի նորա , և
ընդ քոյդ խնդրել և զայլոցն զհասարելու թիւն և
զփրկու թիւն : Առ այս գրգիւ քեզ լինիցին ան . Կա-
տաղու թիւն Արուսեակին՝ որ խնդրէ զկործանումն
քո : Է . Օրինակն Քրիստոսի՝ որ առ 'ի զերծու-
ցանել զքեզ 'ի դժոխոց՝ յանձին կալաւ զմահ չա-
րատանջ : Գ . Գերազանցութիւն և օգուտ նա-
խանձուն փրկութեան հոգւոց :

Բ . Ձմտաւ ամ զզանազանութիւն զինուց՝ զոր
'ի կիր առնուն երկաքանչիւր զօրագլուխք : Արու-
սեակն բազմի ընդ մարդկան՝ զէն առեալ 'ի ձեռին
զհաճոյս , զճոխութիւն և զպատիւ : Եւ Յիսուս
առ 'ի փրկել զնոսա՝ 'ի վար արկանէ զմեռուցումն ,
զազքատութիւն և զխոնարհութիւն : Եւ դու ոչ
տանայես զառաջնայն զզէնան , զորս շարժէ ընդ-

գէմ՝ քո առ ՚ի դատապարտել զքեզ ՚ի յաւիտեան . և ո՞չ սպառազինեացիս զինուքն Յիսուսի , որք կարող են տալ քեզ զյաղթուածիւն երկնից :

Գ . Զմտաւ ած զզանազանութիւն քաղաքավարութեան երկուց այսոցիկ զօրագլխաց : Արուսեակն բազմեալ ՚ի վերայ ծծմբախառն հրաբորբոք ակոռոյ , յահագինս փորտէ գոռողութեամբ . հապա վայելեացուք , լցցուք աւարաւ , բարձրացուցուք զգլուխ մեր ՚ի վերայ ամենայն ազգաց : Իսկ Յիսուս նստեալ ՚ի խոնարհ , քաղցր և հեղ աչօք հրաւիրէ զքեզ գնալ զինի իւր՝ ուրացեալ զանձնդ , առեալ զխաչ քո , բազմեալ ՚ի յետին տեղին : Ո՞յր հրաւերք են յերջանկութիւն : Արուսեակն արկցէ ՚ի սիրտ քո տագնապ , կատաղութիւն , անյուսութիւն , որք զքեզ յաղէտութեառութեան արկցեն աստ և ՚ի հանդերձեան : Սակայն Յիսուս լցուսցէ զքեզ խաղաղութեամբ , մխիթարութեամբ և խնդութեամբ : Եւ դու ո՞չ կամիս մտանել ընդ գրօշիւ նորա :

Ընթերցիր

Թովմ . Գեմբ . Գիրք Գ . ԳԼ . 51 :

ՊԱՐԱՊՈՒՄՆ

Թի գինը իցե նպատակ կրթութեան առարկա .

Ա.

Օրինակաւ Քրիստոսի բարձեալ 'ի միջոց զվեցեաին խոչս անխտիր համակամութեան, և ծանուցեալ զպարտս մեր ծառայելոյ Աստուծոյ ըստ նմանութեան Քրիստոսի 'ի նախատինս, 'ի թշնամանս և յաղքատութեան, սրպէս և յորում վայրի և իցէ, յորում սղաշտաման և յաստիճանի առաքինութեան, յոր զործ և յոր կոչումն և կոչեսցէ. արդ առաջնորդիմք յայլ ևս բարձրագոյն առաքինութիւն օրինակաւ երկուց զրօշից՝ լինել անխտիր առ առաքելական կեանս, յորում ընդ անձին և այլոց փրկութեան սկսանիմք ունել խնամ, եթէ կոչեսցէ զմեզ Աստուած. կամ եթէ իցեմք կոչեցեալք՝ ընտրեմք զայն շաւիղ ընդ որ կամիցի Աստուած հանել զմեզ յառաւել կատարեալ աստիճան այսր ազնուական կոչմանս :

Առ այս պարտ է վերադառնալ յերեսին յայնոսիկ յորդորս՝ յորս պարապեցաք 'ի խոկմանն, զի լաւ ևս զրոշմեալ 'ի միտս մեր առաւել քան զառաւել վառեսցուք ձեռն արկանել յևս մեծամեծս : Առաջին է

զայրոյթ ցասման սատանայի՝ որ մուշեղին վաստակի՝ ի կորուստ հոգւոց մերոց . Արուսեակն յասպարիզին Բարեւոնի նստեալ ի հրաբորբոք ծծմբախառն աթոռ , և ՚ի ժողով գումարեալ զանթիւ գունդս դիւաց , առաքէ ընդ աշխարհ ամենայն առ ՚ի վնասել . ոչ ումեք ակն առեալ , ոչ քաղաքի , ոչ տեղւոյ . և ոչ անձանց . և զգրգուեալ զնոսա կատաղութեան բանիւք՝ հրամայէ նոցա ընդ ամենայն վայրս ձգել վարմս և հաղթս և դարանս , և դաւս գործել , առ ՚ի կարթել զմարդիկ և միահամուռ լնուլ զահալէժ ցնդմամբ յանդունդս : Անյապաղ ամենեքին միանգամայն յարձակեալ , ընդ ամենայն երկիր , ոչ զաղարեն ՚ի զառածեցուցանելոյ զմարդիկ :

Ահագին է տեսիլն , զի « Լայնեցին դժոխք զանձինս իւրեանց , և բացին դբերանս իւրեանց » , առ ՚ի կլանել զբիւրս բիւրուց մարդկան : Արդարեւ անհնարին ցաւ է սրտի տեսանել զղարանակալութիւնս զիւին բաղմահնար և ամենապատիր լարեալ ՚ի կորուստ մարդկան , և թէ որպէս խրոխտապանձ գոռոզացեալ յոխորտայ՝ առաթուր հարեալ զյանձնասպաստան մարդիկ՝ ծաղրելով զանմտութիւն նոցա , որք ոչ առնուն յանձն մտանել ընդ դրօշիւ Քրիստոսի անխտիր համակամութեամբ , այլ կարծեն պատերազմակիցն մալիկնել առանձին խումբ կազմեալ և ճակատ յարդարեալ ըստ ընտրութեան կամաց իւրեանց ընդդէմ չարա-

նենդ դաւանաց Արուսեկին : Աւաղ ան-
 դարման տուգանացս : Ապա անհնարին լի-
 նիցի մեզ տեսանելով դայսպիսի աղէտս
 տարակուսի՝ հանդարտել լուել և թողուլ
 զզինա արեանն Քրիստոսի , գտաճարս Հո-
 դոյն սրբոյ , յաւար թշնամոյն խմբովին
 մատնեալ 'ի կորուստ : Ա՛հ . ամաչեցուք ,
 զի առաւել փութաջան է սատանայ 'ի դա-
 ւել զմարդիկ , քան թէ մեք 'ի փրկել զնո-
 սին : Զինչ տացուք պատասխանի Աստու-
 ծոյ , յորժամ պահանջեսցէ 'ի մէնջ զհամար :

Ա՛յլ յորդոր լինիցի մեզ Օրինակն Քրիս-
 տոսի , որ 'ի փրկութիւն հոգւոց մարմնա-
 ցաւ , չարչարեցաւ , և հեղ զարիւն իւր , և
 զդառն մահ ընկալաւ . և զմեզ կոչէ վաս-
 տակալից լինել ընդ իւր 'ի փրկութիւն մարդ-
 կանն . և առ 'ի քաջալերել զմեզ և ցուցա-
 նել մեզ զանչափութիւն սիրոյ իւրոյ առ
 մարդիկ՝ հաստատէր զխորհուրդ պատա-
 ըազին , յայտ իմն արարեալ՝ զի եթէ զոյր
 հնար , վասն մէն մի մարդոյ զօր ամե-
 նայն կամէր կրել զնոյն կիրս չարչարա-
 նաց և խաչի . զսոյն 'ի բերանոյ Քրիստո-
 սի ասէ և ոմն 'ի սրբոց՝ թէ Պատրաստ է
 կրել նոյնչափ ևս առ 'ի փրկել զմին միայն
 'ի կորուսելոց . ո՛չ և ինքն Քրիստոս յօրի-
 նակ հարիւր ոչխարացն զնոյն ցուցանէ :
 Ա՛հ . որպիսի՛ քարացեալ ունիցի սիրտ այր՝
 որ առ այս օրինակ Յիսուսի ոչ վառի 'ի
 նախանձ փրկութեան հոգւոց :

Երբորդ յորդոր է Քերադանցութիւն և

Օգտութիւն առաքելական կոչմանն: Գե-
րազանցութիւն նորա է անչափ, զի այնու
լինիմք զործակից Աստուծոյ. « Գործակից
եմք Աստուծոյ » ասէ առաքեալ. վասն
այնորիկ աղաղակէ սուրբն Գիորնեսիոս.
« Յամենայն աստուածայինսն աստուածայ-
նագոյն է՝ լինել զործակից Աստուծոյ ՚ի
փրկութիւն հոգւոց »: Զինչ զՕգտութենէն
ասել արժան իցէ. եթէ Աստուած վասն բա-
ժակի միոյ ջրոյ հատուցելոյ աղքատին խոս-
տանայ վարձս, զինչ ապա տացէ վասն
արեան խրոյ մատակարարելոյ այնչափ հո-
գւոց ՚ի խորհուրդ պատարազի. զինչ տա-
ցէ վասն այնչափ հոգւոց, զորս զերծու-
ցեալ ՚ի դժոխոց ամեր ՚ի սենեակ անհուն
սիրոյ սրտին Յիսուսի:

Բ

Յայսմ ամենայնէ կարես իսկ քաջ ՚ի
միտ առնուլ, թէ քանի՛ իրաւամբք արժան
է քեզ մտանել յայս կոչումն առաքելական
կենաց եթէ կոչեսցիս յայն. իսկ եթէ իցես
կոչեսցեալ, ելանել յայնմ ՚ի կատարելագոյն
աստիճան: Պարտ է քեզ ՚ի միտ առնուլ և
զայս՝ զի առ ՚ի զրիլ ՚ի զինուորութիւն
Քրիստոսի ոչ է շատ արկանել ՚ի բաց զնշան
Արուսեկին. զի զայն արարեալ իսկ համա-
րիս ՚ի խոկման թագաւորութեանն Քրիս-
տոսի: Այլ սլարտ է քեզ զհետ զնալ Քրիս-
տոսի ըստ կարի և առաւել ևս քան զկար

մերձ առընթեր կալով նորա առաւելեալ յոյժ 'ի կատարելութեան, ազատ համարձակ, և զինուք և օրինակաւ նորուն իսկ զօրազլխիզ: Այս վախճան է ընկերութեան մերոյ, այս օրինակ վարուց մերոց զրելոց յորդեգրութիւն Տիրամօրն, զինեալք ընդ դրօշի Քրիստոսի. զի ընկերութիւն մեր հաստատեալ 'ի Հօրէն մերմէ, է կոչումն առաքելութեան, և է ճշգրիտ նմանութիւն Փրկչին մերոյ Աստուծոյ:

Այլ իմն երկրորդ պտուղ խոկմանս է Յարգութիւն, սէր և ցանկութիւն մեծ նախատանայ, աղքատութեան և վշտաց. քանզի տեսեալ զի Յիսուս իմաստութիւն անչափ զայսոսիկ արկ 'ի կիր, և սորօք պարտեաց զսատանայ, և մեք յորդորիմք յարգել զսոսին, և ջանամք յանձինս բերել զվարս Յիսուսի:

Երրորդ պտուղ է Ամենայարգար պատրաստութիւն հոգւոյն յընտրութիւն կոչմանն: Առ բարւոք ընտրութիւն պարտ է ճանաչել զհոգիս, և զբերմունս հոգւոյն, թէ ո՞ր յԱստուծոյ իցէ և ո՞ր 'ի զիւաց. զայսոսիկ յայտնապէս առաջի առնեն մեզ երկաքին դրօշքս: Ի խոկումն ընտրութեան իրիք եթէ նշմարես 'ի սրտիդ զծուխ ամբարտաւանութեան, զհուր բղջախոհութեան, զխաւարումն մտաց, զտագնասլ, զվատասարտութիւն, երկիւղ, տխրութիւն, անձկութիւն, զիտաններկբայ, զի ներզործութիւն է Արուսեկին կատաղեալ և զայ-

բաղին: Այլ եթէ է 'ի խորս սրտիդ չափաւորութիւն Քրիստոսի դուարթաղին, խոնարհութիւն նորա, զգաստութիւն, քաղցր հրաւիրանաց ձայն, պարզութիւն զիմաց նորա, հանդարտութիւն սրտի նորա, որով կոչէ զքեզ 'ի հեզութիւն, 'ի խոնարհութիւն, 'ի խաղաղ և 'ի պարզ ըզձանս, մի երկմտիր զի այս ձայն է հրաւիրանացն Քրիստոսի առ քեզ:

Պարտ է միտ զնել և երկուց այլոց ազգմանց. ա. Որոցինչ յօժարեալ իցեմք յընտրութիւն: ք. Ի յեզանակն կոչման մերոյ յընտրութիւն: Եթէ զգայցեմք 'ի մեզ զրդիս յընտրութիւն չարի իմիր, կամ թէ պէտ անզանազան իրաց, բայց վտանգաւորաց կամ հաճոյականաց անձնասիրութեան և զգայութեան, կամ դամբարտաւանութիւն տածողաց. և կամ դարձեալ թէ և իրն ինքնին իցէ բարւոք, բայց եթէ յայտ լիցի 'ի փորձոյ, զի ընդ այդ շարժումն սրտին յուզին միտք մեր, և իմանամք փորձութիւնս, անձկութիւնս, անվստահութիւն, մթութիւն մտաց, այսոքիկ են նշանք յայտնիր եթէ զրդութիւնն է 'ի չար ոգոյ:

Առ լաւ ևս ճանաչելոյ զսոսին յոյժ կարեւոր է ճանաչել զզիւտս հնարից դիւին, որովք 'ի վերայ յարձակի բախել ընդ մեզ և զմեզ ընդ լծով արկանել: Զի յաճախ արկանէ զհիմն կործանման մերոյ՝ զրդուելով 'ի մեզ զցանկութիւն ճոխութեան, իբրև զի կարեւորք են կենաց և 'ի սպառնալիցութիւն

զերդաստանին : Յետ այսպէս թակարդելոյ դմեղ, արկանէ 'ի միտս իղձ պատիւս 'ի ձեռս բերելոյ աւելորդաւն և զբարձրութիւն վիճակի : Աստէն 'ի վերայ հասանէ ամբարտաւանութիւն, մոռացումն առաջին վիճակին, զեր 'ի վերոյ համարել զանձնքան զայլովք, պերճանալ մեծութեամբն, և յանարգս ունել զայլս : Այսոցիկ անկարգ բաղձանաց ճոխութեան, պատուոյ, փառաց, և զերազանցելոյ զայլովք, ծնանին այլ ամենայն ախտք, ևս առաւել հաճոյից մարմնոյ և զեղխութեան :

Գ

Իբրև զխտկումն երկուց զբօշից՝ կարևոր է ևս խտկումն երից կարգաց մարդկան : Քանզի յետ դնելոյ ուխտ ընդ անձին ծառայելոյ Աստուծոյ 'ի կոչմանն՝ յոր կոչեացէ, կամ յատիճանի կատարելութեան՝ յոր ելանել հրամայեացէ, պարտ է ճանաչել և զշափոյսն ընդ որս հնար է հասանել յայն կոչումն և յայն աստիճան կատարելութեան . յայսմ է ժայռն բաղմավտանդ՝ յոր հնարի դեն հարկանել զուխտս սրտից մերոց և խորտակել : Զի են որք 'ի ճանաչելիւրեանց զկարևորութիւն զգաստութեան գարձի յուղղութիւն, շատ խակ ուղղեալ համարին զանձինս, և ոչ ճանաչեն զխտիր՝ որ է ընդ մէջ փափաքելոյ 'ի փոխումն վարուց և փոխելոյ զայն ճշմարտութեամբ :

Են որք դասեն զանձինս ընդ սուրբս , զի ծանեան զյարգ սրբութեան , և զի սիրեն զսրբութիւն . ոչ կարելով զանազանել զի այլ է մեծապէս յարգել զսրբութիւն , այլ անյողղողդ պարսպել 'ի գործս սրբութեան . զի խտիր մեծ է ընդ ծանօթութիւն և ընդ կրթութիւն առաքինութեան :

Ի դարման այսոցիկ չարեաց յաւելեալ է աստուածային ազգմամբ այս խոկումն երկից կարգաց մարդոց , առ 'ի համոզել զմեզ զի մի շատ համարեսցուք զուխտն միայն յայսմ հետէ ծառայելոյ Աստուծոյ , նորոգելոյ զվարս , նմանելոյ Քրիստոսի , այլ զի թեակոխեսցուք ևս եռանդազին սրտիս 'ի վաստակել և 'ի դնալ ընդ շաւիղս՝ որք ապահովութեամբ ածեն զմեզ 'ի կրթութիւն ուխտիցն այնոցիկ :

Յայնմ խոկման յառաջ բերին երեք կարգք մարդկան . Առաջինքն կամին փոխել զվարս , զնորոգ կենաց բուն հարկանել , զիմել 'ի կատարելութիւն , բայց ոչ կամին դնել 'ի գործ որ ինչ պէտք են առ 'ի ծամանել յայս գերազոյն վախճան , և կամ ազետալի իմն յապաղմամբ յամեցուցանեն զայն ցմահ : Սորա այսոքիկ 'ի փափաքանս իրեանց հիւծին , այլ երբէք ոչ մատչին 'ի գործ . ցանկան , այժ , ստանալ զխոնարհութիւն , բայց մերժեն յանձանց զայն ամենայն՝ որք մարթին ածել զնոսա 'ի նոյն . խորչին յանարդ վայրաց , 'ի ստորին պաշտամանց և 'ի յետին աստիճանաց :

Այլ որ զարհուրեալ 'ի բանիցն՝ Վայ ձեզ մեծատանց, կամի բունն հարկանել զաղքատութենէ և նմանել Քրիստոսի . բայց ոչ կարէ երբէք սահմանել անձին 'ի բաց արկանել զայնոսիկ հապտանս, զիրութիւնս, զարդս և զգրամս : Միւս այլ որ ճանաչէ զհարկ մեռուցման, չափ զնելոյ զգայարանաց, սանձելոյ զանսանձ ախորժակսն, և ասէ միշտ . Արարից, այժ արարից . բայց զպարտիլն 'ի նոցունց առ ոչ ինչ գրէ . կորուսանէ զգէպան, զժուարի ազանել զայն ինչ զգեստ, ոչ կարէ իւր բունն առնել անձին առ 'ի մատչել 'ի գործ : Են և այնպիսիք որք բազում անգամ հաստատեալ 'ի սրտի մտանել 'ի շաւիղս կոչման առաքելական կենաց, բայց հասեալ ժամուն մատչելոյ 'ի գործ, և խիճք փոքրիկք խոչք լինին նոցա և արգելուն : Սոքա ամենեքին նման են առն ծուլի՝ որ կամի և ոչ կամի . և այնմ պատկերի քաջի զօրականի, որ յարձակեալ և վերացուցեալ զսուր՝ կչուէ զհարուածն, այլ երբէք չիջանէ սուսերն : Կամին ժամանել 'ի զաղաթն լերին՝ նստեալ առ ստորոտովն . սորա են կատարեալք առանց վաստակելոյ, և սուրբք առստուերազիրք :

Երկրորդ կարգ մարդկանն գործեն ինչ առ հասանելոյ 'ի վախճան իւրեանց, բայց ոչ զայն զոր պարտ էր նոցա առնել : Առնեն քայլս ինչ . այլ խտրանօք զնան զհետ կամացն Աստուծոյ . յառնելն զմի

ինչ՝ ասեն . Չայս կամի Աստուած , քաջ է լիցին կամք նորա . այլ յայլ ինչ ևս զնան զհետ կամաց խրեանց , ասելով . Միթէ Աստուած այլա՞ղզ կամիցի , ոչ ինչ են իրքդ . և այս ևս զոր մեք արարաք բարւոք է և ՚ի փառս նորա : Ո՛ր անմիտ վաճառականք , զոր ինքեանք կամին զայն վաճառեն , և ոչ զոր զնոզն կամի . և զզնոզն կամին ստգտանել , զի ոչ զբարին զոր ընտրեալ տան՝ կամի զնել : Ոչ թուի նոցա գործ բարեմարդութեան ժխտել զամենայն Աստուծոյ , և կամին մտանել ընդ նմա ՚ի զաչն ծառայել փոխանակաւ երբեմն Աստուծոյ , և այլ երբէք կամաց խրեանց : Տաց այսչափ , եկից ցայս վայր . ահա յայսմանէ զրկեմ զիս , և զայն բոլորանուէր տամ քեզ . զայս սլահեալ անձնասիրութեան իմոյ , իսկ այն ոչ է վասն իմ . և այսպէս կամին զԱստուած և զանձինս միանգամայն զոհ կացուցանել : Շատ լիցի քեզ ցայսվայր , Տէր իմ , շատ իսկ է . մի զառաւելն սլահանջեսցես , զի ոչ կարեմ : Եւ զու զի զթած ես , զիտեմ զի ներեսցես տկարութեան իմոյ . « Հոգիս յօժար է , բայց մարմինս տկար » : — Քրիստոս ասաց , այլ դարձեալ հնազանդեսցաւ . և սոքա ասեն , և յետ այնորիկ դադարին , և ոչ ևս այլ կամին լսել զկամս Աստուծոյ :

Երրորդ կարգ մարդկանն են նոքա , որք չառնուն յանձն զոր և է յապաղումն , և չթողուն զոր և է սլատիւ յօգուտ ՚ի վարարկանել , և անդուլ վաստակին առ հասա-

նելոյ 'ի սահմանեալն աստիճան կատարելութեան՝ զհետ գնալով յամենայնի կամաց Արարչին և Տեառն իւրեանց, այսինքն ընդ պատեհութիւնս՝ զորս ցուցցէ նոցա Աստուած: Սոքա առանց զանազանելոյ, արիական հոգւով, զամենայն ձգուս և զկարծիս իւրեանց ձօնեն Արարչին, զի զանձանց և զամենայն զործոց իւրեանց այնպէս հրամայեսցէ, որով նմա լաւ ևս ծառայել կարասցեն ըստ բարեհաճութեան նորա, անդարձ վճռեալ 'ի սիրտս իւրեանց չղնելոյ սահման շնորհացն Աստուծոյ, պատրաստք մտադիւր տանելոյ ամենայն վշտաց 'ի հաճոյս կամացն Աստուծոյ:

Առաջնոյ կարգի անձինք են հիւանդք 'ի խնդիր ելեալք բժշկութեան, բայց ոչ ինչ հնարիւք կարեն առնուլ զղեղ զարմանոյ: Անձինք երկրորդ կարգի կամին դտանել զառողջութիւն, բայց քաղցր և ախորժակ համ զեղովք: Իսկ գտեալքն յերրորդին են հիւանդքն այնորիկ՝ որք յոչ ինչ զեղոց հրաժարին եթէ իցեն քաղցունք կամ դառինք, շատ է զի բժշկեսցին:

Պատմութիւն Նեեմանայ ասորւոյն զեղեցիկ օրինակ ընծայէ մեզ զործոց սոցուն. որում իբրև հրամայէր Եղիսէ երթալ լուանալ եօթնիցս 'ի Յորդանան առ 'ի սրբել 'ի բորոտութենէն, ցասեաւ նա՝ զի ոչ սրբեաց զինքն անդէն բանիւ իւրով. և ասէր եթէ «Ո՛չ լաւ ևս իցեն ջուրքն Գամասիոսի քան զամենայն ջուրս Իսրայելի»: Բայց ծառայք

նորա համողիք եղեն նմա՝ լսել ձայնի մար-
գարէին . զնաց լուացաւ 'ի Յորդանան, և
սրբեցաւ : Ապա որ կամի բժշկիլ՝ անցցէ 'ի
թիւս երրորդացն . ապա թէ ոչ, կեղևք իւ-
րոյ բորոյն ոչ անկցին երբէք 'ի նմանէ :

Դ

Առ 'ի յաջողել 'ի սոյն պարտ է ունել ,
ըստ ասելոյ վերագոյն, սիրտ անխտիր հա-
մակամ առ ամենայն , զերծ 'ի կրից , զի
միտքն պարզեալ 'ի մուայլից կարասցէ ըն-
տրել, և սիրտն պատրաստ իցէ 'ի զործել .
այնպէս զի եթէ ակտաւոր բերումն հոգւոյս
մերոյ միտել 'ի չարն կամիցի, պարտիմք
բուռն առնել անձին դառնալոյ առ առա-
քինութիւնն : Եթէ անչափ ըղձիւք ելեալ
եմք 'ի խնդիր մեծութեան, ոչ միայն պարտ
է փոյթ 'ի մէջ առնուլ առ 'ի չափաւորել
զիղձս, այլ և բռնադատութեամբ դարձու-
ցանել զբերումն սրտին առ ազբատութիւն .
առնել որպէս յորժամ ուղղել կամիցիս
զժառ կորացեալ 'ի մի կողմն . զոր 'ի հա-
կառակն կոյս բուռն ձգեալ և հակես, մին-
չև ապա կարէ կալ յուղղութեան :

Եւ թէպէտ յայսմ երկրորդի մասին
կրթութեանս բովանդակ յորդորիմք միշտ
բերիլ առ կատարելութիւն, այլ ոչ ուրեք
այնպէս ուժգնագոյն և ջերմագոյն յորդո-
րանաց ունիմք պէտս, որպէս 'ի կրթու-
թեան երկր աստիճանացն խոնարհու-

թեան, յորոց երրորդն այն է՝ զի և անդ իսկ ուր ճոխութիւն և աղքատութիւն հաւասարապէս ՚ի փառս իցեն Սատուծոյ, ըզձիւք ճշգրտատիպ նմանութեանն Յիսուսի ընտրեսցէ որ աղքատ զոլ որպէս զնա, զնախատինս և զյիմարութիւն յանձն առնուլ մանաւանդ, քան թէ ՚ի ճոխութեան լինել, պատուիլ և փառաւորիլ որպէս իմաստուն: Աթէ սրչափ օգտեսցէ խոկումնս այս ՚ի զարթուցանել զյօժարամտութիւն առանթերի կատարելութիւն, ինքնին տեսանի առանց այլոց ցուցմանց: Յայսմ ցուցանի իմաստուն կարգաւորութիւն կրթութեանս՝ որ ռոն առ ռոն ածէ հանէ զմեզ յայս զերագոյն աստիճան կատարելութեան:

Զսոյն զայս զերագոյն աստիճան առաքինութեան, որ է կատարումն և վերջին նպատակ կրթութեանս, անուանեցաք երրորդ աստիճան խոնարհութեան. քանզի ՚ի նմա է սերմն բովանդակութեան առաքինութեանց. և զի է սա յոյժ կարեոր, որպէս է իսկ հրաշական նմանութիւնն Քրիստոսի, վասն որոյ պարտ է զօրն ցերեկ ռոճալ ընդ միտ զայսոսիկ երիս աստիճանս խոնարհութեան, և զիմել առ Տիրամայրն՝ խօսելով առ նա աղաչաւոր, զի բարեխօսեսցէ վասն մեր առ Արդին շնորհել մեզ զայս երրորդ աստիճան խոնարհութեան. և առ Արդին, զի հաճեցուցէ զկամս երկնաւոր Հօրն զիջանել ՚ի խնդիրս մեր: Պարտ է ևս աստէն բազմապատկել զե-

ռանդն սրտին . զի եթէ յամենայն ընթացս
կրթութեանն էր այն կարևոր , ևս առաւել
արդ մերձ առ դուրս հասեալ ժողովելոյ
զպտուղ կրթութեանն :



Խ Ո Կ Ո Ի Մ Ն Բ

Ի ՎԵՐԱՅ ԵՐԻՅ ԿԱՐԳԱՅ ՄԱՐԳԿԱՆ

Մ ա ս և Ս

Զմտաւ աս զչարութիւն առաջնոյ կար
զի մարդկանն , որք լուսաւորեալ 'ի Հոգւոյն
սրբոյ՝ ճանաչեն զոր պարտ է առնել , և յօ-
ժարեալ իսկ են 'ի նոյն , բայց ոչ երբէք
ձեռն 'ի գործ արկանեն , յառիթսն ոչ մեր-
ձենան , ձեռն զգօտուով արկեալ օր յօրէ
յամեցուցանեն մատչիլ 'ի գործ ցմահ : Եւ
զի՛նչ անիրաւ քան զայս . ճանաչել զպար-
տս իւր . զիտել զպատճառսն՝ որք անձին
պարտ առնեն . ունել զամենայն զիւրու-
թիւնս 'ի գործել , իմանալ յանձին և փա-
փաք գործելոյ , սակայն և այնպէս ծնդիլ 'ի
դատարկութեան , ննջել յանհոգս , և ձեռն
պահ լինել յամենայն գործոց՝ որք կարեն
ածել զայր յուղղութիւն . և իմ իմիք դու-
շակ իցէ այս , բայց չարակամութեան և
պղերգութեան :

Բայց վայ մարդոյն, որ զիտէ և ոչ առնէ. զի աւելի դատաստանս ընկալցի: Զի եթէ Քրիստոս յայսոսիկ կրթութիւնս չէր նոցա խօսեցեալ, մեղ ինչ ոչ գոյր նոցա. այլ յետ դմտաւ ամելոյ դամենայն զյաւիտենական ճշմարտութիւնս, յետ ճանաչելոյ դճանապարհն առաքինութեան, յետ այնչափ լուսոյ շնորհաց, յետ այնքան յորդորանաց՝ մնալ թաղեալ յառաջին կիրան, այս սասանեցուցանէ և դմիտս յանձնապատանս, յահ և յերկիւղ ըմբռնէ և ըզմեղկս ՚ի փրկութիւն իւրեանց:

Ո՛վ ամենաբարեգութ Տէր իմ Յիսուս, զի՛նչ այս գործ է իմ. որպէս ոչ զարթնում առ այսպիսի ազդոյ կոչումն. լսեմ ահա զգոչումն յունկն իմ. «Ի բերանոյ քում մէ դատեցայց զբեզ ծառայ անհաւատ»: Յամեցո՛, Տէր, զդատաստան քո աղաչեմ. ահա բուռն արկանեմ ՚ի գործ, և ոչ զաղաբեցայց մինչև ոչ հասից յայն աստիճան կատարելութեան զոր պահանջես յինէն:

Մ ա ս և Բ

Զմտաւ ամ զչարաչար անխոհեմութիւն երկրորդի կարգի մարդկանն, որք առ ՚ի զարդանալ յառաքինութեան՝ կամին՝ ՚ի գործ արկանել զառիթս հաճոյականս և եթ մտաց իւրեանց, և ոչ զԱստուծոյան: Տեսանեն զպէտս ուղղութեան վարուց, և խորշին յիւրեանց ներհակակիր սովորութեանց.

ընտրեալ են՝ի միտս իւրեանց ծառայել Աստուծոյ նմանելով Քրիստոսի . և վասն այնորիկ պարտ անձանց զրեն՝ի զործ արկանել զառիթան կարևորս առ այն , բայց զայնուսիկ միայն որք անձնասիրութեան և ցանկալի իւրեանց զրզանացն չիցեն հակառակ : Եւ որք այսպէսն զործեն՝ քանի՛ թիւնալից պտղովք ընուն զգոգս իւրեանց . քանի՛ թիւնալից պտղովք . քանզի ա . Կորուսանեն զպտուղ այսոցիկ կրթութեանց , զայն զերազոյն աստիճան առաքինութեան և զյաւիտենական երանութիւն , առ որ կոչեցեալք են . կորուսանեն զմեծամեծ շնորհս՝ որք պատրաստեալ են կատարեալ յաղթուղաց , և զայնչափ հոգիս՝ զորս արիացելոցն իւրոց զինուորաց տայ Աստուած զերծուցանել ՚ի զերութենէ :

բ . Արք այսպիսիք ՚ի պատուհաս զժկամակութեան իւրեանց մատնին ՚ի փորձութիւնս ծանունս , ՚ի բազում թերութիւնս , ՚ի մշտնջենաւոր իմն քուն թմբրութեան , և յաճախ ՚ի մերձաւոր վտանգ զատապարտութեան . որպէս զպատանին զայն՝ որ ընոյր զամենայն պատուիրանս , այլ զկատարեալն լինել չէառ յանձն , և լուա ՚ի Քրիստոսէ զլինելն զժուարին մտանել այնպիսեաց յարքայութիւն Աստուծոյ՝ որք զիւրեանցն զիւրութիւնս առաւել սիրեն քան զԱստուած . որ մերժեաց յանձնէ զկոչումն Աստուծոյ և զնաց տխրեալ . ընտրեաց հրաժեշտ տալ ՚ի Քրիստոսէ և ոչ յաշխար-

հէ . եղո՛ւկ նմա . ո՞րպէս կարացէ անպատ-
կառ յանդիման լինել ատենին Քրիստոսի ,
խնդրել զվարճս պատուիրանապահութեան
խրոյ , որ սիրեաց զինչս իւր քան զԱս-
տուած :

գ . Ընդ այս ճանապարհ ոչ եթէ նու-
զեն վաստակք , այլ բիւրապատիկ առաւե-
լուն . յորոց զարհուրեալք յուսակորոյսք ,
յանձն առնուն լքանել զճանապարհն ա-
ռաքինութեան : Քանզի կորուսանեն զօ-
ծումն զայն քաղցր ճանապարհին արդա-
րութեան , որ սովոր է թեթեացուցանել
զվաստակս . և զրկին 'ի շնորհաց անտի ,
որ զօրացուցիչն է տկարաց , և ընդ ծան-
րութեան բեռին ածէ 'ի ձեռին զմրցանակն .
և յանչափս նուազ լինին վարձքն , որք թե-
թեացուցիչք են ծանրատաղտուկ վաստա-
կոց . և 'ի վերայ այսր ամենայնի 'ի վերայ
հաճոյից կամաց նոցա արկանէ Աստուած
զգառնութիւն , զճանապարհս նոցա փշա-
ւիցս յարդարէ , մութ , զիչեր և ահ և դո-
ղումն ունի զնոսա յամենուստ : Եթէ այդ-
պէս իցէ , ո՞ է այրն որ կամիցի խցանել
զականջս իւր առ ձայնն Աստուծոյ , որ ընդ
չափղն՝ զոր առաջի առնէ նմա , կոչէ զնա
'ի յախտենական յիւր երանութիւնն :

Մ ա ս և Գ

Զմտաւ ամ զերանութիւն երրորդ կար-
գի մարդկանն , որք յանձն առնուն զնալ

ընդ չափին յոր առաջնորդէ նոցա Աստուած, որ և է ապահովագոյն առ 'ի հասուցանել 'ի վախճանն ցանկացեալ: Սորա յուշի կալեալ միայն զժառայութիւնն Աստուծոյ, անխտիր համակամ՝ յամենայնի, կան պատրաստք առ ամենայն ակնարկութիւնս Աստուծոյ, զոր 'ի նշմարել անդ՝ անյապաղ եռանդեամբ դօտի ածեալ մխին 'ի գործ: Խորշին մերժին յամենայն ընտրութենէ խորհրդոց, ամենևին ոչ ինչ զզացուցանեն մարմնոյ և արեան, և ոչ թողուն բնութեան խօսել ինչ, և արութեամբ քաջութեամբ յարձակին դիմեալք առ բարձրագոյն կատարելութիւն, սուրալով՝ ընդ չափին անխտոր՝ ընդ որ առաջնորդէ նոցա Աստուած:

Բայց որպիսի՜ երանութեանց գուն լինի նոցա այս անխտիր համակամութիւն անդէն մինչդեռ կրեն զլուծն Քրիստոսի. ա. Յորդէ 'ի սիրտս նոցա մխիթարութիւն երկնաւոր շնորհաց, յանձինս բերելով ըստ մասին զչորս պարզես փառաւորեալ մարմնոց. որք են՝ պայծառութիւն մտաց 'ի ճանաչել զճշմարտութիւնն յաւատենասկան, թեթևութիւն 'ի թռանել 'ի գործս բարիս. նրբութիւն մտաց հանճարոյ 'ի կերպարանել 'ի միտս զպատկերս երկնաւորս. անչարչարութիւն իմն հողոյ՝ յառաջ եկեալ 'ի սանձելոյ զախորժական անդու:

բ. Լցեալ լիացեալ այսպիսի երկնաւոր մխիթարութեամբք, երբէք երբէք այնպէս

զեղուն, մինչև ընկղմել 'ի նոսին, և անհանդուրժելի լեալ անձանց և զմայլեալք սկսանին նուազիլ 'ի սիրոյ, և իբր թէ ընկձեալք՝ սկսանին աղաղակել. Շատ իսկ է Տէր իմ, շատ է արդ, մի այլ յաւելուլ:

գ. Զայսպիսի արիասիրտ ծառայս իւր Տէր սկսանի տածել առանձին խնամովք իբրև զփոփկիկ մանկունս սիրոյ իւրոյ, և իբրև զբիբս աչաց իւրոց, այնպէս զի ամենայն ինչ լինի նոցա 'ի նպաստ:

Պատուդ խոկմանս է ոչ միայն անփոփոխ հաստատութիւն մտաց ծառայելոյ Աստուծոյ, նմանող լինելով Քրիստոսի՝ 'ի կոչմանն յոր կոչեսցէ զմեզ, այլ և ամենայն զօրութեամբ բուռն առնել անձին կատարել զործով զոր խոստանայն, պարապեալ յայնոսիկ զործս՝ զորս ինքն Տէր ցուցցէ մեզ, ամենեին ոչ դնելով չափ շնորհաց նորա:

Ի Ղ Զ Թ

Ո՛վ Աստուած, տէր իմ և դատաւոր. երկնչիմ 'ի դատաստանաց քոց յոյժ: Վայ ինձ, զի՛նչ տաց պատասխանի, յորժամ վկայ զերկինս և զերկիր կարդացեալ՝ աասցես ընդդէմ ինձ. «Գատ արարէք ընդ իս և ընդ այգի իմ. զի՛նչ առնել էր այգւոյ իմոյ և ես ոչ արարի նմա. կոչեցի զնա»: Կոչեցի զնա 'ի բարձր աստիճան կատարելութեան, ուսուցի նմա զճանապարհն, առաջի

արարի նմա պատեհս, և ոչ կամեցաւ զայ-
հրաժարեցաւ, 'ի բաց յինէն հեռացաւ, 'ի
բարձրութեան կոչմանն արժան էր նմա լի-
նել սուրբ. և զօրութեամբ կրթութեանցն
կարէր լինել սուրբ. և ահա մնացի զի բեր-
ցէ խաղող, և եբեր փուշ: Ա՛հ. Աստուած
իմ, զինչ տաց առ այդ պատասխանի:

Երկնչիմ արդար իրաւամբք. կամ յա-
հի մեծի, զմտաւ ամեալ զքո զայն բան ար-
դարադատ. « Որում շատ տուաւ, շատ խնդ-
րեսցի 'ի նմանէ, և որում բազում աւան-
դեսցաւ, առատել ևս պահանջեսցեն 'ի նմա-
նէ »: Բարէ. որպիսի անհնարին աղէտք
հասցեն 'ի վերայ իմ, եթէ զիրս այս կր-
թութեան որ պարտ էր լինել ինձ սանդուխք
յերկինս՝ լինիցի դառ 'ի թափ կորստեան:
Ոչ, մի՛ Տէր. ահա կամ պատրաստ առ
հրամանս քո, զոր ինչ և ցուցցես ինձ առ-
նել, ընդ որ ուղղեսցես զիս զնալ: Գարչիմ
'ի չարամտութենէ առաջին կարգի մարդ-
կանն, որ շատ զրեալ անձանց զփափագ
միայն փրկութեան, ոչ 'ի զորձ արկանեն
զառիթս առ հաստնելոյ 'ի նոյն: Անարգեմ
զանմտութիւն երկրորդացն, որք ոչ առ-
նուն յանձն զամենայն զառիթս մատուցա-
նել 'ի զորձ, այլ զոմանս և եթ: Յանկամ
եռանդազին վիճակի երանութեան երրորդ
կարգի մարդկանն, որք արութեան ոգով
նուիրեն զանձինս կամաց քոց, զնալ ընդ
չաւիղն՝ զոր ցուցանես նոցա:

Աստանօր պարտ է խնդրել զչնորհս 'ի Տիրամօրէն , և ընդ ձեռն նորա 'ի Յիսուսէ Քրիստոսէ , և ընդ ձեռն Յիսուսի Քրիստոսի 'ի յախտենական Հօրէն :

ԵՐԿՐՈՐԴՈՒՄՆ ՍՈՒՂ

Ա . Զմտաւ ած զչարամտութիւն առաջին կարգի մարդկանն , որք խրատեալք յԱստուծոյ հեռանալ 'ի մեղաց և դառնալ առ նա , խոստանան հնազանդել , բայց երբէք ոչ մատչին 'ի գործ : Վայնոցա . զի ասասցէ նոցա Աստուած . “ Ի բերանոյ քու մէջ գառեցայց զքեզ , ծառայ անհաւատ ,” Ծանեար զպարտս դառնալոյ առ իս , և ոչ գարձար : Մեծ են մեզք քո , մեծ ևս եղիցի դատապարտութիւն քո :

Բ . Անխոհեմութիւն երկրորդ կարգի մարդկանն . որոց 'ի միտ առեալ զպէտս ուղղութեան վարուց , խոստանան դառնալ և ծառայել Աստուծոյ , բայց գնալով զհետ հաճոյից մտաց իւրեանց . և այս՝ մեծամեծ չարեաց նոցա լինի պատճառ . Թ . Կորուսանեն զպատուս կրթութեանցն , նոյնպէս և զբազմադէմ՝ շնորհս : Թ . Սահեալ անկանին 'ի բազում՝ թերութիւնս , 'ի մշտնջենաւոր գաղթութիւն , և երբէք ևս մատնին 'ի կորուստ : Թ . Զրկին յօգնականութենէ շնորհաց առ 'ի զօրանալ և հաստատիլ 'ի շաւիղս փրկութեան :

Գ . Երանութիւն գտելոցն յերրորդ կարգի , որոց ընդգրկեալ զամենայն առիթս՝ զորս առաջի առնէ նոցա Աստուած , առ ժամանելոյ 'ի կատա-

րելու թիւն, ̄. Փու թով ժամանեն 'ի նոյն : ̄. Կան
'ի նոյն հաստատեալ : ̄. Լի լինին թաթաղուն
ամենայն ազգի ազգի երկնաւոր նստասիւք :

Ընթերցիր

Թովմ. Գեմբ. Գլբբ Գ. ԳԼ. 27 :

ԽՈՐՀՐԴԱԿՅՈՒԹԻՒՆ

Ի վերայ երից աստիճանաց խոնարհութեան.

Յառաջ քան զձեռնամուխ լինել յըն-
տրութիւն կոչմանն, կարևոր է պատրաս-
տել զանձն յընդունելութիւն վարդապետու-
թեանն Քրիստոսի պարապեալ մեծաւ խնա-
մով 'ի խոկումն երից այսոցիկ կարգաց խո-
նարհութեան զօրն ողջոյն : Քանզի առ բա-
րուք ընտրութիւն՝ ոչ միայն յամենայն մեղ-
սականաց պարտ է զհոգին պահել սուրբ,
այլ և յամենայն ներհական կրից, լեալ ան-
խտիր համակամ առ ամենայն. և զայս ան-
հնարին է 'ի զլուխ հանել վասն ապակա-
նութեան բնութեան մերոյ հակամիտելոյ 'ի
չարիս, առանց յօժարեցուցանելոյ զկաման
բուռն իմն զօրութեամբ առ կատարելա-
գոյնս : Արդ առ զարթուցանելոյ 'ի սրտի
զայս գերաստիճան բերումն, խոկասցութե-
հասուն խորհրդով զյիշատակեալ զերիս
կարգս խոնարհութեան :

Առաջին աստիճան է յանձնառութիւն հպատակելոյ աստուածային օրինաց յամենայն անձնէ, այնպէս զի եթէ և դամենայն թագաւորութիւնս աշխարհի խոտանայցեն ինձ, կամ եթէ հասանիցեմ ՚ի վտանգ կորուսանելոյ զկեանս, ոչ առից յանձն զանցանել զմիտով ՚ի պատուիրանաց, եթէ աստուածայնոյն և եթէ մարդկայնոյն, որոց լուծումն իցէ մեզք մահուչափ: Մինչև զի ընտրելի լինել ինձ կեալ ընդ Քրիստոսի անարգեալ, աղքատ և վշտալից, քան թէ արատաւորեալ մահուչափ մեղօք վայելել յամենայն ճոխութիւնս, ՚ի փառս և ՚ի քաղցրութիւնս աշխարհի: Այս աստիճան է պտուղ առաջնոյ մասին, յորոյ ՚ի վերելս ձեռն տան խոկումն ա. Մանրութեան մեղաց՝ որ անչափ է առ անօրէնութեան նախատանացն, առ անարգութեան թշնամանողին և առ մեծվայելչութեան նախատելոյն: բ. Դառնութեան պատժոյն, յոր մատնեցան արուսեակն և նախահայր մեր: գ. Յախտենականութեան և անչափութեան տանջանացն, որ պատրաստեալ կան մեզաւորաց:

Զի և ճշմարտութիւն և արդարութիւն պահանջեն զսոյն. քանզի ստեղծեալ եմք վասն Աստուծոյ և առ ՚ի ծառայել Աստուծոյ և կեալ յախտեան յԱստուած. արդ ՚ի մեղանչելն ընդդէմ Աստուծոյ՝ եղծանեմք զգործն Աստուծոյ. զի որ ստեղծ զմեզ ՚ի փառս իւր, մեր մեղանչելով ընդդէմ նո-

րա, դարձուցանեմք զարարչագործութիւն նորա 'ի նախատինս իւր, ապատամբեալք յօրինաց նորա, զոր ետ նիւթական և բանաւոր արարածոց, կարգեալ զմէն մի առ իւր վախճան: Եւ զի արդարութիւն պահանջէ զլրումն օրինացս, ապա և սարսք են զգոյշ պահպանութիւն նոցուն, և է ևս յօգուտ մեզ, զի այնու ևեթ կարեմք հասանել 'ի վախճանն մեր: Զսոյն ուսուցանէ և օրինակ արդարոց, ուղղատեսից, սրբոց մարտիրոսաց. որք առ 'ի չմեղանչել՝ փորձեցան, քարկոծեցան, սղոցեցան, սպանմամբ սրոյ մեռան: Եւ հարկն ևս 'ի սոյն բռնադատէ զմեզ, զի կամակար մտօք յանցանողաց կայ ահեղ ակնկալութիւն դատաստանին և նախանձ հրոյն:

Արդ իցես դու հասեալ յայս աստիճան. իցես պատրաստ կորուսանելոյ զհամբաւ, զպատիւ, զառողջութիւն, զկեանս առ 'ի չմեղանչելոյ: Եթէ հասեալ իցես յայս աստիճան, կալ զքեզ հաստատուն, զի ընդ աստիճանաւդ բերանաբացեալ կան դժոխք: Իսկ եթէ չիցես տակաւին, զուն զործեալ ելանել, զի որ ոչ ելանէ յայս աստիճան, դատապարտի:

Երկրորդ աստիճանն խոնարհութեան է առաւել կատարելոց յառաքինութեան, յորում ճոխութիւն կամ աղքատութիւն, պատիւ կամ նախատինք, երկար կեանք կամ սուղ՝ եթէ իցեն և երկոքին սոքա կարգեալք 'ի փառս Աստուծոյ և 'ի փրկութիւն

մեր , լինիցիմք անխափր համակամք ընդունելոյ զմին յերկուց յայսցանէ : Եւ կամ յանձն առնուլ զգրկումն 'ի մեծամեծար յերջանկութենէ , և զմահ , առ 'ի չմեղանչել և ոչ թեթե ինչ ներելի յանցանօք . այնպէս զի մտադիր յանձին կալցի կալ ընդ Քրիստոսի յաղքատին , յանարդ և 'ի վշտամբեր կեանս , և ոչ յօժարել 'ի թեթե ինչ մեղս , և այնու վայելել 'ի մեծամեծ փառս , 'ի ճօխութեան և յամենայն բերկրութիւնս աշխարհի :

Տեսաք յառաջին օր կրթութեանս , զի մեք առ 'ի ծառայել Աստուծոյ՝ պարտիմք լինել անխափր համակամք առ այս ամենայն : Իսկ եթէ զմի ներելի յանցուած պարտիցէ համարել առաւել մեծ 'ի չարիս քան զկորուստ ամենայն մեծամեծ բարեաց աշխարհի , և այս յայտ լինի 'ի խորհելն զանօրէնութիւն մեծ մեղացն թեթե և ներելի անուանելոց . զի բերի յանարդութիւն Աստուծոյ ամենակալի , վասն այնորիկ եղձանէ զգործս առաքինութեան , նուազեցուցանէ զեռանդն սիրոյն , առնէ զմարդ զիրազայթ 'ի մեղս մահուչափս . և զի Աստուած պատուհաս սաստիկ ածէ 'ի վերայ :

Ասա ազաչեմ , զարշիցիս նողկանօք 'ի ներելի մեղաց . խորհեաց յանձն քո , հարց ցանձն քո . եթէ միով ներելի յանցուածով կարասցես զերծանել 'ի տառապանաց աղքատութեան , ելանել յանարդութենէ , հեռացուցանել 'ի քէն զվիշաս ,

զինչ գործէիր: Եւ յինչ կարծիս կայցես զանխտիր համակամութենէ. զառատութիւն և զգրկումն յամենայնի կալցիս 'ի մի նժար. նոյն և զպատիւն և զգթօսանս ընդ անարզանաց և ընդ վշտաց: Ասա զոր ինչ խիղճ քո վկայէ: — Եւ սակայն այս սքանչելի առարքինութիւն չէ 'ի գերագոյն կարգի, այլ 'ի բարձրագոյնն քան զայս հրաւրեմ' գրեց:

Եւ է այն երրորդն ամենաբարձր ատիճան խոնարհութեան, որ բարձրաթուիչ սլանայ 'ի վեր քան զամենայն բարձունս, և պայծառութեամբն փայլէ իբրև զարեգակն 'ի մէջ ամենայն լուսաւորաց: Եւ է զի եթէ կարիցեմ' կալ 'ի ճոխութեան, 'ի փառս, որպէս յանարգութեան և յաղքատութեան, յամենայնի հպատակելով' կամացն Աստուծոյ և վաստակելով' 'ի փրկութիւն հոգւոյ իմոյ, այլ ես ընդ Քրիստոսի յանձին կալայց զաղքատութիւն, զանարզանս և զվիշտս, արհամարհեալ զճոխութիւն, զպատիւ և զանուն իմաստութեան. և այս միայն առ ես քան զես նմանող լինելոյ Քրիստոսի:

Աստիճանս այս է պտուղ երկրորդի մասին կրթութեանս, ևս առաւել խոկմանց թագաւորութեանն Քրիստոսի և երկուց գրօշից:

Պատճառք համոզկերք զիմելոյ առ այս աստիճան՝ են ա. Օրինակն Յիսուսի Քրիստոսի, որ միայն առ սէր մեր ընտրեաց

զճանապարհ աղքատութեան, անարգութեան և ցաւոց. փոխանակ մխիթարութեանն որ նմա առաջի կայր՝ յանձն էառ զխաչ, արհամարհեաց զամօթ: Զի և մեք վառեալք նոյնպէս ՚ի սէր նորա ջան զիցուք զնալոյ զհետ նորա, նոյնօրինակ առքնութեր մերձ կալով նմին, ոչ միայն անարգելով զճոխութիւն և զպատիւ ՚ի լինել նոցա խոչ ճանապարհին մերում, այլ և յորժամ հաւասարապէս կարեն օգնել վախճանին մերոյ և ճոխութիւնքն և փառք իբրև զաղքատութիւնս և զնախատինս, զարձեալ մեք ընտրեալ կալցուք յանձին զանարգութիւն և զաղքատութիւն:

Զի եթէ Քրիստոս ՚ի պատճառս քո, առ յագեցուցանելոյ զսէր իւր որ առ քեզ, և առ ՚ի յայտ առնել եթէ որպիսի անձկով կամի զփրկութիւն քո, այնչափ տանջանաց տարաւ, որ տէրն էր փառաց՝ եղև նախատինք մարդկան և արհամարհանք ժողովրդոց. և դու համարձակեսցիս ժխտել նմա զոր ցանկայ և կամի ՚ի քէն, զի լինիցիս ընդ նմա ՚ի վիշտս և յաղքատութեան և յանարգութեան: Եթէ զօրականաց տեսեալ զգօրազլուխ իւրեանց յառաջել սանդուխս ՚ի ձեռին առ պարիսպն, արչաւնն զհետ նորա մի զմիով արիացեալք և գօրացեալք չլինել յետամնացք, և դու իբր պղերգասցիս ելանել զհետ թագաւորին քո՝ որ յանմահական յաղթանակ հրաւիրէ ըզքեզ. մինչդեռ խոստացար իսկ բիւրիցս ՚ի

լինելն մտախոհ զթագաւորութենէն Քրիստոսի . և ասէ իր . Ահաւասիկ կամ, թագաւոր մեծագոր, եկից զկնի քո ուր և երթիցես :

բ . Պատճառ համոզկեր, օգուտն մեծ՝ յոր վայելէ որ բուռն առնէ անձին հասանել յայս բարձրութիւն երրորդ աստիճանի խոնարհութեան . զի որ կարող զոլով վայելել ՚ի ճոխութեան, ՚ի հանգստութեան, ՚ի փառս Աստուծոյ, ինքն անարգեալ զնոսին՝ ընտրէ առ ՚ի նմանող լինել Քրիստոսի զաղքատութիւն և զնախատինս . այր այսպիսի իբր առնուցու յանձն վասն աղցաւոր փառաց և ընչից նախատել զՏէր իւր, ևս և թեթև ինչ յանցանօք :

Հարկ է յաւելուլ և զպատճառս զայս ոչ թեթև . որ ոչ բուռն առնէ անձին ժամանել յայս երրորդ աստիճան խոնարհութեան, ոչ կարէ կալ անսատան և յերկրորդին, և ոչ իսկ յառաջնումն . զի որ կամի կալ ՚ի ճոխութեան և ՚ի վայելս հանգստեան, և այնպէս զգուշանալ ՚ի թեթևագունից ևս մեղաց, անհնարին է ընդ երկար կալ մնալ ՚ի հաստատութեան ուխտի սրտին . զի առիթքն յաճախ ընդ առաջ լեալ նմին՝ ՚ի վայելս փափկութեան վրիպեցուցանեն . և ՚ի սկսանելն յանհոգանալ ՚ի նոսին, կայ ՚ի վտանգի անկանելոյ և ՚ի ծանր յանցանս :

Ի վերայ այսր վերջին աստիճանի խոնարհութեան իբրև ՚ի վերայ հիման բարձրացեալ կայ կարգն կրօնաւորական, յորում է և մերն . որպէս և ՚ի կանոնս սահ-

մանադրութեան մերոյ խրատիմք՝ խորշիլ յայնմ ամենայնէ՛ զոր սիրէ աշխարհ և մեծարէ . և այն ոչ ըստ մասին , այլ ամենայնիւ ՚ի պատուոյ , ՚ի համբաւոյ , ՚ի հռչակելոյ անուանն ընդ աշխարհ . և ամենայն ջանիք յանձն առնուլ և ցանկալ այնմ ամենայնի , զոր Քրիստոս Տէրն մեր սիրեաց և յանձինկալաւ , այսինքն զգրպարտութիւնս , զնախատինս և զսուտ վկայութիւնս :

Մանաւանդ զի յընդհանուր քննութեան նորամտից ՚ի կրօն , պարտ է հարցանել՝ եթէ Զգայցեն յանձինս փափաք այսպիսեաց : Եւ եթէ ոմանք առ տկարութեան ոչ զգայցեն ՚ի սիրտս իւրեանց զայսպիսի վառեալ իղձս , հարցցի նոցա՝ թէ Փափաքիցեն կրել ՚ի սիրտս իւրեանց զայսպիսի իղձս : Արք եթէ պատասխանիցեն զԱյոն , հարցցի դարձեալ թէ Հաստատեալ իցեն ՚ի մտի , և իցեն պատրաստք տանելոյ համբերութեամբ շնորհօքն Աստուծոյ անխրատութեանց , զրպարտութեանց , նախատանաց՝ որք են նշանակեալք ՚ի դրօշն Քրիստոսի : Եւ եթէ նորամտից կարևոր համարիմք զայսոսիկ , որչափ առաւել պարտ է մեզ ՚ի սոյն միտս վառել , ուխտելոցս և հնացելոց ՚ի կրօնի :

Այս է ահա աստիճանն ցանկացեալ յարիասիրտ ըմբշացն Քրիստոսի . գերամբարձ աստիճան՝ յոր ոչ հասանէ տեսութիւն մտաց իմաստնոցն աշխարհի , որ միայն կարէ երանելիս առնել զխոնարհս

Տեառն՝ առատութեամբ լուսոյ իւրոյ, որոյ վասն բերկրէր Քրիստոս յանձն իւր ասելով. « Պոհանամ զքէն, Հայր, Տէր երկնի և երկրի, զի ծածկեցեր զայս յիմաստնոց և ՚ի զիտնոց, և յայտնեցեր տղայոց » : Այս է ահա լաւագոյն սրատրաստականութիւն առ ամենամեծ զործ ընտրութեան կոչման, զորմէ բուն հարցուք ըստ օրինադրելոցս կարգաց աստ ՚ի ստորև :

ՅԵՂԱՆՍԿ

ԸՆՏՐՈՒԹԵԱՆ ԿՈՉՄԱՆ

Պատրաստութիւն. Ա. Կենդանի հաւատով կայ հաստատութեամբ ՚ի մտի՝ թէ Աստուած կայ առ քեզ, տեսանէ և զխորհուրդս քո. և թէ դու ստեղծեալ ես առ ծառայելոյ նմա՝ զհետ զնալով կամաց նորա :

Բ. Դիր առաջի Աստուծոյ զայն՝ զորոյ ընտրութենէ բուն հարեալ իցես. և խնդրեա շնորհս զի ցուցցէ քեզ զոր առնել և զոր ընտրել հաճի նա քեզ :

Գ. Յոյց ՚ի քեզ զանխտիր համակամութիւն յընդունել և ՚ի մերժել զառաջարկութիւնն՝ միտ եղեալ միայն վախճանին ստեղծման մերոյ, մեծաց փառացն Աստուծոյ և լրման կամաց նորա :

Ա. Գ Դ

Մատուցելոյն շնորութիւն՝ պարտ է զմիտան յինքն ժողովել, և ընդ ամենայն ժամանակս ընտրութեան 'ի բաց հեռացուցանել յանձնէ և 'ի խորհրդոցն զայն ամենայն, և զերկնից միայն խորհել, լսել և տեսանել:

Ա.

Կրքորքիւն կամաց, որ է կրկրորդ ժամանակ.

'ի խոր խոնարհեալ սրտիւ, և ամենա-
յորզոր փութով ճանաչելոյ և զհետ գնա-
լոյ կամացն Աստուծոյ, անդադար մատո
զանձնդ Աստուծոյ երբէք յայս ինչ և եր-
բէք յայն ինչ. և ասա. Տէր, զինչ կամիս
զի արարից: Կամիս ինձ ընտրել զայս և
առնել. կամ թէ Կամիս զի արարից զայն
ինչ, խօսեաց Տէր . . . Եւ միանգամայն
քննեա և տես 'ի զաղտնիս զներքին բեր-
մունս սրտիդ յայս կամ յայն ինչ. անզործ
պահելով ըստ կարի զերեսին կարողու-
թիւնս հոգւոյն, զի 'ի խաղաղ լուծեան
աստ մտաց զիւրաւ 'ի յայտ զայցէ և ընդու-
նելի լինիցի ազգումն ձայնին Աստուծոյ:

Ծանիր. Եթէ զզայցես յանձին զներքին
բերումն՝ մանաւանդ եթէ բռնադատութիւն
առաւել յայս կոյս քան յայն, զայս յօժա-

րամտութիւնն քննեա ըստ կանոնին ճա-
նաչելոյ զեռանդն հոգւոյն, զոր ցուցից ստո-
րև: Իսկ եթէ ոչ ինչ ներքին բերումն յան-
ձին զգայցես, կամ եթէ զգայցես ևս զյօ-
ժարութիւն առ իմն, յայնժամ բուռն հար-

Բ

Չկրորքրեակ մտաց, որ է կրորդ ժամանակ.

Ա. Քննեա աստանօր զպատճառսն, և
սրկ 'ի կշիռ, եթէ զնպաստաւորսն և եթէ
զընդդիմական. այսինքն զօգուտսն և զտու-
գանսն, զօգնութիւնսն և զխոչս, որոց եր-
կուստեք մարթ իցէ ակն ունել կամ գան-
զիտել: Եւ կռեա զայսոսիկ պատճառս ա-
ռաջի Աստուծոյ 'ի կշիռն Սրբութեան. և
մերկացեալ յամենայն յերկրաւոր ըղծից,
մատո առ ամենասուրբ Երրորդութիւնն՝ որ
ընկալցի կամ մերժեսցէ:

Բ. Չայս արարեալ, հարց ցանձն քո,
ա. Ի խորհուրդ կոչեցեալ քո վասն այսր
գործոյ 'ի բարեկամէդ, յինչ համոզէիր
զնա, առնել կամ չառնել: ք. Չինչ, եթէ
էիր առ դրունս հասեալ մահուն: գ. Չինչ,
եթէ մատուցեալ էիր 'ի դատաստանն Աս-
տուծոյ: դ. Եւ զո՞ր ինչ 'ի յաւիտենակա-
նութեան ցանկայիր թէ ընտրեալ էր քո:
Քաջ կռեալ զայսոսիկ պատճառս, յան-
ձին կալ զայն յոր կամէիր զայլս յորգորել
և զոր 'ի մահուն քում ցանկայիր թէ գոր-
ծեալ էր քո:

Գ. Բայց պարտ է մեծապէս ջանացեալ ՚ի գործ արկանել, զի որ և է յօժարամտութիւն մեծ կամ փոքր յընտրութեան անդ իցեն յորդորեալ միայն ՚ի սիրոյն Աստուծոյ և ՚ի փութոյն որ առ նա, մերժելով զամենայն պատճառս զգայութեանն և զմարդկայինս և զաշխարհի, և զայնոսիկ՝ որք ոչ բերիցին ամենայնիւ յառաւել նմանութիւն Քրիստոսի, զոր տեսեր և ուխտ ընդ անձինդ հաստատեցեր յերրորդ աստիճանի խոնարհութեան: Միայն զի մարթ է ընդ մէջ մտանել պատճառաց ինչ մարդկայնոց, իբր առ ՚ի ձեռն տալ ըստ իմիք հաստատութեան ընտրութեանն. զոր օրինակ է՝ միտ դնել ներքին խաղաղութեան սրտի, և մխիթարութեան հոգւոյ: Բայց կալցիս յամենայնի զփառսն Աստուծոյ ՚ի պատճառ սկզբնական և զլիսաւոր յընտրութեան քում:

Գ. Կշռեալ արդ զպատճառսն հասուն խորհրդով ամենայն ուստեք, և սրբեալ զաչս մտացդ յամենայն ձախողակ ըղձից, ընտրեա զոր կամիսն առնել կամ թողուլ, սահմանել կամ մերժել:

Գ.

Կատարումն ընտրութեան.

Յետ հաստատելոյ զընտրութիւն կամացդ, մատիր առ աթոռն ամենասուրբ Երրորդութեան յանդիման ամենայն առն-

նի երկնաւորաց . և խոստովան լեր նմա , որ զխորս ծածուկս սրտից քոց տեսանէ , զընտրութիւն քո զոր արարեր 'ի փառս իւր և քեզ 'ի փրկութիւն : Նոյնպէս և առաջի Մօր մերոյ Տիրուհւոյն սրբոց , և նորայն միջնորդութեամբ առաջի Քրիստոսի , զի օրհնեսցեն զընտրութիւն քո և հաստատեսցեն : Եւ հրաւէր կարգա սրբոց ամենեցուն , զի գոհասցին ընդ քեզ զԱստուծոյ՝ որ յայտնեաց քեզ զկամս իւր . և կալ զնոսա քեզ 'ի բարեխօս , զի օղնականութեամբն Աստուծոյ կացցես հաստատուն յընտրութեան քում , և վասն այսորիկ ընտրեալ կալ քեզ զոր 'ի պաշտպան :

Ապա կայց յաղօթս 'ի բան և կամ 'ի մտաւոր , և միտ զիր եթէ լուսաւորեալ և ևս մտացդ հաստատի՞ սիրտ քո յընտրութեանն և կամ դեղևէ : Եթէ հաստատի , այն է ցոյց լինելոյ բարւոք ընտրութեանն . իսկ եթէ ոչ , պարտ է յայնժամ առնուլ 'ի քնին՝ թէ յորմէ՞ հողոյ յառաջ գայցէ այդ հակառակ խորհուրդ : Եթէ 'ի չարէ , պարտ է կալ անվրդով յընտրութեանն . իսկ եթէ 'ի բարւոյ , պարտ է նորոգ մատչել 'ի քննութիւն : Եւ եթէ յընտրութեանն ոչ ինչ նոր 'ի կարևորաց ցուցցի , այն իցէ նշան կամելոյ Աստուծոյ յայտնել քեզ զկամս իւր ազգամբ 'ի միտս քո :

Եթէ դէպ լիցի ընտրել կամաց 'ի ժամանակն երկրորդ զայն ինչ , զոր ապա յերրորդ ժամանակին մտացն մերժեալ ընտ-

րեսցէ զայլ իմն, կամ զհակառակն առաջնոյն, յայնժամ եթէ պատճառք մտացն իցեն ծանունք, պարտ է այնմ զհետ զնալ. քանզի առաջինն կամացն է անատոյզ եթէ իցէ յԱստուծոյ. այլ մտացն է ստուգագոյն և դիպողագոյն բնութեան: Բայց ոչ նոյնպէս՝ եթէ պատճառք մտացն իցեն թեթեք և առերևոյթք. և կամացն բերումն իցէ հաստատուն, և ունիցի աներկբայ ցոյցս Աստուածային կոչման:

Դ

Կանոն ընտրութեան հոգոյ յորևէ
ատաչնորդիւնքն.

Ա. Եթէ տեսանես զքեզ առաւել մէտ՝ի կողմն մի քան՝ի միւսն, արկ՝ի քնին եթէ միտումն այն ածիցէ քեզ խաղաղութիւն և մխիթարութիւն, բորբոքիցէ՞ ի քեզ սէր առաքինութեան, թէ յածեցուցանէ զմիտս քո, և պատճառէ յոյզս կրից, տաղտկութիւն, տխրութիւն, և նողկանս յառաքինութեան ջանից: Առաջինն է ցոյց առաջնորդութեան աստուածային հոգւոյն, և երկրորդն ազգումն զժոխայնոյն փորձութեան:

Քննեա՛ դարձեալ զսկիզբն, զմէջն և զփախճան յօժարահամութեան հոգւոյն: ա. ի վերայ սկզբանն միտ դիր եթէ եղև սկիզբն նորա՝ի ժամու եռանդեան, մխի-

Թարութեան և խաղաղութեան, թէ յալեկոծութեան մտաց, 'ի տխրութեան և յանյուսութեան: Կամ դարձեալ եթէ եկն քեզ այն 'ի միտս ընդ ճանապարհ զազտագողի 'ի ցրուել մտացդ յաղօթս քո, կամ խոչ լինելով գործոյ հնազանդութեան՝ որ 'ի ձեռին քում: Յայտ է զի սոքին ոչ են ազգմունք առ յԱստուծոյ, որ Տէրն է կարգաց և խաղաղութեան: ք. Ի վերայ միջին ժամանակին խորհեաց յանձն քո եթէ սիրտ քո կայցէ հանդարտեալ 'ի խաղաղութեան, և միտք քո 'ի պարզ ուղղութեան, կամ թէ ընդ հակառակն այսոցիկ: գ. Չվախճանէն խորհեսցիր եթէ մնայցէ 'ի սրտի քում փրկական իմն յորդոր լի մխիթարութեամբ զարգանալոյ 'ի հանդիսի կատարելութեան, կամ թէ պաշարեսցեն զսիրտ քո յանձկութեան, 'ի մեղկութեան և 'ի տագնապող դառնութեան: Առաջինքն են նշանք բարւոյ հոգւոյ, և երկրորդքն չարի:

Վասն այսր ամենայնի ապաստան լեր յաղօթս, յորում ընկալցիս լոյս 'ի ճանաչել և ոյժ 'ի գործել. այլ և զգոյշ կաց չհաստատել ուխտ 'ի ժամու քաղցրութեան խորհրդոց. նոյնպէս ևս չսահմանել ինչ 'ի պահու վհատութեան: Մնա՛ ժամուն անգործութեան, որ է մայր իմաստուն խորհրդոց: — Դարձեալ փոյթ կալցիս յայտնել զխորհուրդս սրտիդ պարզութեամբ դատարակի հոգւոյդ, և հարց նմին խորհուրդ:

Խ Ո Կ Ո Ւ Մ Ն Գ

ԱՌԱԻԵԼՈՒԹԻԻՆՔ ԵՐՐՈՐԴ
ԱՍՏԻՃԱՆԻ ԽՈՆԱՐՀՈՒԹԵԱՆ

Մ ա ս և Ա

Զմտաւ ամ դառաւելութիւն զերազան-
ցութեան սորուն. զի զինչ այլ արիական
քան զայս. մինչդեռ ՚ի ճոխութեան ՚ի պա-
տուի և յանգորրութեան կարիցէ որ կեալ
՚ի փառս Աստուծոյ, կամել ընդ Քրիստոսի
լինել ՚ի նախատինս, յաղքատութեան և ՚ի
ցաւս: Եւ զինչ քան զայս վսեմական, ըն-
տրել առաւել զպսակիլն փշովք քան յոս-
կի և ՚ի ծաղիկ, միայն առ ևս քան զես
նմանող լինելոյ Քրիստոսի: Եւ իցէ ինչ
այլ վեհագոյն, որ կարասցէ հաւասարել
այսմ. խորշիլ և մերժիլ յայնմ ամենայնէ,
զոր աշխարհ այնպէս կուրօրէն և անյազ
սիրէ և խնդրէ. և ընդդէմ՝ դարձեալ սիրել
և հետամուտ լինել այնմ ամենայնի, յոր-
մէ նա այնպէս հեռի խուսափէ, և այնպիսի
նողկանօք ատէ և զարշի:

Եթէ արդարն վշտազնեալ և յանձկու-
թեան տեսարան է հաճոյական Աստուծոյ,
ապա որպիսի ինչ լինիցի յաչս նորա այր,
որ ոչ միայն գտանի համբերատար ընդ

Յովբայ կորստեան ընչից, կարօտութեան
և կորստեան համբաւոյ, վշտաց մարմնոյ.
այլ և ընդ Առաքելոյն քաջագօտի հրաւիրէ
զնոսին առ ինքն: Ո՛հ Տէր, մի թողուր զիս
օտարանալ յարիական խորհրդոց որդւոցն
Աստուծոյ:

Մ ա ս և Բ

Զմտաւ ամ գերանութիւն նորուն. հողին
Աստուծոյ բարձրացեալ յերրորդ աստիճան
խոնարհութեան՝ լի լինի և յերկրի աստե-
րանելեացն խաղաղութեան բերկրանօք.
քանզի ո՞ր կարասցէ համակել ՚ի տխրութիւն
զսիրտն արիական՝ որ յածի ՚ի խնդիր աղ-
քատութեան, սիրէ զվաստակ, անձկով
բերի նախատանաց: Եւ է մերձ առ բրա-
բիոն երանութեանց և փառաց՝ որ է ինքն
Քրիստոս. զի ամենեին նման նմին ծած-
կեալ նորայն զգեստիք, ուտէ զնոյն կե-
րակուր զնորայն ցյազուրդ, ՚ի հաւասար
երանութեան վայելէ ընդ նմա, և զմի և
զնոյն խնամա ընդունի ընդ նմա ՚ի յախտե-
նական Հօրէն: Ի բերկրանք և զմայլութիւն
սրտին Յիսուսի, որ ընդ ստուերաւ ծառոյ
խաչին վայելէ զմիջուրբ ՚ի քաղցր նուաղ-
ման՝ լցեալ զտարփանս աստուածային սի-
րոյն զեղեալ բերկրապատար մխիթարու-
թեամբք: Սա է ամենապատկան զործի՛ առ
՚ի մեծացուցանել զփառս Աստուծոյ. զի
զյիմարս և զտկարս աշխարհի ընտրեաց

Աստուած , զի յամօթ արասցէ զհզօրս : Եւ զինչ այլ կայցէ յաչս աշխարհի առանկանհեթեթ և յիմարական քան զերրորդ աստիճան խոնարհութեանն : Ո՛հ . և ո՛րչ յոգւոց հանեալ փափաքիցէ այսմ հրաշական երանութեան : Ո՞ . . .

Մ ա ս ն Գ .

Զմտաւ ամ զօգուտն որ անտի . քան զի երրորդս այս աստիճան է ճանապարհ ամենեին անստերիւր յախտենական փրկութեան , զերծ յամբի կացուցեալ զմեզ 'ի բաղմադիմի վտանգաց՝ որք ենն 'ի բերկրութիւնս , 'ի ճոխութիւնս և 'ի փառս : Եւ է ճանապարհ զիւրազնաց և սուղ առ ժամանելոյ 'ի կատարելութիւն . զի մերկացուցանէ զսիրտ յանպատշաճ ըղձից , և պճնէ զնա սխրալի առաքինութեամբք . և առեալ հանէ զնա 'ի նմանութիւնն Քրիստոսի , յորում ամենայնիւ հանգուցեալ կայ հանդէս ճշմարիտ սրբութեանն : Է պարտէզ իմն առատաբեր պտղովք՝ յաճախութեամբ զիպացն վշտաց , որոց պատճառս տան նախատինք , աղքատութիւն և աղէտք . նոյնպէս և առիթքն մեծամեծք փայլելոյ 'ի գերաստիճան առաքինութիւնս , որք ստէպ ընդ առաջ լինին յայս վիճակ կենաց : Դարձեալ զի բարձրացեալն յայս խոնարհութիւն , յանձն եղեալ 'ի նախախնամութիւնն Աստուծոյ՝ կայ յանվրդով խաղաղութեան

սրտի , և վարէ կեանս յերկրի հրեշտակայ-
ինս զերազանցեալ յոյժ քան զամենայն
երկրաւորաց . և զի յամենայնի կամքն Աս-
տուծոյ հաճոյք իւր են , սովին ամենայն
ինչ յաջողէ ըստ ցանկութեան սրտի իւ-
րոյ , և այն առանց վրդովելոյ ինչ իւր : Եւ
վստահ յամենայնի մնայ վայելել 'ի լրումն
խոստմանն Քրիստոսի . « Ամէն ասեմ ' ձեզ ,
զի զուր որ թողիք զամենայն և եկիք զկնի
իմ , հարիւրապատիկ առջիք և զկեանս յա-
ւիտենականս ժառանգես՛ջիք » : Եւ ո՞ այլ քան
զխոնարհս զայսոսիկ առաւել մերկանայ
յամենայնէ , և ո՞ առաւել 'ի մօտոյ զկնի
երթայ Քրիստոսի : Ապա որպիսի՞ ինչ հա-
տուցումն վարձուց նոցա լինիցի :

Ի Ղ Զ Ք

Հաւատամ , Տէր , զի երանեալ են աղ-
քատքն հոգւով , երանեալ հալածեալքն ,
երանեալ անիծեալքն և նախատեալքն 'ի
մարդկանէ : Հաւատամ այսոցիկ ամենայնի
աներկբայ , զի զու , ճշմարտութիւն և իմաս-
տութիւն անչափ , վկայեցեր այսմ : Ո՛ ան-
հոն զանձուց ծածկելոյ յայս յերրորդ աս-
տիճան խոնարհութեան . և որպիսի՞ գանձք :
Զո՞ր զոհութիւնս մատուցից քեզ , Տէր , ընդ
այդ յայտնութիւն քո առ իս :

Յարգեմ և վարիմ անձկաւ զնախա-
տանօք , զվշտօք , զաղքատութեամբ , զի են
մասունք խաչին քո սրբելոյ անզին արեամբ

քով : Ազո՛ւկ . ս՛րչափ անազան ծանեայ
 գյարգ նորուն : Ամ՛ գիմս կուրութիւն՝ ու
 րով սիրեցի և յարգեցի զունայնութիւնս ,
 բայց յայսմ հետէ իմաստնացայց . ոչ ա
 ուից յանձն հեռի՛ի քէն շրջիլ . դու Տէր իմ
 և վարդապետ , ՚ի մանկութենէ մինչև ցմահ
 քո կացեր ՚ի ջանս և ՚ի վաստակս , ՚ի քաղց
 և ՚ի ծարաւ , ՚ի ցուրտ և ՚ի մերկութեան .
 մեծ ամօթ լինէր ինձ աչակերտի քում և
 ծառայի այլազգ վարել կեանս քան զքոյդ :
 Աչ այդպէս . աստի և անզր իմ՛ զանձ ան
 բաւ ճոխութեանց լինիցի աղքատութիւն .
 զարհամարհանս կալայց ընդ մեծաց ար
 ժանապատուութեանց , և զվիշտս ընդ զը
 զանաց : Չայս այսպէս վճռեալ կնքեցի ՚ի
 սրտի իմում , և այսպէս արարից շնորհօք
 քո ընդ կեանս իմ՛ ցմահ :

ԵՐԿՐՈՐԴՈՒՄՆ ՍՈՒՂ

Ա . Չմտաւ ամ զառաւելութիւն գերազան
 ցութեան երրորդի աստիճանիս : Չիք ինչ վեհա
 գոյն և արիական քան զհրաժարումն ՚ի ճոխու
 թեանց , ՚ի հաճոյից և ՚ի փառաց միանգամայն ,
 զհետ պնդելով աղքատութեան , վշտաց և անար
 գանաց , միայն ցանկութեամբ առաւելաւն լինելոյ
 նմանող Քրիստոսի :

Բ . Երանութիւն նորուն : Ար հասանէ յայս
 երրորդ աստիճան , կանուխ սկսանի վայելել ՚ի
 բերկրանս գրախաին : Եւ մերձ առ աղբիւրն կայ

երանուծեանց, որ է ինքն Քրիստոս . որում ամենայնիւ նմանելոյ ջան ՚ի գործ արկանէ : Եւ ինքն է ցնծուծիւն սրտին Յիսուսի : Եւ է գործի ամենապատկան կեցուցանելոյ զհոգիս :

Գ. Օգտուծիւնք նորա : Այս է ճանապարհ անբոյծ կատարելուծեան և յաւիտենական կենաց : Է բովբ բազմահամբար արդեանց բարեաց գործոց : Այսու գտանի ոք ամենայնիւ համակամ կամացն Աստուծոյ : Եւ խոստացեալ են նմա անհուն վարձք :

Ընթերցիր

Թովմ. Գեմբ. Գիւրբ Բ. ԳՎ. 11 :





ՕՐ ԵՕԹՆԵՐՈՐԴ



Խ Ո Կ Ո Ի Մ Ն Ա

ԶՈՐ ԻՆՉ ԿՐԵԱՅ ՅԻՍՈՒՍ ԸՆԴԴԷՄ
ՊԱՏՈՒՈՅՆ . ԵՒ ՈՐՊԷՍ ՏԱՐԱԻ
ԱՅՆՈՅԻԿ Ի ԽՐԱՏ ՄԵՁ

Ա. Զ. Դ.

Զխորհուրդս չարչարանաց Քրիստոսի պարտ է խոկալ՝ ա. Իբր անդէն առաջիկայ գուրով եղե-
րական տեսարանին : Բ. Իբր թէ չարչարիցի Քրիս-
տոս միայն վասն քո, և վասն մեղաց գործելոց ՚ի
քէն : Գ. Իբրև զի զամենայն զցաւս իւր յօժարա-
կամ ըղձիւք մատուցանէ Հօր Աստուծոյ վասն քո
և եթ :

Պատու խոկմանս այսորիկ է անվրդով հաս-
տատու թիւն յերրորդ աստիճանի խնարհու-
թեան . այսինքն կամել կեալ աղքատ, անարդեալ
և վշտացեալ, միայն առ և ևս մերձենալոյ ՚ի նմա-
նու թիւն Քրիստոսի :

Մ ա ս և Ս.

Հայեաց 'ի Թշնամանսն՝ որոց տարա
 Յիսուս . Նախ՝ Ընկալաւ ապտակ : Ծանրու
 Թիւն Թշնամանաց այսր ապտակի ցուցանի
 երիւք . ա . Ակնարկեա 'ի մեծվայելչութիւն
 փառաց ապտակելոյն : բ . Հայեաց յանար
 դութիւն ապտակողին՝ որ էր սինլքոր որ
 ծառայ : գ . Ի սաստկութիւն հարուածոյն ,
 և լուր զվասն էրն , որ էր պատասխանին
 յերիւրեալ երկնաւոր իմաստութեամբ : Ո՛վ
 Աստուած իմ . դու ապտակիցիս . 'ի մար
 դոյ : Զարհուրեալ սրբոց հարց , զարմա
 նան եթէ որպէս անդէն ոչ բացաւ երկիր
 և եկուլ զայրն . և ոչ անդէն մթազնեցաւ
 արեգակն , և ոչ տիեզերք սասանեցան և
 կորեան ընդ տեսիլն :

Բ . Ծանակեցաւ Քրիստոս : Ո՞ . յորո՞ց . և
 որպէս : — Որդին Աստուծոյ , փառքն յաւի
 տենական Հօր , Թագաւորն երկնի և երկրի
 քամահի յանարգ մարդկանէ անպատմելի
 նախատանօք , կապեն զաչսն , թքանեն յե
 րեսսն և ոչ ինչ պակաս առնեն առ 'ի ծաղր
 և 'ի ծանակ կացուցանել զնա : Ոչ միայն
 խաղ առնէին զնովաւ ռամիկքն սինլքորք ,
 այլ և Հերովդէս ընդ պալատականս իւր
 զգեցուցեալ զնա 'ի զգեստ ծաղու . խաղ
 առնէին զնովաւ զառնակսկիծ բանիւք և
 քահանայք և փարիսեցիք և զպիւրք և իշ-

խանք : Ա՛ խոնարհութիւն և համբերութիւն
'ի հիացումն կարգեալ :

Գ . Քրիստոս 'ի կշիռ ընդ Բարաբբայի և
կեալ, 'ի դատաստանս նոցա ցուցաւ անարգ
քան զնա : Ո՞ . ընդ որում, և յո՞ր դէպս :
— Մեծ վայելչութիւնն Աստուծոյ, ընդ ա-
րիւնարբու չարագործի . պարզեատուն ա-
մենայն բարեաց, ընդ յափշտակող աւազա-
կի . տէրն կենաց, ընդ անգութ մարդաս-
պանի . 'ի դէպս մահապարտութեան 'ի խա-
չի՝ Քրիստոս քան զնա առաւել արժանա-
ւոր ցուցաւ մահու . և առ ծանրացուցանե-
լոյ ևս քան զնա զնախատինսն՝ ամենայն
ժողովուրդն միաբան վճիռ տային լինելոյ
Քրիստոսի առաւել պատժապարտ քան
զԲարաբբա . 'ի նոյն կարծիս և իշխանքն
լինէին, 'ի նոյն և օրինացն վարդապետք,
'ի նոյն և ամենայն քահանայք : Եւ զարիւնն
Քրիստոսի իբրև զչարաչուք և անարգ սրի-
կայի հայհոյեն, և կոչեն 'ի վերայ իւրեանց
բազում նշաւակութեամբ : « Արիւն նորա 'ի
վերայ մեր և 'ի վերայ որդւոց մերոց » :

Դ . Անմեղն Քրիստոս չարահամբաւեալ
անհնարին զրպարտութեամբ . կոչեն զնա
հայհոյիչ, զիւահար, աստուածամարտ,
սամարացի, արբեցող, քակտիչ տաճարին,
փառամոլ, ապստամբ և ապստամբեցու-
ցիչ ժողովրդեան : Եւ ընդ այսոցիկ սուտ
զրպարտութեանց, պարտ է ընդ միտ ա-
ծել և զապիրատութիւն ամբաստանողացն,
զոճիրս վկայիցն ստոց, զեղեռն դատաւո-

րացն. դարձեալ և դ յայտնի ճշմարտութիւն
առաքինութեանցն Յիսուսի հակառակ վը-
կայութեան նոցա, յայտնեալ ընդ ամե-
նայն աշխարհ:

Մ ա ս և Բ

Յապուշ լեալ ընդարմացիր ընդ լու-
թիւնն Յիսուսի, որով տարաւ այնչափ նա-
խատանաց: Եւ հնար ինչ էր կարծել՝ թէ
արդարութիւնն Աստուծոյ ոչ 'ի վրէժխն-
դրութիւն դարթուցէ զամենայն արարածս
ընդդէմ այսպիսի ահագին անօրէնութեան.
և կամ ինքն Յիսուս աստուածային բանին
ոչ կացցէ ջատագով անմեղութեան ան-
ձին: Ոչ ինչ գործի յայգպիսեաց: Յիսուս
ներէ. Յիսուս լսէ. «Եղէ ես որպէս մարդ՝
որ ոչ լսէ, և որպէս համր՝ որ ոչ բանայ
զբերան իւր, և ոչ զոն խօսք 'ի բերան նորա»:

Տէր իմ Յիսուս, լսեն ցայգվայր: Բայց
ծանր և կարևոր պատճառք են որոց վասն
պարտ է խօսել: Քանզի, ա. Յայտնի է
ստութիւն զրպարտութեանցն. «Խնդրէին
սուտ վկայութիւն և ոչ գտանէին»: բ. Տա-
րածայնութիւն վկայութեանցն ևս յանդի-
մանէ զնոսա. «Ոչ էին միաբան վկայու-
թիւնք նոցա»: գ. Եւ դատարորն ինքնին
վկայէ անմեղութեան քո. «Չգտանեմ ինչ
վնաս յառնս յայսմիկ»: դ. Մախանք Հրէիցն
ծանօթք են նմա. «Գիտէր զի առ նախան-
ձու մատնեցին զնա»: ե. Պատճառս խնդրէ

և ինքն առ 'ի փրկել զքեզ . « Խնդրէր Պիղա-
տոս արձակել զնա » : Ի վերայ այսր ամե-
նայնի , ո՛ր խոնարհութիւն հրաշական , սա-
կայն և այնպէս « Ոչ ետ նմա պատասխա-
նի , և ոչ բան մի » :

Ո՛վ սուրբ հրեշտակք . անմեղն Յի-
սուս ամբաստանի 'ի բազմաց չարագոր-
ծաց , առաջի բազում դատաւորաց ; յան-
դիման ժողովրդոց , կորուսանէ զհամբաւն .
վտանդ մեծ առաջի կայ նմա . ձաղկումն ,
փուշքն , բևեռքն , խաչն՝ պատրաստեալ
կան վասն նորա . և դարձեալ ինքն լուեալ
կայ . լուէ ինքն . « Իսկ Յիսուս լուռ և եթ
կայր » : Այս պահանջէն իրաւունք պաշտպա-
նել զհամբաւն , փրկել զկեանս : Ստութիւնս
ամբաստանութեանցն այնպէս յայտնիք են ,
և անմեղութիւն Յիսուսի այնպէս ծանու-
ցեալ , զի առ յաղթանակելոյ 'ի վերայ թշ-
նամեաց՝ շատ իսկ է բանալ միայն զբերան :
Ա՛հ . Յիսուս նախատանօք խրովք կամի
փոխարինել հպարտութեան քում , վասն
այն լուէ Յիսուս : « Իսկ նա լուռ և եթ կայր » :

Մ ա ս և Գ

Ի պատահել և քեզ կրել ինչ յայսպի-
սեաց՝ ատեա՛ գրո անժոյժ ընդդիմաբանու-
թիւն : Ե՛կ . հայեաց 'ի Յիսուս , և ուսիր
լուել : Ա՛ժ 'ի կշիռ զանմեղութիւն քո ընդ
Յիսուսին , նոյնպէս և զամբաստանութիւնս՝
որ գրէն , ընդ ամբաստանութեանցն՝ որ

դՅիսուսէն . և զպատճառս զոր կարծես
ունել անբասիր առնելոյ դքեզ , ընդ պատ-
ճառաց Յիսուսին : Նոյնպէս և զվնասան՝
յորոց երկնչիս , համեմատեա ընդ չարեացն
կրելոց 'ի Յիսուսէ , որք առ դուրս հասեալ
երևէին : Նա լուեալ կայ . և դո՛ւ : Ա՛հ . ա-
մաչեա ընդ անդուռ տրաունջս քո :

Արդ աժ ընդ միտ զօգուան մեծ լու-
թեան . քանի՛ քանի վարձս շնորհաց հա-
տուացէ քեզ Աստուած ընդ լուութեանդ ասա
ևս 'ի յերկրի . ո՛րչափ մխիթարութեամբ
լցցիս 'ի մահուդ , և որպիսի՛ երանութեան
առաջնորդ լիցի քեզ յերկինս : Միթէ արդ
զղջացեալք իցեն արդեօք սուրբքն այնորիկ
ամենեքին , որք տարան 'ի լուութեան դառն
զրպարտութեանց :

Ծանիր զի տրաունջք քո և ջատագո-
վութիւն անձինդ և ճիգն քո չարատելոյ
զհամբաւ քո , յաճախ անսպասիւ առնեն
դքեզ . և ահա սակս այսր անհամբերու-
թեան քո անարդեալ ևս 'ի կարծիս այլոց ,
ոչ զրիս ընդ առաքինիս , կորուսանես զար-
գասիս լուութեանդ , զխաղաղութիւն սր-
տիդ , և զաճումն փառացդ :

Փախիր 'ի պատուասէր ամբարտաւա-
նութենէ այտի , որով այդպէս յաճիս 'ի
խնդիր փառաց , և երկնչիս լինելոյ 'ի հա-
խատինս : Զի՛նչ իցէ : Յիսուս ապտակի ,
անսպասուի և ծանակի ընդ անարգագոյնս
'ի մարդկանէ , և 'ի դատաստան մահու ա-
ռաւել պատժատարտ համարի քան զմար-

դասպան որ դաւադակ . և մեր որդունք և
 դերիք մեղաց , և ոչ կարեմք հանդուրժել և
 ոչ միոյ եւթ զկծեցուցիչ բանի . ընդ դոյզն
 նախատինս բրդիմք ՚ի բարկութիւն և ՚ի
 տրտունջ լուծանիմք , և ոչ ՚ի փոքունս իսկ
 յանձն առնումք քան զայլ որ նուաստ ե-
 րևել : Ա՛հ . պատկառեսցուք ընդ այդչափ
 ամբարտաւանութիւն մեր , և խրատեալք
 յօրինակէն Քրիստոսի , ուսցուք տանել
 անդորրամիտ և լուին անիրաւութեանց և
 ծանականաց :

Ի Ղ Ձ Ք

Ո՛վ Տէր իմ Յիսուս . թէ և այսպէս
 ծանակեալ , լի լեալ նախատանօք , և յե-
 տին և անարգագոյն քան զամենայն մարդ
 երևեալ , այլ ես դաւանեմ զքեզ զի դու ես
 Տէր իմ և Աստուած իմ և թագաւոր իմ , և
 առաջնորդ իմ : Նուաստութիւն քո ցայդ-
 վայր ոչ միայն չէ անարգ յաչս իմ , այլ մա-
 նաւանդ առաւել պայծառ տեսանեմ ՚ի
 դմին դաստուածութիւն քո , և առաւել ՚ի
 խոր խոնարհեալ մեծացուցանեմ զքեզ , և
 առաւել անձկանօք սիրեմ զքո սուրբ մարդ-
 կութիւն : Միայն վասն իմ ընկալար զայդ-
 պիսի կեղտ անուն և զայդչափ նախատինս .
 միայն վասն իմ ծաղր և ծանակ եղեր : Ո՛
 անհուն սէր . Ո՛ աստուածական սէր :

Հայր երկնաւոր , առ ինչ յանձին կա-
 լար թողու զՈրդիդ քո իջանել յայս անար-

դուժիւն . ինձ էին 'ի դէպ այդորիկ նախա-
տինք , ինձ մեղուցելոյս , որ խնովս բար-
ձրավզութեամբ թշնամանեցի բազում ան-
գամ և ծանունս զանչափ մեծվայելչութիւն
.քո : Ապա յիս , Տէր իմ , ձգեսցին , յիմ վե-
րայ թօթափեսցին այդորիկ նախատինք ,
այդորիկ ծանակութիւնք : Զի զինչ չար ա-
րար նա : Ա՛հ . Ծանեայ , Տէր իմ Յիսուս ,
դու կամեցար այդչափ դառնութեամբ ա-
ղետից ուսուցանել ինձ կոխել զհպարտու-
թիւն իմ , և սիրել զխոնարհութիւն :

Այո՛ , սիրեմ՝ և սիրեցից զնոյն : Այո՛ ,
երանելիս համարեցայց զաղբատուն հողով
և զխոտեալսն : Այո՛ , յունայնութիւն գրեմ՝
զպատիւ , զհամբաւ և զփառս մեծութեան
աշխարհի : Ընկալ , ո՛վ Տէր իմ Յիսուս ,
զբողոք զղջման իմոյ . զի ցաւ է ինձ մեծա-
պէս ընդ փքանալ ամբարտաւանել սրտի
իմոյ , ընդ յածել իմ 'ի խնդիր փառաց , ընդ
խորշել իմ 'ի խոնարհութենէ :

Յայտմ հետէ տարայց ամենայն անի-
րաւութեանց , զբազարտութեանց , նախա-
տանաց , ոչ եթէ միայն 'ի լռութեան , այլ
և լի բերկրական խնդութեամբ : Եւ եղէց
անալիտան յաչս աշխարհի : Այո՛ զիս շնոր-
հօք .քո , կալ ինձ հաստատուն յայս ուխտ
սրտի իմոյ . յիշելով զանչափ տկարութիւն
իմ , զօրացո զիս . և հեղ յիս աշխոյժս , զի
յաղթեցից յարձակմանց ամբարտաւանու-
թեան իմոյ :

ԵՐԿՐՈՐԴՈՒՄՆ ՍՈՒՂ

Ե. Զմտաւ ած զնախատինսն՝ որոց տարաւ Յիսուս. Ապտակ ընկալաւ. ո՞ր, . . . յորմէ՞ : . . . Ծաղրեղև. ո՞ր . . . յուրմէ՞ . . . և որպիսի՞ օրինակաւ : . . . Անարգագոյն քան զԲարաբբա համարեցաւ : Ո՞ր. — Ատուած. քան զմարդախոշոշ ոք սրիկայ, և այն՝ ի դատաստանի մահու : Եղև անուանարկ անհնարին զըսարտութեամբք իբրև հայհոյիչ, գիւտաբաղիւ և ապտամբեցուցիչ ժողովրդեան :

Բ. Սքանչացիր ընդ լուռ[ծիւնն՝ որով տարաւ Յիսուս այնչափ նախատանաց. կարէր կալ ջատագով անձին. և էին նորա իրաւունք : Մի ևեթ քան կարէր փրկել զնա, մանաւանդ թէ յաղթանակել ՚ի վերայ թշնամեաց իւրոց, որով փոխանակ անուանարկ լինելոյ՝ փառս յանձն ձգէր : Սակայն և այնպէս Յիսուս լուէ. « Իսկ Յիսուս լուռ ևեթ կայր » :

Գ. Քննեա զքո վարս՝ թէ որչափ հակառակ նորայն վարուց իցեն. Յիսուս լուէ, ունեւով յոլով պատճառս առաջարկութեան. և դու խօսիս, ևս և յորժամ հարկ է քեզ լուել : Ած ընդ միտ և զօգտութիւնս՝ յորս վայելեսցես ՚ի տանելն լուռութեամբ անիրաւութեանց. և զինասան յառաջ եկեալս ՚ի արոնջանաց : Ատեա զհպարտութիւն, որ տայ քեզ ցանկալ պատուոյ և խուսափել յանարգանաց, և ուսիր յօրինակէն Քրիստոսի զմեծագոյնն յառաքինութեանց զսոնարհութիւն :

Ընթերցիր

Թովմ. Գեմբ. Գիւրբ Գ. ԳԼ. 19 :

ՊԱՐԱՊՈՒՄՆ

Ի պատշա կրքոչքեան այսր աշուր .

Ա.

Յայսմ յերրորդի մասին կրթութեանս ընտրութիւն արարեալ լաւագոյն կենաց ևս քան զևս հաստատի , և կամքն զօրանայ ծառայելոյ Աստուծոյ յայսմ հետէ սրտի մտօք , առաջի ունելով սքանչելի օրինակ զկիրս չարչարանաց Փրկչին մերոյ : Յաստիկ բանս յայտնին պտուղք կրթութեանս , և առիթքն՝ որովք մարթ իցէ ժողովել զնոսին : Պտուղն լի է օգտութեամբ , և առիթքն առաջարկեալք ճահողականք յոյժ :

Եւ զի չէր մարթ սահմանել զայլ իմն պտուղ ընտիր քան զհաստատութիւնն ՚ի բարին , յայտ է ՚ի դժուարութենէ ընտրելոյ գործոյն ՚ի յեղյեղուկ բարուց ընտրողին , որք ՚ի միասին ազդեն ՚ի մեզ երկիւղ կասկածանաց , զի մի յեղաշրջեալ ՚ի հաստատութենէ մտաց և դառնայցէ անդրէն յառաջին մեղկութիւնն : Քանզի այլ ինչ է խոստումն տալ ուղղադատութեամբ բուն հարկանելոյ զարիական գործոց առ յապայս , և այլ մատչելն ՚ի գործ զէն ՚ի ձեռին անցեալ յասպարէզ : Յառաջնումն համարի

զիրազորժ ամենայն . իսկ յերկրորդին ամենայն բախումն զղրղէ , և ամենայն հարուած վիրաւորէ , և վտանգն վերահաս տասանեցուցանէ : Զսոյն զայս է տեսանել յայտնապէս յԱռաքեալս Տեառն , որք մեծամեծս 'ի հեռուստ խոստամնային Յիսուսի անվեհեր աներկիրդութեամբ . « Եւ եթէ մեռանել հասանիցէ ընդ քեզ , զքեզ ոչ ուրացայց » . այլ յանձկութեան պահուն այն ամենայն մեծաբանութիւնք անկանէին 'ի դետին . Պետրոս ուրանայ զվարդապետն , և այլք ամեններին թողուն զնա և փախչին :

Այս պատահէ ոմանց յաճախ և 'ի կրթութիւնս , որք թուին կազմք և պատրաստք 'ի կերտուածս հոյակապ շինուածոց կատարելութեանց . բայց յետ սակաւուց իբրև 'ի վերայ աւազոյ ունելով զհիմունսն , ամենայն արիական խոստումնք հաստատութեան 'ի վայր կործանին . որոց տեսեալ զանձինս 'ի մեծէ բարձրութենէն փլուզեալ , անկեալ , զամօթի հարկանին՝ լեալ առակ նշառակի մարդկային յողողողութեան մըտաց : Եւ զի մի այս պատահեսցի , կրթութիւնն սերկեան առաջի առնէ առիթս հզօրս ամբացուցիչս յուխտի խոստամանց՝ զորս 'ի պահու ընտրութեան յանձին կալաք , և ևս առաւել առ 'ի կալ անայլայլակ հիմնեալ յերրորդ աստիճանի խոնարհութեան , որ է միակ պտուղ կրթութեան : Եւ յայսմ առաւել ապահովագոյն , զօրաւոր և բռնապատիչ առիթ է՝ ունել յանդիման աչաց զօ-

րինակն չարչարանաց Տեառն մերոյ Յիսուսի :

Եւ քանզի ցանկութիւն մարմնոյ և ամբարտաւանութիւն , այսինքն Հաճոյք և վառք, են վասն մեր « Առիւծք 'ի ճանապարհի և սպանողք 'ի հրապարակս », յորոց զանդիտեալ կասիմք 'ի ճանապարհէ առաքինութեան . ապա առ նուաճելոյ զայսոսիկ ճիւղս զերկոսին՝ չիք ինչ այլ զօրաւորագոյն զէն քան զՀանապազորդեան խոկումն ցաւոց և նախատանաց Տեառն մերոյ Յիսուսի : Եւ որպէս յանցեալ մասին պատրաստեցաք զճանապարհն՝ ուղղեալ առ երրորդ աստիճանն խոնարհութեան , խոկալով զառաքինութիւնս առանձին կենացն Յիսուսի , այսպէս ևս արդ առ 'ի կալ անյողղողդ 'ի սոյն երրորդ աստիճան , և առ 'ի մատչել 'ի գործ անվեհեր արութեամբ յայնմ ամենայնի՛ գոր արիական հոգով յանձին կալաք , առնումք մեզ յօրինակ զպատմութիւն չարչարանացն Յիսուսի , յորում լուսափայլ երեւցոյց զառաքինութիւնս արութեան , համբերութեան և խոնարհութեան :

Քանզի յայսմ՝ զօրագլուխն մեր լնու զխոստումն իւր զոր արար 'ի խոկման թագաւորութեանն իւրոյ , զնալ յառաջոյ մեր նախայարձակ 'ի մարտ , 'ի վաստակել , 'ի հսկել անքուն , 'ի լինել 'ի կատականս , 'ի կրել զաղքատութիւն և զվիշտս : Յայսմ տեսանեմք զնա զիմեալ 'ի պատերազմն , զոր

հրատարակեաց 'ի խոկման երկուց դրօշից ,
 ընդդէմ աշխարհի , մարմնոյ և սատանայի .
 և ահա քաջութեամբ հարկանէ զթշնամին ,
 և խորտակէ և նուաճէ զսպստամբ զկիրս
 մեր զհաճոյից մարմնոյ և զսիրոյ անձին :
 Եւ մեզ առաջի առնէ զօրինակ իմն ան-
 վկանդ հաստատութեան երրորդ աստիճա-
 նի մարդկան . զի ոչ միայն փափաքէ ազ-
 քատութեան , նախատանաց և ցաւոց , այլ
 և ըղձիւք ընդգրկէ զնոսին . և յաղթելով
 հակառակաց , իբրև յամրի կայ աներկիւղ
 յերրորդ աստիճան խոնարհութեան : Եւ
 զայս ամենայն առնէ , զի և մեք արիա-
 ցեալք՝ նախանձաւոր նմին վառեսցուք 'ի
 սիրտս մեր և 'ի միտս . և յիշատակ այնր
 ամենայնի , զոր կրեաց Յիսուս վասն մեր ,
 լիցի մեզ խթան՝ ընթանալ զօրութեամբ
 զճանապարհն կատարելութեան :

Եւ արդարև ո՞ իցէ այդչափ սղերդ և
 վատախորհորդ , որոյ տեսեալ զՅիսուս 'ի
 նախատինս խաչի , արհամարհեալ զամօթ ,
 և ինքն 'ի խնդիր փառաց յածիցի , և յա-
 նուանէ իսկ նախատանաց խուսափեսցէ :
 Ո՞ ցայդվայր անմտասցի : Սուրբք ամենայն
 'ի հանապազորդ խոկումն չարչարանացն
 Քրիստոսի արիացեալք զօրանային 'ի մե-
 ծամեծ վաստակս , յայս յեսան սրէին զսու-
 սերս իւրեանց , յայս բոց բորբոքէին զշի-
 ջեալ հուր սրտի իւրեանց . յայսմ՝ թուլա-
 ցեալքն զօրութիւն զղենուին , անկեալքն
 յառնէին , մերձ 'ի սարտութիւն նուա-

ճեալքն՝ քաջալերեալք քաջազօտի պնդէին
զանձինս 'ի պատերազմ, և յաղթանակէին
'ի վերայ թշնամոյն :

Ապա յայս կնքեսցուք զբանս՝ թէ ոչ
ինչ այլ այնպէս կարևոր է մեզ յայսմ եր-
րորդ մասին կրթութեանս, քան զճիզն հաս-
տատութեան 'ի կատարելութիւն այսր եր-
րորդ գերագոյն աստիճանի խոնարհութեան
յիշատակաւ չարչարանացն Քրիստոսի, ո-
րոյ զլիսաւոր մասունք են՝ կարևորք 'ի խո-
կալ, նախատինքն և տանջանք, որոց տա-
րաւ 'ի խրախոյս մեզ առ իշխելոյ հաճոյից
կամաց մարմնոյ և փառախնդիր բուսոյ բա-
րուց մերոց :

Բ

Առ 'ի կարող լինել քաղելոյ զցանկա-
ցեալ ստուղն 'ի խոկմանէս, սպարտ է մտա-
խոհ լեալ նկատել յամենայն խորհուրդս
տնօրէնութեանն Քրիստոսի զվեց զայսո-
սիկ մասունս : ա. Զանձն որ կրէ : բ. Զտան-
ջանսն որոց տանի : գ. և դ. Եթէ յորոց և
վասն ոյր չարչարի : ե. Զպատճառս այդ-
չափ դառնութեան ցաւոցն : զ. Զյեղա-
նակն, որով այդպէս չարագանեալ խոչ-
տանդի ամենասիրելին մեր Փրկիչ :

Ա. Յանձն Քրիստոսի, որ մատնի 'ի դառ-
նութիւն վշտացն, սպարտ է նկատել զմեծ-
վայելչութիւն նորա որ է լոյս փառացն Աս-
տուծոյ, և նկարագիր էութեան նորա. թա-

զաւոր թաղաւորաց և տէր հրեշտակաց և արարիչ ամենայն եղելոց : Յաւել 'ի սոյն զանմեղութիւն նորա և զսրբութիւն . արդ ասա՛ , 'ի տեսանել քո զնա յայնպիսի տաղնապ անձկութեան՝ ո՛չ 'ի գութ խանդաղատեսցիս :

Բ . Եւ զդառնութիւն տանջանացն ած ընդ միտ . նախ 'ի միտան՝ զի զիտէր որ ինչ կայր նմա կրել և ցո՛ր վայր , և զի կարող էր առնուլ զառաջս նոցա : Իցեն՝ երբէք ցաւք ըստ ցաւոցս լեալ : Յետ այնորիկ տես և զդառնութիւն տանջանաց մարմնոյն . եղև զարձեալ անուանարկ , մինչև համարել որդն , և լինել յանէծս . կրեաց և 'ի որտին՝ կշտեալ զապերախտութիւն մեր ընդ տանջանացն :

Գ . Հայեաց 'ի հալածիչսն . տես քանիք են և սրչափ կատաղութեամբ յարձակեալ 'ի վերայ : Արարածք ձեռին նորա , սիրեցեալքն 'ի նմանէ , զորս կամի հանել 'ի փառս և 'ի փրկութիւն : Քահանայապետքն Աննա և կայիտիա յանդիմանեն զնա . փարիսեցիքն և օրինաց վարդապետք ամբաստան լինին զնմանէ . զինուորքն ծանակեն , զահիճքն ձաղկեն . Հերովդէս խաղ առնէ զնովաւ . Պիղատոս վկայէ զանմեղութենէ նորա , և տայ 'ի հարուածս տանջել զնա իբրև 'ի սիրոյ՝ որ առ նա , և ժողովուրդն կամին զնա տեսանել 'ի խաչին . և Պիղատոս զովելով իսկ զարդարութիւն նորա տայ հրաման խաչելոյ :

Գ. Յորոց 'ի փրկութիւն եկեալ էր, անս
 զնոցա դապերախտութիւն, դապերասա-
 նութիւն և դամբարչտութիւն. ապերախտք,
 ապստամբք յօրինաց, ապերասանք, որք
 զգին այնչափ արեան նորա առ ոսն հար-
 կանեն. ամբարիշտք՝ որք մեղանչելով յա-
 ճախ, անարգեն զփրկիչն, և նորոզ 'ի խաչ
 հանեն զՓրկիչն հեզ:

Ե. Պատճառ այդչափ վշտաց և ցաւոց,
 յոր մատոյց դանձն Յիսուս, ոչ վասն իւր
 ինչ, այլ վասն մեր. ոչ յօգուտ անձին, այլ
 մեր. այս է՝ կամեցեալ ունել զհատուցումն
 արդարութեանն Աստուծոյ վասն մեղաց
 մերոց:

Զ. Յեղանակն որով տարաւ Յիսուս այս
 ամենայն վշտաց 'ի վեր է քան զքան. քան-
 զի կրեաց կամաւ. «Զի Տէր մասնեաց զնա
 առ մեղս մեր»: Վառեալ ցանկութեամբ.
 «Մկրտութիւն մի ունիմ՝ մկրտել, և զիարդ
 փութամ՝ մինչև կատարեսցի»: Իլուութեան.
 «Եւնա լուռ և եթ կայր»: Մեծաւ համբերու-
 թեամբ. զի «Այր մի 'ի հարուածս և զիտէ
 համբերել ցաւոց, զի դարձուցեալ զերեսս
 իւր անարգեցաւ և ոչ ինչ համարեցաւ»:

Յաւել յայտոսիկ և զայն, զի Յիսուս 'ի
 կրելն զայտոսիկ՝ եցոյց յանձին և զամենայն
 առաքինութիւնս 'ի գերազանց աստիճանի,
 զաղքատութիւն հոգւոյ, զխոնարհութիւն,
 զհեզութիւն, զարիութիւն, զհնազանդու-
 թիւն, զսէր և զանյիշաչարութիւն: Ո՛վ
 Յիսուս աղբիւր սիրոյ. ո՛վ կարասցէ առ-

նույն ի միտ զչափ լայնութեան և երկայնութեան և բարձրութեան և խորութեան ամենայն առաքինութեանց՝ զորս արկեր ՚ի զորժ, և զցաւոցդ և զգաւնութեանց՝ որոց տարար ՚ի ժամու չարչարանաց քոց :

Ի խոկայն խորախորհուրդ զայստսիկ վեցեսին մասունս, իբրև յաղբերականց բղխեն յորդութիւնք ըղձից, ա. Կարեկցութեան զթոյ առ Յիսուս, որ տանի այնչափ գաւնութեան անհուն սիրով առ մեզ : բ. Ատելութեան և զարչելոյ ՚ի մեղաց, զոր առ ՚ի սրբել ՚ի մարդոյն՝ հարկ եղև Որդւոյն Աստուծոյ հեղուլ զարին իւր : գ. Սքանչացման ընդ անհուն բարութիւն և իմաստութիւն Տեառն, որ եղիտ զհնարս միաբանելոյ հրաշապէս զոգորմութիւն ընդ արդարութեան : դ. Յուսոյ յախտենական փրկութեան : « Զ ի մինչդեռ մեղաւորքն էաք, Քրիստոս վասն մեր մեռաւ . որչափ ևս առաւել յարգարանալս մերում այժմիկ՝ արեամբն նորա ապրեսցուք » : ե. Սիրոյն Աստուծոյ, որ այնչափ սիրեաց զմեզ, մինչև զՈրդին իւր միածին ետ ՚ի փրկութիւն մեր : զ. Նախանձու փրկութեան հոգւոց, զորս Աստուած այնպէս ՚ի պատուի կալաւ և սիրեաց, մինչև զնել զնոսին ՚ի զին արեան իւրոյ :

Բայց պարտ է զխտել, զի իղձքս այսորիկ ոչ են կարևորք ՚ի զարթուցումն յամենայն խոկմունս ողջոյն միանգամայն, և ոչ ամենեքին վասն ամենեցուն, այլ իւրա-

քանչիւր որ ընտրեալ կալցի զայնոսիկ ևեթ վասն անձին՝ զորս կարևոր համարեսցի և յօգուտ հոգւոյ իւրոյ, և ՚ի հաստատութիւն կատարելութեան կենաց իւրոյ ՚ի նմանութեանն Քրիստոսի անասան յերրորդ աստիճան խոնարհութեան:

Եւ զի միտքն ևս ընթացակից կամացն լեալ՝ պատճառ լինիցի օգտութեանց, արկցես ՚ի կիր և զհնարս զոր առաջի արարից:

Ա. Պարտ է նկարել ՚ի մտի զկիրս չարչարանացն Քրիստոսի այնպէս կենդանի, զի թուեսցի մեզ անդէն առաջիկայ գտանել խորհրդոյն կատարման՝ ակն յայտնի տեսանելով. իբր լսելով զչառաչիւն խարազանացն, զբախիւն զաւագանաց, զաղաղակ զահճացն, զբանս Փրկչին. և զգալ յանձին զցաւս վիրացն, զհարկանել փշոցն և զմխումն բևեռացն. զճաշակ քացախին և լեզւոյն, և զցաւս սրկելոյ չուանացն. և տեսանել զնուազումն, զհատանել զունոյ զիմացն, զկապուտակութիւն հարուածոցն, և զյօշյօշ պատառումն մարմնոյն Յիսուսի. զթուքսն և զարիւնն զիզացեալ յերեսն: Համայն ասել՝ ջանալ կրել յանձին, զոր կրեաց կիրս ՚ի պահու չարչարանացն Յիսուս:

Իւրաքանչիւր որ ՚ի մէնջ ասացէցանձն. Յիսուս արար զայս ամենայն վասն իմ, ընդ իմ. և մեռաւ վասն իմ միայն, որպէս վասն ամենեցուն. մանաւանդ ՚ի պահու անդ մահուն, զինէն խորհէր, վասն

իմ աղօթէր, և զպատարազն զայն մատուցանէր ՚ի խաչին առ Հայր վասն իմ: Որպէս էջ յերկնից առ ՚ի մեռանել վասն ամենեցուն, եթէ ես միայն էի, և վասն իմ եւթ իջանէր, մինչև կարել ասել ինձ ընդ Առաքելոյն՝ Մատնեաց զանձն վասն իմ: Զհետ զնալն իմ հաճոյից կամաց և կրից այնպէս յանձուկս արկին զնա, մինչև հեղուլ զբրտունս արեան ՚ի սլարախիլն. վասն իմ պատառտեցին զմարմինն ընդ խարազանօք, և հեղուսեալ զնա ՚ի խաչին, պատառեցին զկողսն:

Մի հեռացուցես ՚ի մտացդ զբրորդ աստիճան խոնարհութեան, և զամենայն մատունս խոկմանն միշտ ուղղեսցես յայն՝ յոր ուղղել զքեզ յանձին կալար յերրորդումս աստիճանի ՚ի նմանութիւն Քրիստոսի:

Գ.

Այսօր առաւելապէս պարտ է կալ ՚ի սուրբ իմն տխրութեան, ոչ միայն անձնապահ լինելով ՚ի բերկրական խորհրդոց ևս և հոգևորաց, այլ և տխուր իմն ցաւով ընուլ զհոգիդ ՚ի լուութեան, և զնացուցանել սարսուռ ընդ ոսկերսդ ընդ տեսիլ արիւնքուուշտ կրից չարչարանաց և խաչելութեան Տեառն մերոյ Յիսուսի: Եւ երբէք երբէք որոճացիս ՚ի միտս քո զսրտաուուչ հատուածս բանից քաղեալս ՚ի սաղմոսէն և ՚ի մարգարէից:

Յաւելուցուս ինչ և յարտաքին մեռու
ցմունս, զի 'ի խոկալն զցաւս Քրիստոսի' 'ի
դէպ և պատշաճ իսկ է և մեղ, զի Չմահն
Քրիստոսի 'ի մարմինս մեր կրեսցուք: Պա
կաս արա ինչ մի 'ի կերակրոց, կամ զրկեա
գքեղ յախորժահամ ինչ ճաշակաց բոլորո
վին կամ ըստ մասին: Լաւ իսկ խորհուրդ
է յառաջ քան զճաշն սահմանել անձին
զչափ կերակրոյն՝ զոր առնուլն կամիս, և
չանցանել ըստ չափն առանց ծանր իմն
հարկի: Եւ 'ի ժամ ճաշոյն կալ յանպիման
մտացդ զՅիսուս յընթրիսն բազմեալ ընդ
Առաքելոցն, և միտ զի՛ր եթէ որպէս բերի
ցի յուսել և յրմայել:

Պտուղ խոկմանս այսորիկ է յօժարել
առաւել կալ 'ի նախատինս ընդ Յիսուսի
նախատելոյ, քան թէ 'ի փառս: Իսկ պը
տուղ յառաջակայ խոկմանս լինիցի կամել
կալ 'ի վիշտս ընդ վշտագնելոյն Յիսուսի,
և ոչ 'ի հանդստեան, առ ևս քան զևս նմա
նող լինելոյ նմա:



Խ Ո Կ Ո Ւ Մ Ն Բ

ՅԱՂԱԳՍ ԿՐԵԼՈՅՆ ՔՐԻՍՏՈՍԻ
ՅԱՆՁԻՆ ԻԻՐՈՒՄ՝ ԵԹԷ ՈՐՊԷՍ
ՏԱՐԱԻ ՅՕՐԻՆԱԿ ՄԵՁ

Մ ա ս և Ս.

Խոկա զցաւս Յիսուսի, զորս կրեաց ՚ի
չարչարանսն և ՚ի խաչին: Նախ զի յամե-
նայն խկ ՚ի կեանս իւր վերացուցեալ զմեզս
մեր և յանձին բերեալ, և բարձեալ զցաւս
մեր, յանձն ժողովեալ, և զբաժակն զոր ետ
նմա Հայր յըմպել պատրաստեալ՝ տեսանէր
միշտ զապերախտութիւն մեր, տեսանէր և
զդառն նախատինս և զչարչարանաց մահ
իւր, և ցաւէր յանչափս. «Եւ իցեն երբէք
ցաւք ըստ ցաւոցս լեալ»: Եւ ո՞ր բան կա-
րասցէ պարզել զանչափութիւն ցաւոցն Յի-
սուսի, զոր կրէր ՚ի բովանդակ կեանս իւր.
ըստ անչափ սիրոյն առ Հայրն՝ որ արհա-
մարհեալն էր ՚ի մարդոյն, և զարձեալ ևս
ըստ անչափ սիրոյն որ առ մարդ՝ պատկեր
Աստուածութեան իւրոյ, արարչազործեալ
անհուն սիրով, անչափ էին և ցաւքն: Եւ
ո՞ կարասցէ առնուլ ՚ի միտ: Փրկեալդ գու-
՚ի ձեռն ցաւոց նորա, և աստուածացեալդ
՚ի սէր Հօր մերոյ երկնաւորի, խոկա՛ զայս

դմեծ և զանձառ խորս ցաւոց Յիսուսի , եթէ կարես . և փարեաց զՅիսուսիս զերձեալ 'ի դատակնքոյ մահուն՝ զոր որոտաց Հայրն 'ի դրախտին , անդարձ դատակնիք : Արդ զարձեալ դու յառաջին սէր Հօրն երկնաւորի 'ի ձեռն անչափ ցաւոցն Յիսուսի , լեր ցաւակից 'ի սփոփանս սրտիդ ընդ Յիսուսի , եթէ կարես հասանել մտօք անչափութեան սիրոյ և ցաւոց նորա :

Երկրորդ եթէ մտօք ոչ կարես մտանել 'ի խորս անչափութեան ցաւոցն Յիսուսի , տես արդ աչօքդ զարեան քրտունս նորա՝ որ ոլոուն ոլոուն հեղանի 'ի ճակատուն . հայեաց 'ի դահիճան՝ որք են սէր նորա անչափ առ մարդիկ և ապերախտութիւն մեր առ սէրն Աստուծոյ . այսոքիկ երկոքին ընդ հակառակս ելեալ միմեանց փեռեկեն զսիրտ նորա , մինչև արեանցն յորդել և 'ի ճակատուն բղխել արտաքս : Եւ դու մեկնեալ 'ի Յիսուսէ՝ յածիս 'ի խնդիր փառաց , հանդստեան , արհամարհեալ զսէր նորա՝ որ պատառեաց զվճիռ դատակնքոյդ կորստեան . և դու մատնես զարձեալ զանձնդ ընդ դատակնքովն Աստուծոյ , դառնացուցեալ և զցաւս սիրողին քո Յիսուսի :

Երրորդ ցաւ նորա 'ի խստութեան տանջանացն . զի ահաւորութիւն դատակնքոյն Աստուծոյ՝ մեռանելոյ մեզ մահու՝ կատաղեցուցեալ էր զթշնամիսն Յիսուսի . որք ոչ որպէս ընդ այլոց մահապարտաց վարէին ընդ Յիսուսի , այլ ամենեքին Հրեայք և հե-

թանոսք զիննալք 'ի դառնացուցանել ըզ-
ցաւան . ետանդն իմն էր 'ի նոսա , հուր ար-
ծարծեալ բորբոքէր 'ի նոսա 'ի կատակել ,
'ի կոփահարել , յապտակել . և ոչ շատ հա-
մարեալ զգահիժս ոմանս առ 'ի դանել զՅի-
սուս , յառաջ կոչէին զգոունդն : « Եւ զի-
նուորքն կոչեն միանգամայն զամենայն ըզ-
գոունդն » . որք սկսանին հարուածս անհնա-
րինս ամել 'ի վերայ :

Արէժխնդրութիւն արդարութեանն Աս-
տուծոյ ընդ արհամարհութիւն սիրոյ իւրոյ՝
արբեցոյց և զզինուորսն կատաղութեամբ .
մինչև ոչ կարացեալ յազեցուցանել զբոր-
բոք ցաաման իւրեանց հարուածովքն՝ զոր-
տային նմա , յօրինէին և պսակ 'ի փշոց և
զնէին 'ի զլուխ նորա , և ծեծէին եղեգամբք ,
զի մի գուցէ նուազք լինիցին ցաւք զլսոյն
'ի խայթուածոց փշոցն , այլ զի կատարեալ
լինիցին ցաւքն յոտից մինչև ցզլուխն : Եւ
զինչ պէտք իցեն երկարագոյն բանից առ
պարզել զսաստկութիւն ցաւոցն , շատ խիկ
մարդարէն վկայէ թախսեալ . « Այլ մի 'ի
հարուածս , և զիտէ համբերել ցաւոց » : Եւ
անհնարին խիկ է ումեք մտանել 'ի խորս
խմացուածոյ բանիցն , և ոչ նուաղեալ ան-
կանել 'ի ցաւոցն 'ի հիացման մտաց : Միթէ
չեղեն 'ի սրբոց՝ որ 'ի խորհել զչարչարանս
Քրիստոսի նուաղեալ թալկացեալ անկա-
նէին , և միայն զօրութիւնն Աստուծոյ էր՝
որ պահէր զնոսա կենդանիս : Եւ զու զինչ
խտկայցես կացեալ հանդիսատես այսպիսի

և այնչափ ցաւոց փրկչիդ Յիսուսի սիրողին քում: — Ա՛վ Տէր իմ Յիսուս, դու՛ի ցաւ համակեալ և փշովք պսակեալ, և ես կամիմ պսակիլ բոլորիք վարդից: Դու ցաւ ՚ի ցաւս յաւելուս, և ես խուսափեմ յամենայն վշտաց: Ա՛հ. մի ես, մի ես կամեցայց, ընդ փշապսակ գլխով լինել անդամ փափկակեաց. ոչ միայն տարայց համբերութեամբ ցաւոցն՝ զորս առաքեսցես ինձ, այլ և ես ինքն կամովին սկսայց պատուհաս ՚ի վերայ անձինս ածել:

Չորրորդ՝ Յիսուս դատաւարտեալ ՚ի մահ՝ ելանէ ՚ի ճանապարհ, հիւժեալ ՚ի խոշտանդանս զանից և տանջանաց, վիրալից արիւնազանգ յոտից մինչև ցզլուխ, առ ՚ի սէր և եթ քո. բարձեալ և զփայտ խաչին ՚ի յուս իւր: Անգթութիւն դահճացն ՚ի ծայր հասեալ էր, այնուհետև ոչ իբրև ՚ի մարդ հայէին ՚ի Յիսուս, այլ իբրև ՚ի գազան իմն անկեալ ՚ի գառազեղ իւրեանց, զոր չարատանջ հնարէին սպանանել. և քանզի Յիսուս լռեալ հանդուրժէ ցաւոցն, և նոքա անխնայ յաւելուլ ՚ի ցաւսն պարտ վարկանին. և կալ իսկ յոտին յետ այնչափ հարուածոցն քանի՛ դժուարին էր նմա. այլ Յիսուս բուռն առնէր անձին առ ՚ի քամել զանապակն մրրովն հանդերձ. տանջէր ՚ի ցաւոցն, նուազէր թալկանայր ՚ի դառնութենէ ցաւոցն և ՚ի տազնապէ խորհրդոցն ՚ի յիշատակ ապերախտութեան մարդոյն. զի բազմաց ՚ի նոցանէ արհամարհեալ զան-

չափ սէր նորա , դարձեալ 'ի դատապարտութիւն մատնելոց էին : Առնոյր զփայտն 'ի յուս իւր , ոչ կարէր զնալ , հարկանէին , յառաջ վարէին , զլորեալ անկանէր , հարուածք զանից բռնադատէին զնա յառնելայնորիկ հարուածք էին ձեռն օգնականութեան մատուցեալ նմա 'ի դահճացն . այնչափ էր դառնութիւն ցաւոց և վշտաց ճանապարհին , զի կանայք եկեալք 'ի տեսանել , ոչ կարացեալ հանդուրժել , լային տեսեալ զչարատանջ տառապանս Յիսուսի . և կրէր նա զայս ամենայն առ սէր . քո միայն . անհ . . . լացցուք 'ի վերայ մեր , զի տակաւին ոչ ծանեաք զչափ սիրոյ նորա և զզթոյն 'ի վերայ մեր :

Ո՛վ Տէր իմ Յիսուս , դու 'ի սէր իմ չարագանեալ տանջիս , հեծես ընդ ծանուբեռամբ փայտի խաչին , և ես թօթափեալ զքաղցր լուծ օրինաց քոց 'ի սլարանոցէ իմմէ , կամիմ ընթանալ անաշխատ , և վաստակք փոքունք ինձ թուին ծանունք , միայն զիրութեանց յածիմ 'ի խնդիր . ամաչեմ ընդ վատութիւն իմ : Յայսմ հետէ վաստակեցայց յամենայն զօրութենէ իմմէ . տանջեցայց որչափ կամիցիս ինձ լինել 'ի տանջանս : Արդ քաջալերեալ և իմ յօրինակէ քումմէ , բարձից զխաչ իմ արիական հոգւով և անդրդուութեամբ :

Մ ա ս և Բ

Չմտաւ ած դշեղանակն, որով տանի Քրիստոս զդառն տանջանս զայսոսիկ . ա . Համբերատար լուծեամբ : Չհարուածս զանիցն առաւելուն յոյժ քան զհրամայեալսն յօրինաց, և նա լուէ . պսակեն զնա փշովք միայն առ խեղութեան, և լուէ : Չխաչն բառնան 'ի յուս նորա ըստ ոչ սոփորութեան, նա դարձեալ լուռ և եթ կայ անտրտունջ ամենեկին :

բ . Չարչարի մտադիր 'ի նոյն բերեալ ցանկութեամբ, զի այնու զմեզ փրկելոց է 'ի դատապարտութենէ, և մինչդեռ հարուածք զանիցն թօթափէին 'ի վերայ նորա, ասէր . « Ես 'ի տանջանս պատրաստ եմ » : Եւ մինչդեռ կամէին պսակել զնա փշովքն, տայր զզլուխն սիրայորդոր, զի սրբեսցէ զմիտս մեր 'ի խորհել ուղիղ . և յորժամ ետես զխաչն, փարեցաւ զխաչին, զի սիրտ մեր սրբեալ փարեցի զիրեւ

գ . Չարչարի 'ի սէր անչափ առ Հայր իւր . քանզի տանելով խոշտանդանացս այսոցիկ յայտնեաց զանչափութիւն սիրոյ Աստուածութեանն առ մարդ, և մեծացոյց զարգարութիւն և զողորմութիւն նորա միանգամայն . յայտնեաց և առ մեղաւորս՝ զորոց զփրկութիւն զնեաց արեամբ իւրով . և առ քեզ, զոր առանձինն կրէր 'ի սրտին մինչև

ցաւանդումն հոգւոյն . և թէպէտ տեսանէր
զքո ապախտաւորութիւն , և զառ 'ի քէն
արհամարհութիւն սիրոյ իւրոյ 'ի սիրել քո
առաւելութեամբ զաշխարհ և զմարմին , սա-
կայն և այնպէս պատրաստեալ ունէր վասն
քո զշնորհս զայստոսիկ , որովք հուսկ ուրեմն
դարձուցէ զքեզ առ ինքն , հանդուսցէ
զքեզ 'ի սէր իւր :

Զմտաւ ած զպտուղ չարչարանացն ,
զոր արժան է քեզ քաղել : Յառաջ մատիր ,
ամբարձ զաչս քո 'ի խաչն , հայեաց 'ի փուշ-
սն յայնոսիկ՝ որք չարատանջ խոցոտեն
զդուխն Յիսուսի որ յոգիս ապաստան կայ :
Ակնարկեա 'ի սուրբ մարմինն յայն թալ-
կացեալ , պատառոտեալ , յօշոտեալ . հայ-
եաց 'ի ձեռսն և յոտսն բևեռեալս՝ յորոց
մարմինն ծանրացեալ՝ կախեալ կայ , և
զխոցս բևեռացն տես որպիսի՞ ցաւովք ձեզ-
քեալ պատառէ . զի մարմինն ողջոյն 'ի
ձեռսն և յոտսն 'ի բևեռսն 'ի վէրսն այնո-
սիկ յեցեալ կայ՝ փոխանակ փետրալից բար-
ձից և փափուկ անկողնոց . և զու կամիցիս
զբօսեցուցանել զքո մարմինդ , կեալ 'ի փափ-
կութեան , 'ի բարեհամ՝ ճաշակս . խու-
սափես 'ի վաստակոց և 'ի վշտաց : Զիցես
զու ինքն , որ խոստացար յամենայնի զնալ
զկնի Յիսուսի , զինուորել ընդ զբօշու նո-
րա , արկանել 'ի կիր զնորին զէնսն , ազա-
նել զզգեստսն , և ուտել զկերակուր զնո-
րայն : Ա՛հ . եթէ Քրիստոս ոչ կայր 'ի խոստ-
մանն , և փոխանակ մեռանելոյ 'ի դառն

խոչտանդանս , իջանէր 'ի խաչէն , զինչ լինէր քեզ :

Հանգա , քաջալերեաց , ել զհետ թաղաորին քում և Տեառն , ուղղեա զանցեալ կեանս քո , արիական խորհրդովք և խոստմամբք կացո՛ յամբի զանձնդ առ ապադայս . կացո՛ 'ի ծառայութեան զմարմինդ , և զապստամբ իղձս նորա ապաշխարութեամբ և եռանդեամբ : Տար յօժարակամ 'ի սուրբ լութեան՝ հիւանդութեանց և այլոց վշտաց : Վաստակեաց իբրև զբարոք զինուոր Քրիստոսի 'ի կատարելութիւն քո և 'ի դարձ ընկերացդ : Ընկեա՛ յԱստուած զամենայն զհոգս առողջութեան քո . և թո՛ղ նմա տալ քեզ կեանս առողջս կամ՝ հիւանդս երկարս կամ՝ սուղ : Հաւատա իմոց բանից , զի ծառայել և վշտաց տանել 'ի սէր այսր բազմագորով Տեառն , քաղցր է և բերկրական յոյժ , և քեզէն ծանխցես զսոյն յետ սակաւուց 'ի փորձոյ : Ասա՛ արդ արիական հոգւով ընդ սրբոյն թերեզիայ , կամ կրել կամ մեռանել . կամ ընդ այլում սրբուհոյ՝ կրել քան մեռանել :

Ի Ղ Զ Ք

Կարեկցոռքեան . Ո՛վ , յո՛ր սահման տեսանեմ զքեզ , ամենասիրելիդ իմ Յիսուս . յո՛ր սահման հասեալ . յոտից մինչև ցգլուխ չիք 'ի քեզ առողջութիւն : Մածկեալ ես վիւրօք , և սլատկեր անգամ մարդոյ չէ 'ի քեզ :

ծածկեալ և աստուածային տեսիլդ, որով
զարդարեալ էիր: Յաւալից դու Յիսուս, և
ես տեսանեմ զքեզ մատնեալ յայս աղէտս
տարակուսի առ սէր իմ, և ոչ խանդաղա-
տիմ 'ի գութ: Արախի ինչ է այս սիրտ՝ զոր
կրեմս, սիրտ խիստ, սիրտ վիմարդեան,
սիրտ երկաթի: Եւ աչք իմ ո՞չ քամեն և
ոչ զշիթ մի արտասուաց: . . Ա՛հ, Յիսուս.
Վասն ո՞յր կրես զտանջանսդ:

Յառոյ. Ձի՛նչ գործէի 'ի զնալն իմ
զհետ յօժարութեանց մարմնոյ. վա՛շ Յի-
սուս, եղո՛ւկ զիս. զքեզ ձաղկէի, զքեզ
պսակէի փշովք, քեզ զլեղի արբուցա-
նէի, զքեզ բևեռէի 'ի խաչին: Ա՛հ. ո՛վ
սիրտ իմ, ստեղծեալդ միայն 'ի սիրել զԱս-
տուած, արտասուես աղիողորմ, և հառա-
չես 'ի խիստ ցաւս. . . Այո՛, Յիսուս, ցա-
ւիմ զի վշտացուցի զքեզ. . . Ո՛վ անի-
ծեալ մեղք՝ որ եղեր գահիճ Տեառն իմոյ. . .
ատեամ զքեզ յատելութիւն յաւիտենական:

Սիրոյ. Ո՛վ Փրկիչ իմ ամենասուրբ,
ես կատաղեալ յիմարիմ, և դու չարչարիս.
և չարչարիս փոխանակ իմ, չարչարիս վասն
իմ. վասն իմ որ եմ որդն և հող. . . : Եւ 'ի
ցաւս անդ քո՛ 'ի սէր եռանդուն սիրես զիս.
զթալից ակնարկես առ իս, և լուսո զիս ան-
զին արեամբ քով. զի՛նչ տաց տրիտուր առ
այնչափ սէր քո. ա՛հ. դու ոչ զայլ ինչ կամիս
յինէն բաց 'ի սիրոյ. խնդրես յինէն սէր:
Առ իս, ո՛վ սերովբէք, արձակեցէք առ իս
կայծ իմն 'ի հրոյ ձերմէ, որ բոցակէզ տո-

չորեացէ զիս, և վառեալ բորբոքեացէ ամենակէզ, եռանդազին սիրով առ Փրկիչն իմ Յիսուս առ սիրողն սրտիս:

Առեկոչքեալս անձին. Ո՛վ Հայր յաւիտենական, ազաչեմ դքեզ, ձեռք քո ծանրացին ՚ի վերայ իմ, ծանրացին, և զիս սրկեալ կաշկանդեացեն. յիս հեղցի բարկութիւն քո մեծ՝ զոր հեղեր յՈրդիդ քո միածին. ես մեղայ, ես յանցեայ, և ոչ նա: Անմեղ է Յիսուս, նա է դառն անարատ՝ որ մատնեցաւ ՚ի ժանիս գայլոյս. առ ի՛նչ զնա ձաղկես և ոչ զիս. առ ի՛նչ նմա խաչն, և ոչ ինձ:

Ա՛հ. Տէր իմ, եթէ ողորմութիւն քո այսպէս զթութեամբ ակնարկէ յիս, ինձ սլարտ է ունել զկողմն արդարութեան քո, և առնել զհատուցումն ըստ իմում կարիցորչափ իցէ յիս շունչ: Արդ սանձեցից զզգայութիւնս իմ, մեռուցից զմարմին իմ, ուրացայց զկամս իմ: Հաճոյ եղիցին քեզ սրատարազք իմ. ահա ՚ի ժամէս յայսմանէ խոստումն անսուտ տամ քեզ, զի ապաւինեալ ՚ի շնորհս քո ելից զհետ Յիսուսի ՚ի վիշտս, ՚ի խոնարհութեան, յաղքատութեան, միայն առ ևս քան զևս նմանող լինելոյ նմա, որ վասն իմ աղքատացաւ, խոնարհեցաւ և վշտաց տարաւ: Ահա վճռեալ կնքեցի. յամենայն զօրութենէ բուռն անձին արարից, և ջանացայց հասանել յերրորդ աստիճան խոնարհութեան. այս իմ ուխտ սրտիս:

ԵՐԿՐՈՐԴՈՒՄՆ ՍՈՒՂ

Ա. Խոկա զցաւան Յիսուսի որոց տարաւ 'ի մարմին 'ի հոգի և 'ի խորհուրդան, զցաւս վերջին չարչարանացն՝ զորս կրեաց 'ի ծննդենէ ցմահ իւր : Յիշեա զանսովոր կատաղութիւն թշնամեացն, և զգառնութիւն մտաց գահճացն, և զսասակութիւն հարուածոցն :

Պատկեցաւ փշովք առ յագեցուցանել և եթ զկատաղութիւն գահճացն, որք և հարկանէին փշոցն զի յաճախեացեն զցաւան . սասակութիւն, գառնութիւն ցաւոցն Յիսուսի բերկրութիւն էր սրաից նոցա, զի արգարութիւն Հօրն երկնաւորի զբաժակ վրիժուց մեղաց աշխարհի հեղոյր 'ի գլուխ Որդւոյ իւրոյ, զի զմեզ զերծուցէ 'ի դատակնքեալ մահուանէ :

Եւ զխաջն տային 'ի յուս նորա ըստ ոչ սովորութեան մահապարտաց . յայտմ ամենայնի Յիսուս լռեալ հնազանդէր :

Բ. Զմտաւ ած զյեզանակն, որով հանդուրժեալ տանէր Յիսուս այսոցիկ չարչարանաց . 'ի լռութեան, յօժարակամ, պատրաստական հագուով քամելոյ և զմրուր բաժակին . առ յաւիտենական սիրոյ հօր, և 'ի սեր մեղաւորաց :

Ծանիր և զպտուղն, զոր պարախ քաղէլ . Թ. Պատկառանք ընդ գգուել զմարմինդ, մինչդեռ մարմինն Յիսուսի յօշ յօշ պատառի ընդ խաւաղանաւ, 'ի փշոց և 'ի բեւեաց : Գ. Նախանձաւորութիւն լինելոյ չարչարակից Յիսուսի, և բաղ

ձանք նմանելոյ նմա յերրորդ աստիճան խոնարհութեան :

Ընթերցիր

Թովմ. Գեմբ. Գերբ Գ. ԳԼ. 10 :

ԽՈՐՀՐԴԱԿՑՈՒԹԻՒՆ

Ձերանորթնեկ և զփառաց հոգոյ ակարգելոյ
և վշտագնելոյ .

Վախճան կրթութեան այսր աւուր է հաստատութիւն ուխտի յերեկեան աւուր, որ է ժամանումն յերրորդ աստիճան խոնարհութեան՝ յանձն առեալ կալ ընդ Քրիստոսի 'ի նախատինս և 'ի վիշտս, յայնոսիկ դէպս իսկ՝ յորս հաւասար իցեն փառքն Աստուծոյ 'ի հանգստեան և 'ի վիշտս, և միայն առ 'ի լինել առաւել նմանող Յիսուսի : Եւ զի ապականեալ բնութեան մերոյ դժուարին է սիրել զվիշտս և զնախատինս, վասն որոյ օգտակար յոյժ լինիցի նկարել յանդիման աչաց զերանութիւնն և զփառս մեծ զճաճկեալսն ընդ նախատանօք և վշտօք : Քանզի ո՞ր ինչ այլ առաւել 'ի յորդոր լինիցի մեզ 'ի սէր նախատանաց և վշտաց, քան զածելն զմտաւ զի 'ի նախատինս անդ չիք ամօթ, այլ փառք. և 'ի վիշտսն ոչ է թշուառութիւն, այլ երանութիւն :

Ա. Գերազանց և ծայրագոյն է փառք նա-

խատելոյն և վշտագնելոյն 'ի հակառակութեանց, զի նորօք հաւասարի մարտիրոսաց և հրեշտակաց, և լինի սիրելի Քրիստոսի և նմանող: Արիասիրտ համբերատարն անարգանաց մեծարոյ է և առ մարդիկ, զոր և հեթանոսք անգամ ծանեան. մինչև ասել Եպիփանետոսի զվեհ զայն բան՝ թէ « Ի տանելն հակառակաց՝ ցուցանիմք արք »: Իբրև զի առանց փորձոյ վշտաց չիցեմք արժանիք անուան առն: Յայս կարծիս յածին և այլք յիմաստասիրաց: Ասէ Ոսկերերան. « Աստուած այնպէս քաղաքավարի ընդ իւրոցն սիրելեաց, որպէս զօրագլուխք ընդ իւրեանց զօրականաց, որք զարիագոյնան առաւել 'ի դժուարինս յառաջ մատուցանեն: Այնպէս զի որչափ առաւել դժոխքմբեր իցէ զործն, այնչափ առաւել 'ի փառս գրի առն՝ որ առ 'ի գլուխ հանել զնոյն ընտրեալ իցէ »: Չսոյն մեզ հաւաստեն Յովսէփի Նեղիպտոս, և Դաւիթ յայրին Ենդազգայ:

Հակառակք մեզ անձկութիւնք հաւասար առնեն զմեզ մարտիրոսաց և հրեշտակաց. զսոյն հաւաստեն և մեծամեծք 'ի սրբոց: Եւ առնեն զմեզ սիրելի Քրիստոսի, և նմանող նորին յոյժ. զսոյն փորձով իսկ ցուցանէ մեզ սրբուհին Թերեզա յասելն. « Քննութեամբ վկայեալ է յամենայնի, զի մերձաւորագոյնքն և սիրելիք Քրիստոսի Տեառն մերոյ՝ առաւել ծանր վաստակովք տառապեցան, և առաւել դառն վշտաց տարան »:

Վչտացեալքն ոչ միայն բարեկամք են Յիսուսի, այլ և նմանք նմին. «Ձի զորս յառաջն ճանաչէր, յառաջագոյն հրաւիրեաց կերպարանակից լինել պատկերի որդւոյն իւրոյ» : Առ ՚ի քանդակել ՚ի փղոսկր զպատկեր Քրիստոսի խաչելոյ կիսամեռ, տապացեալ շրթամբք, թալկացեալ, և բողմահուն ՚ի վերայ աչացն սիւռեալ, քանի վաստակոց են պէտք, տաշելոյ, քերելոյ, փորելոյ, կտրելոյ մինչև առցէ զնմանութիւնն : Տես արդ, որչափ առաւել վաստակոց իցեն պէտք, զի հոգիդ քո ածցի ՚ի նմանութիւնն Քրիստոսի : Իսկ զու այդպէս խուսափես ՚ի հակառակաց, և այդչափ սասանեցուցանեն դքեզ ցարք :

Բ. Անչափ է և երանութիւն անարգեալ և վչտացեալ անձին, զի վիշտք և անարգութիւն խողովակ իմն են առաւելութեանց և շնորհաց : Առաւելութիւնք են, զի վիշտքն առիթք են կատարելութեան և նշան սիրելոյ զմեզ Աստուծոյ, և ցոյց նախասահմանութեան : Եւ զի ՚ի ձեռն վչտաց հասանէ որ ՚ի սրբութիւն, լուր մեծին Քրիզոստի . «Ճմարտութեամբ ասեմ, զի եթէ սակաւ հալածանաց տարցիս, սակաւ լինիցի և եռանդն սրբութեան ՚ի քեզ» : Վասն զի նախատինք, աղքատութիւն, ցարք՝ տկարացուցանեն զխայթս հպարտութեան և զզրզիւս և զոյժ, նոյնպէս ևս զորկորստութեան և զանձնդիրութեան :

Վիշտք են նշանք սիրոյն Աստուծոյ

առ մեզ . Աստուած ինքնին վկայէ 'ի սուրբ գիրս . Զոր սիրէ Տէր , տանջէ . զոր սիրէ Տէր , խրատէ : Արդ եթէ Քրիստոս 'ի ցոյց սիրոյ իւրոյ տանջէ զմեզ , ապա և մեք 'ի տանելն խնդութեամբ դառնութեանցն՝ ցուցանեմք զսէր մեր առ նա . վասն որոյ ասէ ոմն 'ի սրբոց , « Արչափ առաւել սիրայորդոր բերիմք 'ի վիշտս , այնչափ առաւել յայտնեմք զսէր մեր առ Քրիստոս » :

Անձկութեանցն հոյլք են հաւաստիք նախասահմանութեանս մերոյ 'ի փրկութիւն , և հանդերձեալ երանութեան մերոյ նախաշաւիղք , և սիրոյն Աստուծոյ 'ի մեզ տիպք : Եւ մեծամեծք 'ի սրբոց վկայեն այսմ . վասն այնորիկ և Քրիստոս երանէ զվշտացեալսն և զնախատեալս : Եւ դու չերանիցնս զանձն վշտագնեալ , որ ժառանգաւոր է ամենայն բարութեանց , մեծութեանց և փառաց յաւիտենականին :

Այլ իմն պարզև մեծ առատութեան շնորհաց է 'ի վիշտս . զի ըստ սրբոյն Ասկերբերանի . « Շնորհք մեծք են լինել արժանի տանելոյ վշտաց վասն Քրիստոսի . և է պսակ կատարեալ , և վարձք ոչ նուազ քան զհանդերձեալ հատուցումն » : Յաւելու ևս ասել , « Եթէ չէին իսկ հատուցմունք ինչ վշտաց , այլ և այնպէս հատուցումն է բաւական չարչարիլ վասն սիրելւոյն » :

Լաւագոյն է տանել վշտաց քան զհրաշտործել . ասէ նա ինքն Ասկերբերան . « վասն հրաշիցն լինիցիս պարտապան Աստուծոյ ,

իսկ վասն համբերութեան՝ զՔրիստոս ունիցիս քեզ պարտապան » : Երանուհի ոմն սքանչացեալ ընդ վշտացն գերազանցութիւն , գոչէր յաճախ . « Տէր իմ մեծ և շնորհ այն է ինձ եթէ վշտաց տարայց յանուն քո , քան հաղորդ գտանել ամենայն գաղտնեաց քաղցր սրտիդ » :

Տես թէ զորպիսի փառս և զերանութիւն տեսանեն սուրբք ՚ի վիշտս . տես յոր խորհուրդս կան որդիքն Աստուծոյ . և զգոյշ կաց չօտարանալ ՚ի կորովեացն այնոցիկ ; և հաստատեա գրեզ անսասան յերրորդ աստիճան խոնարհութեան :

Ք Ն Ն Ո Ի Թ Ի Ի Ն

Ի վերայ համբերութեան և հնազանդութեան .

Եւ քանզի առանց զինելոյ երկայնամիտ համբերութեամբ՝ անհնարին է ելանել յերրորդ աստիճան խոնարհութեան , և կալ անդրդուելի ՚ի նմին , և զի հնազանդութիւնն ևս պատճառս տայ յաճախ վշտաց , վասն որոյ առ ՚ի յառաջ խաղալ ըստ կարգի , հարկ է առաջի առնել զնիւթս , զաստիճանս և զյորդորս այսոցիկ երկոցուն առաքինութեանց :

Համբերութիւնն է առաքինութիւն՝ որ յօժարեցուցանէ զկամս տանել անխառով ամենայն ընդզիմակաց : Եւ պատճառք համբ

բերութեան են կորուստ բարեաց բազմի ընդ ձեռն ազբատութեան . պատուոյ և համբաւոյ՝ ընդ ձեռն նախատանաց և անխրատութեանց . առողջութեան և կենաց՝ ընդ ձեռն ցաւոց և մահուան . խաղաղութեան սրտի՝ ընդ ձեռն խղճմտութեան , տաղալութեան և անձկութեան հոլուոյն :

Պարտ է տանել այսոցիկ , ա . Համբերատար լութեամբ անտրտունջ առաջի այլոց , և անխուով ՚ի սրտի , և ոչ բողոք առ Աստուած առնելով , այլ արութեամբ մտաց կնքելով զամենայն ընդ մոռացութեամբ :

բ . Բերկրալից . զի առաքեալքն ոչ միայն խնդային ընդ անարգութիւնն վասն Քրիստոսի , այլ և գոհանային իբրև մեծի բարերարութեան հանդիպեալ :

գ . Յանկութեամբ կրելոյ զառաւելագոյնն եթէ փառքն Աստուծոյ զնոյն պահանջեացեն , ըստ օրինակին Քրիստոսի որ ասէր՝ եթէ « Յովտ մի ոչ անցցէ յօրինաց և ՚ի մարդարէից մինչև ամենայն եղիցի » . այսպէս և Պօղոս ցանկայր նմանող լինել Քրիստոսի յամենայն վիշտս տառապանաց . սապէս և այլք ՚ի սրբոց՝ որք խնդրէին զյաւելումս վշտաց ՚ի սէր Յիսուսի :

դ . Ամենայնիւ համոզեալ ՚ի միտս թէ տառապանք վշտաց մերոց առ վշտօքն Քրիստոսի ոչ ինչ իսկ են , նոյնպէս և առ բազմաչարչար նահատակացն վշտաց , և առ տանջանօք քաւարանին և դժոխոց :

Գարձեալ պարտ է տանել այսպէս ամենայն վշտաց, ա. Խոնարհելով առաջի Աստուծոյ ՚ի ճանաչելն զկատարեալ իշխանութիւն նորա ՚ի վերայ մեր: բ. Յանկալով առնել հատուցումն արգարութեանն Աստուծոյ, զոր ՚ի վրէժխնդրութիւն զրգոնցար: գ. Առ ապաշխարել: դ. Առ սէր Յիսուսի և յախտենական Հօր: — Արդ քննեա զքեզ և տես եթէ իցէ՞ ՚ի քեզ համբերութիւն այսպիսի երկայնամիտ և կատարեալ ըստ ամենայնի զորս յիշատակեցար:

Հնազանդութիւնն է առաքինութիւն, որով որ հպատակի այլում յանուն Աստուծոյ յամենայն օրինաւոր զործս: Նիւթք հնազանդութեան են անձինքն՝ որոց հնազանդի, և զործքն՝ յորս հնազանդի: Զի ճշմարիտ հնազանդն հպատակ կայ ամենայն մեծաւորաց, նա թէ և տղէտք իցեն և անառաքինիք և զայրացկոտք, և ոչ ըստ օրինի և խոհական մտօք զհրամանսն առաջի առնել զիտասցեն: Հնազանդի դարձեալ ստորնազունից քան զինքն, և ծառայից անգամ և աւելածուաց, եթէ զօրինաւոր ինչ պահանջեսցեն:

Հնազանդի ևս յամենայնի, նա թէ և վտանգ իսկ կայցէ կորուսանելոյ զառողջութիւն և զկեանս, զպատիւ և զհամբաւ, զզիտութիւն, և այլն: Թէպէտև խիստ ևս հրամանն թուեսցի անիրաւ և աչառանօք տուեալ, և կամ որպէս զիարդ և իցէ:

Հնազանդի կատարեալ կամօք. ա. Աթախ

փութով հատանելով դրանս, թողեալ 'ի կէս դառն սկսեալ: ք. Ի կատարեալ կամակցութեան ընդ մեծաւորին՝ ոչ քրթմնջելով 'ի միտան և ոչ դանդառ առ այլս կալեալ: գ. Հպատակեալ զմիտան կուրօրէն՝ լաւագոյն զհրամանս մեծաւորին կալեալ: Եւ եթէ անխոհեմ իցէ հրամանն, դժուարին և դառն, զոհանալով զՏեառնէ զի պատճառս ետ պատարագելոյ նմա զկաման և զմիտս իւր:

Հնազանդի դարձեալ զօրութեամբ հաւատոց, յայտ արարեալ զի հաւատայ բանիցն Քրիստոսի որ ասէ. «Որ ձեզ լսէ, ինձ լսէ»: Եւ յուսոյ, փտտահայեալ զի նախախնամութիւնն Աստուծոյ 'ի ձեռն Հնազանդութեան առաջնորդէ մեզ և փրկէ զմեզ: Եւ սիրոյ, որպէս զի 'ի ձեռն Հնազանդութեան հանցէ 'ի պարզե Աստուծոյ որ ինչքան զամենայն սիրելի և մեծայարգ իցէ իւր, այսինքն զկաման և զմիտս: Քննեալ զանձն քո եթէ յոր աստիճան հասեալ կայցես յայտ՝ առաքինութեան. եթէ իցես մտադիւր և փոյթ 'ի Հնազանդել, խնդամիտ հրաժարեալ զլիտովին 'ի դատաստանէ մըտացդ:

Հնազանդութիւն և համբերութիւն, երկոքին այսորիկ զխրացուցանեն բազմօր զգժուարութիւնս երբորդ աստիճանի խոնարհութեան: Բայց զժկամակութեանն՝ զոր զգամք յանձին ընդդէմ վնասողաց համբաւոյ մերոյ կամ՝ անձանց և կամ իրաց

մերոց , և դարձեալ առ 'ի Հնազանդել Հրամանաց զայրացուցչաց անձնասիրութեան և դժուարակրաց , լինիցի դեղ ազդու խոկումնս առաջիկայ , յորում՝ Յիսուս բաղմեալ 'ի խաչի ուսուցէ սիրել զայնոսիկ և նպաստել թշնամեաց :



ԽՈԿՈՒՄՆ Գ

Ի ՎԵՐԱՅ ՄԱՀՈՒԱՆ ՔՐԻՍՏՈՍԻ

Ի ԽԱԶԻՆ

Մ ա ս և Ս

Զմտաւ ամ զՅիսուս Հասեալ 'ի լրումն մատուցման սլատարագին : Նա Հրաւիրեաց զքեզ զկնի իւր , խոստանալով քեզ յամենայնի յառաջոյ ընթանալ 'ի վաստակսն , 'ի խոկմունս և յայլսն ամենայն . ահա կատարէ զխոստումն իւր լիով : Նա ահա կայ բեկեռեալ 'ի խաչին , յորում քան զամենայն ինչ առաւել սլայծառ փայլէ սքանչելեօք երրորդ աստիճան խոնարհութեան յօրինակ մեզ ընծայեալ . ահա ընտրեալ ունի զազքատութիւն ընդ ճոխութեան , զնախատինս ընդ փառաց , ընդ բերկրականացն զթախժութիւն . ընդ քաջողջութեան և կենաց՝ զցաւս և զմահ :

Եւ այս ամենայն ոչ ըստ օրինաց հասարակաց . այլ ազքատութիւն նորա է այնչափ , քան զոր առաւել անհնար է ածել ընդ միտ . զի մերկ ամենեկին կախեալ կայ յօգս , ոչ ունելով տեղի դնելոյ զզուխն , և ոչ մասն զրդեկի առ 'ի ծածկիլ նովա : Նախատինքն յառակ նշաակի 'ի ծայր հասեալ ամօթոյ . թշնամանեալ յամենեցունց , յայսն և 'ի ծաղր լեալ զբարտ սողտանօք : Յարքն և անձկութիւնք դառինք յոյժ յոտից մինչև ցզուխ . շատ է դմտաւ ածել , զի 'ի վէրս չորից բևեռաց ոտիցն և ձեռացն մարմինն ողջոյն ծանրացեալ՝ յօգս բարձրացեալ հանդչի :

Մահն չարատանջ և նախատակոծ . 'ի ծաղկի հասակին , յաւուր մեծի պատերին յանդիման ժողովրդեան , յայսն և 'ի կատականս ամենեցուն . անցաւորք հայհոյեն դեա . « Վահ որ զտաճարն քակէիր , էջ 'ի խաչէդ » , ծանօթքն հեռիք . լքեալ և յԱստուծոյ . « Աստուած իմ ընդէր թողեր զիս » . Այսու մահուամբ մեռանի միածին Որդին Աստուծոյ . փրկիչն աշխարհի . լքեալ յամենեցունց , պատառոտեալ 'ի խարաղանաց , խոցեալ 'ի փշոց , սևեռեալ 'ի խաչի նախատական բևեռօք , մերկ , ծաղր և ծանակ :

Հապա , դարձ անձն իմ , հայեաց յերեսս Քրիստոսին քո , որ այսպիսի օրինակա՛ որպէս խթանաւ մատչի քեզ 'ի յորդոր , և քաջալերէ դքեզ 'ի սէր ազքատու-

Թեան, ցաւոց և նախատանաց . այսինքն
 յերրորդ աստիճան խոնարհութեան, յոր
 խոստացար ժամանել արութեամբ, և կալ
 անյողզողդ 'ի նմին յամենայն կեանս քո:
 Տես զՅիսուս յայն աղէտս, և ասա՛ եթէ
 առնուցո՞ւս յանձն թիկնադարձոյց լինել և
 յետս կալ 'ի խոստմանէդ առ նա: Քաջ
 կապեա 'ի մտի որ ինչ ասացաւ 'ի խորհր-
 դակցութեան երից աստիճանաց, զի որ ոչն
 գուն գործէ ամենայն ճգամբ հասանել յեր-
 րորդն աստիճան խոնարհութեան, մատնի
 'ի վտանգ չկալոյ հաստատուն և յերկրոր-
 դին . և առաւել երկիւղազիւն այն է, զի և ոչ
 յառաջինն: Չանա՛ մտանել 'ի խորս այսր
 ճշմարտութեան, և ըստ առաւելութեան
 պիտոյիցն հան անտի պտուղ: Խորհեաց և
 դայն թէ զինչ լինիցի քեզ, եթէ վրիպիս
 'ի փորձոյ գործոյն, և հասցէ քեզ յանդի-
 ման լինել Քրիստոսի ցասուցելոյ՝ որ յե-
 րեսս հարկանիցէ քեզ զխաչ իւր, զբեռան,
 զլեզիւն, զմերկութիւնն և զփուշսն:

Մ ա ս և Բ

Ի Յիսուս կախեալ 'ի խաչին տեսանեմք
 զհնազանդութիւն կատարեալ . զի «Եղև հնա-
 զանդ մահու չափ և մահու խաչի»: Հնազան-
 դի Յիսուս ամենեցուն . ոչ եթէ միայն Հօրն
 յաւիտենականի, այլ և կայիափայ, Պիղա-
 տոսի, զինուորաց, և դահճաց՝ որոց չէր

իշխանութիւն 'ի վերայ նորա: Հնազանդի
յամենայնի, և 'ի յոյժ դժուարինս. պա-
տրաստ առ ամենայն տանջանս, զիտելով
զի այն է բաժակն տուեալ նմա 'ի Հօրէն.
և զի ոչ անկանի ճնճղուկ 'ի զետին առանց
կամաց նորա, վասն որոյ Հնազանդի մտօքն
կուրօրէն, կամօքն մտաղիւր, և 'ի գործելն
սթափ և փոյթ:

Եւ զայս ամենայն առաւել դառնացու-
ցաննն երեք յարակից դէպք. ա. Զի զնա
ոմանք իբրև զմարդարէ ունէին, և այլք
Մեսիա զնա հաւատային, և արդ յանդի-
ման ամենեցուն դատապարտի յանարդ
մահ իբրև պատրիշ չարագործ և ապստամ-
բեցուցիչ ծանակեալ 'ի միտս ամենեցուն:
բ. Գատապարտի այնչափ վտատակս կրեալ
վասն նոցա յառաքելութեան իւրում. այն-
չափ հրաշս ցուցեալ, և յամենայնի բարե-
բարեալ: գ. Գատապարտի 'ի կատարեալ
յաղթանակ թչնամեաց իւրոց, որք նախա-
տակոժ առնէին զնա, և պարծէին ընկճեալ
զնա և նկուն արարեալ, թէպէտև մեծ և
յայտնի անիրաւ դատաստանաւ:

Ս. յսոքիկ դէպք են, որք յոյժ դառնա-
ցուցաննն զխաչս կրօնաւորաց. կրել զա-
մօթ առաջի աշխարհիկ մարդկան յետ բա-
զում քրտանց և վաստակոց տանելոյ 'ի
կրօնի, տեսեալ և զպարծանս հակառա-
կորդաց և մախացողաց ընդ յաջողել անի-
րաւ գրգռութեան մտաց իւրեանց: Երբէք
և 'ի մեծաւորաց ստղտեալք, և 'ի խոտոր-

նակ կարծիս դատափետեալք, և անիրաւ դատաստանաւ խրատեալք :

Բայց ոչ է արժան վասն այսոցիկ պատճառաց իջանել ՚ի խաչէ, և լքանել զերրորդ աստիճանն խոնարհութեան: Գիտա ՚ի քաջալեր քեզ, զի կարևոր է տանել վշտաց, զի « Բազում նեղութեամբք պարտ է մեզ մտանել յարքայութիւնն Աստուծոյ »: Կարճ մտութիւնն ոչ թեթեացուցանէ և ոչ ջնջէ զանիրաւութիւն, այլ առաւել դառնացուցանէ զվիշտն և զարդասիս արդեանցն կորուսանէ: Գարձեալ զի է այն սատար մեծ ՚ի հատուցումն մեղաց մերոց: Է ևս նմանութիւն Քրիստոսի, որ վասն մեր տարաւայնչափ դառնութեան վշտաց: — Ո՛վ Տէր իմ Յիսուս ամենեկին հնազանդ, արա և զիս արժանի շնորհացդ, զի քաջալերեալ յօրինակէ քումմէ՝ հնազանդեցայց միշտ, ամենեցուն, և յամենայնի:

Մ ա ս և Գ

Ի Քրիստոս խաչեալ արտափայլէ վառեալ սէր թշնամեաց, որ է առաքինութիւն որչափ դժուարին, այնչափ ևս զերազանց: Ապա համառօտիւ իմն լեր մտախոհ թէ զորպիսի թշնամիս, և որպէս սիրէ: Թողուլ, և սիրել զթշնամիս՝ ոչ թէ միայն ոչ փնասեալս ՚ի մէնջ, այլ և բարերարեալս մեծապէս, որք ոչ միայն ոչ խնդրեն թողութիւն ՚ի մէնջ՝ այլ և ատեն զմեզ և ՚ի

նախատել կան . և թողուլ նոցա՝ կարող դուրով հանել ՚ի նոցանէ լիուլի զվրէժ . և ոչ միայն բարեխօս կալ վասն նոցա՝ այլ և մեռանել ՚ի սէր նոցա մահու չարաւ և անարգականաւ , այս է դերօրինակ սէր , հասեալ ՚ի ծայր ամենայն դերաստիճան առաքինութեանց :

Յիսուս եթող և սիրեաց այսպէս զթշնամիս զայնոսիկ , որք ելևելս զմիմեամբք առնէին . ՚ի չարութիւն մախանաց և կատաղութեան կրից : Եւ Յիսուս ոչ միայն ոչ մնասեաց նոցա , այլ և յաղթեաց բարեաւն չարին : Նորա աղաղակէին ՚ի խաչ հանն ՚ի խաչ հանն զգա . և ինքն մինչդեռ յակնարկել անդ կարէր կորուսանել զամենեսին , ոչ միայն թողու նոցա , այլ և միջնորդ կայ առ Հայր զի թողուցու նոցա և ներեսցէ , ՚ի չքմեղս առնելով զնոսա . « Հայր թող դոցա , զի ոչ գիտեն զինչ գործեն » : Արդ քաջ յուշի կապեալ զայսոսիկ երկուս մասունս թէ որոց եթող և սրպէս եթող , կայ մեզ զհեա բերել թէ պարտ է և մեզ սիրել զթշնամիս մեր , զչարախնդիրս , զհալածիչս , մանաւանդ թէ պարտիմք ընու զնոսա երախտեօք . զայս մեզ ուսուցանէ Քրիստոս . Զօրինակ մի ետու ձեզ : Զսոյն պատուիրէ մեզ Աստուած . « Սիրեցէք զթշնամիս ձեր . բարի արարէք ատելեաց ձերոց » : Ի յուշ ևս ամէ մեզ զի որ ատէ զթշնամին , ոչ սիրէ զԱստուած . « Զի որ ասիցէ եթէ սիրէ զԱստուած , և զեղբայր իւր

ատիցէ, սուտ է» : Արդ քննեսցուք զանձինս մեր , և հարցցուք ցանձինս մեր . Թողուցնու թշնամուոյդ . որով սիրով սիրեսս դու զնա . զոր բարերարութիւն մատուցանիցես նմա :

Ի Ղ. Չ. Բ

Տեսչ սիրոյ առ ըշնամիս . Այո՛ Տէր իմ , աստէն առ ոտս խաչիդ , յանդիման խաչելոյդ , և 'ի վերայ թշնամեաց քոց մեռելոյդ , հարկ առնեմ անձին իմոյ և երգմամբ հաստատեմ ներել չարարարաց իմոց , և սիրել ես զնոսս , և առնել նոցա զայն ամենայն բարիս՝ որ իցէ 'ի ձեռին իմում : Ատեմ և անարդեմ զոր և է բերումս հակառակութեան , թշնամութեան , ատելութեան , ռիսակալութեան և քինու : Եւ եթէ իցէ 'ի սրտի իմում ծածկեալ կայծ իմն ատելութեան , պատառեսցի սիրտ իմ և հարուածեսցի , մինչև շիջցի կայծն այն չարին ատելութեան : Դու , Տէր իմ Յիսուս , տուր ինձ շնորհս զի նմանող եղէց քեզ , և որչափ առաւել վնասեսցեն ինձ թշնամիք իմ , այնչափ առաւել սիրեցից զնոսս :

Բերումն առ հնազանդութիւն . Տէր իմ Յիսուս , քանզի դու հնազանդեցար մահու չափ և մահու խաչի , և ես խոստանամ քեզ շնորհօք քո հնազանդել ամենայն մեծաւորաց . . . յամենայնի 'ի յոյժ դժուարինս անդամ . . . միշտ , կատարեալ , մտադիւր և կուրօրէն :

Յանկոնքիւն և նանկոյ Քրիստոսի ՚ի
 Թեոն և րորոյ աստիճանի խոնարհոնքեան .
 Ա՛վ անձն իմ՝ հայեաց յերեսս Յիսուսի քո
 բնեռելոյ ՚ի խաչի . տես թէ որպէս ել նա
 յերրորդ աստիճան խոնարհութեան . տես
 զի որում վայել էին ամենայն փառք , բեր-
 կութիւնք և ճոխութիւնք աշխարհի , հա-
 սանեն ՚ի վերայ ընդ հակառակն այնոցիկ
 ամենայն նախատինք , թշուառութիւնք և
 ցարք : Եւ պատճառ այսոցիկ այն՝ զի այս-
 պէս կամի : Տես զի նա՝ որ եթէ կամէր ,
 կարէր ՚ի շիթս ինչ արտասուաց փրկել
 զմեզ , կամի զի պատառեսցին երակքն ,
 փնտկեսցի սիրան , և հեղցի յորդահոս ա-
 մենասուրբ արիւնն բովանդակ :

Ա՛հ . Ա. ինչ , Տէր իմ Յիսուս , այդչափ
 չարչարանքդ . հիմ այդքան աղքատութիւն ,
 էր այդգունակ տանել նախատանաց : Ա՛հ .
 Գու կամէիր կալ ինձ օրինակ պանծալի ,
 որչափ ինչ պարտ է առնել ինձ առ ՚ի նմա-
 նող լինել քեզ . արդ եթէ այդչափ արարեր
 առ ՚ի նմանել ինձ քեզ , արա արդ աղաչեմ
 և զսակաւս զայս . տուր ինձ շնորհս նմա-
 նող լինելոյ քեզ յերրորդ աստիճանի խո-
 նարհութեան , անարգելով զփառս , զճո-
 խութիւն և զհաճոյս , և ընդգրկելով զցաւս ,
 զաղքատութիւն և զնախատինս :

ԵՐԿՐՈՐԳՈՒՄՆ ՍՈՒՂ

Ն. Յիսուս 'ի խաչին է մեզ օրինակ գերագոյն՝ երրորդ աստիճանի խոնարհութեան, զի անդա՛նոր գերագոյն օրինակաւ ընտրեաց զաղքատութիւն փոխանակ ճոխութեան, զանարգանս ընդ պատուոյ, զվիշտս փոխանակ բերկրութեանց, և 'ի տեղի քաջողջութեան և կենաց զցաւս և զմահ:

Եւ տարաւ այսմ ամենայնի 'ի խիստ դառնութեան, թէ ըստ ժամանակին մահուանն եթէ ըստ տանջանացն, և եթէ ըստ հանգամանաց մահուն:

Բ. Յիսուս 'ի խաչին է օրինակ սքանչելի հնազանդութեան. քանզի հնազանդի ամենեցուն, յամենայնի նա և 'ի դժուարինս յոյժ, և կատարեալ. այսինքն անթերի, մտադիւր, կուրօրէն, որչափ և դառնացուցանէին ևս յարակից գէպքն տանջանաց իւրոց զհնազանդութիւնն:

Գ. Յիսուս 'ի խաչին է օրինակ կատարեալ սիրոյ թշնամեաց. զի սիրէ զթշնամիս որոց ոչ եթէ ոչ ինչ չար արարեալ էր, այլ և բարերարեալ նոցա. մինչդեռ ոչ խնդրէին թողութիւն, այլ ևս քան զևս յաւելուին 'ի չարիսն և 'ի նախատինս. և մինչդեռ կարէր առնուլ վրէժ 'ի նոցանէ. և ոչ միայն թողոյր նոցա, այլ և բարեխօսէր վասն նոցա, յանձն առեալ և զմահ առ 'ի փրկել զնոսա:

Ընթերցիր

Թովմ. Գեմբ. Գիրք Բ. Գլ. 12:



Օ Ր ՈՒԹԵՐՈՐ Կ



Խ Ո Կ ՈՒ Մ Ն Ս

Յ Ա Ր ՈՒԹԻԻՆ ՔՐԻՍՏՈՍԻ

Մ ա ս և Ս

Ձմտաւ ամ գերանութիւն Յիսուսի յարուցելոյ: Նա՛ի ժամանակի չարչարանացն կորուսեալ էր ամենեկին, դքառապատիկ բարիս պատշաճեալս մարդոյ, այսինքն զզգեստան՝ մերկացեալ յամենայնէ, զպատիւն՝ լեալ ՚ի նախատինս անարզանաց, դքաջողջութիւն՝ ՚ի չարատանջ խոշտանգանս, և զանգին կեանս իւր՝ դառն մահուամբ:

Բայց արդ ՚ի գերեզմանէն ընկալաւ դարձեալ հանդերձ բազմապատիկ շահիւն զամենայն զկորուսեալսն. զի որ յառաջ աղքատն էր, արդ ճոխ է և «Տէր ամենայն երկրի». որ աւուրբք յառաջ որդն էր և նախատինք մարդկան, արդ «Փառօք և պատուով պսակեալ՝ նստի ընդ աջմէ մեծութեանն Հօր ՚ի բարձունս». որ յառաջն էր

«Ս. յր'ի ցաւս», արդ նոր դօրութեամբ հօրացեալ «Փշրեաց զգրունս պղնձիս, և զնիզս երկաթիս խորտակեաց: Չոր խաչեցինն կախեալ զփայտէ, արդ «Յարուցեալ է'ի մեռելոց առաջին պտուղ ննջեցելոց», և ամենասուրբ մարմին նորա ծագեսցէ իբրև զուսաւորութիւն յախտեանս և ևս:

Ս. րդ զարթիր 'ի սէր և 'ի խնդակցութիւն, և բերկրեաց զի ընտրեցեր զնա քեզ 'ի թագաւոր և յառաջնորդ, և մտեր ընդ փառաւոր դրօշու նորա, յորում խոստացար զինուորիլ ընդ նմա յերրորդ աստիճան խոնարհութեան: Նորոզեա արդ զերդուեալ հաւատս քո, և խոստացիր նմա հաստատութիւն, և վկայ ուղղութեան սրտիդ ամ զերկինս և զերկիր:

Մ ա ս և Բ

Զմտաւ ամ զհաստատութիւն յուսոյն մերոյ 'ի յարութեանն Քրիստոսի. քանզի այժմեան երանութիւն յարութեան նորա է շաւիղ և զրաւ մերոյս ապագայ երանութեան: Ս. աքեալն խոստացաւ մեզ զսոյն. և 'ի ճառս անդ խոստմանն երդմամբ հաստատուն առնէ զբանն յասելն. «Հաւատարիմ է բանս. զի եթէ ընդ նմա մեռաք, ընդ նմին և կեցցուք. եթէ համբերեմք, ընդ նմին և թագաւորեսցուք: Եթէ չարչարանացն կցորդ լինիցիմք, և փառացն հաղորդ լինելոց եմք»: Եւ ո՞ երկմտեսցի ընդ ճշմարտու-

թիւն բանիցս , և ո՛րի ստութիւն զառաքեալն
ամբաստանեսցէ , մինչդեռ նա հաւատա-
րիմ ասէ զբանսն լինել :

Դարձեալ զի և առաւելութիւն երա-
նութեան մերոյ լինիցի ըստ առաւելութեան
կատարելութեան նմանութեան մերոյ . և
յայտմ զարձեալ ունիմք վկայ զսուրբն Պօ-
ղոս , որ ասէ . « Քանզի զիտեմք՝ եթէ որպէս
կցորդ եմք չարչարանացն , նոյնպէս և մխի-
թարութեանն » : Այսինքն Յիսուս զօրաղլուխ
մեր լցուցէ անթերի զխոստումն իւր զոր
ուսար ՚ի խոկման թաղաւորութեան նորա ,
յասել անդ՝ եթէ իւրաքանչիւր ոք որչափ
եղև հաղորդ վաստակոցն և վշտաց , նովին
չափով լինիցի մասնակից և յաղթութեանն
և երանութեան : Ապա որչափ առաւել հուպ
մատչիցիս առ նա յերրորդ աստիճանի խո-
նարհութեան , այնչափ առաւել բարձրաս-
ցիս ՚ի փառս՝ զոր ժառանգելոց ես :

Արդ զօրացիր և քաջ լեր . վայելեաց
՚ի վաստակս քո , ընկալ զխաչ քո բերկրա-
լից . զի որչափ առաւել խոնարհեսցիս յեր-
կրի , այնչափ առաւել բարձրասցիս յեր-
կինս : Որչափ ծանր լիցի աղքատութիւն
քո աստ , այնչափ բաղմաղանձ լիցի անդ
ճոխութիւն քո : Որչափ դառն լինիցին այժմ
ցաւք քո , այնչափ բերկրական և անպա-
տում լիցին յայնժամ սփոփանք քո :

Մ ա ս և Գ

Զմտաւ ւած զմեծութիւն փառացն յուսացելոց յերկինս : Նախ զի մեծ են ուրախութիւնքն երկնաւորք , քանզի անչափ են . մի զի ամենեկին անմասն են 'ի չարեաց , և երկրորդ զի և ամենայն բարիք համագումար են 'ի նմա : Եւ այս իսկ մարմին քո , զորոյ արդ զբաղձանսն ունայնս նուաճեալ ունիս՝ սանձեալ 'ի ծառայութիւն մեռուցման , մարմին քո այս յաղթեսցէ պայծառութեամբն իւրով փայլման արեղական , թեթեւ քան զհողմն թռանիցի , և նուրբ և անչարչարելի իբրև զհրեշտակս լինիցի :

Իսկ հողի քո , բաբէ , որպիսի բերկրութեամբք լցցի . 'ի զուարճութեան ծով ընկզմեսցի 'ի յիշատակել զչնորհան՝ որոց ունկնդիր եղև , զփորձութիւնսն՝ որոց յաղթեաց , զվտանգս մեղաց՝ յորոց զգուշացաւ , զառաքինութիւնս՝ զորս զործեաց , զգառնութիւնս՝ որոց տարաւ : Ո՛վ Աստուած իմ , զոչեսցէ հողի քո երանեալ , ո՛վ Աստուած իմ , մարթ էր ինձ զատապարտել , եթէ տեղի տուեալ էի փորձութեանն այնմիկ , եթէ ապախտ արարեալ էր իմ զայնու ազգմամբ , արդ ո՛ւր անկեալ զտանէի դանձն իմ : Օղնականութեամբ շնորհաց քոց ընդդէմ կացի , սլատերազմեցայ , յաղթեցի : Ո՛վ սուրբ տխրութիւնք , ո՛վ երանական նախատինք , ո՛վ երջանիկ թշուառութիւնք , ո՛վ երրորդ

աստիճան խոնարհութեան , ո՛վ դանձարան
ամենայն բարութեանց :

Եւ միտքն տեսցէ զՍտուած ոչ ընդ
տեսակաւ , ոչ օրինակաւ , այլ զէմ՝ յանդի-
ման որպէս և էն , ընկղմեալ զլխովին ՚ի
ծով անդր լուսոյ , որ իմացական լուսովն
ճառագայթեալ լուսաւորէ զնա : Եւ կամքն
՚ի սերտ սէր ժառանգեսցէ զՍտուած , և
զամենայն բարիս յՍտուած : Արում ցան-
կայն՝ անդէն ընկալցի . զոր սկսանի փա-
փաքել՝ անդէն կատարեսցի . մանաւանդ
թէ ոչ միայն լցցին ամենայն ցանկութիւնք
նորա , այլ և այնպիսի և այնչափ ցանկու-
թեամբք յազեալ պարարեսցի , զի ոչ ինչ
այլ կայցէ նմա ցանկալի : Ահա յայս ա-
ծեալ կացուցանէ զայր երրորդ աստիճանն
խոնարհութեան :

Երկրորդ՝ զարձեալ մեծ են բարութիւնք
երկնից , զի են յաւիտենականք : Ո՛վ մե-
ծազօր ճայն . ո՛վ յաւիտենականութիւն բեր-
կրանաց , որպիսի՞ ինչ իցես : Զուարճու-
թիւնք երկնաւորք են անչափք և յաւիտե-
նականք : Հոգին ընկղմեսցի յանձայր ծով
բարութեանց ցյաւիտեան : Խնդութիւնքն
այնպիսի սուրբք , բերկրութիւնքն անպա-
տումք և արեգակն այն ամենափայլ լուսոյն
անչափ քաղցրութեամբ զմայլեցուսցեն
զհոգիս մեր միշտ և հանապազ : Ո՛վ խոր-
հուրդ բերկրապատար , երանելի եմ՝ երա-
նելի՛ ցյաւիտեան : Արդարև « Ոչ ակն ետես ,
ոչ ունին լուաւ , և ՚ի սիրտ մարդոյ ոչ ան-

կաւ դոր պատրաստեաց Աստուած սիրելեաց իւրոց» :

Եթէ այդպէս իցէ, պարտ է վաստակել և տանել ամենայն վշտաց՝ առ ՚ի կարող լինելոյ ժամանել առ այս անվախճան և յաւիտենական ժառանգութիւն բարեաց. ապա պարտ է ծառայել Աստուծոյ նմանելով Քրիստոսի յերրորդ աստիճանի խոնարհութեան, և կալ ՚ի նոյն հաստատուն ցմահ. քանզի «Աչ են արժանի չարչարանք ժամանակիս հանդերձելոցն փառաց՝ որք յայտնելոց են ՚ի մեզ» : Եւ եթէ հաւատամք այսմ ամենայնի, չիցէ՞ յիմարութիւն մեծ առնել անտես զյաւիտենական փառօք, զյաւիտենական բերկրանօք վասն սնտախ ծխոյ փառաց, վասն դիւրութեանց ինչ, վասն վայրկենական իմն սփոփանաց : Եւ չիցեմք թշնամիք անձանց ՚ի հրաժարելն ՚ի ստորին պաշտամանէ անտի, ՚ի նուաստ բնակարանէ, եթէ ոչ մարտնչիցիմք զօրութեամբ ընդ բաղձանս մեր, եթէ ոչ նուաճիցեմք զամբարտաւանութիւն մտաց մերոց, զիտելով զի այսոքիկ ամենայն զողանան ՚ի մէնջ զանձ մեծ և անպատում : Ա՛լ, որպէս մորմոքեսցի սիրտ մեր ընդ տխուր յիշատակ չկամութեան մերոյ ելանել յերրորդ աստիճան խոնարհութեան. Եղո՛ւկ ՚ի դառն խայթ սրտին. զի ոչ ևս է ժամանակ, զի ունայն է զեղջ անժամ :

Ի Ղ, 2 Բ

Յառոց . Արարիչ իմ և Տէր , զիմորդ վրիպեցայ . որպէս ունայնացայ . իբր անարգեցի զչնորհան զայնոսիկ . զանց արարի զայնու առաքինութեամբ , խոյս ետու յանարդանաց , յետս կացի 'ի վշտաց անտի : Ա՛հ . արդ քաջ իսկ 'ի վերայ հասի զի անմտութեամբ հրաժարեալ եմ յայնպիսի մեծաց յաւիտենական երանութեանց : Կորուսի անդարձ , ո՛վ յաւիտենական աղբիւր սիրոյ , զպատճառս տեսանելոյ զքեզ առաւել սլայծառ լուսով , և սիրելոյ զքեզ առաւել եռանդագին 'ի սերտ սրտէ , և կորուսի վասն շնչենոց , վասն սնտոի փառաց և վասն վայրկենական իմն հաճոյից : Կորուստ անդարման :

Հաստատարեալսն ոշխտի . Քայց արդ զգաստացեալ 'ի միտս , ուխտեմ քեզ , և կամիմ շնորհօք քո կալ անդրդուելի յայս սուրբ խոստումն՝ յոր հաստատեցայ 'ի խոկման թագաւորութեան քո , հետեւելոյ քեզ՝ մերձ առ քեզ կալով անմեկին , համբերելով նախատանաց , աղքատութեան և վշտագնութեանց յերրորդ աստիճանի խոնարհութեան . և այսպէս հասանել յերկինս առ քեզ 'ի ժառանգել զքեզ յաւիտեան :

Յռաոյ . Այո՛ , Տէր իմ , յոյս հաստատուն ունիմ 'ի սրտիս , և զօրանամ 'ի խոկալն զի 'ի դառնութենէ այսր կենաց ունիմ

փոխիլ 'ի քաղցրութիւն կենաց սրբոց, 'ի վշտաց 'ի բերկրութիւն. 'ի սրտերազմաց 'ի յաղթանակ, 'ի խաչէ 'ի փառս: Ա՛հ. երբ իցէ զի տեսից դքեզ, թագաւոր իմ, առաջնորդ իմ. երբ ընկալայց 'ի ձեռաց քոց զսպասկն սրայծառ՝ զոր խոստացար քաջամարտիկ քոյոց զինուորաց: Ե՛րբ տեսից զձառագայթարձակ փայլումն զբոջի քո ընդ որով սրատսպարեալ կամ, յորոյ 'ի շողումն փայլակնացայտ լուսոյն օթեանք երկնից լուսազարդեալ նշողեն: Ե՛րբ, Տէր, երբ եկեսցէ ժամն այն երանական ցանկալի, յորում լիցիս ինձ ամենայն յամենայնի:

ԵՐԿՐՈՐԴՈՒՄՆ ՍՈՒՂ

Ե. Զմտաւ ամ զերանութիւն Յիսուսի յարուցելոյ: Աորոյս 'ի խաչին զինչս, զսպախւ, զառողջութիւն և զկեանս. և արդ յարուցեալ 'ի գերեզմանէն, ազքաան և մերկ՝ եղև ճոխ և աէր ամենայն երկրի. նախատինքն և ծանականք փոխեցան 'ի սրակ փառաց և սրտուոյ. 'ի առւայտանաց և 'ի լուծանելոյ մարմնոյն ել 'ի քաջողջութիւն և 'ի զօրութիւն: Ար մեռեալ դնէր, արդ յառնէ 'ի նոր կեանս լուսալիր փայլմամբ: Սիրեա, գովեա և սրտուեա զթագաւոր քո, և ինդակից շէր յաղթանակի նորա:

Բ. Զմտաւ ամ զհաւաստիս յուսոյ՝ յոր հաստատեցաք յարութեամբն Քրիստոսի. զի և սուրբն Պօղոս վկայէ, եթէ 'ի մեռանել մեր ընդ նմա,

կեցցուք և ընդ նմա. եթէ վշտասցուք ընդ նմա, նոյն և փառաւորեացուք ընդ նմին: Նա և խոստանայ ևս մեզ զի ըստ չափոյ կատարեալ նմանութեան՝ առաւելուցու և չափ երանութեանս մերոյ. « Որպէս կցորդ եղեաք չարչարանաց նորա, նոյնպէս և փառաց նորա հաղորդ լինելոց եմք »: Արդ զօրացեալ ՚ի կրել, ակնկալ վարձուցն՝ որք մնան քեզ, և սրահին՝ որ պատրաստի քեզ:

Գ. Զմտաւ ամ զմեծութիւն փառացն պատրաստելոց յերկինս. զերկնաւոր ուրախութիւնսն՝ որք են անչափք և յաւիտենականք: Անգէն սրայծառասցի մարմին քո, երագաթուիչ լինիցի՝ նուրբ և անչարչարելի: Հոգին երջանկասցի ՚ի միասն, յիշատակեալ զճորհսն՝ որոց ունկնդիր գաաւ, զփորձութիւնսն՝ որոց զգէմ կալաւ: Միտքն տեսցէ զԱստուած դէմ յանդիման: Կամքն ժառանգեսցէ զԱստուած, և ՚ի նմա զբարութիւնս ամենայն: Եւ այսոքիկ ամենայն խնդութիւնք լինիցին անվախճանք: Ո՛վ խորհուրդ մեծաքանչ. լինիցին յաւիտենականք ամենայն:

Ընթերցիր

Թովմ. Գեմբ. Գիրք Ա. ԳԼ. 49:

ՊԱՐԱՊՈՒՄՆ

Վասն վերջին առաջ կրթութեան .

Ա.

Առաջին մասն կրթութեանս էր ճանապարհ մաքրութեան . երկրորդն և երրորդ էին ճանապարհք լուսաւորիչք . իսկ չորրորդ մասնն՝ որ է այսր աւուր , է ճանապարհ միութեան . զի ՚ի սմա փափաքանօք երկնից և սիրովն Քրիստոսի և Աստուծոյ , և միաբանելով զկամս մեր ընդ Աստուծոյ կամացն , միանամք ընդ վերջին վախճանն մեր , զոր առաք ՚ի խորհել յառաջնում աւուր կրթութեան . զի որ ՚ի խորհրդեան մերում եղև առաջին , ՚ի մատուցանել զնոյն ՚ի գործ՝ լինիցի վերջին . զի նկատեալ աստէն զերանութիւն վախճանին յոր զիմեմք , յորդորիցիմք թողուլ մտազիւր զայն , յորմէ ջանամք խուսել հեռանալ՝ այն ինքն է մեղքն :

Տեսեր իսկ զընթացս կրթութեանս թէ որպէս յառաջ խաղայայք . նախ խոկացեալ ՚ի ծանրութիւն թշնամանացն Աստուծոյ , և ՚ի ծանօթութիւն անձին , որով յորդորեցաք արմատախիլ առնել զմեղս և մտանել ՚ի ճանապարհն փրկութեան և առաքինութեան : Եւ առ զիւրաւ ընթանալ ընդ ճանապարհն

ուղղութեան՝ առաջնորդ մեզ կալաք զՅիսուս, առ ՚ի նմանող լինել նմա յաղքատութեան, յարհամարհանսն, ՚ի վիշտսն, անարգելով զախտաւոր բերումն ճոխութեան, սխտուոյ և հաճոյից, յոր ձգի ապականեալ բնութիւնս մեր: Ապա յորդորեցաք ցանկալ ժամանել յերրորդ աստիճան խոնարհութեան, միայն ցանկութեամբ նմանող լինելոյ Քրիստոսի. և վասն այսորիկ յիշեցաք նախ զչարչարանս և ապա զյարութիւնն Քրիստոսի, զի օրինակաւ խոնարհութեան և փառաց նորա զօրացուք կալ յայսմ երրորդ աստիճանի խոնարհութեան:

Արդ յայս մասն ճանապարհի միութեան ցանկամբ միանալ ընդ Քրիստոսի վառելով ՚ի սէր նորա, փափաքելով հայրենեաց երկնից, զկամս մեր միաբանելով ընդ կամաց նորա, յաճախ խոկմամբ, և տածելով ՚ի սրտի զյիշատակ փառաւորեալ մարդկութեանն Քրիստոսի:

Պտուղ այսր մասին է, ա. Եւս քան զես հաստատիլ յերրորդ աստիճան խոնարհութեան, տեսեալ զհատուցումն ճոխութեանց, բերկրութեանց և փառաց ՚ի յարութեանն Քրիստոսի ՚ի Հօրէս պարգևեալ փոխանակ աղքատութեանն, ցաւոցն և նախատանայ՝ որոց տարաւ: Գարձեալ և առանց այսր աստիճանի ոչ է հնար ժամանել ՚ի վախճան կրթութեանցն, որ է միանալ ընդ Աստուծոյ քաղցր կապանօք սիրոյ, որ է միակ վախճան մարդոյ: Քանզի

առ հասանել յայս անարատում՝ սէր՝ պարտ է ՚ի բաց տանել զխոշն մեծ՝ որ է ախտաւոր բերումն առ ճոխութիւնս, առ հաճոյս և առ պատիւս. աստի յայտնապէս տեսանէ ամենայն որ՝ զի առանց իղձ լինելոյ առ երրորդ աստիճանն խոնարհութեան, ոչ երբէք լիցի հնար նուաճելոյ զլիսովին զայսուսիկ բուռն գրգիւս յօժարութեանց:

Երկրորդ պատու է, յորդորագոյնս առնել զմեզ ՚ի վարժս առաքինութեանցն այնոցիկ՝ որք առաւել վառեն և արծարծեն ՚ի մեզ զսէրն Աստուծոյ, և խրախուսեն զմեզ ՚ի նոյն՝ ՚ի միակ վախճանն կրթութեանց: Եւ առաքինութիւնքն այնոքիկ են ջերմեռանդն խոկումն օրջատօրեայ, ներանձնութիւն և ամբոխումն մտաց, և բուրրանուէր համակամութիւն ընդ Աստուծոյ կամաց:

Այլ զլիաւորագոյնն ՚ի պաղոց է յատակահայեաց բերումն և սէր սրտեռանդն առ Յիսուս, որ է միայնակ գրադումն անձին ժամանելոյ ՚ի ծայր միաւորչական ճանապարհին: Աճցեն զմեզ առ այս սէր, որպէս և առ սէր Աստուծոյ առանձինն, երկոքին առաջիկայ խոկմունքս, որք են երկոքին օղակքն յետինք շղթայի կրթութեանս, որոյ սկիզբն և մէջն և վախճանն միայար կապեալ՝ առեալ ածէ զպարապողն ՚ի նոյն առ սէրն Աստուծոյ առ վախճան իւր, և հանդուցանէ:

Առ լաւ ևս վայելելոյ յարդիւնս խոկ-

մանցս միտ դիր և այսոցիկ ազդմանց :

ա. Զօրն ողջոյն այսօր պարտ է պարապիլ 'ի բերկրական խորհուրդս փառաւորութեանն Քրիստոսի :

բ. Բաց դպատուհանս , վայելեա 'ի լոյսն երկնից , և եթէ իցէ քաղցր եղանակն , յաճեաց աչօքդ ընդ գեղս ծաղկանց , կանաչութեան , խոխոջանաց ջուրց , ընդ արտօրայս , և զարմացիր , և օրհնեա և փառաւորեա զԱրարիչն և զՓրկիչն մեր :

գ. Թեթևացո սակաւօք զարտաքին ապաշխարանս , յամենայնի զգոյշ կալով 'ի պահպանութիւն ժամադրութեանց աւուրն և լութեան . և մի ընթեռնուցոս , և մի գրեցես արտաքոյ պատշաճից աւուրն :

Եւ առաւել քան դառաւել պարտ է զգուշանալ շխարեւոյ 'ի հրապուրանաց դիւին , որ կամի գրազեցուցանել զսիրտ քո . և եթէ ոչ 'ի զգուշութեան կացցես , վտանգ է կորուսանելոյ զբովանդակ պտուղ կրթութեան : Յոյժ զանազան իրք են և օտար 'ի միմեանց ցրումն մտաց և սուրբ խնդամտութիւն սրտի . սա է տաճիչ եռանդան և սիրոյ , և միւսն շիջուցիչ և բոցակէզ իսկ սիրոյ , և քակտիչ հաստատութեան ուխտի սրտին :

Այլ պարտ է այսօր յորդել 'ի սիրտ գրերկրանս խնդութեանց , ընդ հրաշական յազթանակն Քրիստոսի լեալ ուրախակից՝ զոր կանգնեաց 'ի վերայ թշնամեաց իւրոց , ընդ փառսն՝ որով պսակեցաւ , և ընդ իշ-

խանութիւնն ամենազօր՝ զոր՝ի յաւիտենա-
կան Հօրէն ընկալաւ մեծապանծ զօրու-
թեամբ :

Դարձեալ զյոյս և զփափաք վայելելոյ
'ի նոյն երանութիւն ընդ Քրիստոսի : Բայց
այսոքիկ յոյս և փափաք մի իցեն ունայն
և խրոխտ իմն բերումն հոգւոյ , այլ իցեն
պատճառեալք՝ի գործոյ . այսինքն զի գործքն
իցեն համեմատք յուսոյն և փափաքանաց ,
և ոչ 'ի մոլար խղճէ , այլ հանդուրժելով եր-
կար և խիստ պատերազմաց , և բազմա-
քիրտն և արժանաւոր յաղթութեանց ար-
գասիք :

Պարտ է ևս և յորդել 'ի սիրտ զսէր
առ Յիսուս , վառեալ , հաստատուն և յա-
մենայն զժուարինս ձեռներէց . պարզ , ողո-
քական , յանկուցիչ , գործունեայ և ան-
խոնջ , յաչս եղեալ արիական ոգւով և
զվտանդս զժուարինս , արհամարհեալ զան-
կոխս զառապարս և զսեպացեալ տաժա-
նական ուղիս . զի սէր ոչ 'ի բանս կայ՝ այլ
'ի գործսն պայծառ փայլէ . ուր սէր է , անդ
և գործք արիականք : Եւ առ 'ի կարող լի-
նելոյ ժառանգել զմեծ զայս շնորհ մեծա-
պէս օգտեսցէ մեզ խոկումն վերջին հոգևոր
սիրոյ . զորոյ զյարակցութիւն ընդ այլոցն
ամենայնի ցուցցուք յառաջիկայս :

Բ

Մարդն ստեղծաւ առ 'ի ճանաչել և սիրել զԱստուած . զոր տեսաք յառաջին անդ խոկման: Քերազոյն երանութիւն մարդոյ է 'ի զմայլական սէր Աստուծոյ յերկինս , իսկ զերազոյն կատարելութիւն նորա է 'ի գործնական սէր Աստուծոյ յերկրի աստ . և այս սէր Սստուծոյ է 'ի համակամութեանն ընդ կամաց նորա որով 'ի միասին ընդ նմա կամիմք զամենայն և մերժեմք . մի և նոյն ցանկութիւն է մեր ընդ Աստուծոյ . զի ուր ոչ է միաբանութիւն կամաց , անդ ոչ է և սէր : Այս համակամութիւն հաւաստէ մեզ զոյ ընտրութեանս մերում յաստուածային ազգմանէ . որով յանձն առնումք ծառայել Արարչին յայն կոչումն , և կամ յայն աստիճան կատարելութեան յոր ինքն կամի զի ծառայեսցուք նմա : Եւ զի բարիոք և ըստ կարգի իցէ ընտրութիւնս մեր , կարևոր է համակամութիւնն այն անխափր առ ճոխութիւն և առ աղքատութիւն , 'ի սպառիւ և յանարգանս , յառողջութիւն և 'ի հիւանդութիւն , 'ի կեանս և 'ի մահ . քանզի եթէ որ ոչ առնուցու յանձն ընտրել զայն՝ զոր կամի Աստուած , ոչ է համակամ ընդ Աստուծոյ , ապա և ոչ սիրող Աստուծոյ :

Եւ զի մեզքն քան զամենայն ինչ հաւատակամարտ է աստուածային սիրոյն ,

վասն որոյ յառաջին մասին գուն գործեցաք սուրբ լինել ՚ի մեղաց : Բայց քանզի կայր մնայր ՚ի մեզ արդիւնք մեղացն ցանկութիւն ճոխութեան , հաճոյից և վառաց , վասն որոյ առ ածել զսիրտ մեր յուղղութիւն , հարկ եղև մեզ յանդիման ունել զօրինակն Քրիստոսի , և խոնարհեցուցանել զսիրտ մեր ՚ի հակառակն կոյս յերրորդ աստիճան խոնարհութեան , յարգել , սիրել և ցանկալ այնմ՝ ամենայնի՛ զոր ապականեալ բնութիւն մեր անարգէ , խորչի և ատէ , որք են նուաստութիւն , աղքատութիւն և թշուառութիւն :

Զերծեալք ուրեմն ՚ի բաղմադէմ խոչից , և լուծեալք ՚ի կապանաց , յաղթեալ ընդդիմակաց , ահա իշխեալ հնազանդեցուցաք զյօժարամտութիւնս մեր խոտորնակս . և սիրտ մեր ազատացեալ յանձնէ՝ սկսանի արդ եռանդազին խնդրել զմի միայն զաղբիւր երանութեան իւրոյ , որ է Աստուած : Եւ զի յաղթեցաք և ազատացաք օրինակաւ կենացն Քրիստոսի , ապա հարկ է մեզ իրաւամբք՝ զի դարձուցուք առ նա զբոց սիրոյ մերոյ . և զի մարդեղութիւն նորա լինիցի վախճան վառեալ ըզձից մերոց յամենայնի : Առաջիկայ խոկումնս բորբոքեցէ զիղձս քո առաւելութեամբ յոյժ , և լինիցի քեզ այս խթան սուր առ ՚ի յորդորել զքեզ ՚ի սուրբ և ՚ի ճշմարիտ և ՚ի հզօր սէր Յիսուսի , որ է Արարիչ քո և առաջին և վերջին վախճան քո :

Եւ քանզի ազօթք են քան զայլն ամենայն առաւել հզօր զարթուցիչ սիրոյն Աստուծոյ, սնուցիչ և բորբոքիչ, և սակայն բազմաց անձանօթ յեղանակն ազօթից և խոկմանց, վասն որոյ կարևոր է աստէն նշանակել եղանակս ինչ ազօթելոյ դիպողագոյնս առ ամենայն ազգ մարդկան և դիւրահնարս :

Առաջինն է առնուլ ՚ի քննութիւն ոչ այնչափ ՚ի միտս որչափ ՚ի գործս, զպատուիրանս Աստուծոյ և Եկեղեցւոյ . զմահուչափ մեղս . զգործս երից կարողութեանց հոգւոյն, յիշողութեան, մտաց և կամաց . զհինգ զգայարանս մարմնոյն, մտեալ ՚ի խոյզ թէ յորս ընդդէմ առաջնոցն մեղաք, և որչափ ՚ի ձեռն սոցուն յանցեաք, պարապելով ՚ի մէն մի մասն վայրկենիւ չափ : Ի վերայ պատուիրանացն Աստուծոյ մարթ է խորհել և զայն թէ որպէս արդարք են, փրկաւէտք և սուրբ : Իսկ ՚ի վերայ մեղաց թէ որչափ ատելիք են և վնասակարք յարհամարհութիւն սիրոյն Աստուծոյ, և պատճառք դատապարտութեան . և ընդհակառակն որչափ ցանկալիք են և օգտակարք առաքինութիւնք ներհականք նոցին : Իսկ զկարողութեանց հոգւոյ և զզգայարանաց՝ խորհել զյարգ նոցա և զօգուտ, և թէ առ ինչեա մեզ զնոսին Արարիչն : Եւ վախճան առնել կրթութեանն զոհանալով զպարզեացն Աստուծոյ, խնդրելով զմեղաց թողութիւն, և խոստանալով ուղղել զվարս պարզ մտօք,

և մաղթելով շնորհս 'ի նմանէ առ 'ի յաջողել 'ի նոյն :

Երկրորդ եղանակ աղօթից է պարապումն 'ի խոկալ զիմաստս աղօթից ինչ , որ պիտի են Տէրունական և ողջունատրութեան աղօթքն , սաղմոսքն , և այլն . և յամել 'ի խոկմունս այսոցիկ այնչափ , որչափ կարիցեմք հանել 'ի նոցունց զսուրբ ճշմարտութեան մասունս և զեռանդազին աղղմունս : Ասան որոյ եթէ եռանդն սրտին և միտքն զտանիցեն 'ի բառս ինչ զեղումն ուղղադատութեան , պարտ է յամել 'ի նոսին խաղաղամիտ՝ թէ և ծախեսցի յայնմ ժամն ողջոյն . և ապա զայլ մասունսն ընթերցեալ վախճան առնել մտածութեանն :

Երրորդ եղանակ աղօթից նոյն է ընդ երկրորդին , այլ սղութեամբն միայն զանազանեալ անցանելով ընդ իմաստս բառիցն ազդոյ իմն մտազիւր զննութեամբ , բայց ոչ ընդերկարեալ 'ի խոկումն , այլ որչափ միոյ և եթ շնչառութեան ժամանակ յամելով առ մէն մի բառս :

Ահա տեսեր զնիւթս աղօթիցն և զեղանակ աղօթելոյ . առաջինն է պարապումն 'ի քննութիւն . երկրորդն է երկար մտախոհութիւն , երրորդն առաւել պարզ՝ նուազ քննութեամբ և համառօտ մտախոհութեամբ , բայց յոյժ կարևոր առ 'ի սովորեցուցանել զմեզ եռանդեամբ և մտազրութեամբ առնելոյ զձայնաւոր աղօթս . վասն որոյ պարտին վարել նովառ առաւել նորա ,

որք պարտս յանձին ունին պարապելոյ 'ի ժամերգութիւն :

Մանուցեալ ցայսվայր զհիմն կրթութեան , և դառիթն և զվախճան , պարտ է արդ ուսանել և զհնարս չկորուսանելոյ զպտուղս կրթութեանն , որոյ վասն արարան այնչափ խոկմունք , այնչափ ուխտադիր խոստմունք՝ այնչափ փոյթ և ճիգն :

Հնարք կալոյ հաստատուն յուխտս ուղղութեանցն են , ա . Օրըստօրեայ եռանդադին աղօթք : բ . Հանապազորդ քննութիւն խղճի , և ևս առաւել առանձին գործոց : գ . Մատչիլ յաճախ 'ի խոստովանութիւն և 'ի սուրբ Հաղորդութիւն : դ . Ունել խոստովանահայր առանձին , և բանալ նմա զխորհուրդս սրտի զծածկեալս : և . Սովորութիւն ընթեռնելոյ զհոգևոր գրեանս , և կենցաղավարելոյ ընդ բարեպաշտս , հեռի կալոյ 'ի չարագործաց , և ճիգն մեծ և փոյթ զգուշանալոյ 'ի փորձութեանց : զ . Ամիսփումն մտաց՝ պարապ առեալ 'ի գործոց երբէք երբէք , և 'ի լութեան ածեալ ընդ միտ զամենայն մասունս ուղղութեան հոգւոյ :

Ա . 'ի հաստատութիւն 'ի բարին՝ օգնեսցէ ևս մեծապէս , ա . Ունել անմոռաց զայն՝ յոր եղաք զհիմն կրթութեանս շնորհօքն Աստուծոյ : բ . Կալ յահի և 'ի դողութեան , ընդ միտ ածեալ՝ զի եթէ ոչ կեցցուք յայսմ հետէ որպէս արժան իցէ կեալ , զոր ծանեաք լուսով Աստուծոյ , առաւել

խատիւ պատուհաս ընկալցուք : Գ . Ի միտ առնուլ զի ցայս վայր ամիրտիեցաք և եթ ՚ի Հոգիս մեր զսերմանս՝ զորս հաճեցաւ Աստուած սերմանել, բայց յայսմ հետէ պարտ է մեզ ամենայն խնամով սնուցանել զնոսին, մշակել և պտղաբեր զործել : Բայց զօրաւորագոյն ՚ի հնարս, առ ՚ի կալ անյողղողղ ՚ի բարին, է սէրն Յիսուսի՝ յոր բորբոքիլ սլարտիմք զլիսաւորաբար յերից սլատճառաց, զորս յառաջիկայ խոկմանս առցուք ՚ի քնին . որք են, ա . Գերազանցութիւն մարդկութեան նորա : Բ . Գերազանցութիւն նորա ըստ աստուածութեանն : Գ . Սէր նորա առ մեզ :

ԽՈԿՈՒՄՆ Բ

Ի ՎԵՐԱՅ ՍԻՐՈՅՆ ՔՐԻՍՏՈՍԻ

Մ ա ս և Ս .

Զմտաւ ւած զգերազանցութիւն մարդկութեան նորա : Մարմինն Քրիստոսի է տաճար Աստուծոյ . « Զի ՚ի նմա բնակէ ամենայն լրումն աստուածութեանն մարմնապէս » : Եւ է զործած Հոգւոյն սրբոյ . Զի Հոգին սուրբ եկն, և զօրութիւն բարձրելոյն հովանի եղև ՚ի վերայ Մարիամու : Նա ինքն

է սրբութիւն սրբոց , եթէ վասն անմեղան-
չական լինելոյ հոգւոյն , և եթէ վասն երա-
նական տեսութեանն , և վասն ներքին զմայ-
լական սիրոյն՝ որով է սրբութիւն սրբոց :
Եւ է արժանաւոր բնակարան բանին Աս-
տուծոյ , յորում Հայրն յաւիտենական 'ի
գործ արկ զամենայն կարողութիւն իւր առ
'ի չբեղազարդել զնա , և Որդին զամենայն
խմաստութիւն իւր , և Հոգին սուրբ զամե-
նայն բարութիւն իւր :

Եւ զեղ մարմնոյն Քրիստոսի է զերա-
զանց համեմատ մասամբքն , լուսալիր պայ-
ծառութեամբն , վայելչական քաղցրու-
թեամբ զիմացն և աչաց , վեհախառ ճա-
կատուն պարզութեամբ , ներդաշնակու-
թեամբ ձայնին , և սուրբ ճառագայթիւք
սիրոյն՝ յորում վայլէ հեղութիւն և մար-
դասիրութիւն :

Եթէ մարմինն Քրիստոսի Տեառն մե-
րոյ է այսպէս զեղեցիկ , շնորհալի և քաղցր ,
որպիսի ինչ ապա իցէ զեղ հոգւոյն . ամե-
նայն հոգիք հրեշտակաց առ նովաւ են իւ-
րե զկայծ իմն շիջեալ առ արեգակամբ . յի-
շողականութիւն նորա է կենդանի հայելի ,
յորում ամենայն աստուածային կատարե-
լութիւնք ցոլացեալ վայլեն : Ի միտս նորա
ամենայն զանձք խմաստութեան և զիտու-
թեանն Աստուծոյ ծածկեալ կան . զի յա-
ռաջին ժամէ անտի ստեղծման իւրոյ՝ ետես
դէմ յանդիման զէութիւնն Աստուծոյ ներ-
քին և զերագոյն զիտութեամբ , և զանհուն

կատարելութիւնս նորա : Կամք նորա ամենակատարեալ առաքինութեանց աղբիւր , և է ջահ վառեալ անչափական սիրոյն Աստուծոյ . և է դարդարեալ այլ ամենայն պարզեօք Հոգւոյն սրբոյ , և դերածայրեալ բնական շնորհօք 'ի վեր քան զմիտս մարդկան և հրեշտակաց : Եւ ո՞ ոչ նուազեալ հիւժեցի 'ի քաղցր սիրոյ մարդկութեանն Յիսուսի , որոյ է այսպէս զեղաւոր չքնաղ հոգի և մարմին :

Մ ա ս և Բ

Զմտաւ ած զգերազանցութիւնն Քրիստոսի ըստ աստուածութեան իւրոյ : Առաւել քան զառաւել փառաւորի ամենասուրբ մարդկութիւնն Յիսուսի՝ միացեալ աստուածային բնութեանն ընդ մարդկութեան : Ընդ սոյն այս գերազանց մեծվայելչութիւն Քրիստոսի սքանչացեալ երանեալ հոգիք երկնից՝ մտախոհք լինին : Եւ զինչ այլ սքանչելի կայցէ քան զայս , զի մարդկային բնութիւնն 'ի ձեռն աստուածային անձին միացեալ կայ էսպէս ընդ բանին , և լեալ մի ընդ աստուածային անձին՝ այնպէս զի կատարելութիւնքն Աստուծոյ պատշաճին մարդոյն՝ վասն միանալոյ նորա բնութեամբ ընդ մարդկութեան . և մարդկայինքն պատշաճին Աստուծոյ , մինչև կոչիլ Աստուծոյ տկար , վշտացեալ , 'ի մահ մերձեցեալ . և մարդոյ անուանիլ անչափ , ամենակալ , ան-

հուն : Եւ ո՞ ոչ հիացեալ ընդարմասցի զմը-
տաւ ածեալ զի աստուածութիւնն Քրիստո-
սի է առաւել ընդմտեալ 'ի մարդկութիւն
նորա, քան զհուրն յերկաթ հրաշէկ, և քան
զլոյս 'ի յօդս, և քան զճառագայթ ընդ ա-
սրակի :

Եւ ևս Յիսուս է միածին որդի Աստու-
ծոյ բազմեալ յաջմէ նորա. 'ի նա է ամենայն
ինչ, և ամենայն ինչ նովաւ եղև և վասն
նորա, և առանց նորա ոչ ինչ են ամենայն
եղևալքս : Նա եկաց հաշտարար ընդ Աս-
տուած և ընդ մարդ . նա է փաստարան մեր
յատենի արդարութեանն Աստուծոյ : Նա
ջնջեաց զձեռագիր մերոյ հակառակութեանն
հրամանօքն իւրովք . որ կայր մեզ հակա-
ռակ, եբարձ դայն 'ի միջոյ և բևեռեաց ընդ
խաչափայտին : Եւ զիսորդ չիցէ պարտ մեզ
մեծարել և եռանդազին վառիլ 'ի սէր Յի-
սուսի, որ է սքանչելիք ամենակարողու-
թեանն Աստուծոյ, աղբիւր ամենայն բա-
րութեանց, սկիզբն և վախճան փրկութեան
մերոյ : Եւ սակայն հաւատայցես . և սա-
կայն առ 'ի սիրել մեզ զնա չեն շատ՝ ոչ այն-
չափ և այնպիսի զեղեցկութիւնք նորա, ոչ
անչափ զերազանցութիւն նորա, ոչ ան-
չափ սէր նորա : — Ո՛վ Յիսուս, դու տոչո-
րեալ կաս 'ի սէր մեր, և մեք այսպէս ապա-
շնորհք, ոչ բորբոքիմք 'ի սէր քո :

Մ ա ս և Գ

Սէրն Քրիստոսի առ մեզ : Զմտաւ ան
 ով է սիրողն , զով սիրէ , և սրպէս սիրէ :
 Որ սիրէն զքեզ , այր դու , է Որդին Աս-
 տուծոյ , Թաղաւորն փառաց , տէր երկնի
 և երկրի : Սիրեցեալն 'ի նմանէ է ոչ ինչ ,
 հող և մոխիր , մեղօք շաղախեալ , ապա-
 շնորհ սիրոյ նորուն և ապստամբ : Եւ յե-
 դանակ սիրոյն անչափ , անըմբռնելի և ան-
 պատում : Ի սէր քո ետ զանձն իւր , յաս-
 տուածային փառաց իւրոց էջ 'ի ստրկու-
 թիւն չուսուացեալ մարդոյն , նախատինք
 եղև մարդկան և արհամարհանք ժողովրդոց ,
 աղքատ և տնանկ , մատնեալ 'ի տանջանս
 և 'ի մահ զառն ցաւոց . զոր ոչն արար վասն
 հրեշտակաց՝ արար վասն քո , որով պա-
 տուեաց զբնութիւն քո քան զհրեշտակաց :

Եւ ևս Յիսուս սիրէ զքեզ 'ի սէր յարա-
 տե . « Ի սէր յաւիտենական սիրեցի զքեզ » :
 Ի սէր հաստատուն . « Սիրեաց զիւրան , 'ի
 սարաւ սիրեաց զնոսա » : Ի սէր անչափ բա-
 րերարութեան . « Զի մինչդեռ մեղաւորքն
 էաք , Քրիստոս վասն մեր մեռաւ » : Զրի իմն
 շնորհիւ սիրոյ . զի զիտէր իսկ եթէ փոխա-
 րէն անչափ սիրոյ նորա՝ հատուցանելոց
 եմք զատելութիւն : Եւ պատուիրեաց ևս
 զի և ամենեքին սիրեսցեն զքեզ , թէ և թշ-
 նամիք իցեն քո . « Սիրեցէք , ասէ , զթշնա-
 միս ձեր , բարի արարէք ատելեաց ձերոց » :

Գարձեալ ետ քեզ դանձն իւր բովանդակ
 'ի սուրբ Հաղորդութեան , պատրաստեաց
 դանձն իւր քեզ 'ի կերակուր , յըմպելի և 'ի
 զեղ բժշկութեան , կալով միշտ ընդ մեզ 'ի
 նախատինս , 'ի վիշտս և յաղքատութեան .
 զի որք անարժանութեամբ Հաղորդին և հե-
 րեսիովտքն ամենեքին ոչ 'ի սէր ընդունին ,
 այլ 'ի թշնամանս և 'ի վիշտս նմին . և յաղ-
 քատութեան՝ յորժամ զարժանին պատիւ
 և զյարդութիւն չմատուցանիցեն նմին : Այլ
 նա հանդուրժեալ տանի ամենայնի , 'ի սէր
 ընտրելոց իւրոց , զի ընդ նոսա իցէ միշտ :
 Եւ զիսորդ ոչ պատասխանեսցես այսպիսի
 խանդակաթ զորովական սիրոյ . և իբր սի-
 րեսցես զանարդ արարածս , և ոչ բորբո-
 քեսցիս 'ի սէր Յիսուսի . այլ այդպէս սա-
 ոուցեալ կայցես , և իբրև զպղինձ կամ իբ-
 րև զաղամանդ անտեղիտալի : Ա՛հ , զոչես-
 ցուք ընդ առաքելոյն . « Եթէ որ ոչ սիրէ
 զՏէր Յիսուս , նզովեալ լիցի » :

Ի Ղ Ձ Ք

Հաւատամ , Տէր իմ Յիսուս Քրիստոս ,
 զի դու ես Աստուած և մարդ , կացուցեալ
 'ի յախտենական Հօրէն ժառանգ ամենայ-
 նի , որով՝ և վասն որոյ եղեն ամենայն : Հա-
 ւատամ զի իբրև Աստուած՝ ամենայն աս-
 տուածային կատարելութիւնք են 'ի քեզ ,
 և իբրև մարդ՝ ամենայն շնորհք և գերաս-
 տիճան առաքինութիւնք , և իբրև փրկիչ՝

ամենայն ճիւղք և պարզեր տիրականք : Երկիր պազանեմ խորին խոնարհութեամբ մեծւայելչութեան քում, ո՛վ թագաւոր թագաւորաց և Տէր տերանց . դու ես իմ իշխանն հրամանատար , և տարածանեմ ընդ ոտիւք քովք զեռանդն սրտիս պատրաստ 'ի ծառայել քեզ յամենայնի . և ցանկամ զի և ամենայն երկիր երկիր պազցեն քեզ և սաղմոս սասացեն :

Խնդամ ցնծալից , ո՛վ Տէր , ընդ իմաստութիւն քո և սրբութիւն և զօրութիւն , և ընդ զեղ քո և ընդ փառս՝ որով ճոխացեալ ես և յաղթական լուսափայլեալ և պերճ : Եւս և ընդ փառս մատուցեալս քեզ 'ի սրբոց մարտիրոսաց , խոստովանողաց և 'ի սրբոց կուսանաց հրեշտակակրօնից : Ո՛վ , որպիսի ուխտիւք փափաքեմ զի և ես զհետ քո ելեալ , ո՛վ զօրազլուխ իմ և Տէր , յերբորդ աստիճան խոնարհութեան , զրեցայց ընդ փառաւորիչս քո , և դասեցայց 'ի պարս սիրելեաց քոց : Ո՛ տայր , զի և աշխարհ ամենայն ծանուցեալ զքեզ զարարիչ իւրեանց , և սիրէին զքեզ զՀայր իւրեանց , և ունկն մատուցանէին քեզ ուսուցչի իւրեանց , փառաւորէին զքեզ զՏէր իւրեանց , և զնային զկնի քո առաջնորդի իւրեանց . և նմանող լինէին քեզ 'ի սէր աղքատութեան և ցաւոց և խոնարհութեան :

Յոյս իմ 'ի քեզ է , 'ի քեզ զանձդ ուղորմութեան : Եթէ հիւանդ իցեմ ես , դու բժիշկ ես . եթէ ծարաւի , դու ես աղբիւր

ջրոյ կենդանոյ . եթէ մեղաւոր իցեմ, դու իմ ես հայր . եթէ տկար, դու զօրացուցիչ իմ . եթէ կայցեմ 'ի խաւարի, դու ես լոյս, ո՞վ Աստուած իմ և ամենայն ինչ . Ա՛հ : Ե՞րբ լցուցես զիս ուրախութեամբ երեսաց քոց : Ե՞րբ իցէ զի արդարութեամբ երևեալ յազնեցայց յերևել փառաց քոց : Ե՞րբ, Տէր իմ, երբ :

Սիրեմ զքեզ, Տէր իմ Յիսուս . սիրեմ զքեզ իբրև Աստուած, զի ես անհուն սէր, սրբութիւն, զթութիւն, քաղցրութիւն, անբաւ ողորմութիւն : Սիրեմ զքեզ իբրև մարդ, զի լիութեամբ շնորհաց, և աստուածային խնայողութեան դանձուց գերածայրեալ ես փառօք, և ամենաբարի : Սիրեմ զքեզ իբրև Փրկիչ . զի դու ես զլուխ մեր, և մեք անդամք քո . դու ես փեսայ, և մեք ընտրեալք քո հարսունք . դու ես տէր, և մեք քո ծառայք . դու հովիւ, և մեք քո գառինք :

Սիրեմ զքեզ, զի դու նախ սիրեցեր զիս . և սիրեցեր զիս, մինչդեռ թշնամի էի քեզ . և սիրեցեր զիս յորպիսի՛ սէր . յանձն առեր իջանել յերկնից վասն մեր, զգեցար զմեր մարմին, կացեր 'ի ցաւս, յանարգանս, 'ի տանջանս, և 'ի դառն խոշտանգանս զմահ ընկալար :

Սիրեմ զքեզ, զի և զկեանս քո տալ վասն իմ ոչ գրեցեր շատ, այլ և կամեցար թողուլ մեզ 'ի պարզև զքեզ ինքն յամենասուրբ Հաղորդութեան ցվախճան դարուց : Ազաչեմ զքեզ, Տէր իմ Յիսուս, տուր փայ-

լել սիրոյ խմոյ առաւելապէս 'ի նմանել քեզ
յայնմ՝ յերրորդ աստիճանի խոնարհու
թեան՝ զոր յանչափս սիրեցեր յայսմ աչ
խարհի :

ԵՐԿՐՈՐԴՈՒՄՆ ՍՈՒՂ

Յ. Զմտաւ ած զգերազանցութիւն մարդկու
թեանն Քրիստոսի : Մարմին նորա է կենդանի
տաճար ամենասուրբ Երրորդութեան, ամենա
կատարեալ գործ ձեռին Հոգւոյն սրբոյ, սրբու
թիւն սրբոց ամենայն առաքինութեանց . զոր ա
'ի շքեղազարդել՝ Հայրն եցոյց զամենակարողու
թիւն իւր, Որդին զիմաստութիւն իւր, և Հոգին
սուրբ զբարութիւն իւր :

Եթէ մարմինն այսպէս, որպիսի՛ ինչ հոգի
նորա իցէ : Յիշողականութիւն իւր է հայելի աս
տուածային առաքինութեանց, միաքն դէմ յան
դիման ատանէ զէութիւնն Աստուծոյ, և կամքն
սիրէ զնա անչափական իմն գերագոյն սիրով : Եւ
ն՞ ոչ սիրեցէ զամենասուրբ մարդկութիւնն Յի
սուսի այսպէս գեղեցիկ և անձառահրաշ :

Բ. Գերազանցութիւն Քրիստոսի ըստ աստուա
ծութեանն : Քրիստոս է Աստուած և մարդ . աս
տուածութիւն և մարդկութիւն 'ի Քրիստոս միա
ցեալ 'ի մի անձն աստուածային : Ի Քրիստոս կո
չի Աստուած 'ի ցաւս, մահկանացու և տկար . 'ի
Քրիստոս մարդն անուանի անչափ, ամենակալ
և անսահման, նովաւ եղև խաղաղութիւն ընդ Աս
տուած և ընդ մարդ, որ զամենասուրբ զարիւն
իւր հեղեալ փրկեաց զնա : Ո՛ սքանչելի միութիւն,

ով փրկարար գործ սիրոյն Յիսուսի . և իբր ոչ սիրեացուք զնա :

Գ . Սէր Յիսուսի առ մեզ : Չմտաւ ած ո՞ է որ սիրէն . Որդին Աստուծոյ : Չո՞ սիրէ . զանարգ մեղաւոր : Ո՞րպէս սիրէ . անսահման սիրով : Եւ այս անսահման սէր նորա առ մեզ է ձրի , յարակայ , և հաստատուն : Եւ ոչ շատացեալ Յիսուս մեռանել առ սէր մեր , կամեցաւ տալ մեզ բովանդակ զանձն իւր 'ի խորհուրդ հաղորդութեան՝ եղեալ մեզ կերակուր և ըմպելի , և կալով ընդ մեզ 'ի վիշտս ցաւոց , 'ի նախատինս , և յաղքատութեան : Ո՞ առաւելութեան սիրոյն . և մարդիկ չկամիցն փոխանակել :

Ընթերցիր

Թովմ . Գեմբ . Գիրք Ա . ԳԼ . 7 . 8 :

ԽՈՐՀՐԴԱԿՅՈՒԹԻՒՆ

Միաբաներոյ զկանս մեր ընդ կամացն
Աստուծոյ .

Քանզի վախճան մարդոյ և նպատակ կրթութեանն է միութիւն հոգւոյն ընդ Աստուծոյ , որոյ վասն ամենայն արարածք սահմանեալ կարգեալ կան , և զի այս միութիւն է 'ի կատարեալ սէրն Աստուծոյ , և սէրն 'ի միաբանութեան կամաց մերոց ընդ Աստուծոյ , ապա սարս է քաջ ճանաչել

զայս երկնային առաքինութիւն, և առ ՚ի զօրանալ ՚ի նոյն պարտ է ՚ի միտ առնուլ զգերազանցութիւն նորա, զարդարութիւն նորա, զօգտութիւնս նորա: Այս կամակցութիւն սահմանի՝ ընդաբոյս իմն յօժարամտութիւն հոգւոյ, որով որ պատրաստ կայ ՚ի գործել ՚ի կրել զայն ամենայն՝ զոր կամի Աստուած զի նա գործեսցէ և կրեսցէ:

Ա. Գերազանցուքիւն առաքինուքեանս այսորիկ. Մեծ քան զամենայն սքանչելիս ամենակարողութեանն Աստուծոյ ՚ի վերայ երկրի է անճառահրաչ միաւորութիւն բանին ընդ մարդկային բնութեան ՚ի Յիսուս Քրիստոս. և ՚ի Մարիամ կոյս մայր նորա ՚ի վեր քան զբան մայրութիւն ընդ անարատ կուսութեան: Յետ այսոցիկ երկուց սքանչելեաց իմաստութեան կարողութեան և սիրոյ՝ երրորդն է քան զայլն ամենայն հաճոյական Աստուծոյ, և մեզ փրկական, այսինքն միակցութիւն կամաց մերոց ընդ կամացն Աստուծոյ. զի այս է յաղթանակն այն մեծ զոր շնորհքն կանգնեն ՚ի վերայ կամաց մարդոյ, առանց խափան արկանելոյ ազատութեան նորա: Ի ձեռն այսր առաքինութեան հոգին լինի զրախտ Հոգւոյն սրբոյ, տաճար Աստուծոյ, և խորան սրբոյ Երրորդութեան, յորում հաճի բնակել և հանգչել:

Այս միակամութիւն է քան զայլն ամենայն կատարեալ և ամենահաճոյական պատարազ Աստուծոյ. քանզի մարդն այ-

սու յողջակէզ մատուցանէ նմա քան զամենայն ինչ զսիրելին և զցանկալին իւր զկաման : Զի՛ի մերկանալն՝ի ճոխութեանց, յանարգելն զպատիւս , ՚ի հրաժարելն ՚ի հաճոյից անձին , մատուցանէ Աստուծոյ զիւր ինչսն . բայց ՚ի պատարագել զկաման , հանէ ՚ի պատարագ զանձն իւր : Յայլն ամենայն պատարագէ Աստուծոյ որ ինչ Աստուծոյն է . բայց յայսմ նուիրէ նմա և ընծայէ զզատումն իւր ազատ , որում ինքն իշխէ իրաւամբք : Յառաջինսն տայ զայն ինչ , զոր ոչ կարէ ժխտել . այլ յայսմիկ մերկանայ յիշխանութենէն , զոր ինքն Աստուած տուեալ է նմա . զմին միայն զգերագոյն բարի անձին , որով պանծայրն քան զամենայն արարածս աշխարհի գերազանցեալ , զայն մերկացեալ յանձնէ մատուցանէ Աստուծոյ , և ինքն մնայ անարգագոյն քան զամենայն արարածական էակս , զի մնայ յոչնչութեան իւրում : Ընտիր նուէր մեծագին և ողջակէզ հաճոյական Աստուծոյ , և փոխանակութիւն սքանչելի կամաց մարդոյն ընդ Աստուծոյ կամացն :

Որ որ յայս առաքինութիւն թեակոխէ , կապի ընդ Փրկչին հաստատուն և ներքին կապանօք ազգակցութեան . զոր հաւաստէ ինքն Քրիստոս յասելն . « Որ առնէ զկամս Հօր իմոյ որ յերկինս է , նա է իմ եղբայր և քոյր և մայր » : Մանաւանդ եթէ ոչ միայն ազգական լինի , այլ և միաւորի ընդ նմա ՚ի մի մարմին , աստուածանայ , ըստ ասելոյ

սրբոյն Բեռնարդոսի . « Լինելն այսպէս՝ է աստուածանալ . քանզի կամել զոր ինչ կամի Աստուած , է լինել նման Աստուծոյ . ոչ կարել կամել զայլ ինչ քան զոր Աստուած կամի , այս իսկ է լինել այն ինչ որ ինչ է Աստուած » : Որպէս 'ի հալել երկուց մոմոց 'ի միասին , այնպէս խառնին ընդ միմեանս՝ մինչև լինել այնուհետև մի ինչ և դանդուած երկոցուն . այսպէս և մարդն 'ի ձեռն այսր համակամութեան միանայ ընդ Աստուծոյ ամենայնիւ : Ոչ ապաքէն զսոյն հաստատեն և բանք Քրիստոսի . « Որպէս զու Հայր յիս , և ես 'ի քեզ , զի և նոքա 'ի մեզ իցեն : Ես զփառսն , զոր ետուր ինձ , ետու նոցա , զի իցեն մի , որպէս և մեք մի եմք . ես 'ի նոսա , և զու յիս . զի եղիցին կատարեալք 'ի մի : Սիրեցի զնոսա , որպէս զու զիս սիրեցեր . զի սէրն՝ զոր սիրեցեր զիս՝ 'ի նոսա իցէ , և ես 'ի նոսա » : Յոր անպատում փառս բարձրացուցանէ զայր համակամութիւն :

Յաւել և դայն , զի այր համակամ հազորդ լինի երկուց աստուածային կատարելութեանց , որք են լինել անմեղանչական և անսխալ . քանզի 'ի լնուլ զկամս Աստուծոյ , առաջնորդի յիմաստութենէն Աստուծոյ , ապա և մնայ անսխալ . և զործէ ըստ կանոնի անբաւ սրբութեան , և այնպէս ոչ կարէ մեղանչել : Եւ իբր չիցէ այս լինել որ ինչ է Աստուած :

Դարձեալ համակցութիւն կամայ մե-

րոյ ընդ Աստուծոյ՝ է առաքինութիւն սրատշածեալ ամենայն ժամանակի և ամենայն ումեք . այսինքն սրատշածեալ առ ամենայն մարդ , և ՚ի յախտեանս ժամանակաց կայ և մնայ : Քանզի աղքատութիւն , դձձութիւն հանդերձից , խստութիւն կենաց ոչ ՚ի դէսպան յամենայնի և առ ամենայն մարդիկ միօրինակ . և խոնարհութիւն , համբերութիւն , մեռուցումն , և հաւատք անզամ և յոյս՝ դադարեն ընդ կենաց : Բայց կատարումն կամացն Աստուծոյ կարևոր է յամենայն ժամանակի և առ ամենայն ազգսմարդկան . զի չիք որ որ անկարող զտցի ՚ի ժամանակս ինչ և ՚ի տեղւոջ ուրեք հսրատակելոյ կամացն Աստուծոյ : Այլ և զի յետ միաբանելոյ յողջոյն իսկ ՚ի կեանս իւր կամացն Աստուծոյ , և յերկինս իսկ այն լինիցի երանական դմայլումն նորա ցյախտեանս :

Է և այս առաւելութիւն առաքինութեանս զի յինքն բովանդակէ զայլ ամենայն առաքինութիւնս . զի յայտմ փայլէ հաւատք մեր , որով հաւատամք ոչ ինչ իրաց պատահել առանց կամացն Աստուծոյ . աստիճազէ ապաւինութիւն մեր առ Աստուած , յանձնեալ զմեզ ՚ի զիրկս բարութեանն Աստուծոյ . աստէն ՚ի գործ արկանեմք զհամբերութիւն , զխոնարհութիւն , զապաշխարութիւն , հսրատակելով սովաւ վրէժխնդրութեան ձեռին աստուածային արդարութեան : Է ևս զործ բարեպաշտութեան ապահով քան զայլն ամենայն , զի ոչ կարէ

ի սմա լինել վտանգ ինչ թելադրութեան և պատրանաց դիւին : Եւ զինչ այլ հրաշափառագոյնս ասել մարթ իցէ ՚ի ծանօթութիւն գերազանցութեան այսր լուսաւոր առաքինութեան :

Բ. Արդարակշռոշրիւն այսր առաքիւնոշրեան. Բանն ինքնին ուսուցանէ եթէ իրաւունք են ուղղոյն առաջնորդել յուղղութիւն անուղղայից, և անփոփոխին և անախտին ՚ի կարգածել զփոփոխականն և զախտաւոր : Արդ կամքն Աստուծոյ է ուղիղ, անփոփոխ և սուրբ ինքնաբուն . իսկ կամք մեր անուղղայ, յողղող և թիւր . նա է անսահման իմաստուն և արդար, իսկ քոյդ կոյր և անիրաւ : Նա է կանոն ուղղութեան վարուց, և անխաբ շաւիղ ճշմարտութեան, և քոյդ վրիպական և մեղսալից : «Ապա իրաւունք են, զհետ բերէ սուրբն Օգոստինոս, զի կամք քո ուղղեսցին ՚ի կամացն Աստուծոյ, և ոչ եթէ կամքն Աստուծոյ խոտորեսցին զկնի քոյոյ կամացդ . զի խոտորնակ է քոյդ, և նորայն կանոն է . ապա կացցէ կանոնն, և խոտորնակն ուղղեսցի ՚ի ձեռն կանոնին» :

Կամքն Աստուծոյ է իշխեսցող, զի Հնազանդեալ է նմա ամենայն : Ապա և ամենայն կամք մարդկան իրաւամբք հնազանդեսցին նմա : Եւ զի էութիւնն Աստուծոյ է գերազոյն և առաջին, ապա այլքն ամենեքին սարտին լինել ՚ի ներքոյ ձեռին առաջնոյն . դարձեալ զի կամքն Աստուծոյ է առաջին և գերազոյն, ապա և ամենայն կամք

ստեղծեալք ՚ի նմանէ պարտին հպատակել կամաց նորա : Ապա և կամիլ առաւել զհետ զնալ կամաց անձին քան Աստուծոյն՝ է ապատամբութիւն :

Եւ կամքն Աստուծոյ ըստ բանին Աստուծոյ սուրբք են և արդարք . որպէս ճշմարտութիւն է զոր խօսի բանն , նոյնպէս և արդարութիւն է զոր հրամայէ կամքն : Եթէ ՚ի խօսել ճշմարտութեան բանին՝ պարտ է հաւատալ , ապա և ՚ի հրամայել կամացն՝ պարտ է հնազանդիլ : Մի թէ չիցէ՞ արժան որդւոյ , ծառայի , աշակերտի , մտադիւր զհետ զնալ կամաց հօր , վարժապետի , տեսուն , և թագաւորի :

Գ . Օգտուրիւնք նորա . Եւ յայսմ աշխարհի կրկին օգտութիւնք են նորա մեծամեծք . կատարեալ սրբութիւն , և անթերի երանութիւն : Աներկբայելի է զի կատարելութիւն մեր է ՚ի լցուցանել անթերի զկամս Աստուծոյ . զի այնչափ առաւել կատարեալ զտցուք , որչափ առաւել նմանող լիցուք նմին : Որչափ առաւել որ համաձայնիցի կանոնին սրբութեան , այնչափ առաւել իցէ սուրբ . և կանոնս այս է կամքն Աստուծոյ , որում որչափ առաւել համաձայնեսցուք , այնչափ ևս ՚ի սրբութիւն ժամանեսցուք : Եւ այնչափ ևս լինիցիմք սուրբք , որչափ առաւել նմանեսցուք Յիսուսի , որ եկաց օրինակ զերազոյն սրբութեան : Արդ սրբութիւն Քրիստոսի է կամակցութիւն մարդկային կամացն ընդ Աստուծոյն . ապա և

մեր այնչափ առաւել նմանեացուք նմին , որչափ առաւել համակամք լիցուք ընդ աւտուածային կամացն : — Կատարելութիւն մեր է ևս 'ի սէրն . զի « Լրումն օրինացն սէր է » : Արդ սէրն է 'ի կատարման կամացն Աստուծոյ . « Որ ունի զպատուիրանս իմ և պահէ զնոսա , նա է որ սիրէ զիս » : Ապա և մեր սրբութիւն է 'ի կատարման կամացն Աստուծոյ . և որչափ ճշդութեամբ կատարեսցուք , այնչափ յաւելուցու սրբութիւն մեր , որ է առաջին օգտութիւն այսր ցանկալի առաքինութեան :

Երկրորդն է երանութիւն կատարեալ և յաշխարհի աստ : Քանզի առ 'ի լինել երանելի յայսմ աշխարհի , պահանջի լինել զերժ յամենայն չարեաց . և որ կապի ընդ Աստուծոյ կամացն , չարք առ նա ոչ մերձենան , ոչ բարոյականք՝ որք են մեղքն , և ոչ բնականք՝ որք են աղէտք թշուառութեանց : Զի մեղքն է ապստամբութիւն կամաց մերոց 'ի կամացն Աստուծոյ . արդ որ կամակցի ընդ Աստուծոյ , երբէք ոչ կարէ մեղանչել : Իսկ այլք 'ի չարեաց համարին չարիք 'ի հակառակել կամաց մերոց . յորժամ յօժարիմք մեր ընդ այն , ոչ ևս է չար : Զսոյն հաւաստէ և Ոսկերերան . « Զարեանց իմիք պատահեցար . եթէ կամիցիս զնոյն քեզ , ոչ ևս է այն չար . զոհացիր զԱստուծոյ , և չարն այն փոխեսցի քեզ 'ի բարին » : Ապա եթէ և մեր կամիցիմք զայն ամենայն՝ որ հաճոյ իցէ Աստուծոյ , յամե-

նայն չարեաց լինիցիմք զերծք : քանզի ամենայն թշուառութիւնք աշխարհի տնօրինին 'ի կամացն Աստուծոյ . և զի կամք մեր միացեալ է ընդ Աստուծոյ կամացն , ոչ ինչ պատահեսցի երբէք հակառակ կամաց մերոց . զի մեք ցանկամք այնոցիկ ամեննցուն՝ որ հաճոյականք իցեն Աստուծոյ . Այս են կամք Աստուծոյ : Ահա զեղ դարմանոյ ամենայն չարեաց , մանաւանդ թէ փոխարկիչ չարեաց 'ի բարիս :

Կատարեալ տիրապետութիւն և ազատ իշխանութիւն բանին 'ի վերայ բաղձանաց զգայութեան , է մեծագոյնն յերանութեանց՝ զոր երբէք իցէ հնար ժառանգել յաշխարհի : Արդ որ յանձն լինի կամացն Աստուծոյ , իշխէ ամենայն յօժարութեանց իւրոց . զի յամենայնի միտ եղեալ ակնարկութեանն Աստուծոյ , ոչ մի ինչ փորձութիւն հետամտութեան պատուոյ ազդէ 'ի սրտին . զի է անխտիր ընդ անարգանս և ընդ պատիւս , և ոչ նախանձու բերի ընդ ումեք . ընդ անարգութիւն իւր ոչ ինչ տհաճութիւն 'ի սրտին զգենու . և անխտիր առ ամենայն ինչ՝ ոչ զճոխութիւն համարի ինչ և ոչ զաղքատութիւն արհամարհ զրէ . նա՛ սիրէ և ատէ զայնոսիկ , զորս սիրէ և ատէ Աստուած : Զայն միայն զործէ՝ զոր կամի Աստուած , և որպէս կամի նա՛ այնպէս զործէ , այս ինքն 'ի կատարեալ ուղղութեան , և միայն առ 'ի ընտլ զկամս Աստուծոյ՝ զհետ զնալով ակնարկութեան կամաց նորա : Եւ է

այս արդարեւ երանութիւն կատարեալ 'ի վերայ երկրի՝ որ կցորդ է ընդ մեծի սրբութեան, և է պտուղ ցանկալի առաքինութեանն համակամութեան ընդ կամացն Աստուծոյ :

Ք Ն Ն Ո Ւ Թ Ի Ի Ն

Ամփոփման մտաց և աղօթից .

Չհողեորական սիրոյն՝ յոր պարսպելունիմք յառաջիկայ խոկմանս, պարտ է զիտել զերիս զայսոսիկ : ա . Ճշմարիտ սէրն առաւել 'ի զործս քան 'ի բանս ցուցանի : Սիրոյն փորձ է յընծայմանն 'ի զործ : Արարաք զսոյն յելանելն յերրորդ աստիճան խոնարհութեան : բ . Կատարեալ սէրն է 'ի հաղորդել բարւոյն փոխանակաւ միմեանց . և զայս արարաք 'ի համակամութեան կամաց մերոց ընդ Աստուծոյն, և նուիրելով Աստուծոյ զլաւագոյն մասն մեր, լաւ ևս ասել՝ զանձինս մեր բովանդակ : գ . Սէրն ցանկայ ունել յանդիման զսիրեցեալն, խօսակից ընդ նմա լինել և միանալ ընդ նմա . և զայս ստասցուք ամփոփմամբ մտաց և աղօթիք : Արդ առցուք 'ի քնին եթէ յայսոսիկ երկուս առաքինութիւնս կայցեմք 'ի կշիռն :

Ա . Ամփոփումն մտաց է կրթութիւն իմն

մտաց և կամաց՝ ՚ի սովորութիւն ածեալ, և է հաւատալ զԱստուած յանդիման առաջի իւր միշտ, և սիրել զնա: Առ ՚ի ժամանել յայս կատարեալ առաքինութիւն՝ երկու այսորիկ կարևոր դարմանք են. Պահպանութիւն լուծեան ընդ Առանձնութեան սենեկին: Քննեա արդ թէ որչափ զգուշաւոր իցես ՚ի պահպանութիւն առաջնոյն, և որչափ յարատե յերկրորդին: Անձն աստուածասէր յայնժամ միայն ելանէ ՚ի սենեկէն յորժամ հարկն, հնազանդութիւնն և սէր՝ տան հրաման: Եւ դու առնիցես այսպէս, թէ աստանդական յածիս զվայրօք և ընդ քաղաքն: Այսպիսեացն տատանելոց մտօք դուև ուրեմն ընդառաջ լինի Աստուած:

Իսկ ՚ի խօսս պարտ է ընդ միտ ածել զժամանակն, զյեղանակն և զնիւթ խօսից: Այսինքն խօսել յորժամ իցէ ՚ի դէպ, և որինչ իցէ պատշաճ, և որպէս իցէ արժան: Քննեա եթէ պահպանիցես զլուծեան ժամսն, և ՚ի խօսելն արածիցես զհողմն ընդվայրաբանութեամբ, ծաղրածութեամբ, և զրուցիւք: Եթէ մինչ չև յառաջ բերեալ զխօսսն որոճայցես երկիցս, և մինչ չև քաջ կշռեալ և ողորկեալ չյօղիցես զբանսն, զհետ զնալով խրատու իմաստնոյն, որ ասէ. « Բայց զբերան քո բանիւ Աստուծոյ » . և սրբոյն Բեռնարգոսի. « Ի խօսելն բանք քո լիցին սակաւք, ճշմարիտք և զտեալք » : Կիր սանձ ՚ի բերան քո, և խնդրեա ՚ի Հոգւոյն սրբոյ, զի աղիս զիցէ բերանոյդ զու-

նափակօք , և զի բացցի միայն 'ի ժամուն և 'ի պաաշաճան :

Երկրորդ դարման առ 'ի ստանալ և պահել դամփոփունն մտաց՝ է յաճախ յիշատակ ներկայութեանն Աստուծոյ . և զայս պարտ է առնել ստէպ ընդ մէջ աւուրն զարթուցանելով զհաւատս թէ կամք առաջի Աստուծոյ՝ նա և ներքին խորհրդով մտաց և յօժարութեամբ սրտից մերոց . նոյնպէս և զսէրն , սիրելով զնա անձկանօք՝ որ կայ 'ի սրտի մերում . և զայս պարտ է առնել սլաքական ազդու սուղ բանիւք : Եւ այսոքիկ սլաքական բանք իցեն 'ի սրտէ , և ոչ միայն 'ի մտաց . և մի իցեն երկար և բազմախորհուրդ , զի մի միտքն հեռասցի . և զի ուղղեսցին առ Աստուած , ոչ որպէս յերկինս , այլ որպէս մօտ առ մեզ կացեալ : Քննեա արդ եթէ սովորեալ իցես յայս սուրբ ընտանութիւն ընդ Աստուծոյ . և Զան զիր կալոյ 'ի սմին , վասն զի է այս սքանչելի իմն յեղանակ առ 'ի կեալ յԱստուած և բորբոքիլ 'ի սէր նորա :

Բ . Աղօթքն , եթէ մտաւորք իցեն և թէ 'ի բան , զարթուցիչք են և տածիչք աստուածային սիրոյն և բորբոքիչք : Այլ զի լինիցին օգտութեամբ , միտ զիր և քննեա , ա . Եթէ 'ի մտանելն 'ի մտաւորական աղօթս՝ առնիցես զպարտութեամբ պատրաստութիւն : բ . Եթէ առնիցես առանց պակասեցուցանելոյ 'ի ժամանակէն , յարդանօք , վայելուչ զրիւք մարմնոյդ , և եռանդեամբ

Հոգւոյդ : գ . Յախիցեն առաւել ժամանակ
 'ի խոկալ քան 'ի կամել : դ . Ուխտք մտացդ
 իցեն միշտ մասնականք և գործնականք :
 ե . Յաւարտել խոկմանն առնիցեն համա-
 ոտ իմն քննութիւն՝ թէ որպէս արարեր
 զխոկումն : Քաջ միտ դիր 'ի սոսին և ուղ-
 զեա զքեզ՝ եթէ երբէք պակասիցիս յիմիք .
 զի վնասն որ աստի ծագէ՝ լինիցի մեծ :

Իսկ զաղօթից որ 'ի բան , ևս առաւել
 զժամերգութեանց , քննեա ա . Եթէ աղօ-
 թիցես 'ի պատշաճ վայրս : բ . Ի դէպ ժա-
 մու : գ . Ի վայելուչ դիրս : դ . Ի ձայն
 յատակ : ե . Մտադիր : զ . Ըստ սահմանելոյ
 կարգին : Եւ յորում գտանես զքեզ պակա-
 սեալ՝ ուղղեա . զի ասէ Աստուած . « Անի-
 ծեալ որ գործէ զգործ Տեառն հեղգու-
 թեամբ » :

Եթէ հսկեսցես 'ի ճիշդ պահպանու-
 թիւն այսոցիկ , ժամանեսցես 'ի ներքին միու-
 թիւն ընդ Աստուծոյ , և գորովով սիրոյ կա-
 պեսցիս ընդ նմա , յոր առ բորբորիլ ևս քան
 զեա՝ առաջիկայս խոկումն մեծապէս ձեռն
 տայցէ , որոյ մասունք են սոքին : Պարտ է
 մեզ սիրել զԱստուած , ա . վասն սիրոյն՝ ո-
 լով ինքն սիրէ զմեզ : բ . վասն յեղանակի
 սիրոյն՝ որով սիրէ զմեզ : գ . վասն կատա-
 րելութեանցն իւրոյ անչափութեան :



ԽՈԿՈՒՄՆ Գ

ԶՍԻՐՈՅՆ ԱՍՏՈՒԾՈՅ

Մաւն Ա

Պարտ է մեզ սիրել զԱստուած վասն սիրոյն՝ որով սիրէ նա զմեզ: Երեքին նշանք ճշմարիտ սիրոյ, որովք զատանի յանարժան սիրոյ, են ՚ի սէրն Աստուծոյ առ մեզ գերօրինակ. գործէ մեծամեծս, առատամիտ հասարակորդ առնէ զսիրելին ամենայն բարեաց իւրոց, կայ միշտ առ սիրելւոյն:

Ա. Գործէ մեծամեծս Աստուած առ սէրքո: Քանզի ընտրեալ կալաւ զքեզ ՚ի միջոյ անթիւ էակաց, և ստեղծ զքեզ յոչնչէ ՚ի պատկեր իւր. և բարեհաճեցաւ տալ քեզ գերապանձ կարողութիւնս հողոյ, ազնիւ գործարանս զգայութեան, համաչափութիւն անդամոց մարմնոյդ, սքանչելի զարդս բնութեան: Ի սէր քո ունի զաշխարհ ՚ի կայի, բազմացուցանէ զկենդանիս, բուսուցանէ զտունկս, կանաչագեղէ զգաշտս, և լիացուցանէ զպարտէզս պտղովք: Լուսւորէ զքեզ արեգակամբ, սնուցանէ զքեզ կերակրովք, օդով և հրով և ջրով, և ՚ի հողոյ հանէ քեզ զամենայն պէտս քո, և խնամէ զկեանս քո: Յաւել ՚ի սոսին և զմեծա-

մեծան 'ի գործոց , զփրկութիւն մարդկան ,
 և զառաքումն Հոգւոյն սրբոյ , և զորդեգրելն
 զքեզ յորդիս Աստուծոյ և յեղբայր Քրիս-
 տոսի և 'ի ժառանգ երկնից . զչնորհան մկր-
 տութեան , բարի կրթութեան , կոչման 'ի
 հաւատս , 'ի քահանայութիւն և 'ի կրօնա-
 տրութիւն : Եւ չիցեն այսոքիկ մեծամեծ
 գործք սիրոյն Աստուծոյ առ քեզ :

Բ . Շնորհեաց քեզ Աստուած զամենայն
 բարութիւնս իւր , նա և զանձն իսկ զլիտ-
 վին . քանզի ետ 'ի սէտս քո զամենայն
 բարիս մարմնաւորս , (ած 'ի հաւար մի առ
 մի .) զհրեշտակս քեզ 'ի սպահապան , զչնորհս
 'ի բարեգործել , զերկինս 'ի վարձ , յու-
 սուցիչ քեզ զՅիսուս , յօրինակ քեզ զկեանս
 նորա , զհոգի և զմարմին նորա 'ի զին փր-
 կանաց քոց , և զմարմին և զարիւն նորա 'ի
 սնունդ հոգւոյդ , զզեղումն սիրոյ նորա ա-
 ռատացոյց քեզ 'ի սուրբ հաղորդութեան .
 այնպէս զի անսահման իմաստութեամբ
 իւրով և ամենակալ զօրութեամբ իւրով ոչ
 կարէր առնել քեզ առաւելագոյն ինչ և լա-
 ւագոյն :

Այլ և զործեաց այլ ևս ինչ մեծ : Քան-
 զի սիրոյ երկու մասունք են , սէր բարերա-
 րութեան և սէր երախտազիտութեան . զա-
 ռաջինն Աստուած եցոյց մեզ անչափու-
 թեամբ , և 'ի սէր իւր ընկղմեաց զմեզ . ե-
 թէ ոչ յաւելոյր և զերկրորդ մասն սիրոյն՝
 'ի սէրս յայս որ 'ի մէջ մեր և Աստուծոյ ,
 յիւրաւի վայելէաք 'ի սէրն Աստուծոյ , այլ

մնայր 'ի մեզ ծառայական իմն նուաստութիւն և թերութիւն սիրոյ 'ի մէնջ առ Աստուած, մինչդեռ Աստուծոյն առ մեզ էր անչափ և ամենակատարեալ: Արդ զի և յայսմ գոցուք կատարեալք, և ամենայնիւ հաւասար ընդ Աստուծոյ 'ի սէրն լցեալ փայլեսցուք, խորհուրդս անճառս և յայսմ խորհեցաւ Աստուած, և գործեաց դարձեալ մեծամեծս, և բարձրացոյց զմեզ 'ի հաւասարութիւն ընդ իւր, և կոչեաց զմեզ բարեկամս և ոչ ծառայս: Ասան այնորիկ յոր ինչ ինքն վաստակեցաւ վասն մեր առաւելութեամբ սիրոյն առ 'ի փրկել զմեզ 'ի դատակնքեալ մահուանէ, ետ պատճառս և մեզ՝ թողեալ զմեզ յազատ կամս մեր, զի վաստակեսցուք և մեք 'ի սէր նորա, ըստ առաւելութեան սիրոյ մերոյ առ նա: Զի յընկղմել մեր 'ի սէր բարերարութեան նորա, և ինքն Աստուած ընկղմեսցի 'ի սէր երախտադիտութեան մերոյ, որով իրաւամբք լինիցիմք նմանք Աստուծոյ. « Զի նորիմբք աստուածեղէն բնութեանն լինիցիմք հազորդակիցք »: Եւ ո՞վ կարացէ հասանել մեծութեան գործոց սիրոյն Աստուծոյ. յոր բարձրութիւն առեալ եհան զբնութեան մերոյ զնուաստութիւն. կարիցեմք ինչ պարզել բանիւք, և ծայրիւ մատին ճաշակել յանհասութենէ խորհրդոց նորա, և ոչ նուաղեալ անկանել: Արդ յապուշ լեալ և ափիբերան երկրպագեսցուք անճառս լեաց գործոց մեծութեան սիրոյն Աստուծոյ:

Գ. Յայտնէ դարձեալ Աստուած զսէր իւր բնակելով միշտ առ քեզ 'ի սրտի քում, էութեամբ իւրով ըստ Առաքելոյն. «Նովա կեամբ, շարժիմբ և եմբ» . առաւել քան յօգոց՝ յԱստուծոյ պարափակեալ կամբ 'ի ներքուստ և արտաքուստ: Կարողութեամբ իւրով, քանզի կենդանացուցիչ քո է. զի նովա սնանիս, իմանաս, լսես, տեսանես, խորհիս, յիշես, խօսիս. զի ինքն յամենայնի գործակից է քեզ: Նախախնամութեամբ իւրով, զի իբրև զիւր որդի տանի զքեզ 'ի զիրկս, պաշտպանէ, խնամէ. խափանէ զչարիս, և առաջնորդէ քեզ 'ի բարիս, առնելով ընդ փորձութեան և զելան: Համառօտ ասել. Աստուած 'ի հոգեով քում և 'ի մարմնիդ բնակէ միշտ իբրև 'ի տաճարի առ 'ի ցոյց սիրոյ իւրոյ . քանզի ոչ կարէ երբէք բաժանել 'ի սիրելոյն:

Եւ արդ քանն ինքնին ուսուցանէ քեզ առնել զհատուցումն հաւասար. ապա պարտիս և դու առնել ինչ մեծ վասն Աստուծոյ. անյողզողդ 'ի փորձ մատուցեալ այնր ամենայնի՝ զոր ուխտեցեր յայսոսիկ աւուրս խոկման: Եւ պարտիս մատուցանել նմա բովանդակ զքեզ ինքն և զամենայն զքոյսդ, յորոց զխաւորագոյնք են պատիւ քո, անզորբութիւն, առողջութիւն և կեանք, կացեալ անվրդով յերբորդ աստիճանի խոնարհութեան: Եւ դու պարտիս կալ միշտ առաջի Աստուծոյ և միացեալ ընդ Աստուած ամփոփմամբ մտացդ, մտազիւր և եռան-

դազին աղօթիւք, և ՚ի ներկայութեան Աստուծոյ սովորեցուցեալ զանձն քո: Ո՛վ սերովբէք, արկէք և յիմ սիրտ կայծ իմն զերկնաւոր սիրոյն, որ այնպէս քաղցրացոյց և հեշտին զործեաց սրբոց զկատարումն երից այսոցիկ մասանց:

Մ ա ս ն Բ

Պարտ է քեզ սիրել զԱստուած այնպէս, որպէս նա սիրէ զքեզ: Նա սիրէ ըզքեզ ՚ի սէր յաւիտենական. զի սկսաւ սիրել զքեզ ՚ի յաւիտենից. « Ի սէր յաւիտենական սիրեցի զքեզ, վասն այնորիկ ձեցի զքեզ ՚ի զթութիւն » . թէպէտ և տեսանէր զապերախտութիւնս քո և զմեզս:

Սիրէ զքեզ ձրի, և ոչ ՚ի փոխարէն քումդ երախտեաց, կամ ՚ի հատուցումն վաստակոցդ, ըստ բանից սրբոյն Յովհաննու. « Յայսմ է սէրն, ոչ զի մեք սիրեցաք զԱստուած », և արժանի եղաք սիրոյ նորա, « Այլ զի նա սիրեաց զմեզ »: Եւ մեծ ևս այն է, զի « Մինչդեռ տակաւին թշնամիք էաք »: Եւ այս թուիցի՞ քեզ փոքր:

Սիրէ զքեզ ՚ի սէր անչափ. ըստ սիրոյն՝ որով սիրէ զանձն իւր, ՚ի սէր կատարեալ, այնպիսի սիրով քան զոր մեծագոյն սէր չիք ուրեք երբէք. սիրէ ՚ի սպառ: Եւ ՚ի սէր զորովական. բառնալով զքեզ ՚ի յուս իւր, և ՚ի զիրկս իւր, որպէս դայեակ որ զմանուկ իւր զգուիցէ, և պահելով զքեզ իբ-

րև զբիր աչաց իւրոց, սլատրաստ՝ի բարերարել քեզ: Լուսր զոր ասէ. Ի բարերարել քեզ: Իբրև թէ միայն իցես յաշխարհի. և միայնակ նսլատակ անսահման սիրոյ իւրոյ:

Ապա սլարտ է և ինձ, ո՛վ սէր ատուածային, զի և ես նախամեծար արարից զքեզ՝ առ ոտն հարեալ զայլ ամենայն սէր: Սիրեցից ճրի, ոչ առ երկիրդի սլատոյ, և կամ՝ յուսով վարձուց, այլ միայն վասն քո: Ի սերտ սրտէ սիրեցից, և ոչ բանիք և լեզուօք, այլ արդեամբք և ճշմարտութեամբ: Հաստատուն ըղձիք, զոչելով ընդ առաքելոյն. «Ո՛վ մեկնեսցէ զիս՝ի սիրոյ քումիէ. թէ անձկութիւն, թէ վիշտ, թէ հալածանք, թէ սուր . . . և ոչ մի ինչ. զի եմ՝ աներկբայ զի ոչ մահ, ոչ կեանք, ոչ հրեշտակք, ոչ իշխանութիւնք, և ոչ այլ ինչ արարած կարասցեն մեկնել զիս՝ի սիրոյ Աստուծոյն իմոյ »:

Մասն Գ.

Աստուած արժանի է սիրոյ վասն անհուն կատարելութեանց իւրոց. Անչափ է սիրելի. և որ միանգամ սկսանի սիրել զԱստուած, անդէն փոխի յԱստուած, և առ սիրով նորա զայլն ամենայն համարի իբրև զչամանդաղ առ տիեզերօքս: Գեղեցկութիւն նորա՝ի վեր է քան զմիտս և զբան. զի և երանեալքն յերկինս վայելել վայելեն՝ի սէրն Աստուծոյ զմայլեալ ընդ գեղեցկու-

թիւն նորա , այլ ոչ կարեն սահմանել մտօր
 դչափ զեղոյն : Եւ իցէ ինչ չափ բարու-
 թեան նորա , մինչև խոնարհեալ ՚ի յետին
 նուաստութիւն հանել զմեզ զթշնամիս իւր
 յաստուածական պատիւ և ՚ի փառս : Նոյն
 պէս և զսրբութիւն և զխմաստութիւն նորա
 ով կարէ առնուլ ՚ի միտ : Եւ կարողութիւն
 նորա անբաւ . զի զոր կամի , ՚ի կամել անգ
 կատարէ . և անհնարինքն հնարաւորք են
 նմա :

Ի ևս ճոխ . զի ամենայն մեծութիւնք
 աշխարհի իբրև հատ մի աւազոյ են առաջի
 հարստութեանն Աստուծոյ : Եւ այնպէս
 նախատես և խնամակալ , « Ձի իբրև զմէտ
 մի ՚ի նժարից կշռոյ է ամենայն աշխարհս
 առաջի նորա , և իբրև զկաթ մի առաւօտի
 ցօղոյ » : Եւ այնպէս յարակայ , յորում « Ձիք
 փոփոխումն և կամ շրջելոյ ստուեր » : Եւ ի-
 ցէ չափ զօրութեան նորա : Եւ ո՞ կարասցէ
 պատմել զօրութիւնս նորա , և զմեծութիւնս
 դործոց նորա : Եւ սա ինքն Աստուած ամե-
 նագօր զմեզ զոչինչքս ՚ի սէր իւր հրաւիրէ ,
 և մեք զանդադիցիմք սիրել զնա յամենայն
 սրտէ : Ա՛հ . արա՛ սկիզբն սիրելոյ զնա , և
 առնուցուս զչափ անչափ քաղցրութեան
 նորա . սիրեա զնա . բայց սէր քո իցէ ճշ-
 մարիտ , ջերմ և արդեամբք . այնպէս զի
 վախճան կրթութեանս լինիցի սկիզբն կա-
 տարելագունի կենաց , օր ըստ օրէ մինչև
 ցօր մահուն անգուլ առաւել գերազանցեսցէ
 ՚ի կատարելութեան :

Ի Ղ Ձ Ք

Ո՛վ սերովբէք, վկայք ճշմարտութեան,
 յո՞ր սահման եհաս անդիտութիւն և յող-
 զողգութիւն մարդկան, մինչև պիտոյ լինել
 ազդոյ խթանի՝ ի դարթուցանել զնա՛ ի սէր
 դերագոյն բարւոյն: Ո՛վ անձն յիմարեալ,
 Աստուած՝ ի սէր քո, վասն քո մեծամեծս
 գործեաց. ճոխացոյց դքեզ անթիւ բարե-
 բարութեամբք. մեծամեծ նպաստիք, և
 միշտ մօտ առ քեզ կայ՝ ի սիրել, ի խնա-
 մել և յառաջնորդել քեզ, և դու ոչ ինչ
 փոյթ յանձին ունիս՝ ի փոխարինել սիրոյ
 նորա:

Անձն եղկելի, Աստուած է որ սիրէ
 դքեզ... Աստուած. դքեզ... Ամենագօրն.
 զմարդ ոչինչ: Եւ սիրէ՝ ի սէր յաւիտենա-
 կան, անչափ, ճրի, գորովական. և դու
 զնա չկամիցիս սիրել: Ապերախտ դու, սի-
 րես զայր՝ որ քեզ կամիցի բարիս. նա ա-
 ւանիկ եթէ անասնիկ քո քծնիցի դքե, սի-
 րես զնա: Եւ Աստուած, որ դքեզ ընդդրկէ,
 պարզևաբաշխ լինի քեզ, խնամէ, զարդա-
 րէ, պահպանէ, յանչափս դքեզ սիրէ, չհա-
 մարիցիս զնա արժանի քումդ սիրոյ: Եւ
 իցէ՞ հնար. և կայցես այսպէս ցո՞րտ, խիստ,
 անլուր, ատեցող փառաց նորա, վայրա-
 քարշ: Եւ իբր իցէ հնար քեզ աչօք բացօք
 զլոյսն խաւար ասել և զխաւարն լոյս: Որ-
 քի սի՛ փոխանակութիւն սիրոյանհաս մտաց

դնէ Քրիստոս 'ի մէջ իւր, Հօր, և քո. «Ես
'ի նոսա, ասէ առ Հայր, և դու յիս, և նո-
քա 'ի մեզ» . յոր սէր, և յոր բարձրութիւն
առեալ հանէ գրեզ. և դու անդգայեալ ոչ
ինչ հոգաս զսիրոյն Աստուծոյ. և թողեալ
զԱստուած, համարիս ինչ զսէր աշխարհի:

Ո՛վ Աստուած ողորմութեանց ճանա-
չեմ՝ զապերախտութիւն իմ: Ամաչեմ և ա-
մօթասպարտ գերկիր նշմարեմ՝ առաջի քո:
Ա՛հ. զսէրն իմ՝ ոչ սիրեցի. Աստուած, որ
սիրէն զիս անչափապէս, և որ վասն ան-
չափ բարութեանն իւրոյ և կատարելութեան
յանչափս է սիրելի, ոչ ընկալաւ յինէն զսէր
փոխադարձ. այլ ընդ սիրոյ թշնամանս:
Ես ինձ բարերար, ես նմին ապախտաւոր.
նա սիրէ, ես առեամ: Բայց արդ լացից
դառնապէս զխստութիւն սրտիս: Յաղթե-
ցեր, ո՛վ սէր անչափ, յաղթեցեր. ձգեցեր
առ քեզ զսալացեալ սիրտ իմ, հալիմ արդ
իրբև զմով 'ի հուր սիրոյ քո. և բորբոքեալ
ծախիմ ընկղմեալ 'ի սէր քո: Յաղթեցեր,
ո՛վ հուր սիրոյ, յաղթեցեր. ահա զսիրտ իմ
ընդ սրտի Քրիստոսի քո 'ի մի հուր վա-
ռեալ բորբոքեալ տեսանեմ, Աստուած իմ.
յորո՞ց խորոց թշուառութեանց յոր բար-
ձրութիւն երանութեան առեալ հանես զիս,
Աստուած իմ, ըստ ոչ արժանեաց իմոց:
Ո՛ր բերկրութիւն անպատում, որով լնում
'ի հանել քեզ 'ի նուէր զսիրտ իմ. Չքեզ
միայն սիրեցից յայտմ հետէ. և զի անա-
դան սկսայ սիրել, առաւելութեամբ սիրե-

լցուցից զթերին, և յայսմ հետէ բորբոքեցայց ՚ի սէր քո անշէջ. զի մարմին և արին ոչ յայտնեցին ինձ զսէր քո, այլ դու, Հայր իմ, որ յերկինս ես:

Սիրեմ զքեզ, սիրեմ, ո՛վ սէր, ո՛վ բարութիւն, ո՛վ զեղեցկութիւն անչափ: Սիրեմ զքեզ, ոչ ակնկալութեամբ վարձուց, և ոչ յերկիւղէ պատուհասին, այլ վասն քո, զի ես բարութիւն անհուն, և զի արժանի առնես զիս քումդ սիրոյ: Եւ սիրեմ զքեզ յամենայն անձնէ, յամենայն սրտէ, յամենայն զօրութենէ և յամենայն մտաց իմոց, ՚ի վեր քան զամենայն. և առ սիրով քով համարիմ կղկղանս զամենայն հաճոյս, զամենայն ճոխութիւնս և զամենայն փառս և զպատիւ և զկեանս իսկ զլիսովին: Ծառայեցից քեզ յոր վայր և կամիցիս, յոր պաշտօն, յոր աստիճան, յոր կոչումն և կոչեսցես: Նմանող եղէց Յիսուսի յերրորդ աստիճանի խոնարհութեան, նման նմա եղէց ամենայնիւ, անփոփոխ ՚ի սէր, անդարձ, ամենայն զօրութեամբ մտաց և կամաց, թեակոխեալ միշտ առ մեձ ևս կատարելութիւնս: Տուր հաստատութիւն ուխտից սրտի իմոյ. զի եթէ ցայս վայր կեցի ՚ի մեզս, գոնեա մեռայց ՚ի սէր:

ԵՐԿՐՈՐԴՈՒՄՆ ՍՈՒՂ

Ա. Պարտ է մեզ սիրել զԱստուած վասն սիրոյն՝ որով նա սիրէ զմեզ: Ի սէրն Աստուծոյ առ մեզ են երեքին նշանք ճշմարիտ սիրոյ գերօրինակք: Զի գործէ մեծամեծս. Աստուած գործեաց վասն քո, ստեղծ զքեզ յոչնչէ, եւ զերիս պքանչելի կարողութիւնս հոգւոյդ, զզգայարանս անթերի մարմնոյդ, և անձինդ ողջոյն բնական հանգամանս ազնիւս: Պահէ զաշխարհ վասն քո, ամենայն բարութեամբ լնու զնոյն վասն քո: Գարձեալ՝ զի զքեզ փրկեաց, սրբեաց, յորդեգիրս ընկալաւ, լցոյց շնորհօք, և սլատրաստեաց քեզ զգրախան:

Ճշմարիտ սիրող զսիրելին հասարակորդ առնէ ամենայն բարեաց իւրոց: Աստուած արար զսոյն գերազանց իմն օրինակաւ, զի ոչ շատ համարեալ զարարչագործութիւն անթիւ արարածոց վասն քո, եւ քեզ զԱստուածորդին զի փրկեսցէ զքեզ, և մանաւանդ ՚ի սուրբ հաղորդութեան արար զնա ընդ քեզ ՚ի մի մարմին, տալով զնա քեզ ՚ի կերակուր. և ՚ի տանջանս քեզ հաղորդ՝ մատնեալ ՚ի ճաշակ անարժանից ատելեաց իւրոց բազմաց:

Սիրողն կայ միշտ առ սիրելւոյն: Աստուած երբէք չթողու զքեզ միայնակ. կայ առ քեզ էութեամբ, կարողութեամբ և նախախնամութեամբ իւրով. և դու չկամիցին փոխարինել անչափ սիրոյ նորա. չկամիցին առնել մեծամեծս վասն նո.

րա . չառնիցէն զնա հաղորդ ամենայն բարեաց
քոց , մանաւանդ թէ չմատուցանիցէն բովանդակ
զանձնդ նմա . չցանկանայցէն կալոյ միշտ առ նմա :

Բ . Պարտ է քեզ սիրել զԱստուած այնպէս որ
պէս նա սիրեաց զքեզ : 'Նա սիրէ զքեզ 'ի յաւիտե
նից , ճրի , առանց ինչ քոյոց արժանեաց , անհուն
սիրով և անչափ գորովով :

Գ . Պարտ է սիրել զԱստուած վասն անչափ
կատարելութեանց իւրոց : Յանչափս է սիրելի և
գեղեցիկ և բարի , մինչև զի որ բորբոքի 'ի սէր Աս
տուծոյ՝ փոխի յԱստուած . և գու տակաւին գան
դաղիցնս միանալ յամենայնի ընդ Աստուծոյ , և
պատարագիլ ողջակէզ 'ի սէր նորա :

Ընթերցիր

Թովմ . Գեմբ . Գիրք Գ . ԳԼ . 34 :



Յ Ա Ն Կ

Հրաւեր 'ի սուրբ առանձնութիւն 1

Յ Օ Դ Ո Ւ Ա Ծ Ք

Ա. Պատճառք խրախուսիչք 'ի մտադիր փոյթ հրահանգաց կրթութեան	2
Բ. Ազգումն ներքին պատրաստութեան հո- գւոյ	6
Գ. Պատրաստութիւն արտաքին իրաց կարևո- րաց 'ի կրթութիւն	9
Դ. Ազգմունք կարևորք 'ի կրթութեան պա- հու	10
Ե. Ընթացք կրթութեան	14

Օ Ր Ա Ռ Ա Զ Ի Ն

ԽՈԿՈՒԾՆ Ե.	Վախճան մարդոյ	21
	ԻՂՁԳ	28
	ԵՐԿՐՈՐԴՈՒԾՆ ՍՈՒՂ	30
ՊԵՐԵՊՈՒԾՆ 'ի խոկումն առաջին, որ կոչի Հիմն		32
ԽՈԿՈՒԾՆ Բ.	Վախճան առն ուխտիւք կա- պելոյ	47
	ԻՂՁԳ	55
	ԵՐԿՐՈՐԴՈՒԾՆ ՍՈՒՂ	58
ԽՈՐՀՐԴԵԿՑՈՒԹԻՒՆ անխաիր համակամու- թեան տեղոյ, պաշտաման,		

	աստիճանի և տկարու թեան և առողջութեան	59
ԳՆՆՈՒԹԻՒՆ	խոչից խափանչաց անխտիր հա- մակամու թեան	69
ԽՈԿՈՒԾՆ Գ.	Երկրորդումն երկուց առաջ նոց խոկմանց	72
	ԵՐԿՐՈՐԴՈՒԾՆ ՍՈՒՂ	79

ՕՐ ԵՐԿՐՈՐԴ

ԽՈԿՈՒԾՆ Ա.	Ի վերայ պատժոյ մեղացն հրեշ- տակաց և Ագամայ	82
	ԻՂՁԳ	91
	ԵՐԿՐՈՐԴՈՒԾՆ ՍՈՒՂ	96
ՊԱՐԱՊՈՒԾՆ	ցաւ և դարչումն 'ի մեղաց	98
ԽՈԿՈՒԾՆ Բ.	Յաղագս մեղաց անձին ա- ռանձին	115
	ԻՂՁԳ	122
	ԵՐԿՐՈՐԴՈՒԾՆ ՍՈՒՂ	124
ԽՈՐՀՐԴԱԿՑՈՒԹԻՒՆ	'ի վերայ կրկին արմա- տոց մեղաց	125
ԳՆՆՈՒԹԻՒՆ	Թերութեանց որ յամբարտա- ւանութենէ և 'ի հաճոյից մարմնոց	133
ԽՈԿՈՒԾՆ Գ.	Յաղագս դժոխոց	137
	ԻՂՁԳ	146
	ԵՐԿՐՈՐԴՈՒԾՆ ՍՈՒՂ	150

ՕՐ ԵՐՐՈՐԴ

ԽՈԿՈՒԾՆ Ա.	Մահ	152
	ԻՂՁԳ	158
	ԵՐԿՐՈՐԴՈՒԾՆ ՍՈՒՂ	161
ՊԱՐԱՊՈՒԾՆ	'ի ծանօթութիւն անձին	162
ԽՈԿՈՒԾՆ Բ.	Առանձնական դատաստան	174

ԻՂԶՔ	180
ԵՐԿՐՈՐԴՈՒՄՆ ՍՈՒՂ	182
ԽՈՐՀՐԳԱԿՑՈՒԹԻՒՆ 'ի վերայ պատրաստու [Թեան մահուան	183
Ա. Յեզանակ ընդունելոյ քրիստոնէաբար զառաջին լուր մահուն առ դուրս հասելոյ	184
Բ. Քննու[թիւն 'ի վերայ անցեալ և այժ մեան վիճակի կենաց հոգւոյն	186
Գ. Հոգևորական ընդունելու[թիւն վերջին [Թոշակին և օժման	189
Դ. Իզճք հոգւոյն զկնի մահուան	191
ԽՈԿՈՒՄՆ Գ. Ի վերայ անառակ որդւոյն	193
ԻՂԶՔ	198
ԵՐԿՐՈՐԴՈՒՄՆ ՍՈՒՂ	201

ՕՐ ԶՈՐՐՈՐԴ

ԽՈԿՈՒՄՆ Ա. Թափաւորու[թիւն քրիստոսի	204
ԻՂԶՔ	212
ԵՐԿՐՈՐԴՈՒՄՆ ՍՈՒՂ	214
ՊԱՐԱՊՈՒՄՆ յաղագս նմանող լինելոյ քրիս տոսի	216
ԽՈԿՈՒՄՆ Բ. Յաղագս մարդեղու[թեան	226
ԻՂԶՔ	229
»	232
ԵՐԿՐՈՐԴՈՒՄՆ ՍՈՒՂ	233
ԽՈՐՀՐԳԱԿՑՈՒԹԻՒՆ 'ի վերայ խոնարհու[թե	234
ՔՆՆՈՒԹԻՒՆ 'ի վերայ նորին առաքինու[թե	242
ԽՈԿՈՒՄՆ Գ. Ի ծնունդ Տեառն մերոյ Յի սուսի	248
ԻՂԶՔ	251
ԵՐԿՐՈՐԴՈՒՄՆ ՍՈՒՂ	254

ՕՐ ՀԻՆ ԳԵՐՈՐԴ

ԽՈԿՈՒՄՆ Ա.	Փախուստ Յիսուսի յԵգիպտոս	255
	ԻՂՁԳ	260
	ԵՐԿՐՈՐԴՈՒՄՆ ՍՈՒՂ	262
ՊԱՐԱՊՈՒՄՆ	սպարաստութիւն առ ձայն հոջմանն	263
ԽՈԿՈՒՄՆ Բ.	Ի վերայ առանձին կենաց Տեառնն մերոյ Յիսուսի	276
	ԻՂՁԳ	282
	ԵՐԿՐՈՐԴՈՒՄՆ ՍՈՒՂ	283
ԽՈՐՀՐԴԱԿՑՈՒԹԻՒՆ	'ի վերայ մեռուցման	284
ՔՆՆՈՒԹԻՒՆ	'ի վերայ առաքինութեան մեռուցման	293
ԽՈԿՈՒՄՆ Գ.	Ի վերայ մնալոյն Յիսուսի 'ի տաճարն	297
	ԻՂՁԳ	304
	ԵՐԿՐՈՐԴՈՒՄՆ ՍՈՒՂ	305

ՕՐ ՎԵՅԵՐՈՐԴ

ԽՈԿՈՒՄՆ Ա.	Կրկին գրօջք Քրիստոսի և Արուսեկին	307
	ԻՂՁԳ	315
	ԵՐԿՐՈՐԴՈՒՄՆ ՍՈՒՂ	317
ՊԱՐԱՊՈՒՄՆ	Թէ զինչ իցէ նստատակ կրթութեան առուրս	319
ԽՈԿՈՒՄՆ Բ.	Ի վերայ երկց կարգաց մարդկան	332
	ԻՂՁԳ	337
	ԵՐԿՐՈՐԴՈՒՄՆ ՍՈՒՂ	339
ԽՈՐՀՐԴԱԿՑՈՒԹԻՒՆ	'ի վերայ երկց աստիճանաց խոնարհութեան	340

ՅԵՂԱՆԱԿ Ընտրութեան կոչման	348
Ն. Կրթութիւն կամաց, որ է երկրորդ ժամանակ	349
Բ. Զկրթութենէ մտաց, որ է երրորդ ժամանակ	350
Գ. Կատարումն ընտրութեան	351
Դ. Կանոն ընտրութեան հոգւոյ յորմէ աւ ուաջնորդիմքն	353
ԽՈԿՈՒՄՆ Գ. Աւաւեւութիւնքն երրորդ աւ տիճանի խոնարհութեան	355
ԻՂԶՔ	358
ԵՐԿՐՈՐԴՈՒՄՆ ՍՈՒՂ.	359

ՕՐ ԵՕԹՆԵՐՈՐԴ

ԽՈԿՈՒՄՆ Ն. Զոր ինչ կրեաց Յիսուս ընդ գէմ պատուոյն. և որպէս տարաւ այնոցիկ ՚ի խրատ մեզ.	361
ԻՂԶՔ	367
ԵՐԿՐՈՐԴՈՒՄՆ ՍՈՒՂ.	369
ՊԵՐԱՊՈՒՄՆ ՚ի պատուս կրթութեան այսր աւուր	370
ԽՈԿՈՒՄՆ Բ. Յաղագս կրելոցն Քրիստոսի յանձին իւրում, եթէ որպէս տարաւ յորինակ մեզ	381
ԻՂԶՔ	388
ԵՐԿՐՈՐԴՈՒՄՆ ՍՈՒՂ.	391
ԽՈՐՀՐԴԱԿՑՈՒԹԻՒՆ զերանութենէ և զվաւ ուաց հոգւոյ անարգելոյ և վշտագնելոյ.	392
ՔՆՆՈՒԹԻՒՆ ՚ի վերայ համբերութեան և հնա զանդութեան	396
ԽՈԿՈՒՄՆ Գ. Ի վերայ մահուան Քրիստոսի ՚ի խաչին.	400
ԻՂԶՔ	406
ԵՐԿՐՈՐԴՈՒՄՆ ՍՈՒՂ.	408

Յ Ե Բ Ե Բ Ե Բ Ե Բ Ե Բ

ԽՈԿՈՒԾՆ Ե .	Յարուժիւն Քրիստոսի . . .	409
	ԻՂԶՔ	415
	ԵՐԿՐՈՐԴՈՒԾՆ ՍՈՒՂ	416
ՊԱՐԱՊՈՒԾՆ Վան վերջին առուր կրթութիւն .		418
ԽՈԿՈՒԾՆ Բ .	Ի վերայ սիրոյն Քրիստոսի . . .	428
	ԻՂԶՔ	433
	ԵՐԿՐՈՐԴՈՒԾՆ ՍՈՒՂ	436
ԽՈՐՀՐԴԱԿՑՈՒԹԻՒՆ միաբանելոյ զկամս մեր		
	ընդ կամացն Աստուծոյ	437
ՔՆՆՈՒԹԻՒՆ ամբողջման մտաց և ալօթից		446
ԽՈԿՈՒԾՆ Գ .	Զսիրոյն Աստուծոյ	450
	ԻՂԶՔ	457
	ԵՐԿՐՈՐԴՈՒԾՆ ՍՈՒՂ	460



381		
388		
391		
393		
396		
400		
406		
408		

3209

3111